

E lab júu[^] quiá'- Dsea` Jmáang⁻ e cajme' LUCAS

E uiing[~] e cajme' Lucas e jì' la

¹ Teófilo, niñib[^] 'nua' e fñim' dsea` cajme'r' fí' ni[~] jì' jalé' e nicalí⁻ jee[~] jneaa[~]aa', ² jo cajme'r' laco' júu[^] e cajmée` jaléng[^] i dsea` i cangá⁻ jial calí⁻ lamí⁻ cagüéng⁻ Jesús fí' jmigüí' la, jo i dsea` íb[^] i ca'e' jalé' júu[^] quiá'- Jesús cajo. ³ Jo nica'nób[^] jnea[~] cajo, jo nicalidseám' dsii⁻ jalé' e já'- e calí⁻ latí' mi[~] uiing[~] jo latí' lana, joba' nijmée'[~] e 'nua' júu[^] jial calí⁻ lamí⁻ cateáng⁻ Jesús fí' jmigüí' la, ⁴ jo lajoba' dseáng⁻ lajang⁻ niliñí'[^] jalé' e júu[^] e nica'e'[^] dsea` 'nua'.

Jaang` ángel cajmээр` júu[^] e niliseeng` Juan i seáang` dsea` jmii`

⁵ Jo lajee[~] líng' Herodes dseata[~] dsea` féng['] quiá'- Judea, jo seeng` jaang` jmidsea` quiá'- dsea` Israel i sii` Zacarías, i líng' dsea` quiá'- jaang` jmidsea` i sii` Abías. Jo i dseamí' quiá'- i Zacarías do siir` Elisabet, siju[~] jaang` jmidsea` i calisí' Aarón. ⁶ Jo lajì huáam⁻bre núu^{'r} jalé' ta[~] quiu'['] Fidiée[~], jo eám' guiúíñ⁻ fí' quini[~] dsea` do cajo e laco' jíí'[~] jaang` dsea` ja' cuóøng` cuó'-reiñ' do dsee⁻. ⁷ Jo dsu' ja' i jóor' seeng`, co' i dseamí' do ja' cuóøng` nidsiquieeiñ[~] yuu[~], jogui dsím⁻ nidseáaiñ⁻ lajì huáaiñ⁻ do cajo.

⁸⁻⁹ Jo coo` jmii[~] catíng⁻ jaléng[^] jmidsea` e lí' quíing[^] Zacarías do e nijmiféiñ'['] Fidiée[~] fí' dsíí' guá'- fé' e si' fí' Jerusalén, jo nitíng⁻ lajee[~] la'ó'

jmidsea` e guíng` yaaiñ` i` i nitíng` e nijír` sũ` fí nife`, jò Zacaríasbing` catíng` ie` jò. ¹⁰ Jò 'ñiab` Zacarías ca'ír` tí nife` ie` jò e quier` e sũ` do. Jò lajee` coo` e sũ` do, lajalém` dsea` teáaiñ` fí caluu` e jmfíeiñ` Fidié`. ¹¹ Jò lajee` iuung` Zacarías fí nife` do, jò coo` cajném` jaang` ángel quiá'- Fidié` lí- lí dsée` e nife` e lí iuuiñ` jír` e sũ` do. ¹² Jò mi` cangáng` Zacarías i` ángel do, dsíng`- cafóíñ` jii` ja` ñir` e` nijmér`. ¹³ Jò cajíng` i` ángel do casír` Zacarías:

—Ja` fóøñ`, Zacarías, co' nicanúub` Fidié` lajii` júu` e nicamá` na'r do, jò lana dseam` quií`- nidsiquieeiñ` jaang` yũũ` siñũũ` i` nitó` e nilisii` Juan mi` niliseeiñ`. ¹⁴ Jò fím` dsea` nili'iaang` dsíir` jogui dsíng`- nili'iaang` óo' 'nú` e niliseeng` i` yũũ` quií`- na' do cajo, ¹⁵ co' mi` nicuáiñ, dsíng`- nilifíeiñ` fí quini` Fidié`. Jò ja` méé` ni'ír` carta` niteáiñ` fí jmigüi, jogui nú`-gui e niliseeiñ, ni'íñ` Jmigüi quiá'- Fidié` e nijmicóo` quiá'r` lajii` ta` e nijmér` fí jmigüi la. ¹⁶ Jogui nijmér` e niquí`- jíng` yaang` fím` dsea` Israel fí quini` Fidié`. ¹⁷ Jò i` Juan do ni'íñ` Jmigüi quiá'- Fidié` laco' ca'íng` jaang` dseañũ` i` cali'gøng` eáang` i` calisí Líí, jaang` i` café` cuaiñ` quiá'- Fidié` mali`-gui eáang`. Jòba' i` Juan na niguiár` júu` mi` nijaquíéng` e nijáa` Dsea` Jmáang` e laco' røøb` nisíng`-tu jaléng` jóo` dsea` cóo`- jaléng` sejmiir`, jogui e laco' jaléng` dsea` i` jo` núu`- júu` quiá'- Fidié` niquí`- jíng` yaaiñ` mi` ninúr` jalé` júu` e niguiá` i` dsea` í. Jò lajòba' nijmér` e niguíéng` guiá` yaang` dsea` e nijmicuíñ` Dsea` Jmáang`.

¹⁸ Jò mi` cató` e fé` i` ángel do jalé` júu` quiá'-

Fidiéě, jō cajmingi' Zacarías i ángel do:

—¿Jial nilita~ dsi` jnea~ jalé" e jō, co' nidseám~baa' eáang' cóo~ dseamf' quié~e?

¹⁹ Jō cañíi' i ángel do:

—Jneab~ i ángel Gabriel, jō jmóo`o jalé" ta~ e iing~ Fidiéě, jō íb` dsea` casíiñ` jnea~ e cagajméé" e 'nñá` jalé" e juguiú~ e nifá"-a na. ²⁰ Jō dsu' uíi~ e ja` já"-calín"- jalé" júu^ quié~e, jōba' latí' lana nijá" e jo` lí fo^ jii~ camí" júu^ cartí' niliti~ lajii~ júu^ e nifá"-a na, jō jōguib nifo"tu' jóng.

²¹ Jō lajee` súnng` Zacarías cóo~ i ángel do, jō caluu` guá"- féb" teáang~ jaléng" i dsea` i sijeeng` ír` do. Jō lajaléng" i dsea` do ninaang` í dsír' jiali' cali'ing~ Zacarías eáang' fí lí~ cangór~ fí nife" do.

²² Jō dsu' mi~ cagüi"í' Zacarías fí jō, jo` lí fé'r'. Jōba' dsifí' lajōb calilí" jaléng" i dsea` i teáang~ caluu` do e liim~ba' e cangáiñ"- do e fí dsí' guá"- do. Jō dsifí' ladob canaang` Zacarías e jmóor` lí cóo~ guóor` quiá"- jial e cangár~ do, jō cangoca`bi e líiñ" lado.

²³ Jō mi~ cangí jō, mi~ catí í" e cadsíng~ lajii~ jmíi~ e catíng~ Zacarías e iuuiñ~ fí sinúu^ guá"- do, jō cangám"-bre fí quiá'r-. ²⁴ Jō mi~ calicóng`gui lajō, yuub` cacóng~ dseamf' quiá'r-. Jō lajee` 'ñíing~ si" jo` cagüi"í' i dseamf' do sinúu^ quiá'r-, jō lajee` jō í dsír': ²⁵ "Gui'máam" Fidiéě quiá"- e guiá" e jmóor` cóo~ jnea~ e lacō' jo` nifé" dsea` ga` uii~ quié~e."

Mi~ cajméé` i ángel do júu` e niliseeng` Dsea` Jmáang~

²⁶ Jō mi~ cadsíng~ jñúung~ si" lajō, coo` jmíi~ casíng` Fidiéě i ángel Gabriel do fí coo` fií lí~ sii` Nazaret e néé' fí lí~ se' Galilea. ²⁷ Jō casíiñ` dsea` do fí quiá"- jaang` simí" i sii` Yá^ i ninéé' júu^ quiá"-

cóo'~ jaang` siming` siju` Daví` i sii` Sé`. 28 Jo mi` caguié` i ángel do fí` quiá'` i simí` do jo casí`-rein':

—Juguiá` o` quíi'`, simí`, co'`'nua`bing` i nicaguíng` Fidiéé` lajee` lajaléng` dsea` i seeng` fí` jmigüi, jo Fidiéeb` nijmicóo'`'nua`.

29 Jo mi` canúu` i simí` do júu` quiá'` i ángel do, dsíng`-cangogá` dsír'` jo ca'f` dsír'` e` uing` e` cajíng`-dsea` do lado.

30 Jo cajíng`-tu` i ángel do:

—Ja` fóon` júi` coo`, co'` iáam` dsíi` Fidiéé` cóo'`'nua`, 31 jogui` lana nigüi`quiéen` jaang` yuu` siñuu`, jo mi` niliseeiñ, nitó`na' e nilisiir` Jesús. 32-33 Jo mi` nicuáiñ, nijmé` Fidiéé` e nilíñ` jaang` dsea` féng` laco'` calíng` i sijur` Daví` do. Jogui` i yuu` do quíi'` latab` niquiá'r` ta` quiá'` lajaléng` dsea` Israel, jogui` niquiá'r` ta` cajo` fí` la'úng` fí` jmigüi, jogui` nilisiir` Jóo'` Fidiéé` dsea` guing` ñiff`.

34 Joba'` cajmingi'` Yá` i ángel do:

—¿Jial` cuóong` nilí` lajo? Ja`gui` cóo'`o` dseañu`.

35 Joba'` cañi'` i ángel Gabriel do:

—Fidiéé` dsea` guing` ñiff` nijmér` cóo'` güea`'gøng` quiá'r` e niquin`-lafa'` jee` cabøø` jnií, jo lajee` joba'` nicuó'r`'nua` Jmiguí` quiá'r`, jo joguiba'` nigüi`quiéen` i yuu` güeang` i líng` Jóo'` Fidiéé` do.

36 Jogui` i nií` i sii` Elisabet, jaang` dseamf` i niyúng` eáang`, jñúung` si` ningoó` e quíeeiñ` jaang` yuu` siñuu`. Jo` i dseamf` do` i nica'éeng` dsea` eáang` e ja` jiuung` nicóoñ, yuub` niquíeeiñ` lana, 37 co'` jaléb` tñing` Fidiéé` jmér`.

38 Joba'` cañi'` Yá`:

—I` quiá'` Fidiéeb` jnea`. Güijméeb` Fidiéé` cóo'` jnea` laco'` nicafee'` na.

Jø mi~ calí~ sáiiñ` lado, jø cangám'-tu i ángel do fí lí~ cajar~.

Mi~ cangó~ Yá^ e cango'eer^ Elisabet

39-41 Jø dsifí mi~ cangí lajō, cangó~ Yá^ fí cōō` fii e née' fí jee~ mó' lí~ se' Judea e cango'eer^ i níir^ Elisabet i cōō' Zacarías do.

Jø mi~ caguiér~ fí jø, jø cangoféiñ' dsea` do. Jø mi~ cató~ Yá^ cató'r~ Elisabet, dsifí ladob cajóng' i yuu i iuung~ dsí' tu' Elisabet, jogui dsifí ladob ca'íng' Elisabet Jmiguí` quíá'- Fidiée'. 42 Jøba' cajíng'- i Elisabet do casí'r~ Yá^ e ngocáng` dsír' jø cajíñ'-:

—'Nu'bing' i nicajmigüeang'^ Fidiée' lajee' lajaléng' dseamí i seeng' fí jmigüí, jogui nicajmigüeaiñ' yuu quíí'- cajo. 43 ¿i~ jnea~ e níja'ee~ níquiá'^ Fíi' jnea~? 44 Co' mi~ canú~u e cate' jnea~, dsifí ladob cajóng' yuu quíé~e lí~ iuuiñ~ fí dsí' tú' u e iáang` dsír'. 45 Jøba' eám' juguiá~ quíí'-, cō' jáb'- calín'- e níiti~ jalé' júu^ quíá'- Fidiée' e cacuø'r' 'nu'. 46 Jøba' cajíng'- Yá^: Dsíng'- jmifén' jnea~ Fidiée',

47 jogui dsíng'- iáang` dsii~ cōō'r~ cajo, cō' íbre dsea` caleáaiñ` jnea~ jee~ dsee~ quíé~e.

48 Dsu' jnea~ lín'n jaang` dsea` quíá'- Fidiée' i ja' jmiféng' 'ñia', jø si'ím' Fidiée' jnea~, jø latí' lana jø cartí' rōō` jmigüí nifé' jaléng' dsea' jmigüí juguiá~ uii~ quíé~e.

49 Co' Fidiéeb' dsea` 'gøiñ' fí la'úng~ fí jmigüí, jogui jmiguiab' jalé' e nicajméer` cōō' jnea~ cajo,

cō' íbre dsea` güeaiñ' fí latøøng~ fí jmigüí.

50 Jøgui contøøm⁻ nilí[^] fi[^] lúíñ⁻ jaléng[^] dsea[^] ì nijmi[^]gó[^] ír[^].

51 Jø íbre tííñ[^] jmér⁻ lí[^] doñí[^] ee[^],
jøgui cajméer[^] e cajgiéem⁻ jalé[^] e í dsíí[^] dsea[^] ì
jmicóøng[^] yaang[~].

52 Jøgui cajgiáam⁻ bre uó⁻ jaléng[^] dsea[^] ì óo[^] ta[~] ñíí[^],
jøgui yúb[^] caseáíñ[^] jaléng[^] dsea[^] ì ja[^] jmicóøng[^]
yaang[~].

53 Jøgui juguíb⁻ cacuø^r jaléng[^] dsea[^] ì ja[^] 'ga[^] lí
sea[^] quiá[^],

jøgui cajmilím⁻ bre guoo[^] jaléng[^] dsea[^] sea[^] cuu⁻.

54-55 Jøgui cajmicóo^r jaléng[^] dsea[^] góor[^] dsea[^] Is-
rael

ì caguíñ[^] lamí[~] jéeng[^] gui ì nilíng⁻ dsea[^] quiá^r,
co[^] lajòb júu[^] caséer[^] cóo[^] 'lí[~] yúu[~] qui[^]ii[^] ì sii[^]
Abraham e nilí[^] fi[^] líng⁻ Fidiée[^] jneaa[~]aa[^],
jøgui nijmicóo^r jneaa[~]aa[^] lata[^].

Jø jalé[^] e júu[^] na cajíng[^] Yá[^] ie[~] jø.

56 Jø cajeb[^] Yá[^] gaang[^] si[^] cóo[^] ì Elisabet do. Jø
mí[~] cangí[^] jø, jøguiiba[^] cangáng[^] tur[^] fi[^] quiá^r.

Mí[~] caliséng[^] Juan ì seáang[^] dsea[^] jmí[^]

57 Jø mí[~] cangí[^] jø, cadsím⁻ jmí[~] e niliseeng[^]
yuu[^] quiá^r Elisabet, jø jaang[^] yuu[^] siñuub[^] caliséng[^]
quiá^r. 58 Jø dsíng[^] calí[^]iaang[^] dsíí[^] jaléng[^] rúíñ[^]
cóo[^] jaléng[^] dsea[^] ì neáang[^] lacúng[^] lajíng[^] lí[~]
neáaiñ[^], co[^] calilí^r e dsíng[^] guiá[^] e cajmée[^] Fidiée[^]
cóo[^] ì Elisabet do. 59 Jø mí[~] cadsí[^] ì yuu[^] quiá^r
Elisabet do jñíá⁻ jmí[~], jòba[^] cangojéeng[^] neiñ[^] e
nitó⁻ lí[~] fi[^] ngúu[^] táaiñ[^] laco[^] e qui[^] tíng[^] dsea[^]
Israel. Jø mí[~] cajméer[^] lajò, sí[^]í[^] nilisií[^] ì yuu[^] do laco[^]
sii[^] tiquiá^r Zacarías. 60 Dsu[^] ì Elisabet do cañír[^] jø
casí^r jaléng[^] ì dsea[^] do:

—Ũ, Juam 'né~ nilisiiñ' na.

⁶¹ Jōba' cajíng'~ i dsea` caguaiang~ do casí'r~ Elisabet:

—Jō ¿jialí' nilisiir` lajō? Jíi'~ jaang'gui dsea` sináuu` quíi'~ ja` siir` lajō.

⁶² Jōba' cajmíngí'~ i dsea` caguaiang~ do Zacarías e jmóor li` cóo'~ guóor':

—Jō ¿jial nilisii` i yuu` la, fó'` nu`?

⁶³ Jō Zacarías camir' cóo' li` nijmé'r~ jial iiñ~ e nilisii` i yuu` do, jōba' cajme'r e Juam nilisiiñ' do. Jō dsíng'~ cangogá` dsíi' jaléng' i dsea` do e calisí` i yuu` do Juan. ⁶⁴ Jō dsifí` ladob caná' oo~ luu` Zacarías jō canaaíñ` jmiféiñ' Fidié`.

⁶⁵ Jōgui jaléng' dsea` i neáang' lacúng' lajíng` li` guíng~ Zacarías eám' cangogá` dsíir' quíá'~ jalé' e calí' do, jō lajōbi lacaang` jee~ mó' li` se` Judea eám' caliseá' e júu` jō. ⁶⁶ Jō lajíng` dsea` i caliñí' jalé' e calí' do cajmíngí' rúíñ':

—¿E` sí'íng` i yuu` la mi~ nicuáíñ'? Dsucō' eám' li` e jmícóo'~ Fidié` quíá'r~.

Jalé' e ca'ø' Zacarías quíá'~ Fidié`

⁶⁷ Jō mi~ caná' oo~ luu` Zacarías, dsifí' lajōb ca'íñ' Jmiguí' quíá'~ Fidié` jō canaaíñ` fé'r` jalé' júu` e cangíiñ` cacuø' Fidié` ladsifí' lado jō cajíñ'~:

⁶⁸ Güijmifém' jaléng' dsea` Fí'naa' Fidié` quíá'~ dsea` Israel,

dsucō' nicajár~ jee~ jneaa~aa', dsea` lí'naa' dsea` quíá'r~,

jō nicaleáam`bre jneaa~aa' jee~ jalé' dsee~ quí'naa'.

⁶⁹ Jō caguíñ' lajee` lajaléng' síju` dseata~

dsea` féng' Daví` i jmóo` ta` quiu' Fidiée` do
 jaang` i 'gøng'gui eáang'
 e quiá'r` nileáiñ` jneaa`aa' jee` jalé` dsee`
 quí`ii'.

70-71 Co' lajob júu` cacuø' Fidiée` jaléng` dsea`
 quiá'r` i nicafé` cuaiñ` quiá'r` mali`gui
 eáang'

e nileáiñ` jneaa`aa' jee` jaléng` i 'ní` níng`
 jneaa`aa'

jogui jee` jaléng` i guíng` quí`naa' cajo,

72 jogui nilí` fi` lím`bre jaléng` 'lí` dsea` cøøng`
 quí`naa',

co' ja` ni'íng` dsíir` lajii` júu` e cajmirø`
 cóo` 'lí` yuu` qui`ii' Abraham lajii` mali`gui
 eáang'.

73 Jo` e lab júu` e cacuø' Fidiée` i Abraham do ie` jo:

74 e nileáiñ` jneaa`aa' jee` jaléng` i 'ní` níng`
 jneaa`aa',

joba' jneaa`aa' nijmó`naa' e ngocáng` dsi`naa' lí`
 dseáng`- laco' iing` Fidiée`,

jo jo` e 'gøng`naa' jii` cóo` i dsea` i 'ní` ní` quí`ii`
 do jóng.

75 Jogui lata` see`naa' fi` jmigü` la,

nisee`naa' e lí`naa' dsea` güeang` quiá`
 Fidiée` jogui dsea` i ée` røø` laco' sí`í` fi`
 quini` Fidiée`.

76 Jo` mi` calí` e jo, jo lalab casí` Zacarías i yuu` do:

Jogui 'nu`, yuu` quí`ii', nilisii` dsea` i caguíng`
 Fidiée` dsea` guíng` ñifí` i nífé` cuaiñ`
 quiá'r`;

co' 'nub` dsea` niguiéen` dsea` guiá`,

cō' lana nijaquíéeng' e tí lí~ nijáa' Fíi'naa' Dsea'
Jmáang~.

77 Jō nijmée'~ dsea' júu^ jial nileáng~ Fidiée' jaléng'
dsea' jmigüi' e ni'íing~ dsee~ quiá'r~.

78 Jō Fidiée' nijmér~ jalé' e jō, cō' dsíng' 'neáaiñ'
jneaa~aa', jōgui eáam' fi' líiñ~ jneaa~aa'
cajo.

Jōba' nicacuø'r' jneaa~aa' e lafa' nijneá' cōo` jì e
jlo'^ niing~ 'gøng' fi' lí~ see~naa' lana,

79 jō e jōba' nijmicōo'~ quiá'~ jaléng' dsea' i seeng'
lafa' sijúung~ lí~ nuu` só'.

Jō Fidiée' ni'é'r' jneaa~aa' fi' guiá~ quiá'r~ e laco'
nilisee~naa' juguiá~ júu^ røø'.

Jō jalé' e júu^ na café' Zacarías ie~ jō.

80 Jō cuaam` i yuu` quiá'r~ do laco' ngóo' jmi~.
Jō lajee' cuaaiñ, eáang' ngóo' licuíiñ Fidiée' jōgui
eáang' ngóo' liguiúñ~ la'eáang' cōo'~ Jmiguí' quiá'
dsea' do. Jō mi~ 'lé' cacuaiñ~, jō cangór~ fi' cōo`
jee~ mó', jō jōb cateáaiñ` cartí' mi~ caguié~ jmi~ e
nilicuíi' dsea' Israel quiá'r~.

2

Mi' caliséng' Jesús

(Mt. 1:18-25)

1-2 Jō ie~ jō seeng` jaang` dseata~ dsea' féng' i sii'
Augusto i quiá' ta~ ie~ jō, jō seeng` jaang` dseata~
dsea' nu'luu~ quiá'r~ i sii' Cirenio i guing~ líng' ta~
fi' lí~ se' Siria. Jō ie~ jō caquiá' i Augusto do ta' e
nili'íing^ jaléng' dsea'. 3 Jō jaléng' dsea' i taang~ fi'
lí~ jié' 'né~ nidsilíiñ` fi' góo`bre, jō fi' jōb nili'íiñ^.

4 Jō mi~ cahuí' ta~ lajo, jōba' cagüi'íi' i Sé^ do fi'
lí~ guiiñ` fi' fi' Nazaret lí~ se' Galilea, jō cangáiñ'

fi' góor' fi' li' se' Judea fi' coo' fii' e sii' Belén fi' li' caliséng' i dseata~ dsea' féng' i sii' Daví' do, jaang' dsea' siju' Sé' i caliséng' mali'gui eáang'. ⁵ Jo mi' cangáng' Sé' fi' góor', téeb're Yá', co' ninée' júu' quiá'r~ cooíñ' do, jogui yuub' niqúieeiñ' do cajo.

⁶⁻⁷ Jo mi' caguiliñ' fi' Belén, job catí' í' e niliseeng' yuub' quiá'- Yá', dsu' ja' li' calí'r~ li' nijér~, co' dsíng' fíng' jaléng' dsea' i caseáng' e fi' fii' do ie~ jo. Jo li' güing' jaléng' cuea' güitáb' cajer', jo job caliséng' i yuub' do. Jo íb' la'uii' jóo' Yá' i caliséng'. Jo mi' cangí' jo, caquiñ' coo' 'mi', jo catiráaiñ' dsí' coo' ni'núu' li' gø' jó', dsuco' ja' li' sea' li' guiá' fa' niqúier'.

Mi' cajnéng' ángeles fi' li' taang' dsea' jmóo' í' jo'se'

⁸ Jo mi' canuu' e jmi' jo, jo nicaje' coo' tú~ máng' dsea' i jmóo' í' jo'se' quiá'- fi' lí' caluu' fii' Belén. ⁹ Jo lajee' neáaiñ' e canuu' e jmi' jo, coo' cajném~ jaang' ángel i casíng' Fidié' fi' li' neáaiñ', jo dsíng' jlo' cajneá' e güea' quiá'- Fidié' do lacúng' lajíng' li' neáang' i dsea' do, jo dsíng' cafóíñ'. ¹⁰ Jo cajíng' i ángel do casí'r~ jaléng' i dsea' do:

—Ja' fóøng' na' jii' coo', dsuco' juguiáb~ quiee' quií' na', jo fíim' dsea' nili'iaang' dsíir' uí' e júu' jo. ¹¹ Co' fi' lab góo' dseata~ dsea' féng' Daví', jo lana fi' lab nicaliséng' Dsea' Jmáang~, dsea' nileáiñ' 'nú' jee~ jalé' dsee~ quií' na'. ¹² Jo niñí' ba' e mi' nigüi' néng' na' r jo niguiéng' na' r quiíñ' coo' 'mi' jo ráaiñ' dsí' coo' ni'núu' li' gø' jó'.

¹³ Jo mi' cató' e café' i ángel do lado, coo' cajném~ ángeles i fíng' gui fi' li' neáang' i dsea' do, jo lajalém' i ángeles do canaaíñ' e jmiféiñ' Fidié' lajaléiñ' do jogui canaaíñ' do ø' lala:

¹⁴ i Majmiféng' naa' Fidié' dsea' guing~ ñiff~,

jogui jaléng` dsea` jmigüü` i seeng` guiá~ cóo`r`
güiliseem`bre juguiá~ júu` røø` cóo`~ dsea`
do!

15 Jo mi~ cató' e ca'ø' i ángeles do, cangolím`tur fi
li~ jalíñ. Jo i dsea` i jmóo` í` jo'se' do canaaiñ` sáiñ`
lajee` la'ó' yaaiñ` jo sí' rúñ' lala:

—Má`aa' fi' Belén. Mane`duu' jalé' e nicajíng'-
Fíi'naa' Fidiée` quiá'- jalé' e nicalí' jmí~ na.

16 Jo catam'- i dsea` do fi' lajminá~, jo mi~
caguiliñ` fi' Belén, cadséiñ' Yá^ cóo`~ Sé^ jogui i
yuu` do e ráaiñ` dsí' cóo` ni'núú` li~ gø' jó'. 17 Jo
mi~ cangí e cangáiñ` i yuu` do, jo canaam`bre ni'r'
júu^ lajii'~ e cajíng'- i ángel do cuaiñ` quiáiñ'- do.
18 Jo jaléng` dsea` i canúu` e júu^ jo dsíng'- cangogá`
dsí' r'. 19 Jo dsíng'- ca'í` dsí' Yá^ quiá'- jalé' e calí` ie~
jo, jogui ca'mea`bir e júu^ jo fi' dsí' moguir`.

20 Jo mi~ cangí jo, caquim'-tu i dsea` jmóo` í`
jo'se' do. Jo lajee` ngolíñ` jo ør' quiá'- Fidiée`
jo dsíng'- jmféiñ' Fidiée`, co' calitib~ lajii'~ júu^ e
quie` i ángel do ie~ jo.

Mi~ cangojéeiñ` Jesús fi' guá'- fé' e si' fi' Jerusalén

21 Jo mi~ cadsí'- i yuu` do jñiá~ jmí~, jo can-
gojéeng`neiñ' e cató` li~ fi' ngúu' táaiñ` laco' qui'-
tíng` dsea` Israel. Jo dsifi' ladob catéer` e calisíñ' do
Jesús lí' laco'gui cajíng'- i ángel do casí'r- Yá^ lajii'~
mi~ ná' gui e nidsiquiéeiñ' i yuu` do.

22 Jo mi~ cangí jo, mi~ cadsí'- Yá^ tuló~ jmí~
e caliséng` i yuu` do, cajmiti~bre lajii'~ júu^ e
casée' Moi~ e 'né~ nilí, joguiba' cangolíñ` can-
gojéeng`neiñ' fi' guá'- fé' e si' fi' Jerusalén e laco'
nidsijeáang`neiñ' fi' quini` Fidiée`. 23-24 Jo mi~ niti'-
í' e nidsilíng` dsea` Israel sinúu^ guá'- cóo`~ yuu`

siñuu^ la'uui~ i liseeng` quiá'r-, 'né- jéeng` sejmii`
 i yuu` do gáng- bõsii~ osi gáng- mee~ quiá'- e ni-
 jngáng'- jmidsea` fí nife^ quiá'- e sinúu^ guá'- do.
 Jo jalé^ e jo cajmée` i Sé^ do cóo~ i Yá^ do ie~ jo, có'
 lalab ta~ caquiú' Fidiée~ mali~gui eáang': "Song ii`
 caliséng` yuu` siñuu^ la'uui~ quiá'-, íbing' i nijmé-
 ta~ lí^ lajii~ e iing~ Fidiée~."

25 Jo ie~ jo seeng` jaang` dseañu' fí Jerusalén i sii`
 Simeón, jaang` dseañu' i guiúng- eáang', jo dsíng'-
 jmiféiñ' Fidiée~, jogui sijeeiñ~ i nisíng- Fidiée~ i
 nileáng- dsea` góor` dsea` Israel jee~ jalé^ dsee-
 quiáiñ'- . Jo jéeb' Jmiguí quiá'- Fidiée~ quiá'- i
 Simeón do, 26 jo la'eáang` cóo~ e joba' caliñir' lajii~
 lamí~ jéeng`gui e ja` nijúuiñ- e ja` mí` cangáaiñ` Dsea`
 Jmáang-, dsea` i nisíng- Fidiée~ do. 27 Jo ie~ jo
 cajmée` Jmiguí quiá'- Fidiée~ e cangó- Simeón fí
 guá'- fé' e si' fí Jerusalén. Jo mi~ caguiér- e fí guá'-
 jo, fí job nitaang~ Yá^ cóo~gui Sé^ e jeeiñ` i yuu` Jesús
 do e jmóor` jalé^ ta~ e caquiú' Fidiée~ e 'né- lí. 28 Jo
 mi~ cangáng- Simeón i yuu` do jo casang` neiñ' jo
 canaaíñ` jmiféiñ' Fidiée~ jo cajíñ'- :

29 Gui'máam^ba' Fí'naa' Fidiée~, có' nicalitib~
 lajii~ júu^ quíi' e cajmée~ jnea~ jéeng`gui.

Joba' dsíng'- iáang` dsii- lana, jo nicuóøm` nitøø'-
 jnea~ fí ñifí quíi'-, jnea~ dsea` i jmóo' lajii~
 e iing~ 'nu;

30-31 có' nicamám-baa i yuu` la, dsea` i nileáng-
 jnea^ jee~ jalé^ dsee- quí-ii', dsea` see-naa'
 fí jmigüi la.

32 Có' i lab dsea` i líng' e jì e jnea` jee~ jaléng' dsea`
 jmigüi,

joguì la'eáang' ì lab cajo e nijmi'gò' dsea` jaléng' dsea` quí' dsea` Israel.

³³ Jo dsíng' cangogá dsí' Yá^ cóo'~gui Sé^ quía'~ jalé' e cajíng' ì Simeón do uii~ quía'~ ì y_{HH} do. ³⁴ Jo mi~ calí~ e café' Simeón lajo, jo cataiñ'~ güea' ì y_{HH} do cóo'~ sejmiiñ' jogui cajíñ'~ casí'r~ Yá^:

—Ì y_{HH} la nisi'íiñ^ mi~ nicuáiñ e niguiár~ júu^ jial nijmicuíng` dsea` Fidiéé~, joba' fíim' dsea` jmígüi` niqúí'~ jíng' yaaíñ~ fí' quini` Fidiéé~. Dsu' seem` dsea` ì ja` ni'íng' jalé' júu^ e niguiáiñ'~ do, co' ja` nití' dsíir', ³⁵ co' niguiéeb' jmí~ mi~ nilidseáang` dsíí jial í dsíí lajaang` lajaang` dsea` jmígüi`. Jogui 'nua` dsíng'~ nilijiuung~ o' mi~ nijmeáang' dsea` ì y_{HH} la quí'~ mi~ niféiñ'.

³⁶ Jo mi~ calí~ e fé' Simeón lajo, jo cajám'bre ì y_{HH} do cóo'~ sejmiiñ'. Jo dsifí' ladob cangoquiéng` jaang` dseamf` ì sii` Aa~ fí' lí~ sing' Yá^ cóo'~gui Sé^ e jéeiñ` ì y_{HH} do, jo fé' ì dseamf` ì sii` Aa~ do cuaiñ~ quía'~ Fidiéé~ cajo, jo ì dseamf` í líiñ' jóg` jaang` dseañu' ì sii` Fanuel ì líng' dsea` siju` jaang` dsea` ì calisí Aser. Jo ì dseamf` do eámam` niyúíñ'; ochenta y cuatro jii` nínogóo' e 'niiñ` jo le'eáam`bir eáang' mi~ cacúng'~ guór', jo guié~ jii` mi~ cangf`gui lajo, cajúm~ dseañu' quía'r~. ³⁷ Jo contøøm~ iuuiñ` sináúú^ guá'~ e jmitir~ lajíi' e iing~ Fidiéé~ e jmiféiñ' dsea` do jogui e jmóor` ayuno cajo. ³⁸ Jo mi~ cangáiñ` ì y_{HH} Jesús do, jo cacuø'r` gui'máang' Fidiéé~ uii~ quíaíñ'. Jo mifíng` canaaíñ` jma'r` júu^ jaléng' ì dsea` ì sijeeng` ì dsea` ì nisíng` Fidiéé~ e quía'~ nileáiñ` dsea` jee~ dsee~ quía'r~ jo cajíñ'~ casí'~reiñ': “Ì lab ì y_{HH} ì cajíng'~ Fidiéé~ ì nisíñ` ì ni'íng` dsee~ quí^naa'.”

Mi~ cangolíng tu Yá^ cóo~ Sé^ fí Nazaret

³⁹ Jo mi~ cangí e cajmiti~ sejmiì Jesús jalé' e ta~ huí' fí ni~ jì quiá'- Fidié~ do, cangolíng tur cóo~ i yuu` do fí Nazaret fí li~ se' Galilea. ⁴⁰ Jo cuaam` Jesús lajee~ jo laco' ngóor' jmii~, jo dsíng'- ngóo' litíiñ, jo eáam' jmigüeang^ Fidié~ ír`.

Mi~ caje' Jesús fí dsí' guá' fé' e si' fí Jerusalén

⁴¹ Jo laco~ jii` mi~ tí jmii~ Pascua quiá'- dsea` Israel, nitíng` sejmiì Jesús e dsilíiñ` fí Jerusalén. ⁴² Jo ie~ mi~ cadsí'- i jiuung~ do guitu' jii, jo fí job cangór- cóo~ sejmiir` cóo~ jaléng' dsea` sinúu^ quiá'r- jogui cóo~ jaléng' dsea` i neáng' fí Nazaret. Jo fí job caje' lajaléng' i dsea` do lajee~ catí e jmii~ do. ⁴³ Jo mi~ cadséng- e jmii~ do, jo cangolíng tur lajaléiñ' do fí Nazaret, ⁴⁴ dsu' dob nicaje' i jiuung~ Jesús do fí Jerusalén. Jo ja` nicalíí^ sejmiir` e nicajer', co' líiñ- e jee~ i dsea` caguiaang- dob ngaiñ'. Jo catam'-bre fí lajaléiñ' do lajee~ cóo` jmii~. ⁴⁵ Jo mi~ caniúíñ' guiá'^ fí, jo ca'naiñ'- Jesús jee~ jaléng' i dsea` caguiaang- do, dsu' jo' lí' cadséng' neiñ' do. Joba' caquim'- tur fí Jerusalén e cango' néeiñ' i jiuung~ do.

⁴⁶ Jo mi~ caguilíng- tur fí Jerusalén, jo ja` cadséng' neiñ' dsifí lado car` mi~ cadsíng- 'ní jmii~ gui lajo, joguiba' cadséng' neiñ'. Dsu' fí guáb'- guiiñ' do e núur` e síng` jaléng' tifa' quiá'- júu^ quiu' ta~ quiá'- dsea` Israel, jogui jmiguiab' jalé' e jmíngí'- rúng' Jesús cóo~ jaléng' i dsea` í. ⁴⁷ Jo jaléng' dsea` i teáng- núu' jial ngú i jiuung~ Jesús do dsíng'- dsigá' dsíir', co' tiiñ' biñ' eáang'. ⁴⁸ Jo mi~ cangá- sejmiì Jesús e dob guiiñ~, jo dsíng'- cango' gó' dsíir' jo cajíng'- niquiá'r^ casí'- reiñ':

—Yuu` quí-ii', ¿jiali' cajmeáan~ jnea^ lana? Dsínɡ'~ nicajmó^oo' fí'í^ cóo'~ tiquí'í^, jò dsínɡ'~ nica'néeng'~naa' 'nu`.

49 Jòba' cañí' Jesús quiá'- niquiá'r^ jò casí'- reiñ':

—¿Jiali' ngi'na' 'náng'na' jnea~? ¿Su ja` ñí'na' e~ ta~ nisisi'in^ e nijmee~e quiá'- Tiquié'e dsea` guing~ ñiff~?

50 Dsu' ì sejmiir` do ja` cangáin` jiali' cajínɡ'~ ì jiuung~ Jesús do lado.

51 Jò mi~ calí- sáin` e jò, jò cangolíim`tur lajì gaain` do fí Nazaret. Jò dsínɡ'~ guiúng~ Jesús cóo'~ sejmiir~, jò dsínɡ'~ núu'r~ cajo. Jò eám' iáang` dsí' niquiá'r^ mi~ ca'íi~ dsír' quiá'- jalé' e cangojéé' ie~ jmí~ jò. 52 Jò lajee~ jò cuaam` Jesús, jò ngóo' litíing`guir lacoo` jmí~, jò dsínɡ'~ iáang` dsí' jaléng' dsea` cóo'r~, jogui lajòbì Fidiéé~ cóo'~ ír` cajo.

3

Mi~ canaang` Juan ì seáang` dsea` jmí~ e guiar` júu` quiá'- Fidiéé~

(Mt. 3:1-12; Mr. 1:1-8; Jn. 1:19-28)

1 Jò ie~ jò ningóo' gui'ñiá` jing` e líng' Tiberio dseata~ dsea` féng' quiá'- fí la'úng~ fí jmigüí. Jò seeng` quiúung~ dseata~ dsea` nu'luu~ quiá'r~, jaang` ì sii Poncio Pilato ì guing~ líng' ta~ fí Judea, jò jaang` ì sii Herodes ì líng' ta~ fí Galilea, jò seeng` jaang` rúng' dsea` ngáang'~ cóo'~ Herodes ì sii Li' ì guing~ líng' ta~ fí Iturea cóo'~ cóo' li' sii Traconite, jogui jaang` ì sii Lisanías ì guing~ fí cóo' li' sii Abilinia. 2 Jò ie~ jò seeng` gáng~ jmidsea` laniing~, jaang` ì sii Anás cóo'~ gui jaang` ì sii Caifás. Jò ie~ jò cajo ì Juan do ì líng' joo' Zacarías guiin~ fí jee~

uó⁻ quiú^ˆ mi[˜] café^ˆ Fidiée[˘] caféng^ˆneiñ^ˆ e nicatíb^ˆ
 í^ˆ e nináíñ^ˆ do e niguiár⁻ júu^ˆ quiá^ˆ Fidiée[˘] fí^ˆ jee[˜]
 dsea^ˆ jmigüí^ˆ. ³ Jo mi[˜] cahuí^ˆ ta[˜] lajo, jo dsifí^ˆ lajob
 cangó⁻ i Juan do fí^ˆ gua^ˆ Jordán, jo fí^ˆ job canaaíñ^ˆ e
 guiar^ˆ júu^ˆ quiá^ˆ Fidiée[˘] fí^ˆ quini[˘] dsea^ˆ i caseáng^ˆ
 fí^ˆ lacuee^ˆ e gua^ˆ do ie[˜] jo. Jo fí^ˆ job e^ˆr^ˆ jaléng^ˆ dsea^ˆ
 i guilíng⁻ do, jo sí^ˆreiñ^ˆ e 'né⁻ niquí^ˆ jíng^ˆ yaaiñ^ˆ
 fí^ˆ quini[˘] Fidiée[˘], jo lajoguiba^ˆ e nisáíñ^ˆ jmí^ˆ e laco^ˆ
 cuó^ˆ lí[˜] e cajmée^ˆ dsea^ˆ do lajo. ⁴ Jo e jo cangojée^ˆ
 lí^ˆ laco^ˆ fé^ˆ fí^ˆ ní[˜] jì^ˆ quiá^ˆ Fidiée[˘] e cajme^ˆ Saí^ˆ
 malí[˜] gui eáang^ˆ, jaang^ˆ dsea^ˆ i café^ˆ cuaiñ[˜] quiá^ˆ
 Fidiée[˘], lí[˜] fé^ˆ lala:

Ngí^ˆ jaang^ˆ dsea^ˆ i fé^ˆ teá^ˆ fí^ˆ ní[˜] guóo^ˆ uó⁻ quiú^ˆ jo
 fé^ˆr^ˆ lala:

“Jmeáang^ˆna^ˆ guiú⁻ fí^ˆ,
 jogui^ˆ nea[˜]na^ˆ condsée^ˆ,
 co^ˆ lana tí^ˆ lí[˜] nijáab^ˆ Fí^ˆnaa^ˆ!

⁵ Jo jmiróø^ˆna^ˆ lacaang^ˆ guiá^ˆ fí^ˆ,
 jo jmiróø^ˆna^ˆ lacaang^ˆ lí[˜] jung^ˆ,
 jo jmee⁻na^ˆ condsée^ˆ fí^ˆ lacaang^ˆ lí[˜] tu^ˆ fí^ˆ,
 jo jaléb^ˆ fí^ˆ nilí^ˆ røø.

⁶ Jo jalém^ˆ dsea^ˆ jmigüí^ˆ nilí^ˆr^ˆ jial e nileáiñ^ˆ jee[˜]
 jalé^ˆ dsee⁻ quiá^ˆr⁻ la'eáang^ˆ cóo^ˆ i dsea^ˆ í^ˆ.”
 Jo jalé^ˆ e na cajíng^ˆ Saí^ˆ fí^ˆ ní[˜] jì^ˆ quiá^ˆ Fidiée[˘].

⁷ Jo mi[˜] caguilíng⁻ dsea^ˆ i iing[˜] nisáng^ˆ jmí^ˆ e fí^ˆ
 gua^ˆ lí[˜] táang^ˆ i Juan i seáang^ˆ dsea^ˆ jmí^ˆ do, jo casí^ˆ
 i Juan do lajaang^ˆ lajaang^ˆ i dsea^ˆ i caguilíng⁻ do ie[˜]
 jo:

—joo^ˆ jaléng^ˆ mí^ˆ guíng⁻ 'nú^ˆ! ¿lí[˜] cajme^ˆ
 'nú^ˆ júu^ˆ e lala cuóøng^ˆ nileáang^ˆna^ˆ lají^ˆ iihuí^ˆ e
 nijacuíéeng^ˆ jmí^ˆ na? ⁸ 'Né⁻ nijmiliing[˘] yaang[˜]na^ˆ
 e laco^ˆ nilí^ˆ jaléng^ˆ dsea^ˆ rúng^ˆna^ˆ e dseáng^ˆ e
 já⁻ba^ˆ nicaquí^ˆ jíng^ˆ yaang[˜]na^ˆ fí^ˆ quini[˘] Fidiée[˘].

Jō ja' jmigóøng` yaang`na' e nileáng`na' jee` dsee` quí`na' dsu' uíi' e Abraham líiñ' 'líi' yáa' quí`na', co' e já' e fii' 'nú' e cuóøm` jmé` Fidiée` siju` Abraham jalé` cuu` e née' la faco' iñ` lajō. ⁹ Cofa' jaléng` dsea` i ja' quí' jing` yaang` fí' quini` Fidiée` líiñ' laco' e 'ma` ofii' e ja' dseeng` ofii' e cuø', joba' huib' e 'ma` do jō dsitoo' fí' ni` jì' lafa' cuiib`, co' ja' ee` ta` íng` jíi' coo`.

¹⁰ Jō mi` canúu` jaléng` i dsea` do jalé' e café' i Juan i seáng` dsea` jmí` do, joba' cajmingi' reiñ' do lala:

—¿Jial ni'ee` jnea'^ guiá` cóo' Fidiée`?

¹¹ Joba' cañíi` i Juan do jō casí'r` i dsea` do:

—E laba' 'né` nijmee`na': Ii' 'nú' oo`na' tú` 'mi'quí`na', 'né` nicuó`na' coo` jaang` dsea` i ja' sea` quiá'; jogui` i 'nú' sea` e cø'na', 'né` nicø`na' jmá'` jiu cóo' jaléng` i ja' sea` e dø'`.

¹² Jō lajee` sítng` Juan i seáng` dsea` jmí` do cóo' i dsea` do, job caguilíng` coo` tú` mítng` nodsicuu` i iing` nisáng` jmí`, jō cajmingi'r' i Juan do jō cajíi'`:

—Tifa', ¿e` 'né` jmó` jnea'^ e laco' ni'ee`naa' guiá` cóo' Fidiée`?

¹³ Joba' cañíi` i Juan do quiá' i nodsicuu` do jō casí'r` reiñ':

—E laba' 'né` nijmée` 'nú': Jō` mí`na' cuu` quiá' dsea` e jmiguiá'gui laco' ta` quiá' fí' ni` jì' quiá' dseata`.

¹⁴ Jō lajee` sítng` i Juan do cóo' i nodsicuu` do, caguilíng` coo` tú` mítng` 'lée` fí' lí' táaiñ` jō cajmingi'r` reiñ':

—Jogui jnea'^, ¿e` 'né` nijmó`naa' e laco' ni'ee`naa' guiá` cóo' Fidiée`?

Joba' cañí' i Juan do jo casí'r- i 'lée- do:

—E laba' 'né- nijmití' 'nú': Ja' ee' uóø'na' quiá'- dsea' laguidseaang^, o'gui fong'na' dsea', o'gui jmoo'na' dsee- quiá'- dsea' e ngñ'gui, o'gui ni'náng~na' dsea' e ja' ee' mí' cajméer' jí'~ coo'; jo güilí'íang` óo'na' cóo'~ lají'~ e 'léeng'na'.

15 Jo lajee' fé' i Juan do e júu^ na, jo jaléng' i dsea' caguiaang- do í dsíir' e~ nilí jogui í dsíir' su Dsea' Jmáam- i Juan i seáang` dsea' jmíi do. 16 Jo mi~ calilí'^ i Juan do e í dsíí' i dsea' do lajo, joba' casí'-reñ' jo cajíñ'-:

—E já'-, jnea~ seáan'n 'nú' jmíi cóo'~ layaang~ jmíi, jo dsu' nabi nijáa' jaang`gui dsea' i niseáng- 'nú' jmíi cóo'~ Jmiguí quiá'- Fidiée' jogui cóo'~ jí. Jo i dsea' í 'gøng'guir laco' jnea~ e jí'~ jnea~ ja' catín~n fa' nisíi' i capí'^ ñí' 'ñúu' lomíir-. Co' jnea~ nicaseán~n jaléng' 'nú' jmíi cóo'~ layaang~ jmíi e laco' cuø' lí~ e nicacu'í'- jing' yaang~na' fí' quini' Fidiée'; dsu' ír' mi~ nigüeeiñ~ niseáiñ~ 'nú' jmíi cóo'~ Jmiguí quiá'- Fidiée' e laco' cuø' lí~ e nicangíng'na' Jmiguí quiá'- dsea' do. 17 Jo quieb' dsea' do e jmáiñ' ta~ quiá'- e nisíñ' micui'íee, jo nisér- ca' e qui' quiá'- do. Jo dsu' e micui'íee do ni'meár- fí' dsíí' sinúu^, jogui e qui' quiá'- nijí-bre fí' lí' coo' jí' e ja' tóo' jmíi yu'.

18 Jo jmang' cóo'~ júu^ lanaba' caféng' i Juan do jaléng' i dsea' do, jo ca'e'reñ' jalé' júu^ quiá'- Fidiée' quiá'- jial laang` dsea' jee~ jalé' dsee- quiá'r-. 19 Jogui caféng' i Juan do jaléng' dsea' e ja' dseeng` laco' jmoo` i dseata~ Herodes do e jeeiñ` lafa' dseamí quiá'r- oo~ dseañu' rúíñ' dsea' ngáang~ cóo'r- i síi' Lii~, jogui cajíñ~ dseata~

Herodes cóo'~ jalé' e ga` e jmóoiñ' do. ²⁰ Jo mi~ caliñí' i dseata~ do lajii'~ e júu^ e fé' i Juan do uíi'~ quiá'r~, joba' dsíng'~ caliguiñ~ jogui cajméer` cóo`gui e ga`, có' caquiur' ta~ e catam!' i Juan do, jo 'nuñib^ catang'~ neiñ' do.

Mi~ cajgáang~ Jesús jmii`

(Mt. 3:13-17; Mr. 1:9-11)

²¹ Jo dsu' nú'-gui e ni'í' i Juan do 'nuñi^, lajee~ cateáaiñ` fi' gua` Jordán e seáaiñ` dsea` jmiñ, jo cóo` jmii~ caguié~ Jesús fi' jo, jo cajgáaiñ~ jmiñ` cajo. Jo dsifi' mi~ cangi e jo, jo caféng'~ Jesús Fidiéé` dsea` guing~ ñifi~, jo lajee~ jo cana' cateá' fi' ñifi~, ²² jo fi' job cajgó~ Jmiguí' quiá'- Fidiéé` e liing~ jaang` mee~ fi' yú'^ mogui~ Jesús, jo caná' e liing~ ii' guicafé' fi' yú'^ jmigüi' jo guicajiiñ':

—'Nub` Joo`o i 'neáan`n eáang', jo dsíng'~ iáang` dsii~ cóo'~ 'nu`.

Jaléng'`'lii~ yuu'~ quiá'- Jesús

(Mt. 1:1-17)

²³ Jo guigui' jii` ningóo' Jesús mi~ canaaiñ` jmóor` ta~ e si'íiñ^. Jo jaléng'` dsea` líiñ~ e i Sé^ do tiquiá'^ Jesús. Jo tiyuu'~ quiá'- Jesús siir` Elí, ²⁴ jo tiquiá'^ Elí siir` Matat, jo tiquiá'^ Matat calisír` Leví, jo tiquiá'^ Leví calisír` Melqui, jo tiquiá'^ Melqui calisír` Jana, jo tiquiá'^ Jana calisír` Sé, ²⁵ jo tiquiá'^ Sé calisír` Matatías, jo tiquiá'^ Matatías calisír` Amós, jo tiquiá'^ Amós calisír` Nahum, jo tiquiá'^ Nahum calisír` Esli, jo tiquiá'^ Esli calisír` Nagai, jo tiquiá'^ Nagai calisír` Maat, ²⁶ jo tiquiá'^ Maat calisír` Matatías, jo tiquiá'^ Matatías calisír` Semei, jo tiquiá'^ Semei calisír` Sec, jo tiquiá'^ Sec calisír` Judá, ²⁷ jo tiquiá'^ Judá calisír` Joanán, jo

tiquiá'^ Joanán calisír` Resa, jò tiquiá'^ Resa calisír` Zorobabel, jò tiquiá'^ Zorobabel calisír` Salatiel, jò tiquiá'^ Salatiel calisír` Neri, ²⁸ jò tiquiá'^ Neri calisír` Melqui, jò tiquiá'^ Melqui calisír` Adi, jò tiquiá'^ Adi calisír` Cosam, jò tiquiá'^ Cosam calisír` Elmodam, jò tiquiá'^ Elmodam calisír` Er, ²⁹ jò tiquiá'^ Er calisír` Josué, jò tiquiá'^ Josué calisír` Eliezer, jò tiquiá'^ Eliezer calisír` Jorim, jò tiquiá'^ Jorim calisír` Matat, ³⁰ jò tiquiá'^ Matat calisír` Leví, jò tiquiá'^ Leví calisír` Simeón, jò tiquiá'^ Simeón calisír` Judá, jò tiquiá'^ Judá calisír` Sé^, jò tiquiá'^ Sé^ calisír` Jonám, jò tiquiá'^ Jonám calisír` Eliaquim, ³¹ jò tiquiá'^ Eliaquim calisír` Melea, jò tiquiá'^ Melea calisír` Mainán, jò tiquiá'^ Mainán calisír` Matata, jò tiquiá'^ Matata calisír` Natán, ³² jò tiquiá'^ Natán calisír` Daví^, jò tiquiá'^ Daví^ calisír` Isaí, jò tiquiá'^ Isaí calisír` Obed, jò tiquiá'^ Obed calisír` Booz, jò tiquiá'^ Booz calisír` Salmón, jò tiquiá'^ Salmón calisír` Naasón, jò tiquiá'^ Naasón calisír` Aminadab, ³³ jò tiquiá'^ Aminadab calisír` Aram, jò tiquiá'^ Aram calisír` Esrom, jò tiquiá'^ Esrom calisír` Fares, jò tiquiá'^ Fares calisír` Judá, ³⁴ jò tiquiá'^ Judá calisír` Jacó^, jò tiquiá'^ Jacó^ calisír` Isáa^, jò tiquiá'^ Isáa^ calisír` Abraham, jò tiquiá'^ Abraham calisír` Taré, jò tiquiá'^ Taré calisír` Nacor, ³⁵ jò tiquiá'^ Nacor calisír` Serug, jò tiquiá'^ Serug calisír` Ragau, jò tiquiá'^ Ragau calisír` Peleg, jò tiquiá'^ Peleg calisír` Heber, jò tiquiá'^ Heber calisír` Sala, ³⁶ jò tiquiá'^ Sala calisír` Cainán, jò tiquiá'^ Cainán calisír` Arfaxad, jò tiquiá'^ Arfaxad calisír` Sem, jò tiquiá'^ Sem calisír` Noé, jò tiquiá'^ Noé calisír` Lamec, ³⁷ jò

tiquiá'^ Lamec calisír` Matusalén, jo tiquiá'^ Matusalén calisír` Enoc, jo tiquiá'^ Enoc calisír` Jared, jo tiquiá'^ Jared calisír` Mahalaleel, jo tiquiá'^ Mahalaleel calisír` Cainán, jo tiquiá'^ Cainán calisír` Enós, ³⁸ jo tiquiá'^ Enós calisír` Set, jo tiquiá'^ Set calisír` Adán, jo tiquiá'^ Adán 'ña' Fidiée`.

4

*Mi` cajmée` fi~ i 'ling'^ quijí` jial niróng` Jesús dsee`
(Mt. 4:1-11; Mr. 1:12-13)*

¹ Jo ie~ jo, mi~ cangf e cangíng` Jesús Jmiguí` quiá'- Fidiée`, jo e Jmiguí` do cangojéeng` ír` fí` jee~ uó` quiá`, ² jo fí` job cajer` lajee` tuló` jmíi~. Jo lajee` jo ja` e cagó'r` jíi~ capí'^. Jo lajee` táaiñ` fí` jo, jo caguié` fi~ i 'ling'^, jo cajmée`r` quijí` jial e niróng` dsea` do dsee`. Jo mi~ cangf e tuló` jmíi~ do, joguiba' cadseá` jmí'aang` Jesús jóng. ³ Jo dsifí` lajob cajíng` fi~ i 'ling'^ casí'r` dsea` do:

—¡Song já` e 'na` lin' i Joo` Fidiée` camíng` do, joba' jmee` e ni'uíng` iñí'^ e cuu~ née` la!

⁴ Joba' cañí` Jesús quiá'- fi~ i 'ling'^ do jo casí'r` reiñ`:

—Lalab fé` fí` ni` jì` quiá'- Fidiée`: “Ja` niliseeng` jaléng` dsea` jmigüi` juguiá` e lico' ni'í` nidó'r` jalé` e sea` fí` jmigüi`. Co' 'né` nijmiti`bre jalé` ta` quiá' fí` ni` jì` quiá'- Fidiée`, jo lajoguiba' e niliseeiñ` juguiá` jóng.”

⁵ Joba' cajmée` tu fi~ i 'ling'^ quijí` jial e niróng` dsea` do dsee`, jo cangojéeiñ` dsea` do fí` coo` yá'^ mó' e ñí' eáang', jo ca'e' reiñ` jalé` fi~ e sea` fí` la'úng` fí` jmigüi` dseáng` lajee` cateá`. ⁶ Jo cajíñ` casí'r` dsea` do:

7 —Jaléⁿ e la nicuøø⁻ quií^l- cóo^l~ jaléⁿgui e jlo[^] e sea[^] fí[^] jo song nisi[^] uø⁻ jní[^] jo nijmifén^l jnea[~], co^l e quié⁻baa lajaléⁿ e na, jo jneab[~] cuøøng[^] jmee[~] e guié[^] jo cuøøm[^] cuøø[^] doñí[^] ii[^] i iin[~]n.

8 Ds^ul dsifí[^] ladob cañí^ltu Jesús quiá^l- fii[~] i 'ling^l^ do jo casí^l-reiñ^l:

—Güihuíng⁻ cáanⁿ, Satanás, ds^uco^l lalab féⁿgui fí[^] ni[~] jì[^] quiá^l- Fidié[~] cajo: “Jí^l~ Fidié[~] dsea[^] guing[~] ñifí⁻bing^l nijmifén^l, jo jí^l~ ta[~] quiá^l í[^]bre e nijmití[^] cajo.”

9 Jo mi[~] cangf[^] jo, cajmée[^]tu fii[~] i 'ling^l^ quijí⁻ jial nirøng[^] Jesús dsee⁻, jo cangojéeiñ[^] dsea[^] do fí[^] yá[^] guá^l- fé[^] e si[^] fí[^] Jerusalén jo cajíñ^l- casí^l-r⁻ dsea[^] do:

—Song já⁻ e 'n^u lin^l i Jóo[^] Fidié[~] camíng^l do, laco^l té[~]ee[^] tí[^] yá[^] la bíng[^] uø^l cartí[^] uii[~], ¹⁰ co^l lalab fé[^] fí[^] ni[~] jì[^] quiá^l- Fidié[~]:

Fidié[~] niquiú^l-r⁻ ta[~] jaléng^l ángeles quiá^l-r⁻ e nijmér⁻ í[^] 'n^u,

11 jo nisáiñ^l 'n^u cóo^l~ guóor[^] lajee[~] guiáng^l~ guo^l guiá[^] güí[^],

jo lajoba^l ja[^] nilihuínⁿ mi[~] nititáan[~] fí[^] ni[~] uø⁻.

12 Ds^ul Jesús cañí^ltur quiá^l- fii[~] i 'ling^l^ do jo casí^l-reiñ^l:

—Ds^ul lalab féⁿgui cajo fí[^] ni[~] jì[^] quiá^l- Fidié[~]: “Ja[^] jmoo^l jial ni[^]-é⁻ Fí^l Fidié[~] dsee⁻.”

13 Jo cóo^l~ e job catí[^] 'ní[^] née^l e jmóo[^] fii[~] i 'ling^l^ quijí⁻ jial e nirøng[^] Jesús dsee⁻, ds^ul jí^l~ coo[^] née^l ja[^] calí^l-r⁻ lajo. Jo mi[~] cangf[^] jo, mi[~] jo[^] ñí[^] fii[~] i 'ling^l^ jial nijmér⁻ e nirøng[^] Jesús dsee⁻, joba^l catiúum⁻bre dsea[^] do, jo cangohuíim⁻bre lajee[~] cateá[^].

Mi~ canaang` Jesús jmóor` ta~ quiá'r- fí lí~ se' Galilea

(Mt. 4:12-17; Mr. 1:14-15)

¹⁴ Jo mi~ cangá jo, cangám'-tu Jesús fí lí~ se' Galilea, jo la'eáang' cóo'~ jalé" bí 'gøng" quiá'- Jmiguí quiá'- Fidié~ canaang` ni' júu^ quiá'r- fí lacoq` fi~ e née' fí la'úng- lí~ se' fí jo. ¹⁵ Jo mi~ niguiéer' lacoq` fi~ lí~ dséer', dsifí ladob ír' fí dsifí guá'- quiá'- dsea` góor` dsea` Israel, jo fí job e'r jaléng" dsea` i dsilíng- fí guá'- do jalé" júu^ quiá'- Fidié~. Jo jaléng" dsea` i núu` júu^ quiá'r- eám' jmiféiñ' dsea` do.

Mi~ cangáng'-tu Jesús fí Nazaret

(Mt. 13:53-58; Mr. 6:1-6)

¹⁶ Jo ie~ jo, lajee~ ngí Jesús fí lí~ se' Galilea, jo caguiéng'-tur fí Nazaret fí lí~ cacuaiñ-. Jo mi~ jmiñ- e jmi'íng" jaléng" dsea` góor` dsea` Israel, dséer' fí Sináú^ guá'- laco' jii~ e tñiñ` 'ñia'r'. Jo lajee~ táaiñ` fí e sináú^ guá'- do, jo casíng" 'ñia'r' jee~ jaléng" dsea` góor', ¹⁷ jo ca'íñ" cóo` jì e ca'ír' lí~ tóq` jalé" júu^ quiá'- Fidié~ e cajme' Saií~, jaang` dsea` i café" cuaiñ~ quiá'- Fidié~ mali'gui eáang'. Jo mi~ caneáar' e jì do, joba' cadsé'r' lí~ tóq` lala jo ca'ír':

¹⁸⁻¹⁹ E Jmiguí quiá'- Fii~ Fidié~baa' e jéeng` jnea~, có' caguiéng" Fidié~ jnea~ e laco' niguiaa^ jalé" juguiá- quiá'r- fí jee~ jaléng" dsea` tiñíng-: jogui nicasíiñ` jnea~ cajo e laco' niguiaa^ juguiá- quiá'- e nileáng` jaléng" i dsea` i lafa' 'ñúung" cóo'~ dsee- quiá'-, jogui e nijmee~ e e nilijné"tu jaléng" dsea` tiuung-, jogui e nilaan- jaléng" dsea` i íng" iihuí' quiá'- dsea` rúng",

jogui e nijméé' e júu^ e nicatíb' í' e nijmé' Fidiée' e ni'uíng' guiá' quiá' dsea' jmigüí'.

Jō lanab jii' lí' júu^ e fé' fí' ni' jì' quiá' Fidiée'.

20 Jō mi' calí' e í' Jesús e júu^ do, jō cajníb'tur e jì' do jō cajá'r' i dsea' née' ni' e guá' do, jō caguáb'tur. Jō jalém' i dsea' teáng' sinúu^ guá' do teáaiñ' jóoiñ' Jesús. 21 Jōba' canaang' Jesús sí'r' jaléng' i dsea' do jō cajín'':

—E jmii' na nicaliti' jalé' e nicanúu' 'nú' e tōo' e fí' ni' jì' la.

22 Jō jaléng' dsea' i teáng' dsí' e guá' do dsíng' dsigá' dsíir' jalé' júu^ quiá' Jesús, jogui jmang' juguiáb' fé'r' quiá' dsea' do, jogui jmingí' rúíñ' la'ó' yaaiñ'':

—¿Su o' i nabi jóo' Sé^ i guíng' fí' fii' la?

23 Jōba' caíí' Jesús casí'r' jaléng' i dsea' do jō cajín'':

—Ja' ngám' nisí' 'nú' jnea' jii' laco' júu^ róo': "Timí', jmee' mii' quií' uo'"; osi nifo'bi' é: "¿Jiali' ja' jmée' fí' góo' la lajalé' e nicajmee' fí' Capernaum?"

24 Jō cajíng' gui Jesús casí'r' jaléng' i dsea' do:

—Jō jnea' jmitaa' óóna' e jii' jaang' dsea' i fé' cuaiñ' quiá' Fidiée' ja' íng' dsea' góor' ír'. 25 ¿Já' tōo' óóna' jalé' e fé' fí' ni' jì' quiá' Fidiée' e calí' malí'gui eáang' mi' cajá' Líí' i café' cuaiñ' quiá' Fidiée'? Co' ie' jō ja' catuu' jmii' fí' Israel lajee' 'ní' jiiing' dsí' ca'ná'^, jogui dsíng' cajá' oo' cajo.

26 Jō dsu' ie' jō ja' caquiú' Fidiée' ta' fa' e cajmée' Líí' e guiá' quiá' i dseamí' dsea' góor' i 'ní', co' caquiú' dsea' do ta' e cajmée' i Líí' do e guiá' dsu' quiá' jaang' dseamí' i 'ní' i guíng' fí' lí' huíí' eáang' fí' coo' lí' sii' Sarepta quiá' lí' née' fii' Sidón.

27 Jo lajob calí- cajo ie~ mali~gui eáang' mi~ cajá- Cheey~, jaang` dsea` i café" cuaiñ~ quiá"- Fidié~. Co' fím' dsea` Israel dsea` góo` Cheey~, calidsée'r` e cacár- jmohuí' 'li^ fí ngúu' táaiñ` ie~ jo, dsu' jii~ jaang` i dsea` góor` fa' cajmi'leáaiñ-. Co' camíng' dsea` i sii` Naamán i guing~ tí li~ huíi^ eáang', tí li~ se' Siria, jii~ í'bing' i ca'láang-, co' lajob ta~ caqui~' Fidié~.

28 Jo mi~ canúu- jaléng' i dsea` i teáang'~ dsíi sinúu^ guá'- do jalé" júu^ quiá"- Jesús jo dsíng'- caliguiñ-. 29 Joba' caguim`bre dsea` do sinúu^ guá'-, jo ca'óøng`neiñ' catí guiee'~ fi~, jogui cangojéeng`neiñ' cartí coo` yú^ jiáa'. Jo fí job li~ lamí~ iñ~ nibíiñ- dsea` do, co' í' dsír' e nijngám'-breiñ'.

30 Jo mi~ caguiliñ- tí e yú^ jiáa' do e li~ í' dsír' e nibíiñ- dsea` do, jo dsu' Jesús caquim'-tur jo cangíiñ' jee~ jaléng' i dsea` do, jo jii~ coo` jo` ee' cajméiñ' do quiá'r-.

*Jaang`dseañu` i jée' i 'ling'^ quiá'-
(Mr. 1:21-28)*

31 Jo mi~ cangí jo, jo cangób-tu Jesús fí Capernaum fí li~ se' Galilea. Jo mi~ caguiér- e fí jo, jo ca'ír- fí dsíi sinúu^ guá'- quiá'- dsea` góor` dsea` Israel, jo fí job canaaiñ` e'r' jaléng' i dsea` í' jalé" júu^ quiá"- Fidié~ lajee~ jmii~ e jmi'ing' jaléiñ" do.

32 Jo dsíng'- dsigá' dsíi jaléng' dsea` i núu' júu^ quiá'r-, co' fé'r' lí^ laco' jaang`dsea` i óo` ta~.

33 Jo e fí guá'- do e li~ caguié- Jesús e cango'ée'r' dsea` júu^ quiá'- Fidié~, jo fí job nising' jaang`dseañu` i jée' i 'ling'^ quiá'-. Jo cajmée` i 'ling'^ do e ca'óo` i dseañu' do ga` eáang', jogui café'r' jo cajíñ'- lala:

34 —Jéeng^l na, Jesús, dsea` seeng` fí Nazaret. ¿Jiali^r ñijmiguín^l jnea^l? ¿Su cañí^r e ni^lín^l jnea^l? Cuím^lbaa^r 'nua^r, jōba^r ne^lnaa^r e lin^r dsea` güeang^l quiá^r Fidiée^r dsea` guing^l ñiff^r.

35 Jōba^r cajíng^r Jesús i 'ling^l do jō casí^r reiñ^r:

—i^rTii^r íí moní^l, jō tiúung^r i dseañ^l na lana!

Jō mi^r cajíng^r Jesús lajō, jō dsifí^r ladob cajmée^r i 'ling^l do e caquíng^r i dseañ^l do fí quini^r jaléng^l i dsea` teáng^l dsíí sinúu^l guá^r do. Jō joguiba^r catiúung^r i 'ling^l do i dsea` do, jō jíí^r cōq^l jo` ee` cajmeáñ^r i dseañ^l do. 36 Jō dsíng^r cafōng^r jaléng^l dsea` jō jmingí^r rúñ^l lala:

—¿i^r i dsea` na, faa^laa^r, e quiu^rr ta^l laco^r jaang^l dsea` i óo^l ta^l, jogui quí^lbre jmi^r e jmihuín^r jaléng^l i 'ling^l i jée^r quiá^r dsea`, jō dsifí lajōb dsihuíng^r jaléng^l i 'ling^l do?

37 Jō mi^r calí^r lado, dsíng^r caní^r júu^l la'úng^r fí lí se^r Galilea quiá^r jalé^l e guiú^r e jmóo^r Jesús fí Capernaum.

*Mi^r cajmi'leáng^r Jesús iemisé^r Tú^l Simón
(Mt. 8:14-15; Mr. 1:29-31)*

38 Jō mi^r cangí^r jō, jō cagüi^lib^r Jesús lí iuuiñ^r fí dsíí guá^r quiá^r dsea` góor^l i seeng^r fí Capernaum, jō cangór^r fí quiá^r Tú^l Simón. Jō mi^r caguiér^r fí jō, nidséeb^l iemisé^r Tú^l Simón e dsíng^r iu^l guíñ^l. Jō cōq^l tú^r máng^l dsea` i teáng^l e sinúu^l do camí^r Jesús jmi^lee^r fa^r e nijmi'leáañ^r i dseamí^r do. 39 Jōba^r cangó^r Jesús fí lí ráang^r i dsea` dsée^l do. Jō mi^r caguiér^r lí ráañ^l do, jō cajíñ^r e jmohuí^r e líng^r i dsea` do. Jō dsifí ladob ca'láang^r i dseamí^r do, jō cajém^l e iu^l guíñ^l do. Jō mi^r cangí^r lado,

jò caróo bre jò cajméer e cagó^h Jesús cóo^h i dsea caguaang gui do.

Mi cajmi'leáng Jesús fíng dsea dsée^h
(Mt. 8:16-17; Mr. 1:32-34)

⁴⁰ Jò mi canuu e jmi^h jò, jò fíim' dsea caguiliín e 'náiñ' Jesús, jò jéeiñ jaléng' dsea dsée^h quiá'r e laco' nijmi'leáng dsea do. Jò mi caguiliín fí lí guing Jesús, jò camí'r dsea do jmi'ee^h lajii^h ta ngoliñ; joba lí jò caquidsí Jesús guór fí moguí lajaang lajaang i dsea dsée^h do, jò dsifí ladob 'láaiñ'. ⁴¹ Jò jee i dsea dsée^h do niquíéng dsea i jée i 'ling'^h quiá'. Jò laco' ngóo Jesús e jmi'leáaiñ lajaang lajaang i dsea do, jò lajòb dsihuíng jaléng' i 'ling'^h do, jò sóng^h óor t'láaiñ Jesús jò fé'r:

—'Nub dsea lin' Dsea Jmáng i Joo' Fidiée^h camíng'.

Jò dsifí mi canúu Jesús e fé' i 'ling'^h i jée quiá' i dsea do lado, dsifib' ca'gaaíñ quiáiñ jò jo cacuø'r fí fa' ee café'guiíñ do, co' líb' i 'ling'^h do e Jesús líiñ Dsea Jmáng i cajíng' Fidiée^h i nisíñ fí jmi'güí la lajii^h lamali'gui eáng'.

Mi cagua' Jesús júu^h quiá' Fidiée^h fí lí se'
Galilea
(Mr. 1:35-39)

⁴² Jò mi cajneá e jmi^h e cajmi'leáng Jesús jaléng' i dsea dsée^h do, cagüí'fíb' Jesús e fí do, jò cangór fí coo lí cateáaiñ 'ñia'r'. Dsu' dsifí ladob caguiling jaléng' dsea e 'náiñ' dsea do calé' catú, jò jniñ dsea do e laco' ja nidséiñ fí lí jíé'. ⁴³ Joba cajíng' Jesús casí'r jaléng' i dsea do:

—'Né- ninii~i lacoo` lacoo` fii` e niguiaa^ júu^
 quíá'- jial íng- Fidiée` dsee- quíá'- dsea` e laco`
 cuóøng` nicár` nifí` quíáíñ'-.

⁴⁴ Joba' canaaíñ` ngir' lacoo` fii` e guiar' e júu^ jo
 fí' lacoo` guá'- quíá'- dsea` góor` dsea` Israel e téé-
 fí' la'úng- fí' lí~ neáng' dsea` do.

5

*Mi~ cajmée` Jesús e calí'- Tú^ Simón 'ñu` i lí' eéang`
 (Mt. 4:18-22; Mr. 1:16-20)*

¹ Jo coo` jmii~ cangó- Jesús fí' 'ni` coo` guiée`
 fé' e sii` Genesaret, jogui sii`bi guiée` Galilea cajo,
 jo caguilíng- fíng' dsea` e iíñ~ ninúr- jalé' júu^
 quíá'- Fidiée` e e' dsea` do. Jo dsíng'- fíng' i dsea`
 i caguilíng- do, joba' dsíng'- sicúung'` Jesús jee~
 jaléng'` i dsea` do. ² Jo lajee` jo, cangá- Jesús tú-
 móo' e téé- quíá'- 'ni` jmii~, jo i dsea` fii~ e móo`
 do ninica'uøøm`bre dsíí', jo dob nitaaiñ~ ru'r' 'máa`
 quíá'r- 'ni` e guiée' do. ³ Joba' camí Jesús fí' e
 cajgóor- dsíí' coo` e móo' do e quíá'- Tú^ Simón, jo
 caguá`bre fí' dsíí', jo casí'r- i dsea` do fa' e nidsi-
 huíng- guijii e móo' do fí' 'ni` uø- quíá'. Jo mi~ caje`
 e móo' do ni~ jmii~, jo tí' job ca'e' Jesús jaléng'` i
 dsea` i teáng- 'ni` jmii` do jalé' júu^ quíá'- Fidiée`.
⁴ Jo mi~ cató' e e' Jesús jaléng'` i dsea` do jalé' júu^
 quíá'- Fidiée`, jo casí'r- i Tú^ Simón do jo cajíñ'-:

—Jmee- e nidsé- e móo' la tí' dóo- tí' lí~ ni'a'gui
 quíá'- e guiée' la. Jo mi~ niguiée' lí~ ni'a'gui,
 nibí'na' 'máa` quíí'na' jo nijmang'`na' 'ñu`.

⁵ Joba' cañí' Tú^ Simón jo casí'r- Jesús:

—Tifa', lata uóob` nicataang`naa' jmoo`naa' ta` bî` 'máa', jo júi` jaang` 'ñu` ja` mí` cali'naa'. Dsu` 'nu`gui quiá' ta` lana, joba` nibí`baa` 'máa' quié`e.

6 Joba` cangolíñ` cartí` lí` ni'a`gui quiá'` e guiéé` do, jo job` cabír` 'máa' quiá'r` fí` lí` ca'e` Jesús, jo i` líí` 'ñu` cali'r`. Jo mi` canaaiñ` øøiñ` e 'máa' do, jo canaang` 'guii`ba' do, co' dsíng'` fíng' i` jó` do nicangotáang`ne' fí` dsíí` e 'máa' do. 7 Joba` cató'r` i` dsea` la'ó` jmóo` ta` cóo'r` i` teáng` dsíí` e móo` e coo`gui do, jo íb` cangolíng` e cangojmícoo` quiá'r` e quiá'` e caguá` e 'máa' do. Jo mi` caguir` e 'máa' do, jo canaaiñ` uóøiñ` i` 'ñu` do, jo catáng`neiñ` do fí` dsíí` e móo` do car` caróng` laji` tú`. Jo jiu` ja` cango'ang` e móo` do, co' dsíng'` fíng' i` 'ñu` do cali'r`. 8 Jo mi` cangá` Tú` Simón jalé' e do, dsifí` lajob` casí'r` uó` jnir` fí` quini` Jesús laco' teáiñ` dsíí` e móo` do, jo casí'r` dsea` do jo cajíñ`:

—Fíi', ja` catáñ` sin'` cáan`n, co' jaang` dsea` dsee` dsea` quib` líng` jnea`.

9 Jo cajíng'` Tú` Simón lajo, co' dsíng'` cangogá` dsíir` colíng` cóo` jaléng` i` dsea` caguiaang`gui do dsu' e cali'r` jaléng` i` 'ñu` do ie` jmi` jo. 10 Jo jee` i` dsea` í` nitaang` gáng` dseañu` i` jmóo` ta` colíng` cóo` Tú` Simón, jaiñ` do siir` Tiáa` jo jaang`gui i` sii` Juan, jo laji` huáaiñ` do líiñ` jóo` jaang` dseañu` i` sii` Zebedeo. Joba` cajíng'` Jesús casí'r` Tú` Simón:

—Ja` fóøn`, Tú` Simón, co' lati` lana nitá` e ta` jmoo` na, jogui` nicuóøø` 'nu` coo`gui ta` e líb`jiu` la líí` e ta` na cajo, co' nijmée` ta` guia` júu` quié`e jee` jaléng` dsea` jmígüí`.

11 Jo mi` cangí` jo, cangolíim`tur` fí` 'ni` uó` quiá` cóo` laji` tú` e móo` do, jo job` catá' i` dsea` do

lajì tú⁻ e móó' do cóo[~] lajalé[^] e sea` quiá^{r-}, jò cangolíim[^]bre cóo[~] Jesús.

Mi[~] cajmi'leáang⁻ Jesús jaang[`] dsea` i líng['] jmohu^{í'} 'li[^]

(Mt. 8:1-4; Mr. 1:40-45)

¹² Jò mi[~] cangí jò, jò lajee[~] táang[`] Jesús fí' cóo[`] fí^í lí[~] se['] Galilea, jò caguié⁻ jaang[`] dseañ^{u[^]} i líng['] jmohu^{í'} 'li[^] fí' ngúú' táang[`]. Jò mi[~] caguié⁻ quiá[~] lí[~] sing['] Jesús, jò casí^{r-} uó⁻ jnir[~] jò catúu^{iñ⁻} cartí^í ní[~] uó[^] jò camí^{r-} jmi[']ee[~] dsea` do jò cajíñ⁻ casí⁻ reiñ[!]:

—Fí^ínaa', cuó^øm lí jmi[']leáan[^] jnea[~] song iin⁻ lajò.

¹³ Jòba' cagüing['] Jesús i dsea` dsée[~] do jò cajíñ⁻ casí⁻ reiñ[!]:

—Iim[~]baa jmi[']leáan⁻n 'n^{u[^]}. Jòba' latí' lanab ni[']leáan⁻ laj^í jmohu^{í'} e lin['].

Jò dsifí' mi[~] cajíng⁻ Jesús lajò, cajém[^] e jmohu^{í'} e líng['] i dsea` dsée[~] do, jò jí^í capí[^] jo[~] ee[~] líng['] guir e jmohu^{í'} 'li[^] do. ¹⁴ Jòba' caqui^{u[^]} Jesús ta[~] i dseañ^{u[^]} do e ja[~] i^í nisí^{r-} jí^í jaang[`] laj^í e calí⁻ do, jò casí⁻ reiñ[!] do jò cajíñ⁻ lala:

—Gua[~] jò güijáang[~] uó['] fí' quini[~] jmidsea` quí⁻ii', jogui 'né⁻ líng[~] ee[~] cóo[`] nigüicá[^] e quiá⁻ e nicuó[^] guí['] máang[~] Fidiée[~] lí[^] laco[']gui ta[~] caqui^{u[^]} Moí[~]. Jòba' i jmidsea` do nijíñ⁻ e nica['] láam⁻ba' laj^í jmohu^{í'} e lin['], jò lajòb jaléng['] dsea` ninír⁻ e jo[~] lin['] jí^í cóo[`].

¹⁵ Jò dsu['] dsifí' ladob cani⁻ júu[^] e dsíng⁻ 'gøng['] Jesús. Jò dsíng⁻ fíng['] dsea` cangolíng[^] e 'náíñ['] dsea` do e iíñ[~] ninúr⁻ jalé[^] júu[^] quiá⁻ Fidiée[~], jogui iíñ[~] e nijmi[']leáang⁻ dsea` do laj^í jmohu^{í'} e lííñ['] do. ¹⁶ Jò dsu['] tá⁻ cò['] jeeng[~] jmi['] nám[^] 'ñia['] Jesús, jò

'nó'r' lí~ ja` ií` dsea` seeng`, jò fí' jòb dséer' dsisiñ`
còo'~ Fidiée`.

*Mi~ cajmi'leáang` Jesús jaang` dseañu` i caang` tii`
(Mt. 9:1-8; Mr. 2:1-12)*

¹⁷ Jò mi~ cangí' jò, còo` jmií~ lajee` e' Jesús jaléng`
dsea` jalé` júu` quiá'- Fidiée`, jò fí' jòb neáang` còo`
tú~ mning`~ dsea` Israel i líng` dsea` fariseo colíng`
còo'~ tifa' quiá'- júu` quiu' ta~ quiá'- dsea` Israel.
Jò i dsea` do, seeiñ` do jalíiñ` fí' Jerusalén còo'~ gui
jalé` fií` e née' quiá'- lí~ se' Galilea còo'~ gui lí~ se'
Judea. Jò dsíng'~ lí~ e jmicòo'~ quiá'- Jesús e güea'
'gøng'~ quiá'- Fidiée`, cò' dsíng'~ tiiñ` e jmi'leáaiñ`
jaléng` dsea` dsée'~. ¹⁸ Jò lajee` jò caguilíng` tú~
'ní mning`~ dseañu' fí' lí~ táang` Jesús e dsíiñ` jaang`
dseañu' i caang` tii~, cò' iíñ` nidsijéeiñ` i dsea`
dsée'~ do fí' quini` Jesús. ¹⁹ Dsu' ja` lí~ cadsé' i dsea`
do fí' lí~ ningíiñ`, cò' dsíng'~ fíng` dsea` i teáang'~ e
sinúu` do ie` jò. Jòba' cajgóo` i dsea` jéeng` i dsea`
dsée'~ do fí' yá' 'núu' lí~ røø. Jò mi~ caguilíiñ` fí' jò,
jò ca'òr` còo' too', jò fí' jòb cangíiñ` i dsea` dsée'~ do
laco' dsíiñ` do e fí' ní~ lí~ ráaiñ`, jò cajgiáang` neiñ`
do jee` jaléng' i dsea` i teáang' e dsíi' sinúu` do
dseáng' fí' quini` Jesús. ²⁰ Jò mi~ catisíng' i dsea`
dsée'~ do cartí' ní~ uó`, dsifí' ladob calilí' Jesús e
jáb' líng` i dsea` dsée'~ do còo' i dsea` dsíi' quiá'r`
do e quíib'~ dsea` do jmií~ e nijmi'leáaiñ` jaléng`
dsea` dsée'~. Jòba' casí'r` i dsea` dsée'~ do jò cajíiñ`:-
—Ni'ím~baa dsee` quíi', Ruu'.

²¹ Jò mi~ canúu` jaléng' tifa' quiá'- júu` quiu' ta~
quiá'- dsea` Israel còo'~ gui jaléng' i dsea` fariseo
do e cajíng' Jesús lajò, jò canaaiñ` í' dsíir' jò siiiñ`
la'ó' yaaiñ`: “¿I` i dseañu' la e jafée'r` jalé' júu` e

jíi' Fidiéeb' dsea`catíiñ' fé'r? Co' jíi' Fidiéé' dsea` guing' ñiff' catíiñ' ni'íiñ' dsee' quí'naa'."

²² Dsu' Jesús calilí'bre jalé' e í' dsí' i dsea` do, joba' casí' reiñ' jo cajmingí' reiñ' lala:

—¿Jialí' í' ó'na' lana? ²³ ¿E' e líng'na' e ja'gui huíng' e nifé'naa': su e "Ni'ím'baa dsee' quí'—", osi e nifé'naa' é: "Ráan' jo ngí'?" ²⁴ Dsu' lana jnea' ni'é'e 'nú' e jnea~, i cajá' fí' ñiff' e lín'n jaang' dsea` jmigüí, oo'baa ta~ e ni'íin'n dsee' quía' jaléng' dsea` jmigüí.

Joba' casí' Jesús i dsea` i caang~ tíi' do jo cajíiñ':

—Ráan', Ruu', jo uø'ba' nicó' e lí' dsín' na, jo guóng' fí' quí' náng.

²⁵ Jo mi~ café' Jesús lado, dsifí' ladob caróo' i dsea` caang~ tíi' do jee' jaléng' i dsea` i teáng' do, jo case'r' e lí' dsíiñ' do, jo cangáiñ' fí' quía'r'. Jo lajee' ngaiñ' jo jmiféiñ' Fidiéé' dsu' uíi' e ca'láaiñ'.

²⁶ Jo lajalém' i dsea` i teáng' do dsíng' cangogá' dsíir', jo canaiñ' cuø'r' gui'máang' Fidiéé' jogui jmiféiñ' dsea` do cajo dsu' e ca'láang' i dseañu' i caang~ tíi' do, jo síiñ' lajee' yaaiñ':

—Jíi' coo' née' ja' mí' cane'naa' e guiá' e la jmóo' i dseañu' na.

*Mí' cató' Jesús jaang' dseañu' i sií' Leví
(Mt. 9:9-13; Mr. 2:13-17)*

²⁷ Jo mi~ cangí' jo, jo cagü'íib' Jesús lí' iuuiñ' do, jo cangór' fí' lí' jíé'. Jo lajee' iuuiñ' fí' ngóor', cangáiñ' jaang' nodsicuu' i sií' Leví i guing' fí' lí' mir' cuu' e catíng' dseata~ i guing' fí' Roma. Jo cató' Jesús i dsea` do jo casí' reiñ':

—Leví, má'aa' cóo' jnea~.

28 Jo mi~ canúu~ Leví e tó` Jesús, jo dsifí ladob catár` ta~ jmóor` cóo~ jalé` e sea` quiá~r~ jo cangó~bre cóo~ Jesús.

29 Jo mi~ cangî jo, fí` quiá~ Leví cajméer` cóo` jmi~ fe` e quiá~ e jmi`gór` Jesús, jogui cató~r~ jaléng`gui nodsicuu~ i cuiñ` e cagó~r` colíng~, jogui fíim`bi dsea`jiéng` i caseáng` fí jo ie~ jo. 30 Jo lajee` jo, dob neáng` jaléng` dsea` fariseo cóo~ jaléng` tifa` quiá~ júu^ quiá~ ta~ quiá~ dsea` Israel. Jo mi~ cangár~ e gó~ Jesús cóo~ jaléng` nodsicuu~ cóo~gui jaléng` dsea` i sea` júu^ e dsíng` røøiñ` dsee~, joba` canaaiñ` éeiñ` Jesús jo casí~r~ i dsea` i caguilíng~ cóo~ dsea` do:

—¿Jialí` í` gó~ tifa` quií~na` cóo~ jaléng` nodsicuu~ cóo~gui jaléng` dsea` i sea` júu^ e dsíng` røøiñ` dsee~?

31 Jo mi~ canúu~ Jesús e fé` i dsea` do lado, jo cañí~r` quiáiñ`~ jo casí~reiñ`:

—Jaléng` dsea` guiúng~ ja` 'neáiñ~ timí~, có' lajii~ dsea` dséel~bing' i 'neáng~ timí~. 32 Jo jnea~ ja` cagá~a fí` jmigüi` la e caga'nén`n jaléng` dsea` i guiúng~, có' jaléng` dsea` dsee~ dsea` qui'bing' i caga'nén`n e lacó' niquí~ nijíng` yaaiñ~ fí` quini~ Fidié~ dsea` guíng~ ñíff~.

*Mi~ cajmingí~ dsea` Jesús cuaiñ~ quiá~ ayuno
(Mt. 9:14-17; Mr. 2:18-22)*

33 Jo mi~ cangî e cajíng` Jesús lajo, jo caleáb` catú~ cajmingí~tu i dsea` Israel i líng` dsea` fariseo do jo cajíñ`~ lala e cajmingí~r~ Jesús:

—Jaléng` dsea` i ngí` cóo~ Juan i seáng` dsea` jmi~ cóo~gui jaléng` jnea`, dsea` lí~naa' dsea` fariseo, dsíng`~ jmoo~naa' ayuno jogui dsíng`~ fé~naa' fa',

jō ʒjialí' jaléng' dsea` i ngí' cóo'~ 'nũ' lacoō' jm̄ib~ ɿ' gø'r', jō ja' jmóor' ayuno laco' jnea'~?

³⁴ Jōba' cañi'tu Jesús quiá'~ i dsea` do jō cajíñ'~ casí'~ reiñ':

—Fa' mi~ jmoo` 'ná' jm̄i~ e cung' guoo` dsea`, jōba' ja` cuóøng` e niseáang~na' jaléng' i dsea` simíng` do e nijmér~ ayuno lajee` neáaiñ` cóo'~ i siming' i nicúng'~ guó' do. ³⁵ Jō dsu' niguiéeb' jm̄i~ mi~ nitøø` dsea` i siming' do, jō ie~ jō mi~ nijmé~ ayuno i dsea` simíng` do.

³⁶ Jogui ca'e'gui Jesús jaléng' i dsea` do jalé' júu` já'~ e lafa' júu` cuento jō cajíñ'~:

—Mi~ 'né~ te'~ dsea` coo` 'mi', ja' jmóor` fa' e quiu'r' ca'ná'~ 'mi'qui' e 'm̄i~ jō nite'r~ cóo'~ coo` 'mi'qui' e yúu'~. Co' song cajméer` lajō, ni'ím~ e 'mi'qui' e 'm̄i~ do, jōgui ni'ím~ e 'mi'qui' e yúu'~ do cajo, co' mi~ nijgíi~, nijóm' e 'mi' 'm̄i~ e sito' do, jō nilife'gui e lí' sí'guii' do. Jō mi~ niliquiui' jō jō ee` ta` íng` jíi'~ capí'~ jóng.

³⁷ Jogui cajíng'~gui Jesús casí'r~ jaléng' i dsea` do:

—Jō lajōbi cajo, ja` guié' dsea` jmí'~ mí'~ huíng` jó'~ e laco' gui'ná'~ có' fí' coo` dsíi' loo~ jó' e yúu'~, dsuco' song cajméer` lajō, jōba' ni'guí'ba' do jō nidsi'íib' e jmí'~ do jōgui ni'ím~ e loo~ jó' do cajo. Jō co' lajōb líi', ³⁸ jōba' guiú'~gui e niguié' dsea` e jmí'~ mí'~ huíng` jó'~ do laco' gui'ná'~ có' fí' coo` dsíi' loo~ jó' e 'm̄ib~, jō lajōba' ja` dseáang'~ fa' e ni'gui' e loo~ jó' do o'gui fa' e nidsi'íi' e jmí'~ do cajo. ³⁹ Jogui jíi'~ jaang` dsea`, mi~ nicangoyúung'~ e ca'í'r~ jmí'~ mí'~ huíng` jó'~ e nicó', iing~guir fa' ni'í'r' jmí'~ e ja` mí' líi' lajō, co' jalém' dsea` fé'r': “Eáang'gui jlo'~ jmí'~ mí'~ huíng` jó'~ e nicó' laco'gui jmí'~ e ja` líi' lajō.”

Jō jalé' e júu^ na ca'e' Jesús jaléng' i dsea` do ie~ jō.

6

*Mĩ ca'éeng` dsea` quiá'- Jesús láa' quiá'- cui'iee`
(Mt. 12:1-8; Mr. 2:23-28)*

¹ Jō mi~ cangî jō, cōo` jmi~ lajee` e jmi'ing' jaléng' dsea` Israel, cangíng' Jesús cōo'~ jaléng' dsea` quiá'r- fí 'ni' li~ sijnea~ cui'iee'. Jō lajee` teáaiñ~ fí lado, jaléng' i dsea` do canaañ` éeiñ` láa' quiá'- cui'iee`, jō guiár` fí jaguór` jō jiúr- quiá', jō cu'r e micui'iee` do. ² Jō dob ngolíng- tú- 'ni' míng'~ dsea` Israel i líng' dsea` fariseo. Jō mi~ cangár- e éeng- jaléng' i dsea` do láa' quiá'- cui'iee`, jō dsifí ladob cajmíngi' reiñ' jō cajíñ'- lala:

—¿Jialí' jmoo` 'nú' cōo` e ja` catíng- nijmé- dsea` mi~ jmi~ e jmi'ing' naa', dsea` lí' naa' dsea` Israel?

³ Jōba' cañí' Jesús quiá'- i dsea` do jō casí'- reiñ' jō cajíñ'-:

—¿Su ja` mí ca'í 'nú' fí ni~ jì quiá'- Fidiée` li~ fé' jial cajmée` dseata~ dsea` féng' Daví'^ cōo'~ jaléng' dsea` quiá'r- mi~ cadseá- jmi'aañ-? ⁴ Cō' ie~ jō i dseata~ Daví'^ do ca'ír- fí dsí' sinúu^ guá'- quiá'- dsea` góor` dsea` Israel, jō camí'r jmidsea` i néé' ni~ guá'- do iñí^ e güeang' e tíng' dsea` e cuø'r Fidiée`, jō cagó'r` cōo'~ jaléng' i dsea` i cōo'r` do. Jō niñíb^ 'nú' e ja` cuøng` dó'- lí^ doñí i dsea` e iñí^ do, cō' lajii' jmidsea`bing' cuøng` lí dó'- e jō. Dsá' cangím` i dseata~ dsea` féng' Daví'^ do e cagó'r` e iñí^ do ie~ jō colíng~ cōo'~ jaléng' dsea` quiá'r-.

⁵ Jō lalab cajíng'- gui Jesús:

—Jo jnea~, i cagüéng~ fi' jmigüí' la e gáa'a fi' ñiff~ e lín'n jaang` dsea` jmigüí', seab` fi' quié~ e e quiá'~u ta~ lajee~ e jmii~ e jmi'íng' dsea` góo'o dsea` Israel.

Mi~ cajmi'leáng~ Jesús jaang` dseañu' i caang~ guoo`

(Mt. 12:9-14; Mr. 3:1-6)

⁶ Jo mi~ cangî jo, mi~ caguié~ coo`gui jmi~ e jmi'íng' jaléng' dsea` Israel, jo calí~ Jesús fi' dsíí coo`guá'~ quiá'~ dsea` góor` dsea` Israel, jo canaiñ` e'r' jaléng' dsea` jalé' júu^ quiá'~ Fidié~. Jo job nitáang` jaang` dseañu' i nicaang~ guoo` dsée'. ⁷ Jo jaléng' tifa' quiá'~ júu^ quiu' ta~ quiá'~ dsea` Israel cóo'~gui jaléng' dsea` Israel i lîng' dsea` fariseo dob ngir' e téeiñ` Jesús, jo iin~ e nijóør~ su nijmi'leáng~ dsea` do i dsea` dsée'~ do lajee~ mi~ jmii~ e jmi'íng' jaléng' dsea` Israel; jo faco' lajo, niguiér' jial e ni'niñ~ dsea` do. ⁸ Jo dsu' Jesús lí'bre jalé' e í dsíí jaléng' i dsea` do, jo casí'r~ i dseañu' i caang~ guoo` do jo cajíñ'~:

—Ráan'~ jo ñising' uø' fi' quini~ jaléng' i dsea` la.

Jo dsifí ladob caróo~ i dseañu' i caang~ guoo` do, jo cangór~ fi' lí~ cajíng'~ Jesús. ⁹ Jo mi~ caguiér~ fi' lí~ e' dsea` do, joba' cajíng'~ Jesús casí'r~ jaléng' i dsea` i teáang'~ dsíí e sinúu^ guá'~ do:

—Sea` coo` e nijmingí' i 'nú' jaléng' na' na. ¿E~ ta~ quiu' fi' ni~ jì quiá'~ Moi~ e cuøong` jmó'oo' mi~ jmii~ e jmi'íng' naa', su jalé' e ga` ofa' jalé' e guiáb~ é? ¿Su e jngáang'~ naa' jaléng' dsea` dsée'~ ofa' e jmi'leáam`baa'r é?

¹⁰ Jo mi~ calí~ e fé' Jesús lajo, jo cajóøiñ~ jaléng' i dsea` i teáang'~ dsíí e sinúu^ guá'~ do, jo casí'r~ i dsea` caang~ guoo` do jo cajíñ'~:

—Níi' guóo', dseañu'.

Jò mi' cani' i dsea' do guóor' e caang' do, dsifi' ladob ca'lóo', jò jii' coo' jo' ee' lí'. ¹¹ Jò mi' cangá' jaléng' i tifa' quiá' júu' quiu' ta' quiá' dsea' Israel cóo' gui jaléng' dsea' Israel i líng' dsea' fariseo e cajmi'leáam' Jesús i dsea' dsée' do, dsíng' caliguíñ jò canaaiñ' síiñ' lajee' yaaiñ' jial laco' cuøng' e nijmeaiñ' dsea' do.

Mi' caguíng' Jesús dsea' guitúung' quiá'r'
(Mt. 10:1-4; Mr. 3:13-19)

¹² Jò mi' cang' jò, coo' jmi' cangó' Jesús fí' coo' yá' mó', jò fí' job cateaiñ' lata' uøø' e síiñ' cóo' Fidiée' dsea' guing' ñifi'. ¹³ Jò mi' cajneá' e uøø' jò, jò cató'r' jaléng' dsea' i ngi' cóo'r' do. Jò mi' caguilíñ' do fí' lí' siñ', jò caguíñ' guitúung' i dsea' do i ni'uíng' dsea' apóo' i nijmé' ta' ni' júu' quiá'r'. ¹⁴ Jò lalab si' i dsea' guitúung' do: jaang' i si' Simón, jò mi' canaaiñ' ngi' cóo' Jesús jò calisí' Tú'; jaang' gui i si' Dí', rúng' dsea' ngáang' cóo' i Simón do; jaang' gui i si' Tiáa~, jaang' gui i si' Juan, jaang' gui i si' Li~, jò jaang' gui i si' Bartolomé, ¹⁵ jaang' gui i si' Mateo, jaang' gui i si' Mó', jaang' gui i si' Tiáa~, joo' jaang' dseañu' i si' Alfeo; jaang' gui i si' Simón i líng' dsea' celote; ¹⁶ jaang' gui i si' Judas, rúng' dsea' ngáang' cóo' i Tiáa~ do; jò lí' cadséng' gui jaang' gui i si' Judas Iscariote, dsea' i cajáng' Dsea' Jmaang' fí' jaguó' jaléng' dsea' cóøng' quiá' dsea' Israel.

Mi' ca'e' Jesús f#ng' dsea' jalé' júu' quiá' Fidiée'
(Mt. 4:23-25)

¹⁷ Jò mi' cang' jò, cajgám' tu Jesús fí' e yá' mó' do colíng' cóo' dsea' quiá'r' jò catisíiñ' coo' lí'

iã coo` mí^ røø, jo fí job cajer' e ca'e'reiñ' do jalé' júu^ quiá'- Fidiéẽ. Jo lajeẽ jo caguilíng- jaléng' dsea` i jalíng- fí Jerusalén cóo'~ jalé'gui fiĩ jié' e tée'~ lí se' Judea cóo'~ jaléng' dsea` i neáng' fí 'ni' jmiñí' fí Tiro cóo'~gui fí Sidón. Jo jaléng' i dsea` do caguilíñ- 'náñ' Jesús, co' iñ̃ e ninúr- jalé' júu^ quiá'- Fidiéẽ e e' dsea` do. Jogui fíim'biñ' do jéeiñ jaléng' dsea` dsée'~, co' niñir' e jmi'leám- Jesús jaléng' i dsea` la'í lí^ doñí ee` jmohuí e líiñ'. 18 Jogui jaléng' dsea` i jée' i 'líng'^ quiá'- cajmihuíim- Jesús i 'líng'^ do, jo lajoba' ca'láam- jaléng' i dsea` do. 19 Jo jalém' dsea` iẽ jo iñ̃ nidsilíñ- cáang' Jesús, jo iñ̃ nigü'f'r- fa' capí^ sib' dsea` do, jo lajoba' ni'leáaiñ- lí^ doñí ee` jmohuí e líiñ' la'eáng' cóo'~ güea' 'gøng' quiá'- dsea` do.

*I` jaléng' i seeng` juguíá`
(Mt. 5:1-12)*

20 Jo lajeẽ sing' Jesús colíng~ cóo'~ i dsea` quiá'r- do, jo cajøøng- neiñ' jo casí'r- dsea` do lala:
—Juguíá-jiu quií^ 'nú', ja` e lí' jialgui la tiñíng-na', co' Fidiéeb̃ dsea` ni'quie' nifí quií-na' lana.

21 Juguíá-jiu quií-na', 'nú' dsea` móo-na' oo-, co' Fidiéeb̃ nicuó'~ 'nú' lalíng` mĩ nití- í' lajo.

Juguíá-jiu quií-na', 'nú' dsea` jiuung` óo'na' car quií-na', co' 'nú'bing' i ningí- mĩ niguíé' jmí̃.

22 Juguíá-jiu quií-na' mĩ 'ní' níng- jaléng' dsea` 'nú' uiĩ quié- jneã, osi mĩ øøíñ' 'nú' fí caluu' fiĩ lí seeng-na', osi mĩ jmineaiñ'^ 'nú', osi mĩ nijíng'- jaléng' dsea` e 'líim'^ba' dsu' uí'~ e núu'~na' jalé' júu^ quié-e, dsea` i casíng' Fidiéẽ fí jmigü' la e lín'n jaang' dsea` jmigü'. 23 Jo e jmí̃ e mĩ nijmeáng'

dsea` 'nú` jalé` e ga` lajo, güili`iáang` óó`na' dsuco`
 niliseab` guiéé` quí`-na' mi` niti` fí` ñifi`. Dsuco`
 lajõb cajmée` jaléng` i` 'lii` yúu`~` quiá`-` jaléng` i` dsea`
 i` 'ní` níng`-` 'nú` do ie`~` lami` cajmeáñ` ga` jaléng` i`
 dsea` i` café` cuaiñ`~` quiá`-` Fidiéé` malii` gui` eáang`.

Jõ mi` calí` e ca`e` Jesús jalé` e júu` na, jõ lalab
 cajíng`-` guir`:

24 —E ngi` fii`-` 'nú`, jaléng` dsea` sea` cuu`, co`
 nicañi`-`ba' e sii` juguiá`-`.

25 'E ngi` fii`-` 'nú`, dsea` sea` e cø`^`na' lalíng` lana,
 co` niguiéé` jmi`~` mi` nimó`^`na' oo`.

'E ngi` fii`-` 'nú`, dsea` jmi`iáang` óó`na' cóo`~` jalé` e
 sea` fí` jmi`güi` la, co` niguiéé`b` jmi`~` mi` niljiuung`
 óó`na' car` niqui`^`na' uii`~` quiá`-` jalé` e jõ.

26 'E ngi` fii`-` 'nú` mi` fé` jaléng` dsea` jmang`-`
 e guiá`-` uii`~` quí`^`na', co` lajõb cajmée` 'lii` yúu`~`
 quiá`r` cóo`~` jaléng` dsea` i` cajmícaang` e café`r`
 cuaiñ`~` quiá`-` Fidiéé` malii` gui` eáang`.

*'Né` nijmi`neáang`naa` jaléng` i` 'ní` níng`-`
 jneaa`aa'*

(Mt. 5:38-48; 7:12)

27 Jõ mi` calí` e cajíng`-` Jesús lajõ, jõ caféng` guir`
 jaléng` i` dsea` do jõ cajíñ`-` casí`-` reiñ`:

—Núu`-`na' jalé` júu` quié`-` e: 'Né` nijmi`neáam`ba`
 jaléng` i` 'ní` níng`-` 'nú`, jogui` jmee`-`na' jmang`-`
 e guiá` cóo`~` jaléng` dsea` i` 'léé` quí`-`na', 28 jogui`
 féeng`-`na' Fidiéé` uii`~` quiá`-` jaléng` i` cuø`^` 'nú`
 júu` 'li`^`, jogui` mii`~`na' Fidiéé` jalé` e guiá`-` uii`
 quiá`-` jaléng` i` jmineang`^` 'nú`. 29 Song` ii` caquiúu`
 cataang` moni`^`na', jõba` cuøø`^`na'r e cataang`gui`
 do güiquiúur` jóng. Jõ song` ii` cagui` 'mi`guiéé`-`
 quí`-`na', jõba` cuøø`~`na'r la quie`^` 'mi`quí`~`na' cajo.

30 Cuø'na' jaléng' i mi' 'nú' lí' doñí' ee' mir', jo song ii' cacá' ee'go e sea' quí'na', jo' güimí'na'r. 31 Jmicó'na' jaléng' dsea', jo' jmee'na' j mang' e guiá' cóo'r lí' laco'gui iing'na' e nijmér' cóo' 'nú'.

32 Jo' song 'nú' 'neáang'na' lajii' i 'neáang' 'nú', joba' ja' güi'f' óo'na' e jmoo'na' e guiá', co' lajob jmoo' cajo jaléng' dsea' dsee' dsea' qui'. 33 Jogui song jmicó'na' lajii' dsea' i jmicó' 'nú', joba' ja' güi'f' óo'na' fa' e jmoo'na' e guiá', co' lajob jmoo' cajo jaléng' dsea' dsee' dsea' qui'. 34 Jogui mi' ee'go jmi'øøng' rúng'na' jo' jmoo'na' lajo cóo' i dsea' i líng'na' i niquí' e dsí' quí'na', joba' ja' güi'f' óo'na' jóng fa' e jmoo'na' e guiá', co' lajob jmoo' cajo jaléng' dsea' dsee' dsea' qui', jo' jmóor' lajo uí' líng' ee' sijear' e ni'íñ' quiá' dsea' rúíñ'.

35 'Dsu' 'nú' 'né' nijmi'neáang'na' jaléng' i 'ní' níng' 'nú', jogui j mang' e guiá' 'né' nijmee'na' cóo' lajaléng' dsea'. Jogui jaléng' dsea' i líng' ee'go jmi'øøng' 'nú', ja' güi'f' óo'na' fa' dseáng' e niquí' tur quí'na'. Jo' song nijmití'na' jalé' e nicafá'a na, joba' dseáng' niliseab' guiée' quí'na', jo' lajoguiba' nilíng'na' jóo' Fidiée' dsea' guiing' ñifí', co' jí' íb' dsea' guiúng' cóo' jaléng' dsea' doñí' fa' soo' dsíir' osi ja' cuø'r' gui'máang' dsea' do é mi' ee'go íñ'. 36 Jo' jmee'ba' fí' líng' rúng'na' laco'gui Tiquí'ii' dsea' guing' ñifí' fí' lííñ' 'nú'.

Ja' cuø'na' dsee' dsea' rúng'na'

(Mt. 7:1-5)

37 Jo' ja' cuø'na' dsee' dsea' rúng'na', jo' lajoba' Fidiée' ja' nicuø'r' 'nú' dsee' cajo. Jo' ja' fó'na'

júu[^] ga` quiá⁻ dsea` rúng[^]na', joba' Fidié[~] ja` ni-
 jmér⁻ lajō cóo[~] 'ná[^]'. Íng[^]na' dsee⁻ quiá⁻ jaléng[^]
 dsea`, jō lajōb ni'íng⁻ Fidié[~] dsee⁻ quií⁻na' cajo.
 38 Cuóø[^]na' jaléng[^] dsea` ee`gō e 'né⁻, jō lajōb
 nińíng[^]na' quiá⁻ Fidié[~] cajo; jō nijmér⁻ lajō cóo[~]
 'ná[^] lafa' mi[~] cuø[^]na' dsea` micuí[^] e néé' í[^] cóo[~]
 'ma' í[^] cui[^], jō mi[~] nidsitoo[~], 'né⁻ e ni'iéng[^] e 'ma' í[^]
 cui[^] do, jō mi[~] carøng⁻ 'né⁻ e nidsitoo[~] teá[^], jō mi[~]
 calí⁻ jō, 'né⁻ e nilí[^] guisó[^] guiá⁻. Jō Fidié[~] nijmér⁻
 cóo[~] 'ná[^] lí[^] laco'gui la jmoo[^]na' cóo[~] jaléng[^] dsea`
 rúng[^]na'.

39 Jō mi[~] calí⁻ e cajíng[^] Jesús jalé[^] e júu[^] na,
 jō ca'e'guir jaléng[^] i dsea` do jō casí[^]-reiñ[^] lala jō
 cajíñ⁻:

—Song jaang[^] dsea` tiuung⁻ nijéiñ⁻ jaang[^]gui
 dsea` tiuung⁻, joba' dseáng[^] fí' íb[^] nijiúíñ[^] lajì
 huáaiñ⁻ do. 40 Jōgui jíí[~] jaang[^] dsea` i jmitíng[^],
 tíng[^]guir laco' tifa[^] quiá[^]r⁻ lajee[~] e jmitíiñ[^]. Dsú[^]
 mi[~] ca'e' i tifa[^] do lajalé[^] e tíiñ[^], jōguiba' røøb[^]
 nilitíiñ[^] jóng.

41 'Jō çjialí[^] ca[^] cuente lajji[^] qui' iú[~] jmini[~] jaang[^]
 dsea` rún[^], jō dsú[^] ja` ca[^] cuente uø[^] e jie[~] ja`
 latøøng⁻ cóo[~] 'mab[^] iú[~] jminí[^]? 42 Jō song ja` lí[^]
 cá[^] cuente uø[^] jial tíí fe[^] e iú[~] jminí[^], joba' çjial
 niteá[^] o[^] e nifí[^] jaang[^] dsea` rún[^] lala: “Rú[^]uu,
 nea[^]du ne[~]ee[^], jō nigui[~]duu e qui' iú[~] jminí[^]”? i[^]
 jmicaang[~] 'nú[^]! Jáng[^] gui[~]du e 'ma[^] e iú[~] jminí[^]
 uø[^], jō lajōguiba' nicuøøng[^] jøø[^] guiá⁻ e niguí[^] e
 qui' e iú[~] jmini[~] i dsea` rún[^] do.

*Jalé[^] 'ma' ofí[^] cuí[^] dsea` la'eáng[^] cóo[~] ofí[^] e íb[^]
 (Mt. 7:17-20; 12:34-35)*

43 Jo mi~ calí~ jo, jo cajíng'~gui Jesús casí'r~ jaléng' i dsea`do:

—Ja`sea`'ma`ofi~ e guiá~ e cuø`ofi~ e ja`dseeng`, o'gui sea`'ma`ofi~ e ja`dseeng` fa' e cuø`ofi~ e guiá~. 44 Co' jalé' 'ma`ofi~, mi~ cacuø`ofi~ quiá'~, joguiba' nililí'^ dsea`su guiá~ osi ja`dseeng` e 'ma`ofi~ do. Co' ja`cuø`güiñí'^ yá'^ 'matóó', o'gui mí'^ huíng` jó'^ í yá'^ 'matóó' fí'. 45 Jo jaang` dsea` i guiúng` fé'r` jalé' e guiá~, co' jmang'~ e guiáb` í dsír'. Jogui jaang` dsea` i soo` dsí' jmang'~ e gab` fé'r', co' jmang'~ e gab` í dsír'. Co' dseáng'~ lají' e í dsíb' dsea` e fé'r`.

Jial lí' mi~ núu'~ dsea` júu^ quiá'~ Fidié'
(Mt. 7:24-27)

46 'Jialí' fi'na' jnea~, “Fí'i, Fí'i”, song ja`gui núu'na' jalé' ta~ quiá'u? 47 Nifá'^duu i líng` la líng` jaang` dsea` i núu' júu^ quié~ e jogui jmitir~ jalé' e fá'a: 48 i dsea` í líiñ' la líng` jaang` dsea` i cajme' coo` 'núu'. Jo i dsea` í, nú'-gui e nijmé'r~ e 'núu` do, catá'r~ tí~ fi~ e a' jogui caséer` coo'~ cuu~ e coo'~ eáang`, joguiba' cajme'r' e 'núu` do. Jo mi~ cajá~ jmí' dsiing~, dsíng'~ ca'í~ jmí~ e tí~ e 'núu` do, jo dsu' jí'~ coo` ja` eè calíng~, co' teáb` eáang` si'. 49 Jogui i dsea` i ja` núu' jalé' júu^ quié~ e o'gui jmitir~ jalé' e fá'a, i dsea` í líiñ' la líng` jaang` dsea` i cajme' coo` 'núu', jo ja` catá'r~ tí~ fi~. Jo mi~ cajá~ jmí' dsiing~, eáang` ca'í~ jmí~ tí~ e 'núu` do, jo ca'ím~ba' do co' caquíb'~.

Jo jalé' e júu^ na ca'e' Jesús jaléng' i dsea`do e fi e mí'^ røø` do ie~ jo.

7

*Mi~ cajmi'leáang~ Jesús jaang`dsea`'léeng~ quiá'-
jaang`fi~ 'lée~ romano*

(Mt. 8:5-13)

¹ Jo mi~ cató' e caféng' Jesús jaléng' i dsea` do, jo cangám'-tur cóo'~ dsea` quiá'r- fí' Capernaum.

² Jo e fí' fi# Capernaum do nitáang` jaang` fii~ 'lée- i niseeng` fí' Roma. Jo niseeng` jaang` dsea` 'léeng'~ quiá'r- i iin~ dsíng'-, jo i dsea` i niráaiñ` dsée'r~, jo dseáng' t' li~ nijúum~bre co' eám' líiñ'. ³ Jo mi~ caliñi' i fii~ 'lée- do e caguiéng' Jesús fí' Capernaum, jo dsifí' ladob casíiñ` tú- 'ni' máng'~ dsea` cóøng'~ quiá'- dsea` Israel e cangoféeiñ' Jesús fa' e nidsér- e nidsijmi'leáaiñ` i dsea` dsée'~ do. ⁴⁻⁵ Jo mi~ caguilíng- i dsea` cóøng'~ do fí' li~ sing' Jesús, jo camí'r dsea` do jmi'ee' lajúi'~ ta~ ngoliñ- jo cajíñ'-:

—I fii~ 'lée- i casíi' qui- naa' do, dsíng'~ guiúin- cóo'~ jaléng' dsea` góo'naa' dsea` Israel, co' íbre caqui#r' ta~ e calíi- guá'- qui- naa', joba' iin- naa' e nijmicóo'~re lana.

⁶ Jo mi~ canúu- Jesús jalé' e cajíng'- i dsea` do, jo cangó~bre cóoiñ'~ do. Dsu' ná'-gui e niguiéé' Jesús fí' quiá'- i dsea` do, cajíñ' tú- 'ni' máng'~ dsea` i casíng' i fii~ 'lée- do i quie' júu^ quiá'r-, jo cajíñ'- casí'r- Jesús lala:

—Lalab jíng'- fii'naa': ⁷ “Fí'i, ja` jmée'~ fí'í' fa' ñi' t' quié-e, co' ja` catín'- fa' e ni'úun'~ sinúu^ quié-e, co' dsea` 'gøm' 'n#', o'gui fa' e cateá- dsii- e caga'nén'n 'n#` 'ñiá'a, co' dsea` fém' 'n#`. Jo lico' fée'~ e ni'leáang- dsea` dsée'~ quié-e, jo ni'leáam~bre jóng. ⁸ Ds#co' jnea~ seem`dsea` i qui#r' ta~ quié-e, jogui seem` dsea` i quiá'~ ta~ cajo. Jo

mĩ fñ̄-i jaang`dsea`quíe`-e e gua~, j̄oba' dsifí' laj̄ob dséer'; j̄ogui mĩ fñ̄-guñ̄ i jiéng` e nea', j̄oba' dsifí' laj̄ob jáar' cajo; osi mĩ fñ̄-i jaang`dsea`'léeng`-quíe`-e e jmee` e la, j̄oba' dsifí' laj̄ob jmóor` cajo; j̄o jalém` dsea`quíe`-e núu`r~ júu` quíe`-e."

J̄o jaléb` e júu` na quíe` i dsea` i cangojmijíng` Jesús do.

⁹ J̄o mĩ canúu` Jesús lado, j̄o dsíng`- cangogá dsíir' j̄o caji`r' nir~ caj̄oñ̄ jaléng` i dsea` i cóo`r` do j̄o casí`-reiñ̄ j̄o cajiñ̄`- lala:

—Lajee` lajaléng` dsea` góo`naa' dsea` Israel ja mĩ cajín`n j̄úí`- jaang` i dseáng`- lajang`^ já`- líng` júu` quíe`-e lac̄o`gui i dsea` romano la.

¹⁰ J̄o cangolíim`tu i dsea` do fí' quiá`- i fii` 'lée` do. J̄o mĩ caguilíin̄, j̄o ee` líng` i dsea` dséel` do j̄úí`- c̄o, c̄o' ninica`láam`-bre.

Mĩ cajmée` Jesús e caji`tu j̄o` jaang`dseam` i`nñ̄-

¹¹ J̄o mĩ cangí j̄o, cangó` Jesús fí' c̄o` fñ̄ e sii` Naín cóo`- dsea` guitúung` quiá`r-, j̄o dsíng`- fñ̄ng` dsea` i ngolíng`- cóo`r` ie~ j̄o. ¹² J̄o mĩ caguiér`- quiá`- e fñ̄ do, j̄o cajiñ̄` cab̄o` dsea` i jéeng` jaang` 'líi~, j̄o teáaiñ̄` do fí' e ningoliiñ̄` fí' codsii`. J̄o dsíng`- qui` niquiá`^ i 'líi~ do, c̄o' j̄úí`- dob j̄oor` i niseeng`, j̄o j̄úí`- jaang` j̄o` i seeng` quiá`r-, c̄o' ninicajúm` dseañu` quiá`r- cajo. ¹³ J̄o mĩ calilí` Jesús e j̄o` ii` seeng` quiá`- i dseam` 'nñ̄` do, j̄o dsíng`- calí`- fñ̄- líng`-neiñ̄', j̄o casí`r- i dseam` do lala:

—J̄o` qui`.

¹⁴ J̄o mĩ cajiñ̄`- lado, j̄o cangoquíe`iñ̄` quiá`- lí~ ngóo` e guóo` e iuung` i 'líi~ do, j̄o cagüi`r` e dse`

guóo' do. Jo i dsea`i jée' quiá'- i 'lii~ do, dsifí ladob cajer'. Jo cajíng'- Jesús caféiñ' i 'lii~ do:

—Siming', jnea~ tóø-ø 'na: iRáan'- na!

15 Jo dsifí ladob cají' i 'lii~ do, jogui caguár` jo canaaiñ` fé'r`. Jo Jesús cajáiñ' i siming' do cóo' niqúiáiñ'^. 16 Jo mi~ cangá~ jaléng' i dsea` do e cají' i 'lii~ do, joba' dsíng'- cangogá` dsíir' jogui dsíng'- cafóñ' cajo. Jo canaaiñ` jmiféiñ' Fidiée` jo siiiñ` lajee` yaaiñ`:

—Jaang` dsea` i 'gøng' eáang` i fé' cuaiñ` quiá'- Fidiée` nicagüéiñ` jee~ jneaa~aa' lana.

Jogui fé'guir cajo lala:

—Fidiéeb` nicagüéiñ` e nijmicóo'r~ jaléng' dsea` góor`.

17 Jo jalém' dsea` i seeng` fí jalé' fiñ` e née' fí li~ se' Judea cóo'`gui fí lacúng' jo, caliñir` e júu^ jo lajii~ e cajmée` Jesús do.

Mi~ casíng` Juan i seáang` dsea` jmii` dsea` quiá'r` fí li~ táang` Jesús

(Mt. 11:2-19)

18 Jo lajee` jo caliñí` Juan i seáang` dsea` jmii` do jalé' e jmóo` Jesús, có' e júu^ jo cajmée` i dsea` quiá'- i Juan do. 19 Joba' cató'- i Juan do gáng` dsea` quiá'r`, jo casíng`neiñ' fí li~ táang` Jesús e cangojmingü'r` dsea` do su íbing' i cajíng'- Fidiée` i nigüéeng` fí jmigüi` la, osi 'né- e nijém`bir jaang`gui i jiéng' é. 20-21 Jo mi~ caguilíng` i dsea` quiá'- i Juan do fí li~ táang` Jesús, jo gui'nang'` jmóo` dsea` do mii` quiá'- jaléng' dsea` dsée' i líng' doñí` ee` jmohuí': seeng` dsea` tiuung` jogui seeng` dsea` i jée' i 'ling'` quiá'-. Joba' cangáb` i dsea` gáng` do mi~ cajmi`leáang` Jesús jaléng' i dsea` dsée' do. Jo

cangoquiéeng' i dsea` quiá'- i Juan do fí' lí' sing' Jesús jō cajmingi'r' dsea` do:

—I Juan i seáng` dsea` jmíi` do casíiñ` jnea'^ e cajmingíi'^naa' 'nua', ¿su 'nua` dsea` i cajíng'- Fidiéé` i nigüéeng` fí' jmigüí' la, o'si 'né` e nijeem`baa' jaang` i jiéng'gui é?

22 Jōba' cañí' Jesús casí'r` i dsea` do:

—Güilíng`na' güijmée'~na' i Juan do júu` jalé` e nicañíi`na' jōgui jalé` e nicanúu`na' na: güijmée'~na'r júu` jial lijné'tu jaléng` dsea` tiuung`, jōgui jial ngí'tu jaléng` dsea` jlúung`, jōgui jial linúub'tu jaléng` dsea` güiing~, jōgui jial 'láang`tu jaléng` dsea` líng' jmohuí' 'lí'^ fí' ngúu' táang), jōgui jial jí'tu jaléng` 'líi~, jōgui jial guiaa` júu` cajo quiá'- jial nileáng` jaléng` dsea` dsee` dsea` qui' jee` jalé` dsee` quiá'r`. 23 Jō juguíá`-jiu quiá'- jaléng` dsea` i ja` litúng` dsí' cóo` jalé` júu` quié`e.

24 Jō mi` calí` e fé` Jesús lado, jō cangolím`tu i dsea` quiá'- i Juan i seáng` dsea` jmíi` do, jō Jesús canaaíñ` sí'r` jaléng` i dsea` i taang` cóo'r` do jalé` juguíá` uii` quiá'- i Juan do, jō casí`-reiñ' do jō cajíiñ`- lala:

—¿E` caguijōø` 'nú' mi` canúu`na' e ningí' i Juan i seáng` dsea` jmíi` do fí' guóo'` uø` quiú'? ¿já` leáa'~, ja` caguijōøng` 'nú' jaang` dsea` i uaang` júu` quiá'- i jmóo' lí'^ doñí' ee` ta` quiu' dsea` jiéng` i líng' la lí' cóo' cuiñí'^ e dsée' cataang` lí'^ doñí' jié` fí' lí' í' guí, 25 o'gui caguijōøng`na' jaang` dseañu` i jlo' sí'^ i seeng` juguíá`, có' niñíb` 'nú' e i dsea` la'í' neáaiñ' quiá'- dseata` dsea` féng'. 26 Jō ¿í`

í óóna' i caguijøøng~na? Jo e já', 'nú' cagui-
jøøng~na' jaang`dsea` i laniing~gui laco'gui i dsea`
caguaang` i café` cuaiñ~ quiá'- Fidiée` mali~gui
eáang'. ²⁷ Jo nab nicaliti~ laco' fé` Fidiée` fi' ni~ jì
quiá'r~ cuaiñ~ quiá'- i Juan i seáang`dsea` jmi# do
mi~ cajíñ'- lala:

Nisín^ n jaang`dsea` i niguiá- júu^ quié- e nú'-gui e
niguó^ fi' jmigüí^

e laco' niguiár- guiá- fi' li~ ningí^.

Jo lanab fé' fi' ni~ jì quiá'- Fidiée` uii~ quiá'- i Juan
do.

²⁸ Jo casí'-gui Jesús jaléng` i dsea` do jo cajíñ'-
lala:

—Lajee` lajaléng` dsea` i nicalfé` cuaiñ~ quiá'-
Fidiée`, ja` mí caliséng` jaang` i niing~gui ta~ quiá'-
laco' i Juan i seáang`dsea` jmi# do. Jo dsu' i dsea` i
ja` niing~ fi' jmigüí la, dsu' Fidiée`bing' i quié` nifi'
quiá'r~, joba' íbing' i niing~gui laco' i Juan do.

²⁹ Jo jaléng` dsea` i canúu~ júu^ quiá'- i Juan do
ie~ jo cajgáam~bre jmi#, jogui lajob cajmée` cajo
jìgui jaléng` nodsicuu~ i jmóo` ta~ quiá'- dseata~
quiá'- Roma, co' calilí'r^ e Fidiée`bing' i ée` røø`
laco' catíng-. ³⁰ Dsu' jaléng` i dsea` Israel i líng'
dsea` fariseo cóo'~ jaléng` i tifa' quiá'- júu^ quiu'
ta~ quiá'- dsea` Israel ja` cali'iiñ~ fa' cajgáaiñ~ jmi#
mi~ cajá- i Juan do, co' ja` cali'iiñ~ lajúi' e lamí-
si'íiñ^ ni'íiñ` quiá'- Fidiée`.

³¹ Jo cajíng'-gui Jesús:

—¿I~ nifá'^a i líng' la líng' jaléng` i dsea` i seeng`
lana? ³² Co' jaléng` í líiñ` la líng' jiuung~ i taang~
tacóo` fi' 'móo'~, jo mi~ nití'áng` rúíñ` jo fé'r` lala:
“Jnea'^ cajjúu^naa' lúu', dsu' ja` cadseeng~na'; jo
ca'ø^naa' jalé' e ø` dsea` li~ ráang` 'li~, dsu' ja`

caquí'~na'." 33 Co' lalab café'~ 'nú' mi~ cajá~ i Juan i seáng` dsea` jmí` do, co' ca'eeng`na'r e jé' i 'ling`^ quiá'r` dsu' uí'~ e ja` 'leáng` gø'r' jogui jí'~ capí`^ jmí`^ mí`^ huíng` jø'` ja` í'r'. 34 Jogui cagá~ jnea` fí' jmigüí` la e lín`n jaang` dsea` jmigüí` e gø'`baa jí'~ laco' gø'` dsea`, jo dsu' jaléng` 'nú' ca'eeng`na' jnea` e lín`n jaang` dsea` cúng` i gø'` contøng`, jogui e lín`n jaang` dsea` íng` i ngí` cóo'~ jaléng` dsea` i sea` júu` e dsíng`~ røøiñ` dsee~, osi cóo'~ jaléng` 'ná`^ nodsicuu` é i jmóo` ta` mí` cuu` e catíng` dseata` quiá`~ Roma é. 35 Jo dsu' cóo'~ jalé' e jmóo` Fidié', jmijnéiñ` jial tí' tiiñ` ngáíñ`.

Mi~ cagø'` Jesús fí' quiá'~ jaang` dsea` fariseo i sii Simón.

36-37 Jo mi~ cangí` jo, jaang` dsea` fariseo i sii Simón catø'r` Jesús fí' quiá'r` e cagø'r` í' e jmí` jo. Jo e fí' góo` i Simón do niseeng` jaang` dseamí` i nijmóo` ta` 'n`íng` 'ñia'. Jo mi~ nicaliñí` i dseamí` do e nidsé` Jesús fí' quiá'~ i dsea` fariseo do, jo cangó`bre cajo. Jo lajee` guíng` Jesús e gø'r' cóo'~ jaléng` i dsea` do, ca'í` i dseamí` do fí' lí` guíng` Jesús jo quier` cóo` sít e a` jmí` jmeafí` e 'mo'` eáang`. 38 Jo mi~ caguié` i dseamí` do tí` lí` guíng` Jesús, jo casí'r` uø` jnir~, jo canaaíñ` qui'r'. Jo laco' qui'r', jalé' jmí` e í` jminir` do tí' fí' tí` Jesús, jo cóo'~ e jmí` jo canaaíñ` ru'r` tí` dsea` do, jogui cajmiquíu'r` tí` dsea` do cóo'~ jñaguir`. Jo mi~ calí` lajo, jo cachu'r` tí` dsea` do, jo casúur` e jmí` jmeafí` e quier` do fí' tí` dsea` do. 39 Jo mi~ cagá~ i dsea` fariseo do i catø'` Jesús fí' quiá'r` do jalé' e cajmée` i dseamí` do quiá'~ Jesús, joba' canaaíñ` í' dsíir': "Facó' já' i fé" cuaiñ` quiá'~ Fidié' i

dseañu[^] la, joba' nilí[^] bre jóng e~ jalé[^] dsee⁻ røøng[^] i dseam[^] i güi[^] tñr⁻ na.” ⁴⁰ Joba' Jesús casí^{r-} i dsea[^] do jo cajíñ⁻:

—Simón, sea[^] coo[^] e 'né⁻ nifí[^] i 'nu[^].

Joba' cañí[^] i dsea[^] fariseo i sii⁻ Simón do jo cajíñ⁻:

—¿E~ nifo[^], Tifa[^]?

⁴¹ Joba' cajíng⁻ Jesús casí^{r-} reiñ[^]:

—Coo[^] née[^] caliséng[^] gáng⁻ dsea[^] i røøng[^] cuu⁻ quiá⁻ jaang[^] dseañu[^] i jmóo[^] ta~ jmi[^]øø[^] cuu⁻. Jo jaaiñ[^] do røøiñ[^] 'ñiá[^] ciento cutee[^], jo jaang[^] guiñ[^] do røøiñ[^] jii[^] cincuenta cutee[^]. ⁴² Jo mi~ camí[^] i dsea[^] do cuu⁻ quiá^{r-}, jii[^] jaang[^] i dsea[^] do ja[^] ee[^] sea[^] quí^{r-} quiáiñ⁻. Joba' jo[^] ee[^] camí[^] i dsea[^] fií⁻ cuu⁻ do cuu⁻ quiá^{r-}, jo caláam⁻ i dsea[^] do, jo jo[^] ee[^] caquí^r jii[^] coo[^] 'ñiá[^]. Féé[^] du 'nu[^] ne[^] du[^]: ¿I~ lajee[^] laji[^] huáang⁻ i dsea[^] do eáang[^] gui[^] 'neáang[^] i dsea[^] cacuo[^] cuu⁻ do?

⁴³ Joba' cañí[^] i Simón do jo cajíñ⁻:

—Jnea[^] lín[^] e i dsea[^] i carøøng[^] jmigui[^] gui[^] do.

Joba' cañí[^] Jesús quiáiñ⁻ do jo cajíñ⁻:

—E uii[^], jáb⁻ quí[^], lajob lí[^].

⁴⁴ Joba' cajøøng⁻ Jesús i dseam[^] i guing[~] uii[^] tñr⁻ do, jo casí^{r-} Simón jo cajíñ⁻:

—¿Jøøng[~] i dseam[^] la? Mi~ ca'úu[^] sinúu[^] quí[^], ja[^] cacuo[^] jnea[^] jmí[^] fa[^] e carúu[^] tñi[^] laco[^] tñng[^] jneaa[^] aa[^] fí[^] la; dsu[^] i dseam[^] la, dsea[^] i co[^] jáab[^] la, nicaru[^] bre tñi[^] cóo[^] jmí[^] í[^] jminir[~] jogui[^] nicajmiqui[^] r[^] cóo[^] jñguir[~]. ⁴⁵ Jogui[^] ja[^] cachu[^] 'nu[^] nii⁻ laco[^] tñng[^] jneaa[^] aa[^] fí[^] la mi~ neeng[^] rú[^] naa[^]; dsu[^] i dseam[^] la ja[^] mi[^] caquiuiñ[^] e chu[^] r[^] tñi[^] laco[^] mi~ ca'úu[^] sinúu[^] quí[^]. ⁴⁶ Jogui[^] ja[^] casúu[^] jmí[^] jmeafí[^] mogui⁻ laco[^] tñng[^] jneaa[^] aa[^] fí[^] la; dsu[^] i

dseamî la cagüeiñ̄ quier' cōq` sîi' e a~ jmiî jmeafiî e 'mo'^ eáang', jō nicasúur- tîi'. ⁴⁷ Dsu' jnea~ nifîî' i 'nu' e já'- i dseamî la dsíng'- nicarøøiñ` dsee-, dsu' jnea~ nica'ím- baa jalé' e dsee- jō quiá'r-, jōba' dsíng'- jmi'neáaiñ` jnea~ lana; dsu' jaléng'gui i dsea i líng- e ja' 'ga' lí dsee- røøiñ` e lacō' jnea~ ni'ín-ñ jalé' e jō, jōba' ja' 'ga' lí jmi'neáaiñ` jnea~ jóng.

⁴⁸ Jōba' cajíng'- Jesús casí'r- i dseamî do:

—Nica'ím- baa jalé' dsee- quií'-.

⁴⁹ Jō jaléng' i dsea i neáang'gui do cóq'~ Jesús canaaiñ` sîiñ` lajee~ yaaiñ`:

—¿I i dseañu' la e íiñ- dsee- quiá'- jaléng' dsea?

⁵⁰ Dsu' Jesús casí' guir i dseamî do jō cajíñ'-:

—Jnea~ nica'ín-ñ jalé' dsee- quií'- dsuco' jáb'- calín'- jalé' júu^ quié-e; jōba' lana guóng' cóq'~ e guiá- fí quií'-.

8

Jaléng' dseamî i cajmícóq'~ quiá'- Jesús

¹ Jō mi~ cangî jō, cangó- Jesús lacōq` fiî e cóo'~ cóq'~ jalé' fiî e pí'^ quiá'- e guiar' jalé' júu^ quiá'- Fidiéé~ e quiá'- jial quie' dsea do nifí quiá'- jaléng' dsea. ²⁻³ Jō cóq'~ bre jaléng' i dsea` guitúung` do quiá'r-, jogui ngolímbi cajo jaléng' dseamî i nicajmi'leáang- Jesús lí'^ doñí' ee' jmohuí' líiñ', fa' jaléng' i jée' i 'líng' quiá'- lamî jéeng'gui. Jō jee~ jō quiéeng` jaang` dseamî i siî Yá^ i seeng` fí Magdala i ca'uóøng` guiáng- i 'líng'^ quiá'-; jō jaang'gui dseamî i siî Sihuōq- i líng' oo~ jaang` dseañu' i siî Chuza i jmóo' ta~ laniing- quiá'- dseata~ Herodes; jō jaang'gui i siî Susana, jō fîm'bi jaléng' dseamî

ĩ jiéng^hgui ĩ ngolíng⁻ ie[~] jo, jo jmicóo^r Jesús cóo^l jalé^h e sea[^] capí^h quiá^r.

Mi[~] ca'e' Jesús coo` júu^ já⁻ e lafa' júu^ cuento quiá⁻ mi[~] bí^h dsea` mijú`

(Mt. 13:1-9; Mr. 4:1-9)

⁴ Jo coo^l jmi[~] ie[~] jo, mi[~] caliñí^h jaléng^h dsea^h jie[~] fí^h lí^h táang^h Jesús, jo ca'uøøiñ⁻ cango^h néeiñ^h dsea^h do; jo dsíng^h fíng^h dsea^h caseáiñ^h ie[~] jo, joba^h ca'e^h Jesús jaléng^h ĩ dsea^h do coo^l júu^ já⁻ e lafa' júu^ cuento jo casí^r dsea^h do lala:

⁵ —Jaang^h dseañu^h cangór⁻ cangobír^h mijú^h quiá^r fí^h lí^h nicajír⁻. Jo mi[~] cabír^h e mijú^h do, sea^h e cajiá^h lí^h ngúng^h fí^h. Jo mi[~] cangúng^h jaléng^h dsea^h, caso^h øm^h bre jalé^h e mijú^h do, jo e liing^h gui cagó^h tá^h cajo. ⁶ Dsu^h sea^h bi e cajiá^h ni^h cuu^h lí^h ja^h leáang⁻ guóo^h née^h; joba^h mi[~] ca'íáang^h, dsifib^h caliquiá^h co^h ja^h sea^h lí^h nisó^h jmó^h quiá⁻ lí^h güí^h, joba^h ca'ím⁻ cajo. ⁷ Jogui sea^h bi e mijú^h do e cajiá^h jee^h mijú^h 'matóo^h; jo mi[~] ca'íáang^h e mijú^h do, jééng^h gui e mijú^h 'matóo^h do cacuáng⁻ jo ca'ím⁻ e mijú^h e cabí^h ĩ dsea^h do jee^h e mijú^h 'matóo^h do. ⁸ Dsu^h seab^h e mijú^h do e cajiá^h lí^h jlo^h uó⁻; jo mi[~] cacuáng⁻ jo jlob^h cacuó^h; sea^h e cacuó^h laji^h cien mí^h lacamí^h mijú^h.

Jo mi[~] calí⁻ fé^h Jesús jalé^h e júu^ na, jo casí⁻ guir jaléng^h ĩ dsea^h do, jo café^r laco^h ninú⁻ ĩ dsea^h do røø^h jo cajíñ^h:

—ĩ 'nú^h sea^h loguá^h na^h, núu⁻ na^h jalé^h júu^ quié⁻ e.

E uing^h e ca'e' Jesús jalé^h júu^ já⁻ e lafa' júu^ cuento

(Mt. 13:10-17; Mr. 4:10-12)

⁹ Jo mi~ cangî jo, jo cajmingî i dsea` guitúung` do cajmingi`r Jesús e` guóng` e júu` e ca`er` do. ¹⁰ Joba' cajíng`- Jesús casí`r- i dsea` guitúung` do:

—Quiá!- Fidié` nicangíng` 'nú` e ngáng` na' jalé` e ja` mí` ñí` dsea` jéeng`gui, e dsea` î` iin` cár` nifí` quiá!- lajaang` lajaang` dsea` jmigüi`. Dsa' jnea` ée`-e jaléng` i dsea` na cóo`~ júu` já!- e lafa' júu` cuento e laco' mi~ ninír`, nijér` lafa' ja` ee` cangá`bre, jogui mi~ ninúr`, nijér` lafa' ja` ee` canúu`bre cajo.

Mi~ cajmée` Jesús júu` e` guóng` e júu` quiá!- i dsea` bí` mijú` do

(Mt. 13:18-23; Mr. 4:13-20)

¹¹ Joba' cajíng`- Jesús casí`r- i dsea` guitúung` do:

—Lalab guóng` e júu` e ca`é`e na 'micú!': E mijú` do lí` lafa' júu` quiá!- Fidié`. ¹² Jo e cajiá!` lí` ngíng` fí` do lí` lafa' i dsea` i núu` e júu` do, jo dsa' lajmináb` güéng`- fi~ i 'ling!`, jo dsifí` lajob jmóor` e ja` já!- líng` i dsea` do e júu` jo, jo lajoba' ja` nileáiñ` do jee` jalé` dsee` quiá!`r-. ¹³ Jogui e mijú` e cajiá!` fí` ni` cuu` do lí` lafa' jaléng` dsea` i iáang` dsí` íng` jalé` e júu` jo, jo dsa' ja` huøø` ee` e já!- líiñ`, co' mi~ huíng` dsijéé` quiá!`r- uí!` e já!- líiñ` júu` quiá!`- Fidié`, joba' dsifí` lajob tá`tur e júu` jo, jo i dsea` í`bing` i líng` la lí` e mijú` e ja` 'leáang`- jmó` sea` do. ¹⁴ Jo e mijú` e cajiá!` jee` mijú` 'matóo` do lí` lafa' jaléng` dsea` i núu` júu` quiá!`- Fidié` jo ca`ím!`bre e júu` jo, jo dsa' laco' ngóo` jmíng~, eáang`gui guiing` dsír` jalé` fí`í` dsí` sea` quiá!`r- jogui quiá!`- jalé` ta` lí` cuu` jogui cajo e quiá!`- jial nijmi`iáang` dsír` cóo`~ jalé` e sea` fí` jmigüi`. Jo co' lajob líiñ`, joba' ja` cuø` fí` quiá!`r- fa' e nidsicuáng`gui e júu` quiá!`-

Fidiéë e já' l'hiñ` do. ¹⁵ Jøgui e mijú' e cajiá' l' jlo' uó` do lí' lafa' jaléng' dsea` i dsíng' iáang` dsí' íñ' júu` quiá'- Fidiéë, jøgui eám' jmóor` núu'r` jalé' júu` quiá'- dsea` do, cø' ja` litúng` dsíir' jalé' e jø. Jø i dsea` íbing' i teáng` teá` cøø' júu` quiá'- Dsea` Jmáang`, jøgui eám' dsicuáng` e júu` jø quiá'r`.

*Cøø` júu` já' e lafa' júu` cuento quiá'- jial mi` jmijneá` dsea` ji`
(Mr. 4:21-25)*

¹⁶ Jø mi` calí` e fé' Jesús júu` quiá'- mi` bí` dsea` mijú', jø cajíng' guir casí'r` jaléng' i dsea` do:

—Júí' jaang` dsea` ja` 'gui'r' cajlí'` quí' e mi` nicoo` jø nijlír` o'gui nisí'r` cøø` l' cøøng'~, cø' iñ` e jneá' fí' la'úng` sináú` quiá'-bre. Cø' 'né` niquidsir' e quí' do cøø` l' ñí' e laco' jneá' mi` dsitáaiñ', jø lajòba' jné' jaléng' dsea` i dsitáang' e sináú` do. ¹⁷ Jø lajòb` lí' cøø' júu` quié`-e: Ja` sea` jalé' júu` quié`-e fa' e si'ma` e ja` niní` dsea`, o'gui sea` jalé' júu` quié`-e fa' e ja` tóø` jmíi` niliñí' dsea` jaléiñ'. ¹⁸ Jøba' fíi` jneá` 'nú', núu`-na' júu` quié`-e; cø' jaléng' dsea` i nináú' júu` quié`-e, jmiguiá'gui niñíiñ` e ngáiñ', jø dsu' jaléng' dsea` i ja` núu' júu` quié`-e, jøba' ni'ím` lajúí' e ni'í' dsíir' e ngáiñ' do.

*Mi` cajá` niquiá'` Jesús cøø'` jaléng'` rúíñ'`
(Mt. 12:46-50; Mr. 3:31-35)*

¹⁹ Jø lajee` táang` Jesús e e'r' jaléng' i dsea` do, caguié` niquiár` cøø'` jaléng' rúíñ' e 'náíñ' dsea` do. Jø cø' ja` cuóøng`gui fa' e nidsiquiéeiñ' do tí' quiá'- l' sing' dsea` do, cø' dsíng' fíing` dsea`, ²⁰ jøba' jaang` i dsea` do cajmea'r' Jesús júu` jø casí'r` dsea` do jø cajíñ' lala:

—Na nicagüéng⁻ niquíí[^] cóo[~]gui jaléng['] rún['] e 'náiñ['] 'næ, jə nab teáaiñ[^] caluu^ˇ lana.

²¹ Dsü['] Jesús cañíir[`] jə casí^{'r} i dsea[`] do jə cajíñ['] :

—Jaléng['] dsea[`] i núu[`] júu[^] quiá['] Fidié^ˇ jə jmitir[~] e júu[^] jə, jaléng['] i dsea[`] íbing['] líng[˘] niquíé[^] e jogui rún[']n.

Mi[~] cajmée[`] Jesús e ca'uáang⁻ e íí guí[`] jogui ca'uáang⁻ e róo⁻ jmí[^]

(Mt. 8:23-27; Mr. 4:35-41)

²² Jə mi[~] cangí[˘] jə, lajee^ˇ e táang[˘] Jesús fí Galilea, jə cóo[˘] jmí[~] caí^{'r} fí dsí['] cóo[˘] móo['] cóo[~] i dsea[`] guitúung[˘] quiá^{'r} do jə casí['] reiñ[']:

—Má⁻ aa['] lí[^] 'ngóo[~] cataang[˘] e guiéé['] la.

Jə dsifí['] ladob cangolíñ⁻ fí lí[~] e Jesús. ²³ Jə lajee^ˇ ngolíñ⁻ ni[~] jmí[~] jə caquiam['] Jesús. Jə lajee^ˇ güíng[˘] dsea[`] do, jə dsíng['] canaang[˘] íí guí['], jə mífíng[˘] canaang[˘] dsi'a[~] jmí[~] dsí['] e móo['] do, jə cafóm['] i dsea[`] guitúung[˘] do, có['] fə['] nidsi'am['] e móo['] lí[~] teáaiñ['] do. ²⁴ Jəba['] cangoñíiñ[^] Jesús jə cajíñ['] casí^{'r} dsea[`] do:

—iTifa[']! iTifa['], nicanaang[˘] dsi'am[']baa[']!

Jə caróo⁻ Jesús, jə caqui^{'r} ta[~] e guí[˘] do cóo[~] e jmí[~] do. Jə dsifí['] ladob cahuíng['] e íí guí[˘] jə cahuím['] e róo⁻ jmí[~] cajo, jə tiib⁻ caí[']. ²⁵ Jə casí['] Jesús i dsea[`] do jə cajíñ['] lala:

—¿Jna[~] gui e fó[']na['] e já['] líng[']na['] júu[^] quié⁻e?

Dsü['] i dsea[`] guitúung[˘] do dsíng['] cafóíñ['] jə canogá['] dsír['] jə cajmingí['] rúíñ[']:

—¿I[~] i dseañ['] la e qui^{'r} ta[~] jə náu[~] jalé['] guí cóo[~] jalé['] jmí[~] júu[^] quiá^{'r}?

Jaang` dseañu` i seeng` fi` Gadara i nijée` i `ling` quiá`-

(Mt. 8:28-34; Mr. 5:1-20)

²⁶ Jo mi` caguié` Jesús cóo` dseá` quiá`r` fi` lí` 'ngóo` cataang` e guiée` do, jo caguiliñ` fi` coo` fi` lí` sií` Gadara. ²⁷ Jo mi` cajgáñ` e móo` do, jo cangoquiéeng` jaang` dseañu` i niseeng` e fi` do i nijée` i fíng` i `ling`^ quiá`- lajji` malib`jiu eáang`. Jo ja` ee` si`r`^ qui`r`, o`gui`guiñ` fi` quiá`r`, jo jji` fi` lí` áang` 'lib` güññ`. ²⁸ Jo mi` cangáng` i dseá` do Jesús, jo cangoquiéeiñ` fi` quini` dseá` do jo casí`r` uó` jnir~, jo canaaiñ` fé`r` teá` jo sí`r` dseá` do lala:

—¡Jesús, Jóo` dseá` guing` ñifí`, ja` jmiguín` jnea`! jo mhi`i` 'nu` jmi`ee` fa` nijíée` o` e ja` nijmeáan` jnea` ga`!

²⁹ Jo i `ling`^ i jée` quiá`- i dseá` do café`r` lado, co` Jesús nicanaaiñ` quiu`r` ta` i `ling`^ do e nitiúuiñ` do i dseá` do. Co` lamí` jéeng`gui, eáang` jmiguiu` née`~ nicajmée` i `ling`^ i jée` quiá`- i dseañu` do e ga` eáang`; jo nañi` fa` jaléng` dseá` nicasaiñ` i dseañu`- do, jo nica`ñu`r` guoo` tñiñ` cóo`~ ní` cadena e laco` jo` nijméiñ` ga`, dsu` dsifí` ladob fíñ` do jalé` ní`^ cadena, jo jmóo` i `ling`^ do e dsée` i dseañu` do fi` lí` ja` ii` dseá` seeng`. ³⁰ Jo lalab cajíng`- Jesús cajmingí`-reiñ`:

—¿Jial sií`?

Joba` cañi` i `ling`^ i jée` quiá`- i dseañu` do:

—Legióm sií`-naa`!

Jo cajíng`- i `ling`^ do lado, co` dsíng`- fñiñ` jéer` quiá`- i dseá` do. ³¹ Jo jaléng` i `ling`^ do camí`r` Jesús e ja` niquiá`- dseá` do ta` e nidsiliñ` do fi` lí` `li`. ³² Jo co` dsíng`- fíng` cú` nitaang`ne`

gø're' nuu` fí dse` cõõ` mó` quiá`- li` táang` Jesús, joba' camí` ì 'ling`^ do jmi'ee` camí'r` dsea` do e nicuór`- fí e nidsitáaiñ`~ do dsí` jaléng` ì cú` do. Joba' cacuø` Jesús jaléng` ì 'ling`^ do fí lajõ. ³³ Jo dsifí ladob catiúung`- jaléng` ì 'ling`^ do ì dsea` do, jõ cangotáaiñ`~ dsí` jaléng` ì cú` do. Jo mi` cangotáang`~ ì 'ling`^ do fí dsí` jaléng` ì jó` do, jõ dsifí ladob cacuí`re', jõ cabíng`- yaang`ne' fí 'ni` jiáa', jõ cajiúng`ne' fí dsí` jmí, jõ cajgó`bre' jmí` jóng.

³⁴ Jo mi` cangá`- jaléng` ì dsea` ì jmóo` í` ì cú` do lajii`~ e calí`- do, dsifí ladob cacuí`r` cangolíñ` fí fií, jõ caguiar` júu` lajii`~ e calí`- cõõ` ì cú` do, jõgui cajmea`r` júu` jaléng` dsea` ì cajiñ`` guiá`^ fí cõõ`~ fí jee` mó` laco` ngolíñ`. ³⁵ Jo mi` caliñí` jaléng` ì dsea` seeng` fí jõ jalé` e calí`- e jmí` jõ, jõ dsifí ladob cangolíñ` fí li` táang` Jesús. Jo mi` caguilíñ`- fí li` táang` dsea` do, jõ cangár`- e dob niguiing`~ ì dsea` ì lamí` jée` ì 'ling`^ quiá`- do colíng`~ cõõ`~ Jesús, jõ niqúi`bre si`r`^, jõ jõ` ee` líiñ`` jii`~ cõõ`. Jo dsíng`- cafõng` jaléng` ì dsea` ì caguilíng`- do. ³⁶ Jo jaléng` dsea` ì cangá`- jial ca`láang`- ì dseañu` ì lamí` jée` ì 'ling`^ quiá`- do, dsifí ladob caguiar` júu` jial calí`. ³⁷ Jo mi` calí`- lado, jaléng` ì dsea` ì seeng` fí Gadara do camí'r` jmi'ee` Jesús e nigüi`ñb` dsea` do e fí li` táaiñ` do, cõ` dsíng`- 'gó` jaléng` ì dsea` do. Jo mi` cajíng`- ì dsea` do lado, jõ dsifí ladob ca`í` tu Jesús dsí` e móo` do, jõ ca`í`r`- fí e nidsém`-tur fí Galilea. ³⁸ Jo ì dseañu` ì lamí` jée` ì 'ling`^ quiá`- do camí'r` Jesús jmi'ee` e nidsér`- cõõ`~ dsea` do, dsu` ja` cacuø` Jesús fí lajõ. Jo caquiur` ta` ì dseañu` do e cangáiñ`- do fí quiá`r`-, jõ casí`-reiñ` jõ cajñi`-:

39 —Guóng' fí quíi'⁻, jò güiguia~ júu^ jaléⁿ e guiá⁻ e nicajmée Fidiéeⁿ cóo'⁻ 'nɸ.

Jò cangám'⁻ ì dseañu' do, jò cajmiti~bre jaléⁿ ta~ e caquiá' Jesús, jò caguia~bre júu^ jaléⁿ e guiá⁻ e cajméeⁿ dseáⁿ do cóo'r~.

Mi~ cajmi'leáang⁻ Jesús jóo' Jairo
(Mt. 9:18-26; Mr. 5:21-43)

40 Jò mi~ caguiéng'⁻ tu Jesús fí Galilea, jò dsíng'⁻ fíng' dseáⁿ ì niteáang⁻ güijéeⁿ quiá'r⁻. Jò dsíng'⁻ iáang' dsíí jaléng'ⁿ ì dseáⁿ do dsu' caguiéng'⁻ tu Jesús fí do. 41 Jò lajeeⁿ jò, caguié⁻ jaangⁿ dseañu' ì sii Jairo ì líng' fii~ féng' quiá'⁻ guá'⁻ quiá'⁻ dseáⁿ Israel. Jò mi~ caguié⁻ fí quiniⁿ Jesús, jò casí'rⁿ uó⁻ jnir~ fí quiniⁿ dseáⁿ do jò camír' jmi'eeⁿ fa' e nidsé⁻ dseáⁿ do fí quiá'r⁻, có' seengⁿ camíng'⁻ simíⁿ jiuung~ quiá'r⁻ ì níngoo' guitu jiiⁿ jò niráaiñ' do dsée'rⁿ eáang' e dseáang'⁻ tí lí~ nijúum~bre. 42 Jò lajeeⁿ ngoo' Jesús fí quiá'⁻ Jairo, dsíng'⁻ fíng' dseáⁿ ngolíiñ⁻, jò dsíng'⁻ sicúung'⁻ Jesús jee~ jaléng'ⁿ ì dseáⁿ do.

43 Jò jee~ jaléng'ⁿ ì dseáⁿ ì jée' quiá'⁻ Jesús níngoo' jaangⁿ dseamíⁿ ì nilíng' jmohuíⁿ e tuuiñⁿ lajiiⁿ níngoo' mi~ guitu jiiⁿ. Jò lamíⁿ jéeng' dsíng'⁻ nica'íiñ⁻ cuu⁻ quiá'r⁻ cóo'⁻ jaléng'ⁿ tímíⁿ, jò jiiⁿ jaangⁿ ja' iiⁿ mí cali' fa' ì nicajmi'leáang⁻ ír'. 44 Jò guidseamⁿ calí'⁻ ì dseamíⁿ do cangíiñⁿ jee~ jaléng'ⁿ ì dseáⁿ do, jò cangoquieeiñ' fí lí' caluuⁿ Jesús jò catíiñ⁻ capí'ⁿ 'ni'ⁿ sí'ⁿ dseáⁿ do, jò dsifí ladob ca'láaiñ⁻, jò jiiⁿ capí'ⁿ jmíⁿ jò e tuuiñⁿ jóng. 45 Jò Jesús dsifí ladob cajmingí'r⁻ jaléng'ⁿ ì dseáⁿ ì cóo'r⁻ do jò cajíiñ'⁻:

—¿Í⁻ ì catíng⁻ capí'ⁿ sí'ⁿ?

Jò cò' jaléng' ì dsea` do cañír` e jíí~ jaang` ja` ìi cajmée` lajo, jòba' cañíi` Tù` Simón:

—Tifa', çjiali' jmingúí' ì catíng` capí' sí'? Cò' jalém' dsea` 'leng' rúíñ' fí' la fí' na.

46 Jòba' cañíi` tu Jesús jò cajíñ'`:

—Lìim`bing' ìi` cagüi' sí'ì, cò' 'ñiá'`a calilí'`i e lìim`bing' ìi` nicajmi'leáan`n cóo'` e 'gøn'`n.

47 Jò ì dseam` do, mi` canúur` e calilíb'` Jesús e lìing` ìi` catíng` sí'r`, jòba' dsíng'` cafóíñ'` jò dsíng'` jléeiñ` cangór` fí' quini` Jesús, jò casí'r` uó` jnir` fí' quini` dsea` do. Jòba' cajméer` júu` fí' quini` jaléng' ì dsea` do jiali'` cagüi'r` sí'` Jesús, jò jial ca'láaiñ` ladsifí' lado e jmohuí' e lamí` líiñ'.

48 Jòba' cajíng'` Jesús casí'r` ì dseam` do:

—Jóo`o, uíi` e jáb'` calín'` júu` quié`e, jòba' nica'láam`ba' lajíi` jmohuí' e lamí` lín'. Jòba' lana guóng'` cóo'` e guiá'` fí' quíi'`.

49 Jò laco'` gui'nam`bì síng` Jesús cóo'` ì dseam` do, mi` caguié` jaang` dsea` sínúu` quiá'` Jairo e quier` júu` cuaiñ` quiá'` ì simí` do, jò lalab casí'r` dsea` do:

—Jò`taan'` ì tifa'` na e dsér` fí' quíi'`, cò'` nicajúm` simí` jiuung` quíi'`.

50 Dsü'` mi` canúu` Jesús lado, dsifí'` ladob casí'r` Jairo:

—Ja` fóøn'` jíi` cóo`, lico'` 'né` e jáb'` nilíin` e quíi'`baa jmíi` nijmee` e e ni'leáng` ì simí` jiuung` quíi'`, jò lajob nilí'.

Jò mi` cajíng'` Jesús lado, dsifib'` cangór` fí' quiá'` Jairo.

51 Jò mi` caguié` Jesús fí' quiá'` dsea` do, jò ja` cacuør' fí' fa' e cangotáang'` dsea` jiéng'`gui, jíi` Tù` Simón cóo'` Tiáa` cóo'` Juan cóo'` sejmií` ì simí`

jiuung~ do, jíi~ íbing' i cangíng` fí e cangotáang` fí dsíi` sinúu^ e lí raa`ng` i 'líi~ do. ⁵² Jo jaléng` i dsea` sinúu^ quiá'- Jairo dsíng` qui'r` jogui dsíng` i jiuung~ dsíir` dsu' e nicajúng` i jiuung~ simí^ do. Joba' cajíng`- Jesús casí'r` jaléng` i dsea` do:

—Ja` qui'na', co' ja` sijúung` i jiuung~ na co' lico' güim`bre.

⁵³ Dsu' jaléng` i dsea` do lí^ cangím`bre Jesús mi~ cajíng`- dsea` do lado, co' ñi`bre e nicajúm` i jiuung~ do. ⁵⁴ Jo lajee` e jmóo` i dsea` do lajo, jo Jesús catíiñ` guoo` i jiuung~ do, jo cató`-reíñ' la'úung` jo casí'-reíñ' lala:

—iRaan`- na, Mí!

⁵⁵ Jo mi~ cajíng`- Jesús lado, dsifí ladob cají'tu` i simí^ do jo caróo`-bre. Jo dsifib` caquiua' Jesús ta~ e cangíiñ` do e cagó'r`. ⁵⁶ Jo mi~ cangá`-sejmií` i jiuung~ do e cajíb'tuiñ` do, joba' dsíng`- cangogá` dsíiñ'; dsu' Jesús caquiua'r` ta~ sejmií` i simí^ do e ja` ií` nisíiñ` do jíi~ jaang` lajíi~ e cajméer` e sinúu^ do ie~ jmíi~ jo.

9

Mí` casíng` Jesús dsea` guitúung` quiá'r` e niguiáiñ`- do júu^ quiá'- Fidiée`

(Mt. 10:5-15; Mr. 6:7-13)

¹⁻² Jo mi~ cangí` jo, caseáng` Jesús jaléng` dsea` guitúung` quiá'r`, jo caquiua'reiñ' ta~ e nidsiguiáaiñ` do júu^ quiá'- jial iing~ Fidiée` e nicár` nifí quiá'- dsea`, jogui cacuø'reiñ' do bí e quíiñ` do jmíi~ e ni'uóíiñ` jaléng` i 'líng` i jée` quiá'- dsea`, jogui e nijmilleáaiñ` do jaléng` dsea` dsée` i líng` doñí` ee` jmohuí. ³ Jo lalab casí'- Jesús i dsea` guitúung` do quiá'r` jo cajíñ`-:

—Nigüiling-na' jō ja` ee` 'né- cá^na' jii~ coo` quiá^- guiá'^ fí: ja` 'né- cá^na' 'ma'u` o'gui nosúu` o'gui íí` o'gui ñinée-. Jōgui jii~ sí'na' e quií~ba' nicá^na', co' ja` 'né- fa' cá^na' tú- neáng' sí'na'.
 4 Jō mi~ nigüiling-na' fí coo` fii, jō 'né- ni'no^na' coo` 'núu` lí~ nijá^na' carta~ taang~na' e fii jō, jō ja` jmising^na' lí~ já^na'. 5 Jō jié`gō fii lí~ nigüiling-na' lí~ ja` ni'ing^d sea` 'nú', jōba' uøøngna' e fii jō, jō mi~ niteáng-na' 'ni' e fii do, bó'na' 'lee' e toq~ tii~na' laco' cuø` lí~ e ja` ca'ée` i dsea` do guiá- cōo~ 'nú'.

Jō jalé' e ta~ na caquiá' Jesús quiá^- jaléng' i dsea` guitúung` do.

6 Jō ca'uøøm` i dsea` guitúung` do mi~ cangoyúung~ e ca'íñ` jalé' ta~ nijmér-, jō cangolímbre fí jalé' fii e guiar' jalé' júu^ quiá^- Fidié~ quiá^- jial laang` dsea` jee~ jalé' dsee- quiá'r-, jōgui jmi'leáam~bir cajo jaléng' dsea` i líng' doñí ee` jmohuí'.

Mi~ cangogá`dsí' Herodes jial fé' dsea` uii~ quiá^- Jesús

(Mt. 14:1-12; Mr. 6:14-29)

7-8 Jō ie~ jō nicanú- dseata~ Herodes jalé' e síng` dsea` quiá^- jalé' e guiá- e jmóo` Jesús, jō jii~ ja` ñí i dseata~ do e~ nijmér-, co' seeng` dsea` dsiçoor` júu^ e nicají'tu jaang` lajee~ lajaléng' dsea` i café' cuaiñ~ quiá^- Fidié~ mali~gui eáang', jōgui seeng` dsea` fé'r` e nicajném-tu Líí, jaang` dsea` i café' cuaiñ~ quiá^- Fidié~ mali'gui eáang' cajo, dsu' seem`bi dsea` i fé' e Juan i seáang` dsea` jmii'bing' i nicají'tu calé' catú-. 9 Jō mi~ canú- i dseata~ do e fé' dsea` e nicají'b'tu i Juan i seáang` dsea` jmii' do, jōba' eáam' cangogá`dsír' jō cajíñ'-:

—Jneab~ dsea` caquiú^u-ta~ e cahuí^u moluu~ i Juan do. Jo ¿i~ i éeng` jaléng^u dsea` i ngí^u jmóo` jalé^u e guiá^u jogui quí^ur~ jmí~ e jmóor` lí^u doñí^u ee?

Joba' lajii^u ie~ job cajmí^uúung` dseata~ Herodes e 'nó^ur` jial niniñ~ Jesús.

Mí~ cahéng` Jesús 'ñiá` mil dseañ^u

(Mt. 14:13-21; Mr. 6:30-44; Jn. 6:1-14)

¹⁰ Jo mí~ calicóng`gui lajo, caguilim^utu i dsea` guitúung` do e cangocóor` júu^u fí^u quini` Jesús jalé^u e guiá^u e cajméer` lacoo` fí^u lí~ cangolíñ~. Jo mí~ calí^u féng^u rúíñ^u, jo cajém` Jesús i dsea` guitúung` do fí^u coo` lí~ ja` ii` 'ga^u lí^u dsea` ngí^u, quiá^u- coo` fí^u lí~ sií` Betsaida. ¹¹ Jo mí~ caliñí` jaléng^u i dsea` i seeng` e fí^u jo jie~ fí^u lí~ nitáang` Jesús, joba' fíim` dsea` cangolíñ^u fí^u lí~ táang` dsea` do. Jo Jesús ca'im`bre jaléng^u i dsea` do mí~ caguilíñ^u, jo canaaíñ` e'r` júu^u quiá^u- jial iing~ Fidié~ nicár` nifí^u quiá^u- jaléng^u dsea`, jogui cajmí^uleáam`bir jaléng^u dsea` dsée^u- i quiéng` jee~ i dsea` do cajo.

¹² Jo mí~ ningóo` ca'lóo~ e jmí~ jo, cangoquiéng` i dsea` guitúung` do fí^u lí~ sing^u Jesús jo casí^ur~ dsea` do jo cajíñ^u:

—I' júu^u jogui sí^u jaléng^u i dsea` na güiguilíñ` jo güiguijméer~ quijí^u lí~ nijér~ cóo^u-gui jalé^u e nidó^ur~ jié^u fí^u lí~ lí^ur` e téé~ 'núu^u, co^u fí^u lí~ taang`naa' la ja` ee` sea` e niquiee~naa' cóo^ur~.

¹³ Joba' cañí^u Jesús casí^ur~ i dsea` guitúung` do:

—'Núb^u 'né~ cuó^una' e nidó^u- jaléng^u i dsea` la.

Jo cañí^utu i dsea` guitúung` do:

—¿Jial nilí^ugui jo? Co^u jí^u 'ñiá` iñí^uba' sea` cóo^u-gui gáng~ 'ñu^u, jo fíng ja` 'né~ dsé^ubaa' e dsileá^unaa' e nidó^u- jaléng^u i dsea` na.

14 Co' dsíng' fíng' jaléng' i dsea` do; tíbre la 'ñiá mil jíi~ dseañu" jo ja íng^ jaléng' dseam̃ o'gui jaléng" jiuung~ cajo.

Dsu' Jesús casí'r- jaléng' i dsea` quiá'r- do:

—Síi~na' jaléng' dsea` güigüear` tá'- có` nibøø~ tá'- cincuenta dsea`.

15 Jo lajob cajmée` i dsea` guitúung` do, jo caguáb` i dsea` do laco' ta~ caquiú" Jesús. 16 Jo mi~ calí- caguá` jaléng' i dsea` do tá'- có` nibøø~ lacúng' lajíng` lí~ sing' Jesús, joba' catíng- dsea` do lajì 'ñiá e ñií^ do cóo~gui lajì huáang- i 'ñu` do, jo ca-jóør- fí yá^ jmigüí, jo lajoba' cacuø'r' gui'máang' Fidiée` quiá'- e do. Jo mi~ calí- jo, cajmээр` jmá'-jiu e do jee~ jaléng' i dsea` guitúung` do, joba' íguib cajmée` guiée^ jee~ lajaléng' i dsea` fíng' do. 17 Jo jalém' i dsea` do cagó'r' car` calitaañ~ guiá-. Jo mi~ calí- gó'r' lajiiñ` do, caseám- bi guitu` 'matá'gui e røøng` téé~ 'ná^ ñií^ cóo~gui 'náng' i 'ñu` do.

*Mi~ cajíng'- Tí^ Simón e Jesús líiñ' Dsea` Jmáang`
(Mt. 16:13-19; Mr. 8:27-29)*

18 Jo mi~ cangí jo, cóo` jmii~ taang~ Jesús e féiñ' Fidiée~, jo cóo' bre i dsea` guitúung` quiá'r- do. Jo lajee` jo cajmingí'- Jesús jaléng' i dsea` quiá'r- do jo cajíñ'-:

—¿I~ jnea~ fé" jaléng" dsea`?

19 Joba' cañi' jaléng' i dsea` guitúung` do:

—Seeng` dsea` dsicueáañi~ 'nu` cóo~ i Juan i seáng` dsea` jmii` do, jo seeng`gui dsea` dsicueáañi~ 'nu` cóo~ Líi^ i café" cuaiñ~ quiá'- Fidiée` malii~gui eáang', jogui seem`bi dsea` dsicueáañi~ 'nu` e lin' jaang`gui i nicafé" cuaiñ~ quiá'- Fidiée` jogui e nicají" tur lana.

20 Jɔbɑ' cɑjmingi'tu Jesúʃ i dseɑ` guitúung` do jɔ cɑjĩn̄'ˀ:

—Jɔgʉi 'nú', ʒī fɔ'na' e lín'n?

Jɔbɑ' cɑníi` Tú^ Simón quiá'ˀ Jesúʃ:

—'Nɔb` dseɑ` i línng` Dseɑ` Jmáang` i casíng` Fidiéé` dseɑ` guing` ñifi` cuaiñ` quiá'r`.

21 Dsʉ! Jesúʃ cɑ'ír` 'goo` quiá'ˀ jaléng` i dseɑ` guitúung` do e ja` iī nisíñ` do jíi` jaang` e íbre líiñ` Dseɑ` Jmáang`.

*Mi` cɑjmée` Jesúʃ júu` e tí` nijngáng`ˀ dseɑ` ír`
(Mt. 16:20-28; Mr. 8:30-9 :1)*

22 Jɔ mi` calí` cɑjĩn̄'ˀ lado, jɔ casí'ˀ guir i dseɑ` guitúung` do lala:

—E jáb'ˀ e jneɑ` lín'n i dseɑ` i cɑjá` fí` ñifi` e lín'n jaang` dseɑ` jmigǖ. Jɔ dsíng'ˀ 'né` nimoo`o iihuí` e eáang`, cɔ' jaléng` dseɑ` cøøng` quiá'ˀ dseɑ` góo`o dseɑ` Ísraeł nilí` 'ní` níim`bre jneɑ`, jɔgʉi lajɔb` nijmé` jaléng` dseɑ` quie` nifi` quiá'ˀ jaléng` jmidseɑ` quí`ii' cɔo'~gui jaléng` tifa' quiá'ˀ júu` quiu' ta` quí`ii'. Jɔ jaléng` í'bing' i nijngáng'ˀ jneɑ`~; jɔ dsʉ! mi` nití` 'ní` jmii` lajɔ, nijíb'túu calé` catú`.

23 Jɔ mi` calí` jɔ, cangób`tur cɔo'~ i dseɑ` guitúung` do fí` lí` teáang` jaléng` i dseɑ` fíng` do jɔ casí'ˀ reiñ':

—Song` iī dseɑ` iing` ni'uíng` dseɑ` quie`e, jɔbɑ' gütár` jalé' e lí` dsíir` 'ñia'r', jɔgʉi lacɔo` jmii` güiseaiñ` lafa' crúu` quiá'r` e lacɔ' cuø` lí` e guia` dsíir` e nidsingíiñ` jalé' e huíng` uíi` e líiñ` dseɑ` quie`e, jɔ lajɔguiba' ningír` cɔo'~ jneɑ` jóng. 24 Cɔ' iī dseɑ` i í` dsíi' e lí'bre nileáng` 'ñia'r` jee` jalé' dsee` quiá'r`, jɔbɑ' i dseɑ` í` conguiab` nibíiñ` fí` lí` 'lí'; jɔ dsʉ! iī dseɑ` nijúuiñ` uíi` e líiñ` dseɑ` quie`e

osi uí' e ni'r' júu^ quiá' jial niliseeng` dsea` cøøng` cõo' Fidié` jõba' i dsea` í nitím` bre fí quini` Fidié` jóng. ²⁵ Jo ja` ee` ta` íng` quiá' jaang` dsea` e silí'r` jalé` e sea` fí jmiǵüí song ja` gui cuíñ` jnea` , co' fí lí` 'lib'^ nidséiñ` mi` nití` í' e nijúuiñ` , jo doguib lí` ninír` iihuí` lata` . ²⁶ Jogui song i` i` 'gó' nifé' e líiñ` dsea` quié` e, osi i' líiñ` e nifé'r` e já' líiñ` júu^ quié` e é, jõba' lajõb nijmee` jnea` cõo' i dsea` í cajo, jnea` dsea` gáa'a fí ñifí` e lín'n jaang` dsea` jmiǵüí; co' lajõb nijmee` e mi` nigáa'túu fí jmiǵüí e niniing` 'gøñ' quiá' Tiquié` e Fidié` jogui cõo' jaléng` ángeles i güeang`^ cajo. ²⁷ E já' e fí` i` 'nú' e i` líng` lajee` i dsea` i teáng` la ja` mi` júuiñ` cartí` ninír` jial lí' mi` nicá` Fidié` nifí` quiá' lajaang` lajaang` dsea` jmiǵüí` .

Jo jalé' e júu^ na cajíng` Jesús casí'r` jaléng` i dsea` do ie` jo.

*Mi` calisíng` jial jnéeng` Jesús
(Mt. 17:1-8; Mr. 9:2-8)*

²⁸ Jo mi` cangí` jñiá` jmi` e cajíng` Jesús lajo, jo cajgóor` fí cõo` yá'^ mó' e cangoféeiñ` Fidié` , jo cõo' bre Tú` Simón cõo' Tiáa` jogui Juan. ²⁹ Jo lajee` táang` Jesús e féiñ' Fidié` , tá' jiu ladob jnéeng` calisíng` jial jnéeng` nir` jogui calisíng` sí'r` cajo, jo cajnéng` e tee` jlo'^ lafa' joo, jogui calijíñ` laco' jing` iee` . ³⁰⁻³¹ Jo lajee` jo cajnéng` gáng` dseañu` i síng` cõo'r` , jo ni` Moib` do cõo' gui ni` Líi^ , jo laji` huáaiñ` do líiñ` dsea` i café` cuaiñ` quiá' Fidié` malí` gui eáng` , jo jlob'^ jing` i dseañu` do cajo, jo síiñ` quiá' jalé' iihuí` e nicá` Jesús fí Jerusalén mi` nití` í' e nijngáng` dsea` ír` . ³² Jo dsu' laji` gaang` i dsea` quiá' Jesús i jéeiñ` do dsíng` cajá` e jaligüíñ`

dsu' caje'bre e sijnée` dsír', jōba' cangár- e jlo'` jing'` Jesús jō la quie'gui i dsea` gáng- do jiiñ'` cajo. ³³ Jō mi~ cangá- Tú^ Simón e catang'` fí i dsea` gáng- i teáng- cóo'~ Jesús do, jōba' dsifí' lala casí'r- Jesús jō cajiñ'`:

—Tifa', jdsíng'~ juguiá- dsu' taang~naa' cóo'~ i dsea` na fí' la! Fa' na nijmée'~naa' 'ní' 'núu'jiu cóo'~ má'` 'ma~, cóo'` quíi'~ jōgui cóo'` quía'~ Moi~ jōgui cóo'` quía'~ Líi^ cajo.

Dsu' jii'~ ja` calilí^ Tú^ Simón e café'r` lado. ³⁴ Jō lajee` gui'nang'` fé'bir mi~ cajgó- cabøø~ jní', jō caquiñ'~ lajee` teáaiñ- fí' e yá^ mó'` do, jō dsíng'~ cafóng'` Tú^ Simón cóo'` Tiáa~ cóo'~gui Juan. ³⁵ Jō lajee` teáaiñ~ jee~ e jní' do, guicaná'` cóo'` luu~ dsea` fí' yá^ jmigüi' jō guicajíng'~:

—I lab Jóo'o i camíng'~ i 'neáan`n eáang'. Jmee~na' núu'~na' jalé'` ta~ quiu'r'.

³⁶ Jō mi~ cangoyúung'~ e caná' e luu~ dsea` do, cangá- i dsea` gaang` do e jo` jnéeng- gui Moi` o'gui Líi^ fí' do, jō 'ñiab'` Jesús sing'`guir. Jō mi~ cangí jō, jii'~ jaang` dsea` ja` ii` cajmea'r' júu^ jalé'` e cangár- e fí' yá^ mó'` do ie~ jmii~ jō.

Mi~ cajmi'leáang- Jesús jaang` siming'` i uuung- i 'ling'` dsí'

(Mt. 17:14-21; Mr. 9:14-29)

³⁷ Jō mi~ cajneá- cóo'gui jmii~, jō cajgám- bre e fí' yá^ mó'` do. Jō dsíng'~ fíng' dsea` cajiñ'` i ngolíng- ngo'née'` quía'r-. ³⁸ Jō jaang` dseañu'` lajee` lajaléng'` i dsea` fíng' do catø'r- Jesús e teá eáang' jō cajiñ'`:

—Tifa', jjá^ jmée'` uí^ diée~ fa' ñijmee'~ mii' quía'~ jóo'o? có' camíng'~ siming'` labing'` i seeng` quie`e;

39 jə jaang` i `ling`^ jée` quiá'r-, jə yejib- jmóoiñ` do e dsea` joñiñ, jə óor` teá` jəgu` iéng` jalé` ja` fí` mo'oor- lajee` jə, jə dsíng`- jmihuhing`neiñ, jə ja` iñ` do nitúur-. 40 Jə nicamí`~baa` jmi`ee` dsea` qui`- fa` e nijmihuiñ` i `ling`^ do, dsu` ja` mí` cali`r'.

41 Jəba` lalab` casí`- Jesús` jaléng` i dsea` do jə cajíñ`-:

—i`Dsíng`- ja` já`- líng`na` jnea~, jə jmang`- fí` gab` iing`na` cá`na`! ¿Jial` nité` lí`i e niliseen` cóo`~ 'nú`? Nijéeng` i siming` qui`- do fí` la.

Jə dsifí` ladob` cangojéeng` i dseañu` do i dsea` dsée`~ quiá'r- do.

42 Jə mi` cangoquiéeng` i dsea` dsée`~ do quiá`- lí` sing` Jesús, dsifí` ladob` cabí`- i `ling`^ do cabíñ` i siming` do fí` ni` uó^, jə cajméer` e cadseá`-tu` joñiñ` do. Jə dsifí` ladob` ca`gaang` Jesús` cajíñ` i `ling`^ do, jə ngohuíim`-biñ` do quiá`- i siming` do, jə ca`láam`-biñ` do. Jə ngá` jəgu`iba` cajáng` Jesús` i siming` do cóo`~ tiquiá`r^ . 43 Jə dsíng`- cangogá` dsíi` jaléng` dsea` i cangá`- e jə ie` jə, có` dsíng`- 'gøng` Jesús` laco` 'gøng` Tiquiá`r^ dsea` guiing`~ ñiff`.

*Mi` cajmée` tu` Jesús` júu` e nijnga`- dsea` quiá`r`
(Mt. 17:22-23; Mr. 9:30-32)*

Jə lajee` teáng`- jaléng` i dsea` do e dsigá` dsíir` quiá`- jalé` e cajmée` Jesús` cóo`~ i siming` do, jə lajee` jə cajíng`- Jesús` casí`r- jaléng` dsea` quiá`r`-:

44 —Núu`-na` røø` jalé` e nifá`^a la lana, jə ja` gü`líng`^ óo`na` lata`~ taang`na` fí` jmigüi`; có` lana` tí` lí` niguiéé` jmi` e nisáng` dsea` jnea~, dsea` gáa`a` fí` ñiff` e lán`n` jaang` dsea` jmigüi`.

45 Dsu' mi~ canúu- jaléng' i dsea` guitúung` do jalé' e cajíng'- Jesús, jíi'~ jaaiñ' do ja` cangáin' jíi'~ camí'^ júu^ jiali' cajíng'- dsea` do lado, co' ja` mí cangáin' fa' nicacuø Fidiéé` e ningáin' e júu^ jo, jogui ja` teá' dsír' fa' e nijmingúr` jiali' cajíng'- dsea` do lado.

*¿I' i niing-gui fí quini` Fidiéé`?
(Mt. 18:1-5; Mr. 9:33-37)*

46 Jo mi~ cangí jo, coo` jmí~ canaang` i dsea` guitúung` do e guíng' rúin' i~ i niing-gui lajee` lajaléin' do. 47 Jo dsu' calilí^ Jesús jalé' e síng` dsea` quiá'r-, joba' dsifí ladob cató'r- jaang` jiuung` jo casíng` neiñ' cáaiñ', 48 jo casí'r- jaléng' i dsea` quiá'r- do jo cajíñ'-:

—Doñi' i~ i íng' dsea` i líng' laco' líng' i jiuung` la la'eáang' cóo'~ jnea~, joba' güiñir' jóng e jneab` ín'; jo i~ dsea` i íng' jnea~ güiñir' e ím'bre Fidiéé` dsea` guing` ñifí-, dsea` casíñ' jnea` fí jmígú' la. Jogui doñi' i~ i ja` jmiféng' 'ñaia' jee~ jaléng' dsea` rúng', íbing' i niing-gui lajee` lajaléng'.

Doñi' i~ dsea` i ja` fé' ga` uii` quí-ii', joba' uíi` quí-baa' siñ'

(Mr. 9:38-40)

49 Joba' cajíng'- Juan casí'r- Jesús:

—Tífa', jnea'^ nicaneem~baa' jaang` dseañu' i jmóo' ta~ uøøng` jaléng' i 'ling'^ la'eáang' cóo'~ 'nu', jo co' ja` ngíguir colíng` cóo'~ jneaa'aa', joba' nicajníim'baa' quiá'r- e nijmér- lajo.

50 Joba' lalab cañi' Jesús quiá'- i dsea` quiá'r- do:

—Ja` jnúng'~na' quiá'- i dsea` do, co' ja` seeng` jíi'~ jaang` dsea` i nijmé- coo` e li~ e dsigá' dsír' dsea` la'eáang' cóo'~ jnea~, jo mi~ nilicøøng`gui lajo, nífé'r

ga` uii~ quié-e. Co' i dsea` i ja` fé' ga` uii~ quí-ii',
jo`ba' uii~ quí`baa' siñ'.

*Mi~ ca'gaang` Jesús quiá'- Tiáa~ cóo~gui quiá'-
Juan*

⁵¹ Jo mi~ cangî jo, nijaquiéeng` jmiî e nidséng'-tu
Jesús fí ñifí, jo teáb` née` dsíir` cangór` fí Jerusalén,
co' niñi`bre e fí job nijngáng'- dsea` ír'. ⁵² Jo nifib`
casíiñ` dsea` quiá'r- i cangojmée` quijí li~ nijér-
lajee` uóø. Jo cangolíng` i dsea` do fí cóo` fí pí`
e née` fí li~ se' Samaria. ⁵³ Jo mi~ caguilíng- i dsea`
quiá'- Jesús do fí jo, ja` ca'íng` neiñ' do o'gui cacuør`
li~ nijéiñ'- do, co' calilí'r` e iuung- Jesús fí e ngóor`
fí Jerusalén. ⁵⁴ Jo mi~ canúu- Tiáa~ cóo~gui Juan e
ja` li~ cangáíiñ` do li~ nijér- fí jo, joba' casí'r- Jesús:

—Tífa', ¿su iin~ e niquíá` naa' ta~ e nijíá` jì fí yú`
jmigüi jo nicáng` jaléng` i dsea` do laco'gui cajmée`
Líi` malíi~ gui eáang`?

⁵⁵ Jo mi~ canúu- Jesús e cajíng'- i dsea` quiá'r- do
lado, dsifí ladob cajíng` 'ñia'r` jo ca'gaaiñ` quiáiñ'-
do jo casí'-reiñ':

—¿I~ júu` quiá'- jmití` 'nú'? ⁵⁶ Co' ja` cagá-
jnea~ fí jmigüi la e lín`n jaang` dsea` jmigüi fa' e
nijngán`n jaléng` dsea` jmigüi, co' jnea~ cagá-a e
lí' laco' nilaan`re jee` jalé` dsee- quiá'-bre.

Jo mi~ calí- cajíng'- Jesús lado, jo fí li~ jiéb`
cangolíiñ- e ngojméeer` quijí li~ cajer` e uóø jo.

*Jaléng` dsea` i iing~ nidsilíng- cóo~ Jesús
(Mt. 8:19-22)*

⁵⁷ Jo lajee` iuung- Jesús fí cóo~ dsea` quiá'r- e
ngóor` fí Jerusalén, jaang` dseañu` cangoquiéeiñ` fí
li~ ngóo` dsea` do, jo casí'-reiñ' lala jo cajíñ'-:

—Tifa', iim~ jnea~ nii~i cóo'~ 'nua` doñí' jíe' fí' lí' guó'^.

58 Joba' cañí' Jesús quiá'- ì dseañu' do jo casí'-reiñ':

—Jaléng' güí' seab` too` lí' güing`ne', jogui jaléng' tá' seab` sii`re', jo dsu' jnea~, dsea` gáa'a fí' ñíí' e lín'n jaang` dsea` jmigüí', jíí' lí' quíee`e moguii` ja` sea`.

59 Jo mali~guijiu lajo cajíng'- Jesús e sí'r jaang`gui dsea` lala:

—Nea~ cóo'~ jnea~ lana.

Jo dsu' ì dsea` do cañír` quiá'- Jesús jo cajíñ'- lala:

—Fí'í, cuóø'~ jnea` fí' e jang'- ni'áan`n tiquié`e, jo mí' níngî jo, joguiba' ninii~i cóo'~ 'nua`.

60 Jo dsu' Jesús cañír` quiá'- ì dsea` do jo casí'-reiñ':

—Lí'^ 'nua` gua~ lajminá~ güiguia~ júu^ quiá'- jial iing~ Fidiéé` nicár` nifí' quiá'- dsea`, jo cuó' fí' e jaléng' ì dsea` ì líng` lafa' 'líng~ ni'áaiñ` tiquíí'^ mí' nití' oor~ quiá'r`.

61 Jo ngî jo jaang`gui dsea` casí'r` dsea` do jo cajíñ'-:

—Fí'í, iim~ jnea~ ninii~i cóo'~ 'nua`, dsu' lifa' la'uii~ cuóø'~ jnea` fí' e jang'- ni'í'^i júu^ jaléng' dsea` sinúu^ quíe`e.

62 Joba' cañí' Jesús quiá'- ì dsea` do jo casí'-reiñ':

—Jo ì dsea` ì já'- nicalíng~ júu^ quiá'- Fidiéé`, jo dsu' mí' 'noo`bî guíing~ dsíir' jalé' e sea` fí' jmigüí', joba' ì dsea` í ja` ta` íng` e nicá` Fidiéé` nifí' quiá'r`. Jo e la líí' lafa' mí' jíí' dsea` cóo'~ güitá^, co' ja` cuóøng` fa' e nijóør` fí' lí' caluu` lajee` e jíir`.

10

*Mi~ casíng` Jesús setenta dsea` quiá'r- i can-
gogua` júu^ quiá'- Fidié`*

¹ Jo mi~ cangí jo, caguíng` Jesús setenta dsea` lajee` lajaléng` dsea` i ngí cóo`r~, jo caquiur` ta~ e cangolíñ`- do tá`- gáíñ- nifí`gui laco` ngóor` 'ñia`r` e cangoguaiñ`~ do júu^ e nijaquíem`ba' e ningí`- dsea` do laco` laco` fí. ² Jo mi~ cató' e caguíng` Jesús jaléng` i dsea` do jo cajíñ`- casí`- reiñ`:

—E já`- e dsíng`- fíng` jaléng` dsea` i iing`~ ni-jmicuíng` jnea~, dsu` ja` ii` 'ga' lí dsea` seeng` i niguiá` jalé` júu^ quié`-e. Joba' 'né` nimí`~ 'nú` Fidié` e nicuóng`-guir dsea` i niguiá` jalé` júu^ quié`-e. Co' lí` la lí` fa' mi~ caroo` jalé` e ca-jní` jaang` dsea`, jo jo` ii` 'ga' lí dsea` seeng` i nijmicóo`~ e nisítíng`, joba' 'né` nimíñ`- i fíng`gui dsea` i nijmicóo`~ quiá'r` e ni~ ta~ do. ³ Jo lana nigüilíng`-na', jo quié`na' cuente e nisín`n 'nú` lafa' sín`n jaang` jo`se` jee~ jaléng` ie`dsinúu^.
⁴ Jo ja` 'né` cá`na' jalé` nosúu` o`gui ñinée` o`gui 'né` cá`na' tú`- neáng` lomí`na', jogui jíi`~ sí`na' e quí`~ba' cá`na'. Jogui ja` jmi`íng`~ yaang`na' e síng`~na' cóo`~ doñí` ii` dsea` i nijíng`na' guiá` fí.
⁵ Jo mi~ nigüilíng`-na' quiá`- dsea` laco` fí lí~ nisín`n 'nú`, joba' síi`na`re ladsifí lala: “Güiliseem`ba' juguiá` júu^ røø.” ⁶ Jo song guiáb`- ni`íng` i dsea` lí nigüilíng`-na' do 'nú`, joba' juguiáb`- niliseeíñ`; jo dsu` song ja` ni`íñ` 'nú` cóo`~ juguiá`, joba' lajob` ja` juguiá`- niliseeíñ` yaaiñ` cajo. ⁷ Jo mi~ nigüilíng`-na' lí~ nicuó`- dsea` 'núu`, jo job` nijá`na' carta~ taang`na' e fí jo, jogui jalé` e í` gø' i dsea` do e joba' ni`u`^ nicø`na' cajo; dsuco`

lafa' jaang` dsea` i jmoo` ta~ ngim`bre e 'leeiñ~', jo lajobi 'nú' cajo. Jo ja` 'né- ngina' la gui` 'núú'.
 8 Jo mi~ niguiling`-na' coo` fi~ li~ iing` dsea` 'nú', quié'na' doñi' ee'go cacuø' i dsea` do 'nú'. 9 Jogui jmi'leáng`na' jaléng` dsea` dsée' i seeng` fi' jo, jo síi'na' jaléng` i dsea` do lala: "Lana nijaquiéng` e nicá Fidiéé` nifi' quiá'- lajaang` lajaang` 'nú'."
 10 Dsu' fing caguiling`-na' coo` fi~ li~ ja` ing` dsea` 'nú', dsifi' uøøng`na' e fi~ do, jo lajee` jo nifi'na' jaléng` dsea` i nijing`na' e jee` fi~ do: 11 "Lana nicabó'naa' 'lee` quiá'- jee` fi~ góo'na' e nicaséng` lomii`naa'. Jo latí lana niliing` jaléng` dsea` i seeng` e fi~ la e ja` iñ` jalé` júu` quiá'- Fidiéé`, dsu' güiliñi`na' guiá- e nijaquiéem`ba' e nicá Fidiéé` nifi' quiá'- lajaang` lajaang` dsea` jmigüi'." 12 Jo lana fi~ guíi` 'nú' e mi~ nijáa` jmii` e nicá dsea` iihuú' uii~ quiá'- jalé` dsee` quiá'r', eáang` gui iihuú' nicá i dsea` seeng` e fi~ li~ ja` ca'iñ` 'nú' lacogui iihuú' e cacá- jaléng` dsea` i caliséng` fi' Sodoma mali'gui eáang'.

*Dsea` i ja` ja`- calíng` júu` quiá'- Dsea` Jmáang`
 (Mt. 11:20-24)*

13 Jo mi~ calí- jo, jo canaang` Jesús e jíiñ- jaléng` dsea` i seeng` fi' fi~ li~ seeng` jaléng` dsea` i ja` ja`- calíng` jalé` júu` quiá'r- jo cajíñ'-:

-iFi~ jaléng` 'nú', dsea` seeng`na' fi' Corazín cóo` jaléng` 'nú' dsea` seeng`na' fi' Betsaida! Cofa' mi~ cajmé-e cóo` jaléng` dsea` seeng` fi' Tiro cóo`gui fi' Sidón lajalé` e guiá- e quii`i jmii` e nicajmé-e cóo` 'nú', joba' dsifi' lajob caquí- jing` yaaiñ` fi' quini` Fidiéé` faco' mi~ lajo, jo catíng` e nineáaiñ` fi'í eáang` uii~ quiá'- jalé` dsee` e

nīcarøøiñ. 14 Jōba' fīi- i 'nú', dseá` seeng`na' fī Corazín cóo'~gui fī Betsaida, ie~ mi~ nití- í' e nīquidsí Fidiéé' í' quiá'- lajaang` lajaang` dseá` jmīgüf, eáang`gui nicuø'r- 'nú' iihuí' laco'gui e iihuí' e ni'ing` dseá` i seeng` fī Tiro cóo'~gui fī Sidón. 15 Jōgui jaléng` 'nú', dseá` seeng`na' fī Capernaum, ¿su líng`na' e 'nú'bing' i nisáng' cartí yá'~gui jee~ jaléng` dseá'? U~, o' lajō, co' 'nú'bing' i nijgiáang` tí lí' 'lí' mi~ nití- e í' jō. Cōfa' mi~ fī fīi Sodoma calí- lajalé' e quíi~ jmīi~ laco'gui jīi'~ e nīcajmé- e jee~ 'nú', jōba' ja` ca'íng- e fīi jō, jō siji'~bi jaléng` i dseá` do latí' lana.

Jō cóo'~ júu^ lanab cajíng- Jesús jaléng` dseá` i ja` já'- calíng- júu^ quiá'r-.

Jō mi~ calí- jō, jō casí'- guir jaléng` i dseá` setenta do lajee~ nú'-gui e ni'uøiñ' do e nīdsilíiñ- e nīdsiguiar~ júu^ quiá'- Fidiéé' jō cajíñ'-:

16 —Ii' dseá` i já'- canúu- júu^ quíi-na', jáb'- ninúr- júu^ quié- jnea~ cajo; jōgui jaléng` dseá` i ja` íng` 'nú', ja` íñ' jnea~ cajo colíng~ cóo'~ Fidiéé' dseá` guíng~ ñiff-, dseá` i casíng` jnea~ fī jmīgüf la.

Jō mi~ calí- e cajíng'- Jesús lajō, jō cangolíim- jaléng` i dseá` setenta do laco' ta~ cahuí' ie~ jō.

Mi' caguilíng`tu jaléng` i dseá` setenta do

17 Jō mi~ lí- cóng`gui lajō, caguilíim`tu i dseá` setenta do fī lí- táang` Jesús, jō dsíng'- iáang` dsír' mi~ caguilíiñ, jō casí'r- dseá` do jō cajíñ'-:

—Tifa', dsíng'- iáang` dsí'naa' jó'naa' lana, co' jì'gui jaléng` i 'líng' i jée' quiá'- dseá` calinúu'r~ jalé' júu^ quíi-naa' mi~ casíi'~naa'r e ngóo'naa' lafa' guóo' 'nū'.

18 J_oba' cañí' Jesús casí'r- i dsea` setenta do j_o cajíñ'-:

—Laj_ob lí', j_o camób- jnea~ mi~ catóng' fii~ i 'l_ing' fí' lí' lamí~ guíñ~ fí' ñíff-, j_o catóñ' lafa' mi~ casí'- c_oo' jí~ güí'ñiá'. 19 J_ogui jnea~ nicacuøø-ø 'nú' e niquí'na' jmí~ j_ogui e nilí'ba' jaléng' i 'l_ing' mi~ jmáñ' jaléng' dsea` jmigüí, j_ogui ja` ee` nilíng-na' nañí' fa' nicúng' jaléng' mi' guíng- 'nú' o_si ni'ing' jaléng' tacú' 'nú' é. 20 J_o dsu' ja` güilí'íang` óóna' e lico' nilí'na' uøøng-na' i 'l_ing' i jée' quiá'- dsea`, c_o' güilí'íang`gui óóna' e niteáng'na' fí' ni~ jì' quiá'- Fidiée' fí' lí' niteáng' jaléng' dsea` quiá'r- i nidsilíng' fí' ñíff-.

Mí' cali'íang` dsí' Jesús

(Mt. 11:25-27; 13:16-17)

21 J_o ie~ j_o, dsíng'- cali'íang` dsí' Jesús la'eáng` c_oo'~ Jmiguí' quiá'- Fidiée', j_o cajíñ'- casí'r- Tiquiá'r^ dsea` guíng~ ñíff-:

—Tea~, lana jmifén'n 'nú', dsea` Fii~ guóo'~ uó- jmigüí la, dsuco' lana nicajmee'- e ngám' jaléng' dsea` dsee- dsea` qui' jalé' júu^ quií'-, j_ogui cajmee-ba' e ja` cangáng' júu^ quií'- jaléng' dsea` i tíng` eáng` i jmicøøng' yaang~ fí' jee~ jaléng' dsea` rúng'. J_o laj_ob lí', Tea~, c_o' laj_ob cali'íang` o' e nilí'.

22 J_o mi~ calí- cajíng'- Jesús jalé' e júu^ na, j_o cajíng'- guir casí'r- jaléng' dsea` i teáng- c_oo'r- do ie~ j_o:

—Nicacuø' Tiquié'e jnea~ e née' nii- jalé' e sea' fí' la'úng- fí' jmigüí. J_o jíí' jaang` dsea` dseáng'- mí' cuiñ` jnea~, dsea` lín'n J_oo' Fidiée' camíng', c_o' lajíí' Tiquié'baa dsea` cuiñ` jnea~; j_ogui jíí' jaang`

dsea`dseáng' m' cuíñ` Tiquié`e dsea`guiing` ñiff` ,
 cō' lajii'~ jneab` dsea` cuín`nre cōo'`gui lajaléng'
 dsea` i nisi'íing` quíe` e e nilicuíñ` dsea` do.

²³ Jō mi` calí` cajíng'` Jesús lana, jō cajōøiñ` lajii'~
 dsea` quiá'r` jō casí'` reiñ':

—Juguiá` jii` quíi` 'nú', dsea` máang`na' jnea`
 jogui calicuíng`na' jnea~, cō' cang`ng`na' e
 ngám`jiu' júu` quíe`e. ²⁴ Dsucō' dsíng'` cali'ing`
 jaléng'` dsea` i café' cuaiñ` quiá'` Fidié` malii`gui
 eáang` cōo'~ jaléng'` dseata` dsea` cōøng'` fa' mi`
 cangár` jalé' e móo` 'nú' jmiñ` ná, dsu' ja` cangár`;
 jogui eáam` cali'iiñ` fa' mi` canúur` jalé'` júu`
 quíe`e, dsu' ja` canúur`.

Mi` ca'e' Jesús jial nijmi'neáang` dsea` rúñ'

²⁵ Jō mi` calí` caféng'` Jesús jaléng'` dsea` quiá'r` ,
 jō cangoquíeng'` fí` lí` siñ'` jaang` tifa'` quiá'` júu`
 quiu'` ta` quiá'` dsea` góor` dsea` Israel, cō'` iiñ` do e
 niguié'r` jial ni'níñ` dsea` do cōo'~ lajii'` júu` e eiñ',
 jō cajming'`r` dsea` do jō cajíñ'`:

—Tifa', ¿e` 'né` nijmee`e e laco'` niñín`n e
 niliseen` cōøng` cōo'~ Fidié`` lata`?

²⁶ Jōba' cañí'` Jesús quiá'` i tifa'` do jō casí'` reiñ':

—¿E` jalé'` e fé'` fí'` ni` jì` quiá'` Fidié`` jō jial
 ngán'`?

²⁷ Jōba' cañí'` i tifa'` do jō casí'`r` Jesús:

—“Né` jmi'neáang`naa' Fidié`` quí`ii'` car`
 ngocáng` dsi'`baa' jogui cōo'~ jalé'` bí` seeng` jmi`guí`
 quí`naa' jogui cōo'~ jalé'` bí` see`naa' jogui cōo'~
 jalé'` e í` dsi'`naa'; jogui 'né` jmi'neáang`naa' jaléng'`
 dsea` rú'`naa' lí'` laco'`gui jmi'neáang` yee`naa'.”

²⁸ Jōba' cañí'` Jesús quiá'` i dsea` do jō cajíñ'`:

—Lajob lí' laco' fó' na. Jo song nicajmití' jalé' e jo, joba' niñín' e niliseen' cøøng' cóo' Fidié' lata'.

²⁹ Jo dsu' i tifa' do iĩñ' e niní' jaléng' i dsea' do e íbre tiing'guir laco' Jesús, joba' casí'r' dsea' do jo cajíñ':

—¿I' dsea' i 'né' nijmi'neáan'n jóng, Tifa'?

³⁰ Joba' cañí' Jesús quiá' i dsea' do jo casí' reiñ':

—Coo' née' jaang' dsea' Israel cagü'í' fí Jerusalén jo cangór' fí Jericó. Jo lajee' ngóor' guiá' fí, catóo' i' quiá'r' i ca'uø' jalé' e quier', jo j'gui si' i dsea' do ca'uø'r', jo caquiéng' neiñ' jo jiu' ja' cajngam'bre i dsea' do. Jo mi' calí' jo, jo cangolíim'bre, jo dob caseáaiñ' i dsea' sihuíng' do 'ni' fí. ³¹ Jo cõ'ná' lajob cangotíng' cangíng' jaang' jmidsea' quiá' dsea' Israel fí li' ráang' i dsea' sihuíng' do. Jo mi' caguiér' fí li' ráaiñ' do, cajméer' lafa' ja' cangám'breiñ', jo cangám'bre; ja' ee' cajmicóo'r' i dsea' sihuíng' do. ³² Jo mi'míng' guijiu' lajo cangíng' jaang' dsea' levita. Jo mi' caguiér' li' ráang' i dsea' sihuíng' do, cajméer' lafa' ja' cangám'breiñ' do cajo, jo cangám'bre; ja' ee' cajmicóo'r' i dsea' do cajo. ³³ Jo dsu' mi'míng' guijiu' lajo caguiér' jaang' dseañu' i seeng' fí Samaria i la'ó' 'ní' níng' rúng' cóo' dsea' Israel. Jo mi' cangáñ' i dsea' sihuíng' do, dsíng' calí' fí' líng' neiñ'. ³⁴ Jo cangoquiéiñ' fí li' ráaiñ' do. Jo mi' cangár' e sihuím' i dsea' do, jo dsifí lajob cajméer' m'í' quiáñ', jo ca'ñú'r' lacaang' li' sihuíng' quiáñ' do. Jo mi' calí' e cajméer' m'í' quiá' i dsea' do, jo caseáng' neiñ' fí mocóo' bú' quiá'r', jo cató' reiñ' fí li' seeng' dsea' fí li' cajméer' í' i dsea' do, jo job cajer' cóoiñ'

do ie~ canuu` e jmi~ jo. ³⁵ Jo mi~ cajneá~ e jmi~ jo, mi~ caguia' i dsea` seeng` fi' Samaria do guiá~ e nidséiñ~, caguir' cuu~ quiá'r~ jo caquí'r' quiá~ i dsea` li~ cajer' do quiá~ e nito` fñiñ` do i dsea` sihuíng` do. Jo casí'r~ i dsea` fii' 'núu' do jo cajíñ~: “Jmee~ í~ i dseañu' la, jo song ca'íing'gui' cuu~ qui'~ cóo~ jalé' m'í' quiá'r~, jneab~ niqú'í' qui'~ mi~ nigüéeng~túu calé' catú~.”

³⁶ Jo mi~ calí~ e cajíng'~ Jesús lajo, jo cajmingí'r~ i tifa' do jo cajíñ~:

—¿I~ lajee~ laji' gaang` i dsea` do i lín~ i cajmi'neáng` i dsea` sihuíng` do?

³⁷ Jöba' cañi' i tifa' do jo casí'r~ Jesús:

—I dsea` i calí~ fi' línng` ír', íbing' cajmi'née' quiá'r~.

Jöba' cañi' Jesús jo casí'r~ i dsea` do:

—Guóng' jo güjmi'neáng` jaléng' dsea` laco' cajmée` i dsea` seeng` fi' Samaria do cóo~ i dsea` sihuíng` do.

Mi~ caguié~ Jesús fi' quiá~ Marta cóo~ gui Yá^

³⁸ Jo mi~ cangí jo, jo cangób~tu Jesús laco' iuuiñ~ fi' e ngóor' fi' Jerusalén. Jo lajee~ ngolíñ~ fi' jo, caguiliñ~ fi' cóo~ fi' li~ niseeng` jaang` dseamí i sií Marta cóo~ jaang` rúíñ` dsea` ngáang' cóo'r~ i sií Yá^ . Jo mi~ caliñi' i dseamí do e caguiliñg~ Jesús cóo~ dsea` quiá'r~ fi' jo, dsifi' lajób cató'r~ dsea` do fi' quiá'r~ . ³⁹ Jo mi~ caguié~ Jesús fi' jo, dob caguá Yá^ quiá~ li~ guing~ Jesús e núur` jalé' júu^ e e' dsea` do. ⁴⁰ Jo lajee~ jo iuung~ Marta e ja` dsiñiñ` e guiar' guiá~ jalé' e nidó~ Jesús cóo~ jaléng' dsea` quiá'r~ . Jöba' cangoquiéeiñ` li~ guing~ Jesús, jo casí'r~ dsea` do jo cajíñ~:

—Tifa', ¿su ja` cuø' fi'í^ uø' e nijngáng' e 'ñiá' a e ni~ ta~ la? Co' nab guing~ i rún'n na ja` ee` jmijír~ fa' e nijmicóo'r~ jnea~ cóo'~ jalé' e jmóo`o la. Jiéé` o' síi~ gor güijmicóo'r~ jnea~ lana.

⁴¹ Jōba' cañi' Jesús casí'r~ i dseamî do jō cajíñ'~:

—Marta, Marta, dsíng'~ guing~ o' dsuco' ja` nid-siñín' e nijmée'~ jalé' e lí' quíi'-. ⁴² Dsua' sea` cóo` e niing~gui eáang' e 'né~ ninúu'^, jō Yá^ rún' nīcagui'bre e~ e niing~gui e 'né~ jmér~, jō jíi'~ jaang` jō` iī` cuóøng` lí` jníng~ quíá'r~.

Jō lanab cajíng'~ Jesús casí'r~ i dseamî gáng~ do ie~ jō.

11

Mi~ ca'e Jesús jial nisñ~naa' cóo'~ Fidié'~
(Mt. 6:9-15; 7:7-11)

¹ Jō cóo` jmñ~, mi~ cangî e caféng' Jesús Fidié'~, cangoquiéeng' jaang` dsea` quíá'r~ fí' lí' siñ' jō casí'r~ dsea` do jō cajíñ'~:

—Tifa', mi~ cateáang` i Juan i caseáang` dsea` jmñ` do fí' jmigüî la, ca'e'r' jaléng' dsea` quíá'r~ jial nisíñ~ cóo'~ Fidié'~. Jō ¿su ja` é'^ 'nu` jnea'^ cajo?

² Jōba' cajíng'~ Jesús casí'r~ jaléng' i dsea` do:

—Mi~ iing`na' sñng~na' cóo'~ Fidié'~, lalab 'né~ naang~na' fo'na':

Tiquí'ii', dsea` guiin'~ ñiff~,

güijmifém' jaléng' dsea` jmigüî 'nu', co' 'nab` dsea` fén' fí' la'úng~ fí' jmigüî.

Jogui güijáng' yaang~ dsea` fí' quini'^ e laco' niquiá'^ ta~ quíá'r~ lajaang` lajaañ`.

Jogui güijmitib~ jaléng' dsea` jmigüî jalé' e iing~ 'nu` fí' jmigüî la

lí[^] laco^ogui liti[~] fí[~] ñiffi⁻ quíi⁻.

³ Jogui cuóø^o jnea[^] jalé[^] e 'né⁻ niquiee[~]naa' e jmi[~] lana.

⁴ Jogui íng[^] dsee⁻ uii[~] quí[^]naa' quiá⁻ jalé[^] e ja^o dseeng[^] e nicajmó[^]naa',

lí[^] laco^ogui jnea[^] íng[^]naa' dsee⁻ quiá⁻ jaléng[^] dsea[^] rú[^]naa' dsea[^] jmi[~]güi[^] mi[~] ee[^]go nica[^]léer[^] quí⁻naa'.

Jogui jmee⁻ í[^] jnea[^] lacaang[^] lí[~] ngí[^]naa' e laco^o ja^o nijiu[^]naa' fí[~] ní[~] dsee⁻,

jogui jmee⁻ í[^] jnea[^] cajo e laco^o ja^o nijmeáng[^] jaléng[^] i[^] 'ling[^] jnea[^].

Jo lanab ca^e' Jesús ie[~] jo jial féeng[^]naa' Fidiée[^].

⁵ Jo mi[~] calí⁻ jo, Jesús casí⁻ guir jaléng[^] i[^] dsea[^] do jo cajíñ⁻:

—Majmó[^]naa' cuente e jaang[^] 'nú[^] seeng[^] jaang[^] cabóo[~] quíi⁻na', jo i[^] cabóo[~] do niguiéer[^] e tór[^] 'nú[^] fí[~] quíi⁻na' e guiáang[^] uóø[^] guienú[~] jo nijíñ⁻:

“Cabóo[~], ¿su ja^o jíeé[^] o[^] fa' jmi[^]øøⁿ jnea[~] 'ní[^] íí[^],
⁶ co^o dob nicaguié⁻ i[^] cabóo[~] quíe⁻ e do fí[~] quíe⁻ e i[^] iuung⁻ fí[~] jang[^] fí[~] lí[~] huí[^] eáang[^], jo ja^o ee[^] sea[^] cuóø[^]øre e nidó[^]r⁻?”

⁷ Jogui jíi[~] jaang[^] 'nú[^] ja^o ningíi⁻na' quiá⁻ i[^] cabóo[~] quíi⁻na' do jo nifi[^]na'r:

“Ja^o ñijmiguíi[^], cabóo[~], co^o uóøb[^] eáang[^], jogui lanabi guiáang[^] güing[^] jaléng[^] jiuung[~] quíe⁻ e, jo dsíng⁻ fín⁻ n niráan⁻ n nicuóø[^]ø 'nú[^] jalé[^] e fó[^] na.”

⁸ Dsu[^] jnea[~] fíi⁻ i[^] 'nú[^] e doñí[^] fa' ja^o ráang⁻na' uíi[~] e líng[^] i[^] dsea[^] do cabóo[~] quíi⁻na', dsu[^] niráam⁻ba' nicuóø[^]na'r e mi[^]r[^] 'nú[^] do e laco^o jo^o siñ[^] jmiguíiñ⁻ 'nú[^].

⁹ Jo lajob fíi⁻ i[^] 'nú[^]: Míi[^]na' Fidiée[^] jalé[^] e 'né⁻na' jo nicuóø⁻bre; jogui mi[~] 'nó[^]na' e 'né⁻na', niguié[^]ba' jalé[^] e 'nó[^]na' do; jogui mi[~] tó[^]na' fí[~] o[^]nú[^], joba' nineab[^] e 'nú[^] do. ¹⁰ Dsuo^o i[^] dsea[^] i[^]

mi' Fidiéé' jalé' e 'nér-, ngúm'bre; jogui ii` dsea`
 i 'nó', niguié'bre e 'nó'r do; jogui ii` dsea` i tø` fí`
 o'ná^, nineab' e 'nú' do.

11 'Jo ja` lí^ dsii- e seeng` jaang` 'ná', dsea`
 aang-na' jaléng' jiuung~, e mi~ nimí'r- 'ná' ir~,
 jo nicuó'^na'r cuu~, o'si mi~ mi'r' 'ná' capí^ ngúu'
 'ñu, jo nicuó'ng'^na'r mi', 12 o'si nicuó'ng'^na'r jaang`
 tacú^ mi~ nimí'r- 'ná' coo` motu. 13 Jo co' 'ná',
 dsea` si'ling'^na' fí` quini` Fidiéé', tñm'ba' cuó'^na'
 jaléng' jóo'na' jalé' e guiá-, jo dsu' eáang'gui jlo'^
 nicuó- Tiquí'ii' dsea` guing~ ñifí- mi~ nimí'^na'r,
 co' nicuó'^bre 'ná' Jmiguí` quiá'r-.

*Mi~ cacuø' dsea` dsee- Jesús e jmóor` ta~ la'eáang`
 cóo` i 'ling'^*

(Mt. 12:22-30; Mr. 3:19-27)

14 Jo mi~ cangí jo, coo` jmñ~ caguíng` Jesús jaang`
 i 'ling'^ i jée' quiá'- jaang` dseañu', jo i 'ling'^ do
 ninicajméer` e ja` lí fé^ i dseañu^ do jii~ camí'^ júu^.
 Dsu' mi~ caguíng` Jesús i 'ling'^ i jée' quiá'- i dsea`
 do, dsifí` ladob canaang` fé'tuiñ' do. Jo dsíng`-
 cangogá` dsí' jaléng' i dsea` i teáang- do mi~ calí-
 lado, 15 dsu' i lüing~ i dsea` do cajíñ'- ca'éeiñ` Jesús:

—La'eáang` cóo` bî` quiá'- Beelzebú i lüing` fíi`
 jaléng' i 'ling'^, la'eáang` í'bing' tñng` i dseañu^ na
 e uóøiñ` i 'ling'^ i teáang` dsí' dsea`.

16 Jogui i lüing~ gui i dsea` do e laco' niguié'r' jial
 ni'náñ- Jesús fí` quini` dseata~, joba' camí'r' dsea`
 do e fa' nijméiñ'- coo` e li~ e quí'r~ jmñ~, jo lajoba'
 nicuó- li~ e Fidiéeb` dsea` casí` quiá'r-. 17 Jo dsifí`
 ladob calilí^ Jesús jalé' e í` dsí' i dsea` do, joba'
 cajíñ'- casí'- reiñ'.

—Niñib^ 'nú' jialco' lí' coo' fii' lí' ja' s'ing` dsea` røø, co' seeng` jmaquíng` dsea` i` quia' ta' quia'r-, jo ja` ee` juguiá- seeng` jaléng` i` dsea` do. Jogui niñi^bi' cajo jialco' lí' quia'- dsea` i` seeng` coo` sinúu^ i` teáng'~ ta' j'ing, ja` ee` juguiá- seeiñ, co' ja` røø` s'iiñ. ¹⁸ Jo song lajob lí' cóo'~ fi~ i` 'ling'^ i` sii` Satanás e quia'r ta` condseá'- dsea` quia'r- e nijmeáiñ` dsea` ga, jogui condseá'-gui dsea` do e nijmicóo'r~ dsea, joba' ja` e ta` íng^ quia'r- song cajméer` lajo, co' ni'ím- laji` tú- e ta` do, jo jo` ee` bí seeiñ` jii'~ coo` jóng. Joba' nicañi- i` 'nú' jalé' e na, co' f'ing` 'nú' fó'na' e la'eáang` fi~ i` 'lim'^ba' e tiin- uøøñ- jaléng` i` 'ling'^ i` jée' quia'- dsea; ¹⁹ dsu' fa'jiu e jmicóo'~ fi~ i` 'ling'^ quie- e laco' fó'na' na, joba' ÷i~ i` líng-na' i` jmicóo'~ quia'- jaléng` dsea` góo'na' i` nica'uøøng` jaléng` i` 'ling'^ i` jée' quia'- dsea? Co' i` dsea` í' e'r' 'nú' e o' lajo e í' óo'na'. ²⁰ Dsu' song jnea~ tiin- uøøñ- jaléng` i` 'ling'^ i` jée' quia'- dsea` la'eáang` cóo'~ güea'^ quia'- Fidiée~ dsea` guing~ ñifi-, joba' nicañi` í' jóng e nijáang'~ yaang~na' fi' quini` Fidiée~ e laco' nicár` nifi' quí-na' lajaang` lajaang`na'.

Jo mi~ calí- e cajíng'- Jesús lana, jo casí'- guir jaléng` i` dsea` do jo cajíñ'-:

²¹—Jo mi~ seeng` jaang` dseañu` i` 'gøng' jogui óor` jalé' e cóo'~ nijmi'øng` 'ña'r' mi~ jmi'ø'r` jalé' e sea` quia'r-, jo líiñ- e jo` ii` quí- jmi~ nicó` quia'r-.

²² Jo dsu' f'ing` caguié- jaang`gui dsea` i` 'gøng'gui eáang, jo nili`bre tíñ- cóo'~ i` dsea` jaang`gui do, joba' ni'uø`bre jalé' e sea` quiaíñ'- do.

²³ 'Joba' fii- i` 'nú' e ii` i` ja` sing' uii~ quie- e, joba' 'ní' níim- bre jnea~ jóng, jogui ii` i` ja` jmicóo'~ jnea~ e

laco' nilicuíng` dsea` jnea~, joba' ja` siñ' uii~ quié` e cajo.

*Jial lí' mi~ dsitáang` tu i 'ling' fí' dsí' dsea`
(Mt. 12:43-45)*

²⁴ Jo mi~ calí~ cajíng'~ Jesús lana, jo casí~ guir jaléng' i dsea` do jo cajíñ'~:

—Mi~ güi'íí' jaang` i 'ling' i iuung~ dsí' jaang` dsea`, ngir' fí' lí~ quiúú` e 'nó'r' fí' lí~ nijmi'íñ'. Jo mi~ ngir' e ja` niguié'r' lí~ nijmi'íñ', joba' í' dsíir': “Ním'^túu fí' dsí' dsea` e lí~ cajú~u do, co' ja' lí~ sea` lí~ nijmi'ín'n.” ²⁵ Jo mi~ niguieng'tur dsí' i dsea` do, niguiéiñ' lafa' coo` sináú^ lí~ siquiáang` guiá~ jo silí' jlo'^. ²⁶ Jo mi~ ninír' e dsíng'~ jlo'^ dsí' i dsea` do lí~ ni'ítur, jo nidsér~ nidsitéer` guiáng~ i 'ling' gui laco' ír' e nidsitáaiñ' dsí' i dsea` do. Joba' ga' guib nilíng~ i dsea` do jóng laco' gui lamí~ iuung~ jaang` i 'ling' do fí' dsíir'.

Jial lí' mi~ dseáng' e já' e íáang` dsí' dsea`

²⁷ Jo lajee` gui'nang'~ e fé'bi Jesús e júu^ na mi~ tí' lí~ guicafé' jaang` dseam^ e teá' eáang' jee~ jaléng' i dsea` do jo guicajíñ'~:

—Juguiá~ o' quiá'~ niquí'~, dsea` cangoquieeiñ~ 'nú' jogui cajmicuáaiñ` 'nú' cajo!

²⁸ Jo dsu' Jesús cañír` quiá'~ i dseam^ do jogui casí'r~ jaléng' i dsea` do jo cajíñ'~:

—Jo dsu' juguiá~ gui quiá'~ jaléng' i dsea` i núu' jalé' júu^ quiá'~ Fidiéé` jogui jmitir~ jalé' e jo cajo!

*Mi~ camí' dsea` Jesús e nijmé~ dsea` do lí' e já' ba`
e tñiñ`
(Mt. 12:38-42; Mr. 8:12)*

29 Jo lajee˘ jo, dsíng'˘gui caguilíng˘ dsea` fí lí táang` Jesús, joba' canaang`tu dsea` do e e'guireiñ' jo cajiñ'˘:

—Jaléng'˘ dsea` i seeng` jmiñ˘ na dsíng'˘ nírøøiñ˘ dsee˘, joba' mi'r' jnea˘ e nijmee˘ e lí e já'˘ba' e tiin˘, dsu' nicaliseáb` jalé'˘ e lajo lami˘ jéeng`gui. Téé` óóna' mi˘ cajá˘ Jonás, jaang` dsea` i café'˘ cuaiñ˘ quiá'˘ Fidiée˘ mali'˘gui eáang'. 30 Jo laco' Fidiée˘ casiiñ˘ i Jonás do e niguiáñ'˘ do júu˘ quiá'˘ dsea` do jee˘ jaléng'˘ dsea` i caliséng` fí Nínive, jo lajob cajo casíng` Fidiée˘ jnea˘, dsea` i cajá˘ fí ñifí˘ e lán'n jaang` dsea` jmiñgüi˘, e niguiaa˘ júu˘ quiá'r˘ jee˘ jaléng'˘ 'nú'˘. 31 Jo maliñ˘gui eáang` cajo caliséng` jaang` dseamf` i ca'ée` coo` ta˘ fé'˘ fí lí huíi˘ eáang`. Jo ie˘ jo seeng` jaang` dseata˘ dsea` féng'˘ fí Israel i calisi` Salomón i tiing` eáang`. Jo i dseamf` do cangór˘ cangonúur˘ e júu˘ quiá'˘ i dseata˘ Salomón do. Jo dsu' mi˘ niguiée' jmiñ˘ e niquidsi' Fidiée˘ í' quiá'˘ jaléng'˘ dsea` uí'˘ jalé'˘ dsee˘ quiá'r˘, joba' i dseamf` do nicuø'r˘ 'nú'˘ dsee˘, co' ja` núu'˘na' jalé'˘ júu˘ quié˘ e. 32 Dsuo' mi˘ cajá˘ i Jonás do e caguiar` júu˘ quiá'˘ Fidiée˘ fí Nínive, lajalém'˘ i dsea` seeng` e fiñ` jo dsifi' lajob caqui'˘ jíng'˘ yaaiñ˘ fí quini˘ Fidiée˘, joba' i dsea` í'bing'˘ nijmé˘gui dsee˘ qui'˘na' mi˘ niguiée' jmiñ˘ e niquidsi' Fidiée˘ í' quiá'˘ jaléng'˘ dsea` jmiñgüi˘. Jo dsu' jnea˘ niing˘gui laco' i Jonás do.

*Mi˘ ca'e' Jesús jial lí' mi˘ jmiñnea' dsea` ji`
(Mt. 5:15; 6:22-23)*

33 Jo mi˘ calí˘ jo, jo canaang` Jesús coo` 'lé'˘gui júu˘ quiá'r˘ jo cajiñ'˘:

—Mi~ jmiyneá` jaang` dsea` coo` candíi^ quiá'r~, 'né- nisí'r` coo` lí` ñíí', joba' nijneá' fí' la'úng- sinúu^ quiá'r~. Jo ja` jmiyneár` e jí` do e laco' nisí'r` fí' coo` dsíí' caja o'gui e ni'meár- fí' coo` lí` ja` jnéeng-, co' iin~ e jnéb" jaléng" dsea` i dsitáang" fí' dsíí' sinúu^ quiá'r-. ³⁴ Jo jalé" jmini~ dsea` íng^ ta~ e jné'r` laco'gui ta~ íng^ e candíi^ do e jneá` mi~ canuu. Jogui jaléng" dsea` i guiá- jmini~, jlo'gui jné'r` lacaang` fí' lí` ngir' laco'gui jaang` dsea` i jo` 'ga' lí' dseeng` jmini~, co' i dsea` í` jo` 'ga' lí' røø` jné'r` lacaang` fí' lí` ngir'. ³⁵ Jo lajob líí' cóo" 'nú" mi~ já"- líng'na' jalé" júu^ quié- e quiá"- jial laang` Fidiéé` dsea` jee~ jalé" dsee- quiá'r~, co' e jo líí' lafa' mi~ jneá` coo` jí` dsíí' coo` sinúu^ e nuu. ³⁶ Joba' 'né- ñíing~ óo' 'nú" jie~ mí' jmee- na' e ja` já"- líng'na' e júu^ quié- e do, co' e jo líí' lafa' mi~ ja` jneá` jí` dsíí' coo` sinúu^ e nuu eáang'.

Mi~ cajíng- Jesús jaléng" dsea` fariseo cóo" jaléng" tífa' quiá"- júu^ quiu" ta~ quiá"- dsea` Israel
(Mt. 23:1-36; Mr. 12:38-40; Lc. 20:45-47)

³⁷ Jo mi~ cangí e cajíng"- Jesús lado, jaang` dsea` Israel i líng' dsea` fariseo cató'r- Jesús fí' quiá'r- e nidó'r-. Jo mi~ caguié- dsea` do fí' quiá"- i dsea` fariseo do, jo cangúmbre dsíí' sinúu^ jo cangúin' caguár` lí` nidó'r-. ³⁸ Jo i dsea` fariseo do dsíng"- cangogá` dsíir' mi~ cangár- e ja` cajmiti~ Jesús fa' caru'r' guóor' laco' tíng' jaléng" dsea` Israel. ³⁹ Joba' cajíng"- Jesús casí'r- i dsea` fariseo do:

—Jaléng" 'nú", dsea` fariseo, rúu" na' jalé" cuéel~ huíí' quíi- na' jíí" lí" caluu~, jo dsu' eámam' 'lí" lí' dsíí'. Jo lajob líng' 'nú" yaang~ na' cajo, co' guiúb- tíng'na' rúu" na' ní" na' jee~ jaléng" dsea` mi~ ja` lí"

dsea` jial tí' jmoona' ð quiá'r- jo ee`gui jalé' 'lí' rúng'na' jmoona' cóo'~ jaléng' dsea`. 40 ;Dsinóó' 'nú'! ¿E~ ta` íng^ quií'na' e jmoona' lajo? Co' fí' quini` Fidiée' 'né- e tee` lajì` tú- taam`. 41 Jo mi` líng~ e cuø'na' jaléng' dsea` i ja` sea` e 'né- quiá'-, joba' 'né- jmee`na' lajo e ngocáng` óo'ba', jo lajoba' ni'uíng- guiá- quií'na' fí' quini` Fidiée'.

42 'iE ngi` fíib- 'nú', jaléng' dsea` fariseo! Co' dsíng'- guíng~ óo'na' e nicuø'na' Fidiée' dseáng'- ca'íng'~ lajee` guí- íng'~ lajalé' oo' quiá'- jmiñi' e ro'na', jo dsu' ja` e guíng~ óo'na' fa' e ni'í'na' í' røø` quiá'- jaléng' dsea` rúng'na' o'gui e jmi'neáng'na' Fidiée'. Co' lajalé' e joba' 'né- nijmití'na' cóo'~ gui jalé' e caguíe- gui do cajo.

43 'iE ngi` fíib- 'nú', jaléng' dsea` fariseo! Co' iing~na' ní'na' jíi'~ 'masii' e jlo'^ quiá'- dsea` lani- ing- mi` nití' fí' guá'-, jogui jmoona' e 'nú'bing' i niing- gui mi` nití' fí' jo cajo. Jogui lajobi mi` jíng'na' jaléng' dsea` guiá'^ fí', jmoona' e jmiféiñ' 'nú' lafa' jíi'~ 'nú'bing' i cóøng'~ gui fí' la'úng- jmigüî.

44 'iE ngi` fíib- 'nú', jaléng'na' dsea` fariseo! Co' dsíng'- jmigøøng'na' jaléng' dsea` cóo'~ jalé' e jmoona'. Co' 'nú' líng'na' la lí' lí' si'aang' 'líi~, co' dsíng'- jlo'^ jíng` tee` lí'^ lí' ni~, jo dsu' lí'^ lí' dsí' jolíng~ tée'~ ngúu' jmé' e teáng'~ jóo'.

45 Jo mi` canúu- i tifa' quiá'- júu^ quiu' ta~ quiá'- dsea` Israel e cajíng'- Jesús lado, joba' dsifí' ladob 'ní' catíiñ- júu^ quiá'- dsea` do, jo cañír' quiá'- Jesús jo cajíñ'':

-Tifa', mi` fó' lana la quié- jneab'^ jminean'^ cajo.

46 Jōba' cañíi` Jesús quiá'- i dsea` do jō cajíñ'- casí'- reiñ':

—iE ngĩ fñb- 'nú' cajo, jaléng' tifa' quiá'- júu` quiu' ta~ quiá'- dsea` Israel! Co' cuø'na' lee~ laguidseaang^ jaléng' dsea` jiéng' e jji~ jaang` ja` ii` quíi~ jmii~ niró', jogui jji~ yaang~na' ja` iing~na' fa' taang~na' guóo`na' e niróo- e lee~ do.

47 'iE ngĩ fñb- 'nú' jaléng'na', co' jmo'na' jlo'^ lí' si'aang~ jaléng' dsea` i café' cuaiñ~ quiá'- Fidiéé, jō jaléng' dsea` íb` i cajngang' 'líi~ dsea` cøøng'~ quíi~na' ie~ malí'gui do! 48 Dsu' jalé' e jmoo`na' do guóng' e lafa' røøb` siing~na' cóo~ jaléng' 'líi~ dsea` cøøng'~ quíi~na' jō e lafa' 'núb' cajngang'na' jaléng' i dsea` do cajo.

49 'Jō co' lajōb lí', jōba' Fidiéé dsea` eáang' tiiñ` cajíñ'- lala: "Nisñn^n jaléng' dsea` i fé' cuaiñ~ quié-e cóo~gui jaléng' dsea` apóo^ i si'íing^ e ní' júu^ quié-e jee~ 'nú', jō dsu' 'nú', seem`biñ' do i nijmeáang~na' la tí' e já- óo`na', jogui seem`biñ' do cajo i nijjúng' fí jaguóo`na' cartí nijngám`ba'r."

50 Jō dsu' Fidiéé~ nijmér- e niquí- jaléng' dsea` seeng` jmii~ na jalé' e cangongúng- jaléng' dsea` i café' cuaiñ~ quiá'r- i nicaliséng` lajji~ mi~ catiroo~ jmigüi jō latí' lana 51 jō latí' mi~ cajnga' dsea` quiá'- Abel jogui cartí mi~ cajnga' dsea` quiá'- Zacarías fí jeeng~ lí' guíá' jaléng' dsea` jalé' e cuø'r' Fidiéé. Jōba' fñi- i 'nú' e nijméb- Fidiéé e niquí- jaléng' dsea` seeng` jmii~ na jalé' e cangongúng- i dsea` do.

52 'iE ngĩ fñb- 'nú', jaléng' tifa' quiá'- júu^ quiu' ta~ quiá'- dsea` Israel! Co' 'núb' dsea` quié`na' jalé' jì lí' too~ jalé' júu^ quiá'- Fidiéé, jō dsu' ja` iing~

'ná' jmití'na' laco' fé' e fí' ní' jì' do, o'gui cuø'na' fí' e nijmiti~ jaléng' dsea` ì iing~ jmé^ lajò.

⁵³ Jò mi~ cató' e cajíng~ Jesús jaléng' ì dsea` fariseo cóo'~ jaléng' ì tifa' do, jò jaléng' ì dsea` do canaaíñ` jmiquí'm'~ dsíir' cóo'~ jalé' júu^ e cajíng'~ Jesús, jò jmiguiab' jalé' e canaaíñ` jmíng'íir' laco' e nijmiguíñ~ dsea` do; ⁵⁴ co' jaléng' ì dsea` fariseo do cóo'~ jaléng' ì tifa' do 'nó'r' jial ní'náíñ~ Jesús fí' quini~ jaléng' dseata~ quiá'r~ cóo'~ jalé' e fé' dsea` do.

12

Mi~ ca'e' Jesús e ja` dseeng` jmijløng' yee~naa' jee` jaléng' dsea`

¹ Jò lajee` e fé' Jesús jalé' e júu^ na, caseáng' lí' lí' tú~ 'ní' mil dsea`. Jò laco' ngóo' seáng' jaléng' ì dsea` do, dsíng'~ ninaaiñ` 'leng' rúíñ', co' lajalém' bre iíñ~ ninúr~ jalé' júu^ e e' Jesús. Jò lajee` jò canaang` Jesús féiñ' jaléng' dsea` guitúung` quiá'r~ jò casí'~ reiñ':

—Ñiing~ óo'na' cóo'~ jalé' e fé' jaléng' dsea` Israel ì líng' dsea` fariseo, co' jíi'~ yaaiñ~ ja` já'~ líiñ` jalé' e fé'r', jò jalé' e jò íng^ ta~ quiá'r~ e lico' jmijløng' yaam~bre fí' quini~ jaléng' dsea` fí'. ² Dsucó' ja` sea` cóo` e sií~ jneaa~aa' e íng' e ja` tóo` jmí~ nilíñ' jaléng' dsea`, o'gui cóo` e sí'má'naa' e ja` tóo` jmí~ niní jaléng' dsea` cajo. ³ Jòba' jalé' e nicafée' 'nú' e íng', nilíñib' jaléng' dsea`; jogui lajòbi jalé' e nicafée'na' fí' sínáú^ quí'na', nilíseab` júu^ latøng~ fí' cajo.

I` ì catíng~ e 'gøng'naa'
(Mt. 10:28-31)

4 'Jo lala fñi-i jaléng' 'nú', dsea` rú'naa'; ja` fòøng'~na' jaléng' i iing~ jngáng'^ 'nú', co' jii' e joba' tñiñ jmér-. 5 Dsu' lana nijmée'~e 'nú' júu^ i~ i catíng- i niféng'na': güiféng'na' i dsea` i niquiá'- ta` lí~ nijúung-na' jogui quí'r~ jmí~ e guiéiñ' dsea` fí lí~ 'lí'^. Joba' fñi-i 'nú' igüiféng'na' i dsea` î!

6 'Jo niñib^ 'nú' e 'nim` dsea` tá'- la 'ñíng- ta` cóo'~ tú- 'ní' í' cuu-. Dsu' e já'-ba' e jii' camíng'~ i ta` do ni'íng- dsí' Fidiéé' laco'gui ja` ni'íng- dsíir' jii' jaang` 'nú' cajo. 7 Jo jì'gui jalé' jñuguí^ 'nú' sí'í'^ Fidiéé' tá'- camí'^. Joba' fñi-i 'nú' e ja` fòøng'~na' mí~ iing~ dsea` nijngáñ'- 'nú', co' eáang'gui quíng' 'nú' laco'gui fíng' ta'.

*Jaléng' dsea` i ja` i' líng- e cuíñ` Dsea` Jmáang`
(Mt. 10:32-33; 12:32; 10:19-20)*

8 'Jogui jaléng' 'nú', dsea` i ja` i' líng-na' e nijmée'~na' dsea` júu^ e cuíng-na' jnea~ fí jmi güí la, joba' jnea~, dsea` cagá'-a fí ñífi- e lín'n jaang` dsea` jmi güí, lajob nijmee~ e cajo fí quini' jaléng' ángeles quiá'- Fidiéé' mí~ niguilíng' 'nú' fí jo. 9 Dsu' jaléng' dsea` i nijíng'- e ja` cuíñ` jnea~ jee~ jaléng' dsea` jmi güí, joba' lajob nifá'^a fí quini' jaléng' ángeles quiá'- Fidiéé' e ja` cuín`nre cajo.

10 'Jogui doñi' ii i 'ní' níng- jnea~, dsea` gáa'a fí ñífi- e lín'n jaang` dsea` jmi güí, ni'ím- Fidiéé' dsee- quiá'r-; jo dsu' ii i café' ga` uii~ quiá'- Jmiguí quiá'- Fidiéé', joba' jo` quí'- jmí~ fa' e ni'íng-gui Fidiéé' dsee- quiá'r-.

11 'Jo jaléng' 'nú', song cajiúng'na' fí jaguó` dseata~ quiá'- guá'- quí-naa' osi fí jaguó` dsea` i quidsí' í' osi dseata~bi é, joba' ja` fòøng'~na' fa' e ja` ñí^na' jial nijmi'øng' yaang~na' o'gui jial ningí~na'

quiá'r- mi~ nijmingí'r- 'nú'. ¹² Co' mi~ niteáang-na' fí quini~ jaléng' i dseata~ do, dsifí lajob nijmé- Jmiguí quiá'- Fidiée~ jial ningí-na' quiá'r- mi~ nijmingí'r- 'nú'.

Eáam' dseáang' mi~ óo' dsea' cuu- eáang'

¹³ Jo mi~ cangí e cajíng'- Jesús jalé' e júu^ na, jo jee~ jaléng' i dsea' i teáang- núu' jalé' e júu^ jo guicató- jaang' dseañu' jo guicajíñ'- casí'r- Jesús:

-Tifa', síi'gò rún'n dsea' ngáang'~ cóo'~o güicuø'r- jnea~ guiée^ quié' e jalé' e casée' 'lii' tiquié' e mi~ cajúíñ-.

¹⁴ Joba' cañí' Jesús quiá'- i dseañu' do jo casí'-reiñ':

-Ja' casíng' Fidiée~ jnea~ jee~ 'nú' fa' e lín'n dseata~ i cajajmée^ jmá'-jiu jalé' e sea' quí'-na'.

¹⁵ Jogui casí'-guir jaléng' i dsea' teáang- do jo cajíñ'-:

-Ñiing~ óo'na' jo ja`jmee-na' e dsináang'na' jalé' cuu- o'gui doñí' ee' e sea' fí jmigüí, co' jii'~ jaang' dsea' ja' quí'- jmí~ e niquí'r- quiá'- e niteáang'-guir huø- fí jmigüí la fa' jialgui la sea' quiá'r-.

¹⁶ Joba' ca'e' Jesús jaléng' i dsea' do cóo' júu^ já'- e lafa' júu^ cuento e fé' lala jo cajíñ'-:

-Coo' née'~ caliséng' jaang' dseañu' i sea' cuu- eáang' jo óor' uø- e jlo' eáang' cajo, jo catáíñ' dsea' 'léeng' quiá'r- i cajmée' ta~ e uø- do. Jo mi~ caroo' jalé' e cajnír' do, dsíng'- jlo'^ cacuø' e uø- do, jo dsu' jo' lí~ sea'gui e ni'mea- i dsea' sea' cuu- do jalé' e caro'r'. ¹⁷ Joba' canaaíñ' í dsíir': “¿E~ nijmee~ e cóo'~ jalé' e caró'o e jii' lana? Co' ja' sea' lí~ ni'meaa- jalé' e jo.” ¹⁸ Jo cóob' mi~ ca'óng' dsíir' jial nijmér-, joba' cajíñ'-: “Níca'øm' dsii- jial nijmee~ e.

Nijiém~baa 'núú' quiá'- cuî quié~e e téé~ lana, jo nijmée~e e cóo~gui eáang', jo job ni'meaa~ jalé' e caró'o do cóo~ lajî e sea` quié~e. ¹⁹ Jo mi~ ni'iénğ e 'nuu~ do jogui mi~ nitée~ líng' jalé' e sea` quié~e, dsíng'- juguiá~ niliseen~ jo jíi~ coo' fi'í^ jo` ee` nijáa' quié~e jóng. Joguiba' nijmi'ín'teáa tú~ 'ní' jiing', jo lajee' jo nidúu~ nidóø~ø jalé' e sea` quié~e e jo dsíng'- nijmi'íang' dsii~ lajee' jo." ²⁰ Jo dsu' uóø` job cajíng'- Fidiée' casí'r~ ì dseañu" do: "Dsea` tuung~, náb nití~ í' e nijúun'-, jo ¿e~ ta~ íing^ quií~ jalé' e oo'- lana mi~ niguøng'^ fi' jmigüi' coo'?" ²¹ Jo lanab dsingüing~ jaléng' dsea` ì silí'li cuu~, co' o' cóo~ e jo nitíiñ~ fi' quini' Fidiée' mi~ nití~ oor~ quiá'r~.

*To' f#m' Fidiée' jaléng' dsea` quiá'r~
(Mt. 6:25-34)*

²² Jo mi~ cangî jo, jo caféng'gui Jesús jaléng' dsea` guitúung` quiá'r~ jo casí'-reiñ':

—Lala fii~i 'nú': ja` jmee~na' fi'í^ quiá'- jalé' e nicø'^na' o'gui jmee~na' fi'í^ quiá'- jalé' sí'na'. ²³ Co' eáang'gui laniing~ 'né~ e jmita~ oo'na' e nigüilím'ba' fi' lí~ guiá^ mi~ nití~ fii' coo' e laco'gui e nijmee~na' fi'í^ quiá'- jalé' e nicø'^na' cóo~gui quiá'- jalé' sí'na'. ²⁴ Jo quie'na' cuente quiá'- jaléng' quiee'; ja` jié' j#re' o'gui jié' téé~ jalé' e gø're' o'gui 'mea're' jalé' e nidó'-re', dsu' Fidiée' ní'bre e` héiñ' jaléng' ì jó' do quiá'r~. jjo eáang'gui quíng' 'nú' fi' quini' Fidiée' laco'gui lajee' fíng' tá' ì seeng' fi' jmigüi! ²⁵ Jo ¿i~ jaang' 'nú' niquí~ jmii~ nijmee~na' e nicuáng'guina' ca'ná^ metro laco'gui jíi~ tí'na' lana? ²⁶ Jo song ja` quíi~na' jmii~

jmeē-na' e capí' lajō, joba' ʒjali' guing̃ ó'na' jalé' e lí' seeng̃-na'?

27 'Jo quie'na' cuente jial jlo' jalé' lí' e sea' fí' jmigüi, jogui ja' ee' ta' jmóo' o'gui quie' fí' jial ni'uíng̃ e jlo'. Jo dsu' car' júi' dseata' Salomón cóo' jalé' e jlo' e caliseá' quía'r- ja' casíng' 'ñia'r e jlo' lí' laco'gui la jnéng̃ cóo' lí'. 28 Cofa' jlob' cajmée' Fidiée' e jnéng̃ jalé' lí' e ja' huóø- té', dsu' jaléng'gui 'nú', dsea' i ja' mí' teáng̃ teá cóo' júu' quie' e, jmigui'gui niñíng̃-na' quía'- Fidiée' jalé' e 'né'-na'. 29-30 Joba' fí' i 'nú' lana, ja' jmée'na' fí' quía'- jalé' e ni'u' nicø'na', dsuco' lajōb jmóo' jaléng' dsea' jmigüi i ja' cuíng̃ Fidiée'. Jo dsu' 'nú' seem' jaang' Tiquí'na' dsea' guing̃ ñifí' i niñí jalé' e 'né'-na' laco'o' jmii' laco'o' jmii'. 31 Jo fí' guí' 'nú' lana e 'né' nijmí'úung̃-na' e Fidiée' dsea' nicá' nifí' quí'-na', jo lajōba' niñíng̃-na' jalé' e 'né'-na' laco'o' jmii'.

Jalé' e catíng̃- dsea' quía'- Fidiée' fí' jmigüi cóo' (Mt. 6:19-21)

32 'Jo ja' jmeē- 'nú' fí' dsea' i ja' fíng' mí' cuíng̃ jnea~, có' Tiquí'na' dsea' guing̃ ñifí' i quie' nifí' quí'-na' nica'fí' dsír' e nicuø'r- 'nú' lajúi' e catíng̃-na' e íaang̃ dsír'. 33 Joba' 'né' e 'nú'na' jalé' e sea' quí'-na' jo nijmicóo'na' jaléng' dsea' i lí' 'né' quía'- lajō; có' ja' ee' ta' íng̃ quí'-na' fíng̃ tá'- ca'meá' lí' cuu' cóo' jalé' e sea' fí' jmigüi la, có' dsíng' fø' nicá' jaléng' ii' jalé' e sea' quí'-na' osi nidø'- jaléng' guisí' i 'léé' é. Có' guiú'-gui e nijmee-na' e nilisea' quí'-na' fí' ñifí' jalé' e jlo', dsuco' fí' jō jō' seeng̃ ii' o'gui fa' dseáng' e ni'lé'-gui

guisí. ³⁴ Co' li~ sea` jalé` e lî a' do, e jobi guing~ a' jóng.

Dseáng' - 'né- e siñiing' dsi'naa'

³⁵⁻³⁶ 'Joba' fii~ i ná' e 'né- neáang'na' laco' guing~ jaang` dsea` 'léeng' i guing~ fi' quiá'- fii~ e güjeeeñ` e nineár- 'núu' mi~ niguieng' fii~ i ngí' fi' lí' cung' guoo` dsea, jo` 'né- sijeeng' i dsea` 'léeng' do e jnea` jib` guiiñ~, joba' dsifib' nineár- 'núu' mi~ niguieng' fii~ e nitór. ³⁷ Jo` juguiá~jiu quiá'- jaléng' dsea` 'léeng' i sijnée` dsí' mi~ niguieng' fii~. Co' jnea~ jmitaa- óóna' e dsíng'- nili'iaang` dsí' i fii~ do jo` nitóør` jaléng' i dsea` 'léeng' i sijnée` dsí' do e nidó'r- colíing~ cóoiñ~ do e uóø` jo. ³⁸ Jo` juguiá~jiu quiá'- jaléng' i dsea` 'léeng' i sijnée` dsí' do mi~ niguieng' fii~, nañí' fa' niguieñ' do guienúu` osi téé- ogóó` é. ³⁹ Jogui cajo fa' jaang` dsea` niñir' e~ oor~ niguiée' jaang` ñi' fi' quiá'r~, nijé` bre e jo` nigüñ' e uóø` jo, jo` lajoba' ja` nicuór- fi' e ni'uó'- i ñi' do jalé` e sea` quiá'r-. ⁴⁰ Joba' lajob` 'né- neáang' 'nú' e siñiing' óó'ba'; co' jnea~, dsea` i cajú- fi' ñifi- e lín'n jaang` dsea` jmigüí, nigáa'túu calé' catú- fi' jmigüí la lajee` e ja` ñiing~ óó'na'.

Jaang` dsea` 'léeng' i guíung- cóo~ jaang`gui dsea` 'léeng' i soo` dsí'

(Mt. 24:45-51)

⁴¹ Jo` dsifi' mi~ cató' e ca'e Jesús jalé` e júu^ na, jo` dsifi' lajob` cajmingí` Tú` Simón cajmingí'r' Jesús jo` cajíñ'-:

—Tifa', jalé` e júu^ e nica'é^ na, ¿su ca'éé~ jii~ jnea^ dsea` guitúung`naa' ofa' quiá'- lajím` dsea` é?

⁴² Jo` lalab cañí' Jesús:

—Lalab lí' quíá'⁻ jaang` dsea` ì nées' ni~ jaléng' dsea` 'léeng'~ ì núu'⁻gui jalé' ta~ quíu' fíir~, jō guíung⁻guir cóo'~ jaléng' dsea` 'léeng'~, jōguí nicuó'⁻reíñ' do e nidóíñ'⁻ mí~ nití⁻ oor~ e gø' dsea`. Jō mí~ cagüi'⁻í' ì fíir do e nidsér⁻ fí' lí~ jíé', caséer' jalé' ta~ quíá'r⁻ jō caguiar' ni~ ì dsea` ì nées' ni~ jaléng' dsea` 'léeng'~ do, jō jōguíba' cangór⁻ jóng. 43 Jō mí~ niguieng'⁻tu ì fíir do, juguíá' o' quíá'⁻ ì dsea` ì nées' ni~ dsea` 'léeng'~ do song nicató' jalé' ta~ e casée' fíir~ mí~ cagüi'⁻í'r' cangór⁻. 44 Jō já'⁻ba' fíi⁻ ì 'nú' e dsíng'⁻ nilí'íáang` dsí' ì fíir do, có' calítib~ jalé' ta~ e caséer' cóo'~ ì dsea` nées' ni~ jaléng' dsea` 'léeng'~ quíá'r⁻ do, jō jōguíba' nicuó'⁻reíñ' do e nine'⁻ niñ' do jalé' e sea` quíá'r⁻. 45 Jō dsu' fíng song ja` cajmiti~ ì dsea` nées' ni~ ì dsea` 'léeng'~ do lajúi~ ta~ caquíu' fíir~, có' ca'⁻ dsíir' e ja` mí niguieng'⁻ fíir~ lajminá⁻, jō lajee~ jō cajméer' soo` dsíir' cóo'~ jaléng' dsea` 'léeng'~ ì nées' nir~, jōguí canáíñ' í' gø'r' jalé' e sea, jōguí cajméer' ta~ í' mée'; 46 jō dsu' lajee~ jmóo` ì dsea` nées' ni~ ì dsea` 'léeng'~ do jalé' e jō, lajee~ jōb caguiéng'⁻ fíir~, jō dsíng'⁻ nicaliguíñ' do, jō iihu'⁻ nicuó'⁻reíñ' do lí' laco' catíng⁻ e niñíng` jaang` dsea` ì ja` núu'⁻ jalé' júu` quíá'⁻ fíir~.

47 Jō ì dsea` 'léeng'~ ì ní' jial lí' jalé' e íing~ fíir~ e nilí jō dsu' ja` caguiar' guíá⁻ o'gui calínúu'r~ e nijmér⁻ jalé' ta~ caquíu' fíir~, jōba' dsíng'⁻ niñíñ` iihu'⁻ jóng. 48 Jō dsu' ì dsea` 'léeng'~ ì ja` ní' jalé' e nijmér⁻ jō eáam' ca'léer' quíá'⁻ fíir~, jōba' ì dsea` í ja'gui niñíñ` iihu'⁻ laco'gui ì jaang` do. Jō ì dsea` ì cangíng` jmiguiá', jmiguiá'guíib catíng⁻ niguíeer⁻ cuente mí~ nití' í' lajō; jōguí ì dsea` ì ée' guíá⁻ cóo'⁻

lajjĩ' ta' e cangñiñ' e nee' nir~, joba' eáang'gui guiá' 'né' guiér- cuenta mi~ nití' í' lajo.

*Nijíng- dsea' lajee' la'ó' rúññ' uí' Jesús
(Mt. 10:34-36)*

⁴⁹ Jo mi~ calí- e cajíng'- Jesús jalé' e júu^ na, jo casí'-guir jaléng' i dsea' do jo cajíñ'-:

—Jnea~ cagá'a lafa' e caga'uun- jĩ' fí' jmigüi' la; jo jdsíng'- lĩ' dsii- fa' jiã~ nicoo' lana! ⁵⁰ Co' ná' bi nicaa- iihuí' e eáang', jo jdsíng'- lijiuung~ dsii- cartí' niliti~ lajalé' e jo! ⁵¹ Jo dsu' jaléng' 'nú' í' óóna' e cagá'a fí' jmigüi' la e gajmée'e e liseeng'na' juguiá' júu^ røø, dsu' o' lajo; co' uí' jnea~ ná' bi nijmé- dsea' mĩ' cõo' dsea' rúññ'. ⁵² Co' latí' lana gaang' dsea' nijíñ- cõo' gáng- dsea' la'ó' dsea' sinúu^ quiá'r-. ⁵³ Co' tiquiá'^ dsea' nijíñ- cõo' jõor' dseañu', jo jaléng' jõo' dsea' dseañu' nijíñ- cõo' tiquiá'r^; jogui niquiá'^ dsea' nijíñ- cõo' jõor' dseamí, jo jaléng' jõo' dsea' dseamí nijíñ- cõo' niquiá'r^; jogui iemisé^ dsea' nijíñ- cõo' dsea' mĩloo~ quiá'r-, jogui jaléng' dsea' mĩloo~ quiá'- dsea' nijíñ- cõo' iemisér^, co' ja' nisíñ- røø uii' quié- jnea~ cõo' jalé' júu^ quié'e.

*'Né- óng' dsii' dsea' e~ jalé' dsijée' jmã~ na
(Mt. 16:1-4; Mr. 8:11-13)*

⁵⁴ Jo casí'-gui Jesús jaléng' i dsea' do jo cajíñ'-:

—Mi~ móo- 'nú' e ta' jnii' nuu' fí' yá'^ jmigüi', joba' dsifí' lajob fó'na' e nitú' jmí', jo lajob dsitíng' jóng. ⁵⁵ Jogui mi~ móo- 'nú' e hí' guí' quiuu', dsifí' lajob fó'na' e ja' nitú' jmí', jo lajob dsitíng' cajo. ⁵⁶ i' jmicaang~ 'nú'! Co' ñí'ba' jalé' e dsijée' fí' yá'^ jmigüi' jogui fí' guóo' uó^; joba' çjali' ja' ñí'na' e uuing~ quiá'- jalé' e dsijée' jee~ 'nú' lana?

Jmí'úung'na' e niliseeng'na' juguiá~ cóo~ jaléng'
dsea`i`n'í`n'íng`'nú`

(Mt. 5:25-26)

⁵⁷ Jo mi~ cangf̄ jo, cajíng'~gui Jesús e júu^ la:

—Jo ¿jali' ja` lí'na' guí'~na' jnang~ e guíá~ jogui jnang~ e ja` dseeng` e dsijéé' quí'~na'? ⁵⁸ Co' song iì dsea` i`n'í`n'íng` 'nú` cangojéeiñ` 'nú` fí' quini~ dseata~, joba' jmi'úung'na' e nisíng~tu' røø cóo'r~ lajee~ nú'~gui e niguilíng~na' fí' quini~ i` dseata~ do. Dsæco' song caguilíng~na' fí' lí' guíñ~, joba' niqúiá'r~ ta~ jaléng' ñ' quiá'r~ e nisáíñ' 'nú' jo nitáíñ' 'nú' dsí' 'núñí^ jóng. ⁵⁹ Joba' fí'~i` 'nú' e ja` nijúu'~na' e fí' dsí' 'núñí^ do cartí' niqúá'na' jalé' cuu~ e nimír~, co' lajob lí' fíng catí' fí' quini~ dseata~.

13

Dsíng'~ 'né~ e niqúá'~ jíng'~ yaang~ dsea` fí' quini`
Fidiéé`

¹ Jo ie~ jo caguilíng~ cóo` tú~ máng'~ dsea` fí' lí~ táang` Jesús i`jmóo` júu^ jalé' e ga` e cajmée` dseata~ Pilato cóo' dsea` Israel, co' caquiá'r' ta~ e cajúng~ cóo` tú~ máng'~ dsea` Israel i` seeng` fí' Galilea, jo e jmi'øøng~ i` dsea` Israel i` cajngaiñ' do cacáíñ' cóo'~ jmi~ jó' i` cajngaiñ' fí' nife' quiá'~ guá'~ e sí' fí' Jerusalén do. ² Joba' cañí' Jesús casí'r~ jaléng' i` dsea` do jo cajíñ'~:

—Ja` í' óo'na' e calíng~ jaléng' i` dsea` do jalé' e fó'na' na dsæ' uí'~ e røøng'guír dsee~ lajee~ la-jaléng' dsea` jmígúí', ³ co' o' lajo; jo song 'nú' ja` niqúá'~ jíng'~ yaang~na' fí' quini~ Fidiéé~, joba' fí' lí' 'lib'~ nigüilíng'na' dsifí' mi~ nijúung~na'. ⁴ Jo ¿su ja` tóo` óo'na' mi~ cajlíng~ guijñíng' dsea` cóo`

'náu e ñíí eáang' quiá'- ojmí[^] Siloé e si' fí' dsíí' fíí' Jerusalén? Ja' í' óóna' e cajúng- jaléng' i dsea` do dsu' uíí~ e røng`guir dsee- eáang' lajee` lajaléng' dsea` seeng` fí' Jerusalén, ⁵ cõ' o' lajõ. Jo 'ná', song ja` niquíí~ jíing~ yaang~na' fí' quini~ Fidié~, joba' fí' lí~ lib'^ nigüiling`na' dsifí' mĩ~ nití- oor~ quií-na'.

Mĩ~ ca'e' Jesús quiá'- 'ma` güiñí'^ e ja` ee` cuõ'

⁶ Jo casí'- gui Jesús jaléng' i dsea` do cõõ` júu^ já'- e lafa' júu^ cuento jo cajíñ'-:

—Cõõ` née~ jaang` dseañu' nicajnr` cõõ` 'ma` güiñí'^ fí' uó^ quiá'r-. Jo mĩ~ catí' í' e líiñ- e ni'íí', jo cangojõø`bre su ni'íí~ ofíí' quiá'- e 'ma` güiñí'^ do. ⁷ Jo mĩ~ caguiér-, jo casí'r- i dsea` née' ni~ e uó^ quiá'r- do jo cajíñ'-: “Lajee` 'ni' jii` ñingóó' e gaa- cõõ` née~ lacõõ` jii` e gajõø-ø fa' ni'íí' ofíí' quiá'- e 'ma` la, dsu' jii~ cõõ` ja` mĩ' cadsé`e. Joba' fíí-i 'nu' e ni'né- nihuí'b", cõ' ja` tá'- jmóo` jii' quiá'- e ni~ uó^ la.” ⁸ Jo dsu' i dsea` i jmóo` í' e uó^ do cajíñ'- casí'r- fiir~: “Fíí'i, güigui~gui cateá' lajee` jii` lana, jo lajee` jo niylén'^n i' jo nitá'^a o'^. ⁹ Jo ne~duu' fíng lajõgui ni'íí- ofíí' quiá'-; jo song ja` ee' lí~ ni'íí-, joguiba' nihuí' jóng.”

Mĩ~ cajmi'leáng- Jesús jaang` dseamí' i tu' cogui`

¹⁰ Jo mĩ~ cangí' jo, cõõ` jmíí~ lajee` e jmi'íng' dsea` Israel, ca'e' Jesús jaléng' dsea` do júu^ quiá'r- fí' dsíí' cõõ` guá'- quiá'- dsea` góor` dsea` Israel. ¹¹ Jo jee~ jaléng' i dsea` i teáang' fí' guá'- do niquiéng` jaang` dseamí' i nijée' i 'líng'^ quiá'-, jo ñingóó' mí' guijñía' jii` e nicajmée` i 'líng'^ do e calitú' cogui` i dseamí' do, jo jii~ capí'^ ja` e lí' niñ'- do. ¹² Jo mĩ~

cangáng̃ Jesús̃ i dseam̃f̃ do, dsifí' ladob cató'̃-reiñ' fí' lí'̃ siñ'̃' jò casí'̃-reiñ':

—Dseam̃f̃ rú'̃uu', jm̃ĩ na ni'leáan'̃- lajii'̃ jmohuí'̃ e quie'̃ na.

13 Jò caquidsir' guóor' fí' moguĩ i dseam̃f̃ do, jò dsifí' ladob cangohuíng̃ i 'líng'̃ do, jò canim'̃ i dseam̃f̃ do, jò canaaiñ'̃ jmiféiñ'̃ Fidiée'̃ jóng. 14 Jò dsu'̃ dsíng'̃ caligúing̃ i dsea'̃ i née'̃ ni'̃ e guá'̃ do dsu'̃ e cajmi'leáang̃ Jesús̃ i dseam̃f̃ do lajee'̃ jm̃ĩ e jmi'íng'̃' jaléng'̃ dsea'̃ góor'̃ dsea'̃ Israel. Jòba' casí'̃ i dsea'̃ i née'̃ ni'̃ guá'̃ do jaléng'̃ dsea'̃ i teáang'̃ do ie'̃ jò, jò cajíñ'̃:

—Lacoo'̃ seaman'̃ sea'̃ jñúu'̃ jm̃ĩ e jmóo'̃ dsea'̃ ta'̃, jò lajee'̃ jòba'̃ e catúing̃ e ñilíng'̃-na'̃ e nilí'̃ m̃i'̃ quí'̃-na'̃, jò dsu'̃ ja'̃ ñilíng'̃-na'̃ mi'̃ jm̃ĩ e jmi'íng'̃'naa'̃.

15 Jò mi'̃ cajíng'̃ i dsea'̃ née'̃ ni'̃ guá'̃ do lado, jòba'̃ dsifí'̃ lajòb cañí'̃ Jesús̃ casí'̃-reiñ'̃ jò cajíñ'̃:

—i'̃ jmicaang̃ 'nú'̃! ¿Su ja'̃ güilíng'̃-na'̃ e güi'íng'̃'na'̃ güitá'̃ quí'̃-na'̃ jm̃ĩ osi bú'̃ quí'̃-na'̃ é lacoo'̃ jm̃ĩ mi'̃ catúing̃ e jmi'íng'̃'naa'̃? 16 Dsu'̃ i dseam̃f̃ la líiñ'̃ siju'̃ Abraham, jò ñingóo'̃ guijñiá'̃ jii'̃ e cajmée'̃ Satanás e calidsée'r'̃ jò cajer'̃ tuiñ'̃. Jò lacó'̃ güijéng'̃ 'nú'̃' jó'̃ quí'̃-na'̃ e dsi'í'̃'re'̃ jm̃ĩ mi'̃ jm̃ĩ e jmi'íng'̃'naa'̃, lajòb catúing̃ e nilaang̃ jnea'̃ i dseam̃f̃ la fí'̃ jaguó'̃ Satanás mi'̃ jm̃ĩ e jmi'íng'̃'naa'̃ cajo.

17 Jò mi'̃ cajíng'̃ Jesús̃ lado, dsíng'̃ calí'̃ i'̃ líng'̃ jaléng'̃ i dsea'̃ i 'ní'̃ ní'̃ quí'̃-r'̃ do. Jò dsu'̃ lajaléng'̃ i dsea'̃ caguiaang̃-gui do dsíng'̃ calí'̃'iaang̃ dsír'̃ dsu'̃ e cangár'̃ jalé'̃ e jlo'̃ e cajmée'̃ Jesús̃ ie'̃ jm̃ĩ jò.

*Mi~ ca'e' Jesús quiá'- coo` mijú` 'ma` e sii` mostáa`
(Mt. 13:31-32; Mr. 4:30-32)*

¹⁸ Jo mi~ calí- jo, jo cajíng'- Jesús:

—¿Jial líng-na' e lí' mi~ quie' Fidié' nifí quiá'- jaang` dsea? Jogui ¿e~ cóo~ cuóøng` nicóøng`naa'?

¹⁹ Co' e jo lí' la lí' camí'^ mijú` 'ma` e sii` mostáa`; jo e mijú` quiá'- e 'ma` do pí'^gui lajee` lajalé" mijú` 'ma` e sea' fí' jmigüí. Jo dsu' mi~ nijní dsea` e mijú` do, féb" cuaang` lafa' coo` 'ma', jo fí' yú'^ e 'ma` do dsilíng` jaléng' ta' e jmo're' sii-re'.

*Mi~ ca'e' Jesús quiá'- quie'^ iñí'^
(Mt. 13:33)*

²⁰ Jogui cajíng'- gui Jesús casí'r- jaléng' i dsea` do:

—Jo ¿e~ cóo~ cuóøng` lí cøøng`naa' mi~ quie' Fidié' nifí quiá'- jaang` dsea? ²¹ Co' e jo lí' la lí' capí'^ quie'^ iñí'^ e cáng' dsea` jee~ fí' iñí'^ quiá'r- e laco' niróo- jalé" e ca~ iñí'^ do, jo júí~ ja' ñí' dsea` jiali' calí- lajo. Jo dseáng'- lajob lí' cajo mi~ Fidié' quier' nifí quiá'- dsea`.

*Coo` o'nú^ e dsuu`
(Mt. 7:13-14, 21-23)*

²² Jo mi~ cangí jo, lajee` iuung- Jesús fí' e ngóor' fí' Jerusalén, ja`bre e e'r' jaléng' dsea` jalé" júu^ quiá'r- mi~ ngáíñ' jalé" fí' pí'^ osi jalé" fí' cóo~ é.

²³ Jo coo` fí' lí' caguiér-, cangoquiéeng' jaang` dsea` fí' lí' cajer', jo cajmíngí' i dsea` do ír' jo cajíñ'-:

—Fí'í, ¿su júí~ tú- 'ní' mím' tí' dsea` i laang' jee~ jalé" dsee- quiá'-?

Joba' cañí' Jesús quiá'- i dsea` do jo casí'-reiñ':

²⁴ —Jmí'úung-na' e nigüitáng'-na' fí' o'nú^ e dsuu, dsuco' dsíng'- fíng' dsea` nijmér- quijí- e nid-sitáaiñ'- fí' jo, dsu' júí~ tú- 'ní' míng' bing' i nilí'.

25 Co' mi~ nití~ oor~ e nijní~ i dsea` fi~ do e o'nú^ do, jaléng' 'nú', dsea` nijá^na' fí caluú, nitó^na'r jo nifí^na'r lala: “Janú', Éé', jmee~ uí^ dié~ nea~ go e o'nú^ la.” Jo dsu' lalab niñí~ i dsea` fi~ e o'nú^ do jo nijíñ': “Ja` cuín`n 'nú'.” 26 Jo mi~ ninúu^na' e nijíñ'- lajo, jo ninaan~ 'nú' nifí^na'r: “Coliim~ nica'ié^ee' e nica'nee'^ caquiee~ee', jogui 'nub`dsea` nica'ié^ fí jee~ fi~ góo`naa'.” 27 Joba' niñí~ i dsea` fi~ e o'nú^ do calé' catú~: “Nica'fá'-baa e ja` cuín`n 'nú'. iDo güilíng~na' lí' do jaléng' 'nú', dsea` i sitíng' 'léé'!” 28 Jo job mi~ niquí^ 'nú' jo dsíng'- nilijiuung~ óo`na' jogui nitú^na' majá^na' mi~ nimáang~na' Abraham cóo' Isáa' cóo' Jacóo^ cóo'~ jaléng' dsea` i café' cuaiñ~ quiá'- Fidiéé~ malí~gui eáang'; co' jaléng' i dsea` la nineáaiñ' colíing~ cóo' Fidiéé~ fí ñifí~ lana, jo dsu' 'nú' fí caluub~ ni'óøng~na'. 29 Jo nijalíng` jaléng' dsea` quiá'- Dsea` Jmáang~ fí la'úng~ fí jmigüü e nigüear` e nidó'r- ir~ colíing~ cóo' Fidiéé~ fí ñifí~. 30 Jo i líing~ dsea` i líing~ e niñ~ eáang' fí jmigüü la, dsu' í'bing' i jii~ capí^ ja` ee` niing~ mi~ nití~ í' jo. Jo dsu' i líing~ dsea` i líing~ e ja` ee` niñ~ jii~ capí^ fí jmigüü la, jo í'bing' i eáang'gui nilíniing~ mi~ nití~ e í' jo.

Mi~ caqui' Jesús uii~ quiá'- dsea` i seeng` fí Jerusalén

(Mt. 23:37-39)

31 Jo e jmí~ jo caguilíng~ cóo` tú~ míng'~ dsea` Israel i líing' dsea` fariseo fí lí~ táang` Jesús jo casí'r- dsea` do lala jo cajíñ':

—Né~ niguó^ fí lí~ jíé', co' lana niguia' dseata~ Herodes guíá~ e nijngáiñ'- 'nu`.

32 Joba' cañíi` Jesús quiá'- ì dsea` do jò casí'- reiñ':
 —Güilíng`na' güisíi`na' ì 'ná'^ dsinóo' í: “Lajee`
 jmíi` e sea`gui la 'né- nijmité' e lajii` ta` cagá-a fí`
 jmígüi` la e nijmi'leáan^n jaléng` dsea` dsée'` jogui`
 nijmihuín^n jaléng` ì 'ling`^ ì jée' quiá'- dsea`.”
 33 Dsu' lajee` jò 'né- niguiéé' e lajii` li` iuun` fí`
 ngóo'o, co' ja` catíng` jaang` ì fé' cuaiñ` quiá'-
 Fidiéé` e nijúuiñ` fí` caluu` fíi` Jerusalén.

34 'Jò dsíng`- fíi` lín`n jaléng` 'nú', dsea`
 seeng`na' fí` Jerusalén, co' 'núb` dsea`
 nicajngang`na' jaléng` dsea` ì café` cuaiñ`
 quiá'- Fidiéé` jogui` nicasi'lóo`na' cuu` jaléng` ì
 cajmicóo` quiá'- jaléng` ì dsea` í cajo. Jò jnea~, ja`
 ñii` jó`gui néé` cali`iin`n e nito` fíi`n` 'nú' laco' to`
 fíng` jaang` tui'iee` jaléng` tuyuu` quiáa` re' fí` nú`
 cuéé`re', jò dsu' ja` cali`iing`na' lajò. 35 Jò lana tí` li`
 ni'nám`baa jee` 'nú', jò jò`nimáang`gui' jnea` cartí`
 niguiéé` oor` e nifo`na' lala: “¡Juguiú` o' quiá'- ì
 dsea` ì casíng` Fidiéé` fí` jmígüi` la cuaiñ` quiá'r`!”

14

Mi` cajmi'leáng` Jesús jaang` dseañu' ì yaang`

1 Jò mi` cangí` jò, coo` jmíi` lajee` e jmi'íng` dsea`
 Israel, cató` jaang` fíi` quiá'- jaléng` dsea` Israel ì
 líng` dsea` fariseo cató'r` Jesús e nidó` dsea` do íi`
 fí` quiá'r`. Jò lajee` jò, dob teáng` jaléng` dsea`
 Israel ì líng` dsea` fariseo ì caguaang` do cóo`
 tifa' quiá'- júu` quiu' ta` quiá'r` e téeiñ` Jesús lajee`
 jò. 2 Jò jee` jaléng` ì dsea` teáng` do niquiéeng`
 jaang` dseañu' ì nilíng` jmohuí` e yaaiñ`. 3 Jò
 mi` cangáng` Jesús ì dsea` dsée'` do, dsifí` lajòb
 cajmingí'r` jaléng` ì dsea` neáng` do jò casí'- reiñ':

—¿Su cuóøng` e nijmi'leáan`n jaang` dsea` dsée' lajee` jmi~ e jmi'ing'naa' ofa' ja` cuóøng` é?

⁴ Dsu' tiib` caje' jaléng' i dsea` do, jii' camí'` júu` ja` ee` cañír`. Jo dsifí' lajob catúng` Jesús i dsea` dsée' do, jo ca'láam`biñ' do lajii'` e jmohuí' e lamí` líiñ'. Joba' caquiá' Jesús ta` e cangám`-biñ' do. ⁵ Jogui dsifí' ladob casí'` Jesús jaléng' i dsea` i teáng` do jo cajíñ'`:

—¿Já` já'`? jii'` jaang` 'nú' ja` niseáang`na' jóo`na' osi jó'` núu` qui`na' song calingúng`na' e catóñ'` osi catóng`ne' fí' coo` dsí'` ii' lajee` jmi~ e jmi'ing'naa'.

⁶ Dsu' caléb`tu jii'` jaang` i dsea` do ja` ee` cañír` jii'` camí'` júu` quiá'` Jesús.

Jaléng` dsea` máng` quiá'` dsea` cung` guó`

⁷ Jo lajee` jo cajíng'` i dsea` fii` jaléng'` dsea` Israel i líng` dsea` fariseo do e nigüeá` dsea` e nidó'r`, jo jalém'` i dsea` do cagui'r` lí` niing`gui nigüeár`. Jo mi~ cangá` Jesús e cajmée` jaléng'` i dsea` do lado, joba' ca'e`reiñ' e júu` la jo cajíñ'`:

⁸ —Mi~ jaang` dsea` i cung'` guó` tó'r` 'nú` fí' quiá'r`, jo mi~ niguie'` quiá'` i dsea` í, ja` jmee'` fa' ningüin'` e nini'` lí` niing`gui, co' jialfa' caguié` jaang` dsea` máng` i niing`gui laco' 'nú` fí' quiá'` i dsea` do. ⁹ Jo song 'nú` niguiin'` lí` niing`gui, joba' i dsea` cató'` 'nú` do 'né` nisí'r` 'nú` e nijéen'` lí` niguiin'` do, jo nigüeá` i dsea` jaang` do, jo job lí` nicá` 'nú` fí'` mi~ nijéen'` e lí` niguiin'` do, jo nigüiní'` cartí' cøøng`gui fí' lí` neáng` dsea` i ja` niing`. ¹⁰ Dsu' mi~ tó'` i dsea` do 'nú` fí' lí` néé` júu`, 'né` nini'` cartí' cøøng`gui lí` neáng` dsea` i ja` niing` mi~ niguie'` quiá'` i dsea` í. Joba' mi~

niniñ 'nə, nitó'r 'nə jo nijñ': "Fí la ngüñg, co' fí lab lí gua`dsea` i niing`gui." Joba' nini'^ lí niing`gui jee` jaléng` dsea` i máng` i nineáang` quiá'r` do. ¹¹ Dsüco' jaléng` dsea` i jmicóøng` yaang` jee` jaléng` dsea` rúng', í'bing' i nicá' fí'i', jo jaléng` dsea` i ja` jmicóøng` yaang` júi` capí'^, í'bing' i niing`gui lajee` lajaléng` dsea` jmigüi`.

¹² Jogui casí'` Jesús i dsea` i cató` quiá'r` do jo cajñ':

—Mí` jmoo` 'nə jmü` jo iin` nihéen` jaléng` dsea`, ja` 'né` nitó'^ jaléng` i cuín` o'gui jaléng` rún` o'gui jaléng` i sea` cuu`. Dsüco' song cajmee` lajo, joba' lajob nitó'tu jaléng` i dsea` do 'nə mí` nijmér` jmü` lajaang` lajaaiñ` fí` quiá'r`. ¹³ Co' guiá`gui e mí` nijmée` 'nə jmü`, nitó'^ jaléng` dsea` i ja` cuín` jogui jaléng` dsea` tiñing` cóo` jaléng` dsea` i ja` lí ngí` cóo` jaléng` dsea` bóøng` jogui jaléng` dsea` tiuung`. ¹⁴ Jo joguiba' dsíng` nili'íang` o'` jóng dsüco' ja` lí niqui'^ jaléng` i dsea` do táá` quií` fa' nicuó'r` 'nə laco' cacuóø`re. Jo dsu' Fidiée` dsea` guing` ñifí, íb` dsea` i nicuó'r` 'nə mí` niguiée` oor` e nijí'tu calé` catú` jaléng` dsea` i nisiguiúng` fí` quini` Fidiée`.

Mí` jaang` dsea` cahéñ` fñng` dsea` fí` quiá'r`

¹⁵ Jo mí` canúu` jaléng` i dsea` do jalé` júu` quiá` Jesús, jaang` i dsea` la'ó` neáaiñ` gø'r` do cajñ` casí'r` Jesús:

—Juguiá` o' quiá` jaléng` i nitíng` nidó` colíng` cóo` Fidiée` fí` ñifí` mí` nití` oor` quiá'r`.

¹⁶ Joba' casí`gui Jesús jaléng` i dsea` do jo cajñ':

—Coo` née` caguia` jaang` dseañu` guiá` e nidó` fñng` dsea` i máng` fí` quiá'r`. ¹⁷ Jo mí` catí` oor`

e nidó'r- , jò casiñ` jaléng` dsea` 'léeng`~ quiá'r- e cangotéer` jaléng` ì dsea` nisimíng` do. Jò mi` caguié- ì dsea` 'léeng`~ do fí` quiá'- lajaang` lajaang` ì dsea` nisimíng` do, jò casí'-reiñ': "Güilíng`-na' lajminá- , co' dob nigüijee` fí'i e nicø`^na' colíng`~ cóo'r`." ¹⁸ Jò dsu' jüi`~ jaang` ì dsea` do jò` cali'iiñ` fa' cangolíñ`- . Jò ì la'uii` do cajín'- : "Síi`-gò fíi` güijmée`gor féng`' dsír' e ja` nilí` nii~i, co' nabi nicalá'a cóo` jmáang`~ uó^, jò jobi 'né- nijóø^ø lajminá-." ¹⁹ Jò jaang`gui cajíng`- : "Síi`-gò fíi` güijmée`gor féng`' dsír' e ja` nilí` nii~i, co' nabi nicalón`n 'ñiá` jmíng` güitá^ quié-e, jò íbi 'né- nimoo`o jial já're'." ²⁰ Jogui jaang`gui cajíng`- : "Güisíi`-gò fíi` e ja` nilí` nii~i, co' la güeam`-bí e ngocúun`~n guóo`o, jò güijmée`gor féng`' dsír' uui` quié-e." ²¹ Jò mi` caguiéng`- ì dsea` 'léeng`~ do fí` lí` guíng`~ fíir` e cangocóor` júu^ e jüi`~ jaang` ì dsea` do ja` nilí` guilíñ`- , joba' dsíng`- calíguíng`- ì fíir` do mi` canúur` lajò, jò caquiur` ta` ì dsea` 'léeng`~ do quiá'r- jò casí'-reiñ': "Gua` güingí` lajminá- lacaang` jee` 'núú, jò güite`' jaléng` dsea` tiñíng`- cóo`~ jaléng` dsea` ì ja` lí` ngí` cóo`~ jaléng` dsea` tiuung`- cóo`~ jaléng` dsea` bøøng`~ , jò güijalíñ`- e nidó'r- fí` quié-e." ²² Jò cangób` ì dsea` 'léeng`~ do cangojméer` laco' ta` caquiur` fíir` . Jò malii`gui lajò caguiém`-tur fí` lí` guíng`~ fíir` jò casí'-reiñ' do lala: "Níangotée`-baa jaléng` ì dsea` ì caféé`~ do 'míi` , jò nab nineáaiñ` lana, dsu' jóo`bi lí` nigüeá`gui dsea`." ²³ Joba' cajíng`- ì fíir` do jò casí'-reiñ': "Gua` güingí`gui la'úng`- lacaang` lí` ja` mí` caguiéé'- , jò güite`'gui jaléng` dsea` , jò güijalíñ`- líng`~ güirøøng` sinúu^ quié-e. ²⁴ Dsuo' jüi`~ jaang` ì dsea` ì catøø`ø

la'uii~ do jo`nidø'r- jii~ capi'^ fi' quié-e."

'Né- ɛ- dsí' dsea` røø` song iin~ nijmicuñ` Dsea` Jmáng`

²⁵ Jo mi~ cangî jo, dsíng'- fíng' jaléng' dsea` ngoliñ- fi' li~ ngóo' Jesús. Jøba' cajer' jo casí'r- jaléng' i dsea` do jo cajíñ'-:

²⁶ —Song ii` iing~ ni'uíng- dsea` quié-e, 'né- nili'iing~ guir jnea~ laco'gui tiquiá'r^ osi niquiá'r^ osi jaléng' rúñ' osi dseamî quiá'r- osi dseañu` quiá'r- é osi jaléng' jóor', jogui 'né- nili'iing~ guir jnea~ laco'gui ñia'r' cajo. ²⁷ Jo song ii` dsea` i ja` niseáng' lafa' crúu^ quiá'r- e laco' cuø li~ e guia' dsír' e nidsingñiñ e huñg' uíi~ e líñiñ dsea` quié-e jogui ja` ningír- cóo'~ jnea~, joba' i dsea` í ja` quí- jmi~ e niliñ- dsea` quié-e. ²⁸ Fa' jaang` 'nú' iing~ na' nijmée'~ na' coo` 'núu', 'né- nijmée'~ na' cuante quí- na' su seab` cuu- quiá'- e ninaang- na' e nijmée'~ na' e 'núu' do car` nité'. ²⁹ Dsaco' fa' lí^ canaang` e líi e 'núu' do lajo e ja` mí calí- cuante røø` jial tíi cuu- nili'né-, jo jialfa' ja` cató', jo dsíng'- ningíng- dsea` i dsea` fii~ e 'núu' e gui'ná'^ líi do ³⁰ jo nijíñ'-: "I dseañu` do nicajmícaaiñ~ e cajme'r' ñar~ ofa' nisea` cuu- e nijmité'r' car` calieeng`." ³¹ Osi jaang` dseata~ iin~ nijmér- mii~ cóo'~ jaang` gui dseata~ i jíéng', joba' 'né- ni'í- dsír' su niquí- jmi~ e nitíñ- cóo'~ i dseata~ do song i dseata~ í jéiñ- tú- 'lé' gui dsea` laco'gui ñia'r'. ³² Jo song calíi' i dseata~ do e ja` niquíi~ dsea` quiá'r- jmi~ e nitíñ- cóo'~ i fíng'gui do, joba' 'né- nisíñ- dsea` quiá'r- e nidsimiñ'~ do jmi'ee' e jo` nitíñ- cóo'~ i dseata~ i jaang`gui do. ³³ Jo lajob líi, doñí ii`

'nú' i ja`ni'náng`ca' lajalé' e lí dsír' e sea`fí jmiǵü' la, joba' ja`quá' jmiǵ jóng e nilíñ`dsea`quíe`e.

Jial mi~ jo`dseeng`ñi~

(Mt. 5:13; Mr. 9:50)

³⁴⁻³⁵ Jo cajíng`gui Jesús casí'r` jaléng` i dsea` do lala:

—Dsíng` íng` ta~ jalé' ñi~, jo dsu' song ca'íng` lajúi~ e nii` do, joba' jo` ee` ta` íng` júi~ cóo` jóng, jo lico' nibíb` dsea`, dsuco' ja` má' sea` quiá'- fa' e nilíñii`tu. Joba' fii`i 'nú' e ii` 'nú' sea` loguá`na', núu`na' jalé' júu` quié`e.

15

Mi~ ca'e' Jesús júu` quiá'- jaang`jo'se' i si'ling`

(Mt. 18:10-14)

¹ Jo ie~ jo dsíng` fíng` jaléng` nodsicuu` quiá'- Roma cóo'gui jaléng` dsea` i sea` júu` e dsíng` røøiñ` dsee` ngoliñ` fí lí` sing' Jesús e núur` jalé' júu` quiá'- dsea` do. ² Jo mi~ cangá` jaléng` dsea` Israel i líng` dsea` fariseo cóo'gui jaléng` tifa' quiá'- júu` quiu' ta~ quiá'r` e ngolíng` jaléng` i dsea` do fí lí` sing' Jesús, joba' canaañ` do éeiñ` Jesús jo fé'r`:

—I dseañu' na colíim~ ngir` jogui gø'r` cóo' jaléng` dsea` sea` júu` e dsíng` røøiñ` dsee`.

³ Jo mi~ canúu` Jesús e fé' jaléng` i dsea` do lado, joba' ca'e'reiñ' júu` já' e lafa' júu` cuento jo cajíñ`-:

⁴ —Facó' jaang` 'nú' aang`na' cien jo'se', jo calíngiñg`na' cango'íng` jaang` lajee` taang`na' e móo`na're', 'né` nitiúung`tea' i caguiaang`gui do lajee` nigüi`néng`na' i cango'íng` do cartí

niguiéng'na're!. ⁵ Jo mi~ niguiéng'na're!, dsíng'-
 nili'iaang` óo'na' jo nitøø~na're' e dsíng'ne'
 yú^ 'ná'na'. ⁶ Jo mi~ niguilíng'na' fí' quií~na',
 niseáang~na' jaléng' dsea` cúing'na' jo nifí'na'r:
 “Lana nijmi'iaang` dsí'naa', co' cadsém'baa jaang`
 jo'se' quié~e i calingin~n cango'íng’.” ⁷ Jo laco'
 li'iaang` óo'na' mi~ dséng'na' jaang`jo'se' i dsí'íng'
 quií~na', joba' lajob li'iaang` dsí' Fidiéé` colíing~
 cóo'~ jaléng' i neáang' fí' ñifí~ quiá'r~ mi~ caquí'~
 jíng' 'ña' jaang` dsea` i calilí^ e líiñ' dsea` dsee~
 dsea` qui' fí' quini~ laco'gui noventa y nueve dsea`
 i líng~ e ja` líiñ' lajo fí' quini~ Fidiéé`.

Mi~ ca'e' Jesús júu^ quiá'~ coo` cuu~ e si'íng'

⁸ Joba' cajíng'~gui Jesús casí'r~ jaléng' i dsea` do:

—Fa' jaang` dseamí i óo` guí~ cunée~, jo
 calingin~n e cango'íng' coo` e cuu~ do fí' dsí'
 sinúu^ quiá'r~. Joba' dsifib' nijmijneár` coo` jì jo
 ni'ír` niquiáaiñ` røø` la'úng~ e sinúu^ do, jo ni'nó'r'
 e cuu~ do car` niguié'r'. ⁹ Jo mi~ niguié'r' e cuu~
 do, jo nitø'r` jaléng' dsea` i cuíñ` jo nisí'reiñ':
 “Lana nijmi'iaang` dsí'naa', co' cadsé'baa coo`
 cunée~ quié~e e calingin~n cango'íng’.” ¹⁰ Jo laco'
 li'iaang` dsí' jaang` dsea` i dsé' cuu~ quiá'~, joba'
 lajob li'iaang` dsí' jaléng' ángeles quiá'~ Fidiéé` mi~
 caquí'~ jíng' 'ña' jaang` dsea` i calilí^ e líiñ' dsea`
 dsee~ dsea` qui' fí' quini~ Fidiéé`.

*Mi~ ca'e' Jesús quiá'~ jaang` dseañu' i ca'íng~ dsee~
 quiá'~ jaang` jóo'r'*

¹¹ Jo mi~ calí~ jo, jo ca'e'gui Jesús jaléng' i dsea`
 do coo`gui júu^ já'~ e lafa' júu^ cuento jo cajíñ'~:

—Coo` née'~ caliséng` jaang` dseañu', jo caliséng` gáng- joor` dseañu'. ¹² Jo i jiuung` gui do coo` née'~ casí'r- tiquiá'r^ jo cajíñ': "Teaa~, mi~ nijúung- 'nu, 'né- nilí jma'-jiu røø` jalé" e sea` quí'~ lana. Joba' fii- i 'nu` fa' jmée^ba' jma'-jiu jalé" e jo na la seeng`gui'." Jo dsifí` lajob cacuø` i tiquiá'r^ do lajii'~ e catíiñ' do. ¹³ Jo mi~ cangf` tú- 'ní jmi~ lajo, ca'náb` i siming` do jalé" e nicangíiñ` cacuø` tiquiá'r^, jo cóo'~ jalé" e cuu- e calí'r- do cagü'íí`bre góor` jo cangór- fí` lí` huíí^ eáang, jo fí` job ca'íiñ` jalé" e cuu- quiá'r- do, jo cajmirøng` dsee- 'ñia'r` cóo'~ jalé" e 'li' e sea` fí` jmigüí. ¹⁴ Jo dsu' mi~ cangf` e cadseá'r- jalé" e cuu- quiá'r- do, lajee` job cali'øøng` jalé" e gø'` dsea` e fí` lí` táaiñ" do, jo coo` mi~ cangir` e jo` ee` sea` dø'r-. ¹⁵ Jo joguiba' cajméer` quijí` ta~ nijmér- cóo'~ jaang` dseañu' i seeng` e fí` lí` táaiñ" do, jo cangíiñ` coo` ta` e jmóor` í` cú^ . ¹⁶ Jo dsíng'~ lí` dsíir` fa' nidø'~ bijiar jalé" e gø'` i cú` do lacoo` jmi~, co' ja` ee` 'ga' lí` ngíiñ` e nidø'r- 'ñia'r'. ¹⁷ Jo lajee` jo dsíng'~ cajo'~ dsíir` quiá'- jalé" e cajméer` lamí~ jéeng`gui do jo ca'í` dsíir': "Ja` ní` jøng`gui dsea` jmóo` ta~ quiá'- tiquié` e jo seab` e gø'r` laling` lana, jo dsu' jnea` lab táan`n nijúun- n oo"! ¹⁸ Joba' ní'm'^túu fí` góo'o jo ni'ném'^túu tiquié` e jo nifí`íre: Teaa~, dsíng'~ nicajmirøøng` dsee- 'ñiá'a fí` quini` Fidié` jogui fí` quini'^ cajo. ¹⁹ Jo lana gán`n e iin`n nijmée'~ e ta~ lafa' jaang` dsea` 'léeng'~ quí^ba', jo jo` jmée'~ cuente e jóo'` jnea~." ²⁰ Jo mi~ cangf` e ca'í` dsíir` lado, dsifí` lajob cangáng'~ tur fí` góor`, jo cango'néeng'~ tur tiquiá'r^.

'Jo jaquíém' niguieíñ' quiá'r- mi~ tí` lí` cangá- tiquiá'r^ e ningaiñ'. Jo dsíng'~ calí` fii` líng-

i dseañu` do i jóor` do, jo e cuí`bre cango-
 jmijng`neiñ` jo caróong` rúíñ`. ²¹ Joba' cajíng`-
 i siming` do casí`r- tiquiá`r^: "Teaa~, dsíng`-
 nica`lee~e fí quini` Fidié~ jogui nica`lee~baa fí
 quini`^ cajo, jo jo` jmée`~ cuente e jóo`^ jnea~." ²²
 Dsu` i tiquiá`r^ do dsifí` lajob caquiá`r` ta~ dsea`
 `léeng` i née` ni~ sinúu` quiá`r- jo casí`-reiñ`:
 "Güiquie`du' `mi` e jlo`^gui lajee` lajalé` e sea`
 jo niqui` i jóo`o la, jogui güiquie`na' coo` ní` iá~
 niguoo` jo ñicuóø`~na'r; jogui cuóø`~na'r caneáang`
 miloo` e `mí` e ni`ó`r-. ²³ Jogui güitee`-na' jaang`
 güitá` jiuung` i ni`úung`^gui lajee` lajaléng`ne',
 jo nijngáang`~na're' jo nilíng`-ne' jmiñi`. iNá
 nijmó`oo' coo` jmí~ jo ni`né`^ niquiee`naa' la-
 jalé`naa'! ²⁴ Dsúco' i jóo`o la huíib` eáang`
 nicangó`r- jogui huóøb` eáang` nicango`líñ`; jo la-
 jee` jo ca`f` dsii` e nicajúm`-bre, jo lana lín`-n e
 lafa' nicají`tur e nisiñ` la." Jo lajalém` i dsea` do
 canaaiñ` guiar` guíá`- e cajmeáiñ`^ jmí~ i siming` i
 caguiéng`- do.

²⁵ Jo lajee` jo dob nitáang` i rúíñ`^ dsea` féng` do fí
 lí` jmóor` ta~ quiá`- tiquiá`r^. Jo mí~ cangoquieeiñ`
 fí quiá`r- mí` tí` lí` canuu, jo canúur` e ii` lúu`
 jo ninaang` e née` tadséeng` fí quiá`r-. ²⁶ Jo mí~
 caguiéiñ`- quiá`- o'ná^ quiá`r-, job sing` jaang`
 dsea` `léeng`~, jo cajming`í`r- i dsea` do jo casí`-reiñ`:
 "¿E`gui' jmoo`na' teáang`~na' na?" ²⁷ Joba' cañi`
 i dsea` `léeng`~ do jo cajíñ`-: "Mí~ cagüeang`- i
 siming` rún` i tá`- cangongí` do. Joba' dsíng`-
 cali`iáang` dsí` tiquí`^, jo caquiá`r` ta~ e cajúng`-
 jaang` güitá` jiuung` i niguang`^gui lajee` lajaléng`
 i seeng` quí`-, joba' jmóor` jmí~ lana." ²⁸ Jo dsu`

mi~ canúu~ i siming' do lado sóong^ caliguiñ~, jo jo cali'iiñ~ fa' calí~ guir e sinúu^ li~ neé' jmiñ~ do. Jo mi~ calilí^ tiquiá'r^ e táang` i jóor' do caluu~, dsifí lajob cagüi'fir jo caguité`reiñ'. ²⁹ Joba' cajíng'- i siming' do casí'r- tiquiá'r': "Contøøm- nicajmé- e ta~ quií'^ jo jíi'~ coo` née'~ ja` mí cajmé- e fa' e ja` núu~ u jalé' ta~ quií'^, dsu' jíi'~ coo` née'~ ja` mí cajmeáan'~ jnea~ jmiñ~, o'gui mí cacuóøn'~ jnea~ fa' jaam` jo'chí'^ quií'- e laco' nijmeáang'~ 'ñiá'a jmiñ~ cóo'~ jaléng' dsea` cuín`n. ³⁰ Jo dsu' lanagui e nicagüeang'- tu i rún`n na, dsea` nica'iiñ~ jalé' cuu- quií'- cóo'~ jalé' e li'^ e sea` fí jmigüi, jo 'nu' nicajngang' jaang` güitá^ jiuung~ i niguo'gui lajee~ lajaléng' i seeng` quí-ii'."

³¹ Joba' cañi' tiquiá'r^ jo casí'-reiñ': "Yuu~ quí-ii', contøøm- guing` 'nu' cóo'~ jnea~, jo jalé' e sea` quié- e e quií'-ba' cajo. ³² Jo dsu' lana e nicagüeang'- i rún`n na dsi` í' e nijmeáang'~naa'r jmiñ~ jo nijmi'iaang` dsi'naa' jalé'naa'. Co' huóøb- nicango'iiñ', jo lajee~ jo nica'í dsi'naa' e nicajúm-bre; jo dsu' lanagui e nicagüeang'- tur, lí' e lafa' nicajíb'tur."

16

Mi~ ca'e' Jesús quiá'- jaang` dsea` 'léng' i ja` ca- jmée` ta~ røø` quiá'- fir~

¹ Jo mi~ cangí jo, jo ca'e'gui Jesús jaléng' dsea` i núu` jalé' júu^ quiá'r- coo'gui júu^ já'- e lafa' júu^ cuento jo casí'-reiñ':

—Coo` née'~ caliséng` jaang` dseañu' i sea` cuu~, jo seeng` jaang` dseañu' i jmóo` ta~ contøong- quiá'r- i neé' ni~ jalé' e sea` quiá'r-. Jo coo` jmiñ~ caguilií

dsee- quíá'- i dsea` 'léeng' do e lí^ nicadseá'r- nica'íin- lajō jalé' e sea` quíá'- fir~. ² Jō dsifí lajōb cató- i dsea` sea` cuu- do cató'r- i dsea` 'léeng' quíá'r- do jō casí'-reíñ': "¿Su jáb'^ jalé' dsee- e nicajméé` jaléng' dsea` uii~ quíi'-? Lana nijáa~ jnea~ cuente quíá'- jalé' e sea` quíe-e, co' latí lanab jō` nijméé'^ ta~ cóo'~ jnea~ co' jō` 'neán-n 'nù.'" ³ Jō mi~ cangf jō, mi~ caguiéng'- i dsea` 'léeng' do fí quíá'r-, jō canaaíñ` í dsíir': "¿E~gui nijmee~e náng? Ná la catúun`n e jō` ee` ta~ cuø' dsea` jnea~. Dsíng'- fñ'-n nijmee~e ta~ jenuu, jogui dsíng'- i' lín-n nimíi^ cuu- fí jee~ 'núú. ⁴ Dsa' nica'óm' dsii- e~ nijmee~e e laco' niliseeng` dsea` i niliguiúng- cóo'~ jnea~ mi~ ningf e jō` ta~ sea` jmee~e." ⁵ Jōba' canaaíñ` tó'r` lajaang` lajaang` i nirøøng` quíá'- fir~. Jō mi~ caguié- la'uii~ i dsea` i nirøøng` do jō cajmingí'-reíñ': "¿Jial tí' røøng` 'nù quíá'- fíi'?" ⁶ Jōba' cañíi i dsea` do: "Cien sí' e a` aceite røøn- quíá'r-." Jō dsifí lajōb cajíng'- i dsea` 'léeng' do casí'r- i dsea` do: "Lab róo` jì lí~ táan' e røøn'. Téé' lana e røøn' júi~ cincuenta sí'." ⁷ Jō mi~ cangf lajō, cajmingí'r- jaang`gui i dsea` i røøng` do jō casí'-reíñ': "Jogui 'nù ¿jial tí' røøn'?" Jōba' cañíi i dsea` do: "Cien cuéé~ micui'íee'." Jōba' casí'- i dsea` do jō cajíñ': "Lab róo` jì lí~ táan' e røøn', jō téé' e røøn' júi~ ochenta." ⁸ Jōba' calilí^ i fíi quíá'- i dsea` 'léeng' do e ja` ca'éeiñ' do røø cóo'~ ta~ quíá'r-, jō lifa' eáam`bre lí'r^ cóo'~ jalé' e cajméer` do. Jō lajōb lí' cajo cóo'~ jaléng' i dsea` i ja` cuíng` Fidiéé~, eáang`gui lí'r^ jmóor` jalé' e jmigóøiñ` dsea` rúíñ' laco'gui i dsea` i nilíng` dsea` quíá'- Fidiéé'.

⁹ Jōba' liúun'~n 'nú' e jméaang'~na' ta~ jalé' e sea`

e fi' jmigüi' li~ seeng` dsea` dsee- dsea` qui' e laco' nili'na' jaléng' dsea` i niliseeng` guiá- cóo'~ 'nú'. Jo lajoba' mi~ niguiá' jalé' e sea` quií-na' fi' jmigüi', niliseem`bing' i ni'ing' 'nú' mi~ nití- fi' fi' cóo' jóng.

10 Jo ii` i ca'ée` jmang'- e guiá- cóo'~ capi' e sea` quiá'r-, joba' lajob ni'ér- mi~ nisea` jmiguiá' quiá'r- cajo. Jo ii` i ja` jmóo` e guiá- cóo'~ capi' e sea` quiá'r-, joba' lajob ja` jmér- e guiá- fa' jialgui la jmiguiá' e sea` quiá'r-. 11 Jo song ja` jmoo`na' e guiá- cóo'~ jalé' e sea` quií-na' fi' jmigüi' li~ seeng` dsea` dsee- dsea` qui', joba' lajob ja` nicuó'- Fidiée` 'nú' lajúi' e catíng-na', dsea` líng-na' dsea` quiá'r-. 12 Jo song ja` ee-na' røø` cóo'~ jalé' e sea` quiá'- dsea` jiéng', joba' ¿i` i nicuó'- 'nú' jalé' e catíng-na' do jóng?

13 Jo cajíng'- gui Jesús e júu` la:

—Júu' jaang` dsea` 'léeng' ja` quí- jmí- fa' ni-jmér- ta~ fi' quini` gáng- fiir~ colíng~, dsuco' song cajméer` lajo, joba' nilí 'ní' níim-bre jaang` jogui nijmiti~bre ta~ e niquiá' i jaang`gui do. Jo co' lajob líí, joba' ja` quí- jmí- fa' e nijmití-na' jalé' ta~ quiá' Fidiée` jogui e nijmití-na' cajo jalé' ta~ seáng' jmiguiá' cuu- fi' jmigüi'.

14 Jo mi~ canúu- jaléng' dsea` Israel i líng' dsea` fariseo e cajíng'- Jesús jalé' e júu` na, joba' dsifi' lajob canaaiñ` e lóøiñ- dsea` do, co' eám` lí dsíiñ' jalé' cuu- quiá'r-. 15 Jo lalab cajíng'- Jesús casí'r- jaléng' i dsea` do:

—'Nú'bing' i tí dsíi' i ngí' jmijlóng'^ yaang~ e ee-na' røø` fi' quini` jaléng' dsea` jmigüi', jo dsu' Fidiée` dsea` guing~ ñifí- niñi-bre guiá- jial líng-na' lajaang` lajaang-na'. Jo jalé' e jmi'gó` dsea`

eáang' fí jmiḡüü' la, dseáang' - 'ní' ním - Fidiée' jalé' e jo.

Eáam' niing- jalé' júu^ quiu' ta~ quiá'- Moi~

16 Jo mi~ cangî e cajíng' - Jesús lajo, jo casí' - guir jaléng' i dsea` do jo cajíñ' -:

—Mi~ cajá - Juan i seáang` dsea` jmi, lajii~ júu^ quiu' ta~ quiá' - Moi~ ba' mi' sea` cóo' - gui jalé' júu^ e café' i dsea` i café' cuaiñ~ quiá' - Fidiée' malii~ gui eáang'. Jo latí' ie~ job jaa' e guia' dsea` júu^ quiá' - Fidiée' quiá' - jial íing - dsea` do dsee - quiá' - dsea` jmiḡüü' jogui jial iin~ nicár` nifí quiá' - lajaang` lajaang` dsea`. Jo latí' ie~ job cuø' bí yaang~ dsea` e nitíin~ fí quini' Fidiée'.

17 'Jo eáang'gui ja` huíng' e ni'íng - guóo' - uø - jmiḡüü' e laco'gui ja` niliti~ fa' camí'^ júu^ quiu' ta~ quiá' - Moi~.

Mi~ ca'e' Jesús e ja` cuøng` e nitiúung - rúng' dsea` i nisicúng' guó`

(Mt. 19:1-12; Mr. 10:1-12)

18 Jo mi~ cangî e cajíng' - Jesús lajo, jo casí' - guir jaléng' i dsea` do jo cajíñ' - lala:

—Song jaang` dseañu' catiúuiñ - dseamî quiá'r - jo nicúng' - tur guóor` cóo' - jaang`gui dseamî i jiéng', joba' 'lée'bre jóng fí quini' Fidiée', co' dseeb - éer'. Jogui i dseañu' i cúng' - guoo` cóo' - jaang` dseamî i catiúung - dseañu' quiá', joba' 'lée'bre cajo, co' dseeb - éer' fí quini' Fidiée'.

Jaang` dseañu' i sea` cuu - cóo' - jaang` dseañu' i tiñíng -

19 Jo mi~ cangî e cajíng' - Jesús jalé' e júu^ na, jo casí' - guir jaléng' i dsea` do jo cajíñ' -:

—Coo` née'~ caliséng` jaang` dseañu` i sea` cuu` eáang', jo dsíng'~ jlo` jalé' si`r` e quier', jogui laco` jmiib` jmáng` jmiñ` 'ñia`r'. ²⁰ Jogui cajo seeng` jaang` dseañu` dsea` dsée'~ i sii` Lázaro i tiñíng` eáang' i líng' 'mi' latøøng`. Jo laco` jmiñ` gua` i dsea` dsée'~ do fí` o`nú` quiá'~ i dsea` sea` cuu` do ²¹ e güijer` fa' niñiñ` nidø`r` jalé' e sojiú' 'ni' mes` quiá'~ i dsea` sea` cuu` do lajee` guiñ` e gø`r'; jo jiguí` jaléng'` dsii` dsilíng`-ne' e 'u`re' lacaang` lí` lí' 'mi' quiá'~ i dsea` dsée'~ do. ²² Jo coo` mi` caguié` jmiñ` e cajúm` i dsea` dsée'~ do, jo casíng` Fidiéé` jaléng'` ángeles quiá'r` jo catø`-reiñ' do fí` lí` guing` Abraham fí` ñiff`. Jo jo` huøø`-ngó` mi` cajúng` Lázaro jo cajúm` i dsea` sea` cuu` do cajo. Jo jaléng'` dsea` ruiñ` cangojéng`-neiñ' do fí` codsii` jo ca`áam`-breiñ' do.

²³ Jo mi` cajné`-dsí' i dsea` sea` cuu` do fí` jmiñ` coo`, joba' fí` lí` 'lib` ni`iuuiñ` jóng, jo nicár` jalé' iihuñ'. Jo lajee` jo caséer` nir` fí` yú` jo cangáñ` Abraham coo` Lázaro e neáaiñ' do colíng` fí` ñiff`. ²⁴ Joba' canaang` i dsea` sea` cuu` do áñ' i dsea` do jo casí`-reiñ': "Tea` Abraham, fí` güilín' jnea` jo síng`gø` Lázaro fa' nicuø`r`-jneá` capí` jmiñ', co' nili`lea` nisí'`i, co' dsíng'~ quiee` iihuñ' e fí` ni` j` la." ²⁵ Joba' cañí` Abraham quiá'~ i dsea` sea` cuu` do jo casí`-reiñ': "Joo`o, tee` o', eáam` juguiú` cateaang` 'nu` fí` jmiñ`ü', jogui Lázaro eáam` cangár` iihuñ' lajee` jo. Jo lanaguiba' niní` Lázaro juguiú`, dsu' 'nu` nabi` nicatí` í` e nimó` jalé' iihuñ'. ²⁶ Jogui jí'~ jaang` jneaa`-aa' ja` cuøøng` ngüing`-naa' lacataang` cataang`, co' coo` 'ni' e a' eáam` lí' jee` laco' teáang`-na' jogui laco' née' jnea`, jo ja` cuøøng` fa' i dsea` neáang` la ningíñ` fí` na` o`gui i dsea`

teáang'~ na cuøøng` jaliĩn` fí la.”

27-28 'Joba' cañí' ì dsea` sea` cuu- do quiá'- Abraham jò casí'-reiñ': “Su ja` jiéé` o", Teaa~ Abraham, fa' niguiéen'~ Lázaro fí' jmigüi' fí' lí~ neáang'`ñíng- rún'n dsea` ngáang'~ cóo'~o e nidsijmée'~reiñ' júu^ jial niteáiñ- fí' jmigüi', jò lajoba' nitíiñ'~ fí' lí~ guiá^ mĩ~ nijúuiñ-, jò ja` nijaliĩn` fí' lí~ iuun- lana e quiee- jalé" iihuí'.” 29 Joba' cañí' Abraham quiá'- ì dsea` sea` cuu- do jò casí'-reiñ': “Dob sea` jalé" jì lí~ fé' jalé" júu^ quiá'- Moi~ cóo'~gui jalé" júu^ quiá'- jaléng" dsea` ì café" cuaiñ~ quiá'- Fidiée` mali~gui eáang', jò güijmitir~ jalé" e jò.” 30 Jò cañí'tu ì dsea` sea` cuu- do jò casí'r- Abraham: “Lajob lí', Teaa~ Abraham. Dsu' eáang'gui ja` huñg' niquí'- nijíng" yaaiñ~ fí' quini' Fidiée` fíng song caguiéng'- jaang' 'lii~ jò niguiár- júu^ e~ jalé" iihuí' e cá` dsea` fí la.” 31 Joba' cañí'tu Abraham quiá'- ì dsea` sea` cuu- do jò casí'-reiñ': “Song ja` jí'r~ o'gui já'- líiñ` jalé" júu^ quiá'- Moi~ cóo'~gui jalé" júu^ quiá'- jaléng" dsea` ì café" cuaiñ~ quiá'- Fidiée` mali'gui eáang', joba' lajob ja` nilíjí'r~ o'gui já'- nilíiñ` cajò nañí' fa' jaang' 'lii~ nijí'r jò niguieng'tur fí' jmigüi' calé" catú-.”

17

Jial dseáang' e nijiúng" dsea' fí ni~ dsee-
(Mt. 18:6-7, 21-22; Mr. 9:42)

1 Coo` née'~ cajíng'- Jesús casí'r- jaléng" dsea` quiá'r-:

—Contøøm- nilisea` jalé" e sea` fí' jmigüi' e nijmé- e nijiúng" dsea` fí' ni~ dsee-, jò dsu' e ngi~ fii- ì dsea` ì nijmé- e niténg" jaang'gui dsea` rúíñ" fí' ni~ dsee-. 2 Jò ì dsea` ì nijmé- lajò, guiá- gui ni'uíng-

quiá'r- e ni'ñá' dsea` fí' moluur` coo` cuu` fé' jo nidsibíñ- fí' é' jmiñí' e laco'gui e nijmér- e niténg` fí' ni` dsee- jaang` dsea` i ja` mí ngóo` eáang` já' lãng` júu` quié` e. ³ Jôba' dsíng'- 'né- ñiing` óo'na' cóo`~ jalé' e jmoo`na'. Jo song jaang` dsea` rúng`na' ca'éer` dsee-, jôba' sí'~na'r e ja` dseeng` e jmér- lajo. Jôgui song caquí'- jíng` 'ñia'r' fí' quini` Fidié` uii` e dsee- do, jôba' íng`na' dsee- uii` quiá'r- jóng. ⁴ Jo doñí' fa' ca'léer` quií'-na' guié- née'~ lajee` coo` jmí~, jôgui guié- née'~ cajár- cajasí'r- 'nã: "Íng` dsee- uii` quié` e quiá'- jalé' e nicajmeáan`n 'nã, dsu' lana jo` nijmee`guí", jôba' 'nú' 'né- íim`ba' dsee- uii` quiá'r- lacoo` née'~ e jâr- jamí'r- 'nú' jmi'ee`.

Jial 'gøng' mi~ já'- lãng` dsea` jalé' júu` quiá'- Fidié`

⁵ Jo mi~ cangî jo, cajíng'- i dsea` guitúung` do casí'r- Jesús:

—Jmee- e já'- nilíng`guí' jalé' júu` quií'-.

⁶ Jôba' cañí' Jesús casí'r- i dsea` quiá'r- do:

—U~, fa' cóo`~ capí'`ba' e já'- lãng`na' júu` quié` e, jôba' cuøøm` nifí'`na' e 'ma` fé' si'` la e niráang- 'ñia' catí' jmó` jo nidsisíng` 'ñia' fí' ni` jmiñí', jo dsifí' lajôb niliti` jalé' e ta` e niquiá'`na' do.

E~ jalé' e catíng- e nijmé- jaang` dsea` 'léeng`

⁷ Jo mi~ cangî jo, jo cajíng'- gui Jesús e júu` la:

—Fa' 'nú' seeng` jaang` dsea` 'léeng`~ quií'na' i jmóo` jalé' ta` caluu` cóo`~ jalé' ta` sinúu` quií'-na', jo lacoo` jmí~ mi~ niniúíñ' ta` jí` osi ta` ní güitá` é, ja` nitøø-na'r e ni'í'` nidó'r- cóo`~ 'nú', ⁸ co' niquiá'`na're ta` jo nifí'`na'r: "Guiá~ guiá- e nidóø'`ø jo ningíñ'- fí' quinií- jalé' e jo. Jo mi~

ningí jōguiba' ni'u^ nicø' 'nū uø'." 9 Jō mi~ cató' e jmóor^ jalé' e jō, ja` ngíiñ` gui'máang' quiá' fíir~, cō' jii' do ta~ quiá'-bre. 10 Jō lajōb catáng- nijmée^ 'nú' cajo mi~ ningí e jmití^na' jalé' ta~ quiu' Fidiée', cō' 'né' fo^na': "Jii' dsea` léeng' lí' jnea', cō' ja' caquí~naa' jmi~ e nijmó^naa' lí'gui, cō' lico' nicajmó^naa' jii' laco' catám~baa'."

Mi~ cajmi'leáang- Jesús guíng- dsea` i lāng` jmohu' 'li^

11 Jō mi~ cangí jō, lajee' iuung- Jesús fí e ngóor' fí Jerusalén, cangíiñ' jee~ uø- lí' iáng' Samaria cóo' Galilea. 12 Jō mi~ cangíiñ' cōo' 'ni' fí, jōb ca'uøong` guíng- dsea` dsée' i lāng` jmohu' 'li^ fí ngúu' táang`. Jō mi~ cangáiñ- Jesús, huíb- cajer' e áiñ' dsea` do 13 jō casí'r-:

—Tifa' Jesús, fí- güilín' jnea' e lí'naa' lala!

14 Jō mi~ canúu- Jesús e tø` i dsea` do, dsifí ladob casí'-reiñ':

—Güilíng`na' güjjeaang~ yaang`na' fí quini' jmidsea` lí' laco' ta~ quiu' fí ni~ jì quiá'- Moi~.

Jō dsifí ladob caquing'- laji' guíng- i dsea` dsée' do e nijmitir~ lajii' ta~ caqui' Jesús. Jō lajee' teáaiñ' fí, ladob ca'láaiñ- lajii' jmohu' e líiñ' do. 15 Jō dsifí mi~ calilí^ jaang` i dsea` dsée' do e ca'láaiñ-, dsifí lajōb caquing'-tur fí lí' sing' Jesús jō canaaiñ' jmiféiñ' Fidiée' e ngocáng` dsíir'.

16 Jōguí casí'r' uø^ jnir~ fí quini' Jesús, jō catúuiñ' car` cajnúu- nir~ tí ni~ uø-, jō lajōb cacuø'r' gui'máang' dsea` do e cajmi'leáang- neiñ'. Jō i dseañu' do seeiñ' fí Samaria, dsea` i 'ní' níng- rúng' cóo' dsea` Israel. 17 Jōba' cajíng'- Jesús casí'r- i dseañu' do:

—¿Su o' guíng~ 'nú' tí'na' dsea` ca'láang~na' lajii~
jmohuí' e lamí~ líng'na'? Jo ¿jnang~gui i ñúng~gui
do? ¹⁸ ¿Su jii'~ 'nub` dsea` seen' fí' Samaria dsea`
cañijmiféng' Fidiéé` dsea` guing~ ñiff'?

¹⁹ Joba' cajíng'~ Jesús casí'~ guir i dsea` do:

—Ráan'~ jo guóng' fí' quí'~, co' nica'láam~ba'
lajii'~ jmohuí' e lamí~ lín', co' jáb'~ calín'~ lajii'~
júu^ quíe~e.

Jial mi~ nijáa'tu Dsea` Jmáang~ fí' jmigüü' la
(Mt. 24:23-28, 36-41)

²⁰ Jo cajmingí'tu dsea` Israel i líng' dsea` fariseo
cajmingí'r~ Jesús jo cajíñ'~:

—¿Li~ nináng` e nicá` Fidiéé` nifi' quía'~ jaléng'
dsea` jmigüü'?

Joba' cañí' Jesús quía'~ i dsea` do jo casí'~reiñ':

—Mi~ nináng` e jo jee~ jaléng' dsea` jmigüü', ja
lí' la lí' coo` e cuóøng` lí' jøø^na'; ²¹ o'gui cuóøng`
nijíng'~ dsea`: “Lab canaang’”, osi “Dob canaang`
é”; co' latí' lanab ninaang` e quie` Fidiéé` nifi' jee~
'nú'.

²² Jogui canaang` Jesús sí'r` jaléng' i dsea` quía'r~
do jo cajíñ'~:

—Niguiéé' jmii~ mi~ nili'iing~na' e nimáang~gui'
jnea~, dsea` i jáa' fí' ñiff' e lín'n jaang` dsea` jmigüü',
jo dsu' jo' quí'~ jmii~ fa' e nimáang~gui' jnea~, co'
jo' seen~ fí' jmigüü' la ie~ jo. ²³ Jogui fíng' dsea`
nijmigóor` jo nijíñ'~: “Fí' lab táaiñ’”, osi: “Fí' dob
táaiñ` é”, dsu' ja' já'~ güilíng'na', o'gui güilíng~na'
fí' lí' nitó'r' 'nú'. ²⁴ Dsucó' la jnéeng~ fí' yú^ jmigüü'
mi~ jmijneaá` güi'ñiá^ jire', lajob nilí' mi~ nigáa'túu
fí' jmigüü' la, jnea~ dsea` lín'n jaang` dsea` jmigüü'
i jáa' fí' ñiff'. ²⁵ Jo dsu' ná'~ gui e nidsijéé' jalé' e

jo, 'né- nicaa- jalé' iihuí, jo fíim' dsea` jmigüí nilí 'ní' níñ- jnea~. 26 Jo laco' calí- mi~ cateáng` Noé fí jmigüí la malí- gui eáang', lajob nijmé- dsea` jmigüí cajo lajee` ná'- gui e nigáa' jnea~ calé' catú- fí jmigüí, jnea~ dsea` lín'n jaang` dsea` jmigüí i jáa' fí ñíí-. 27 Co' ie~ jo cajmée` dsea` e jo` e guing` dsíir' e jíé', co' lico' guing` dsíir' quíá'- jíí~ e ní'í' nidó'-bre jogui quíá'- e nicúng'- guó' jóor; jo lajob cajmeer` cartí mi~ caquiá' Fidié` ta~ quíá'- Noé e ní'ír' cóo~ dsea` sínúú^ quíá'r- fí dsíí' e móo' e nicajme'r' do. Jo lajee` jo catí' í' e tuu` jmí' jo ca'á' jmí' la'úng- fí jmigüí, jo jalém' dsea` jmigüí cajúñ- ie~ jo. Jo dseáng'- jíí~ Noé cóo~ dsea` sínúú^ quíá'-bre caláaiñ- ie~ jo. 28 Jo lajob cajmée` dsea` cajo mi~ cateáng` jaang` i calisí Lot fí jmigüí la; jo` ee` guing` dsíir' e jíé', co' lico' guing` dsíir' jíí~ e ní'í' nidó'-bre cajo, jogui e teáaiñ~ ta~ 'ñí' jogui ta~ láa' jalé' e sea` fí jmigüí, jogui jmóor' ta~ jní' jalé' e sea` jogui ta~ jmo' jalé' 'núú' e jlo'^ cajo. 29 Jo coob` mi~ caquiá' Fidié` ta~ e cagü'íí' Lot fí fíí' Sodoma, jo jmí~ job cajmeer` e cajiá' jí' e quiéeng` azufre fí yú'^ jmigüí, jo lajoba' ca'ím- congua' lajaléng' i dsea` i neáang' fí fíí' Sodoma ie~ jo. 30 Jo laco' cajmée` dsea` ie~ jo, lajob nijmé- tu dsea` jmigüí mi~ tí lí~ nijaquíéeng' e nigáa'túu fí jmigüí la, jnea~ dsea` lín'n jaang` dsea` jmigüí i jáa' fí ñíí-.

31 'Jo mi~ niguiéé' e jmí~ jo, ií` dsea` i taang` fí caluu` osi fí yú'^ 'núú' é, óong-gui quíá'r- güicuúí~bre jo ja` güí'í^ dsíir' fa' e niquííñ' e nidsi'uóor~ jalé' e sea` quíá'r-. Jogui ií` dsea` i táang` fí lí~ jmóor' ta~ quíá'r-, óong-gui quíá'r- güicuúí~bre jo ja` güí'í^ dsíir' fa' e nidséng'-guir fí

quíá'r-. ³² Jo téé' óo'na' jial cangongñing- dseamñ quiá'- Lot mi~ cajøør- jial sojiú' jì jee~ fiñ Sodoma. ³³ Jo jaléng' dsea' ì líng- e quí'~bre jmiñ e nileáng- yaaiñ~, joba' í'bing' ì nijúung- mi~ nití- í' lajo. Jogui jaléng' dsea' ì lí' e ja` quí'r~ jmiñ e nileáng- yaaiñ~, joba' í'bing' nitíng'~ fi' quini~ Fidiée~ mi~ nití- í' lajo.

³⁴ Joba' fiñ- i 'nú' lana, mi~ niguiéé' e oor~ jo, gáng- dsea` teiñ' jmi'íñ' fi' ni~ co'ma; jo jaaíñ' do nijér-, jogui jaang`guir nidséiñ'- cóo'~ jnea~ fi' ñifi-. ³⁵ Jo gáng- dseamñ ì teáng'~ dsí colíing~; jaaíñ' do nijér-, jogui ì jaang`gui do nidséiñ'- cóo'~ jnea~. ³⁶ Jo gáng- dseañu' taaiñ~ colíing~ e jmóor` ta~ quiá'r-; jaaíñ' do nijér-, jogui ì jaang`gui do nidséiñ'- cóo'~ jnea~.

³⁷ Jo mi~ canúu- jaléng' ì dsea` do e cajíng'- Jesús lado, joba' cajmingi'r' dsea` do lala:

—Fíi'i, ¿jie~ fi' li~ nidsijéé' jalé' e jo, faa~aa'?

Joba' cañí' Jesús quiá'- jaléng' ì dsea` do jo ca-jíñ'-:

—Jié' li~ rōo` nguú' jmé', fi' job li~ niseáng' jaléng' tujlí'.

18

Mi~ ca'e' Jesús quiá'- jaang`dseamñ ì 'nñ'

¹ Jo mi~ cangñ jo, canaang` Jesús e'r' jaléng' ì dsea` do cóo` júu^ já'- e lafa' júu^ cuento, jo ca'e'reiñ' e 'né- féiñ' Fidiée~ contøøng- e ngocáng` dsíir-, ² jo lalab casí'r-:

—Coo` née'~ caliséng` jaang` dsea` ì quidsí' í' fi' cóo` fiñ, jo ì dsea` do ja` ee` jmiféiñ' Fidiée~ jíi'~ capí'` o'gui jmi'gór` jaléng' dsea` rúíñ'. ³ Jo fi'

jõ niseeng` jaang` dseam̃ ĩ 'ñĩ, jõ ñinicajméer` m̃ĩ` cóo` jaang` dsea` góor`. Joba' ĩ dseam̃ do contø̃m` dséer` fí` quiá'- ĩ dsea` ĩ quidsí' í' do e dsim̃ĩ`reiñ' fa' e niquidsiñ' do í' lajjĩ` e lí' seeiñ. ⁴ Jõ huø̃b`jiũ cangoca` ja` ee` jmijí- ĩ dsea` ĩ quidsí' í' do lajjĩ` júu` quiá'- ĩ dseam̃ do, jõ dsu' cõob` m̃ĩ` ca'f` dsíir': "Ja` iing` jnea` jmifén'n Fidiée` o'guijmi'goo` jjĩ` jaang` dsea` jmigüi, ⁵ dsu' nú'-gui e niguiá- féng' dsii- cóo` ĩ dseam̃ 'ñĩ la, nijmi'ø̃m`baar e laco' jo` ningí-guir ta` jmiguíng` jnea` laco` jm̃ĩ`."

⁶ Jõ m̃ĩ` calí- e cajíng'- Jesús e júu` na, jõ casí'r- jaléng' ĩ dsea` do jõ cajíñ'-:

—Lanab jjĩ` lí' e cajíng'- ĩ dsea` ĩ ja` quidsí' í' laco' catíng- do. ⁷ Jõ dsu' eáang`guijmi'ø̃ng' Fidiée` jaléng' dsea` quiá'r- ĩ féng' ír` uø̃` jm̃ĩ. ⁸ Co' fí- ĩ 'nú' e ja` nijmi'iiiñ` lajjĩ` jmi'ee` e nilimír^'. Dsu' m̃ĩ` nigáa'tu jnea` calé' catú-, jnea` dsea` lín'n jaang` dsea` jmigüi ĩ jáa' fí` ñifí-, ne` duu' su niguiéng' guí coo` tú- m̃ĩng' dsea` ĩ já'- líng` júu` quié-e.

Mĩ` ca'e' Jesús júu` quiá'- jaang` dsea` fariseo cóo` jaang` nodsicuu-

⁹ Jõ m̃ĩ` cangí jõ, ca'e'gui Jesús coo`gui júu` e catíng- jaléng' ĩ dsea` ĩ jmóo` ta` jmicø̃ng` yaang` jogui e gø̃m` níiñ- dsea` caguiaang-, jõ lalab casí'r- ĩ dsea` í':

¹⁰ —Coo` née'` cangolíng- gáng- dseañu' e cangoféiñ' Fidiée` fí` guá'-: jõ jaaiñ' do líiñ' dsea` Israel ĩ líng' dsea` fariseo, jõ ĩ jaang` do jmóor` ta` m̃ĩ` cuu- e catíng- dseata` seeng` fí' Roma. ¹¹ Jõ laco' sim' ĩ dsea` Israel ĩ líng' dsea` fariseo do m̃ĩ` canaañ` fé'r` fa' quiá'r- jõ cajíñ'- lala: "Fidiée`

quí-ii, gui'máam'ba' 'leáang- co' ja` línng' jnea~ laco' línng' dsea` caguaang-; co' seeng` dsea` i jmóo` ìi jōgui seeng` dsea` i soo` dsíí' jōgui seeng` dsea` i ngí' 'lee' e güiñ` cóo'~ dseañu` osi dseamf i o' quiá'r-. Jōgui ja` lín'n jii'~ capí'^ laco' línng' 'ná'^ nodsicuu- i sing' do. ¹² Co' jnea~ jmóo` ayuno tú- née'~ laco` seamaan~, jōgui cuøø-baa 'nu' lajii'~ e sea'jiu quié-e laco'gui ta~ huí' fí' ni~ jì' quiá'- Moi'." ¹³ Jo lajee` fé' i dsea` Israel i línng' dsea` fariseo do lado, huím-jiu caje' i nodsicuu- do, jo ja` cateá- dsíir' fa' caséer` nir~ fí' yá'^, jo lico' catú' gui~bre jo canaaiñ` quiéur` nidsíir' jo lajee` jo fé'r': "¡Fíi' Fidiéé` dsea` guin'~ ñiff', íng' dsee- uii~ quié-e, co' dsea` dsee- dsea` quib' lín'n!"

¹⁴ Jo lalab cajíng'-gui Jesús:

—Lala fii-i 'nú' e íam` dsíí' i nodsicuu- do mi~ cangáñ'- fí' quiá'r-, co' nica'ím- Fidiéé` dsee- quiá'r-, jo dsu' ja' ca'íng'-re'r dsee- quiá'- i dsea` fariseo do. Jo lajōb nidsing'ng- jaléng' dsea` i jmicøøng'~ yaang~, co' íbing' i nicá' fí'i', jo dsu' jaléng' dsea` i ja` jmicøøng'~ yaang~ jii'~ capí'^, íbing' i niliniing- gui fí' quini` Fidiéé` mi~ nitf- í' lajo.

*Mi~ cajmigüeang'^ Jesús jaléng' jiuung`
(Mt. 19:13-15; Mr. 10:13-16)*

¹⁵ Jo mi~ cangí jo, fíng' dsea` caguiliñ- e jéiñ` jaléng' jiuung~ quiá'r- fí' lí~ táang' Jesús e iñ` e nijmigüeang'^ dsea` do jaléng' i jiuung~ do. Jo mi~ cangá- i dsea` guitúung` do e jmóo` dsea` lajo, jōba' canaaiñ` 'gaam'bre quiá'- jaléng' i sejmií i jiuung~ do. ¹⁶ Jo dsu' dsifí' ladob cató'- Jesús jaléng' i dsea` quiá'r- do jo casí'-reiñ':

—Cuøø'~na' fí jaléng' i jiuung~ na güjalíñ' fí la, jo ja' jniing~na' quiá'r~. Dsaco' jaléng' dsea' i líng' laco' la líng' i jiuung~ na, í'bing' i catíng' e Fidiéé' quie' nifí' quiá'r~. ¹⁷ Jo jnea~ jmitaa~ óo'na' e dseáng'~ ii' i ja' iing~ ni'íng' e Fidiéé' nicár' nifí' quiá'r~ laco'gui íng' jaang' jiuung~, joba' ja' too~ jmíi' e ni'íng' Fidiéé' dsea' do cajo.

Mi' casíng' Jesús cóo'~ jaang' dseañu' i sea' cuu' (Mt. 19:16-30; Mr. 10:17-31)

¹⁸ Jo mí' cangí' jo, cangoquiéeng' fí lí' táang' Jesús jaang' dseañu' i líng' jaang' fii' quiá'~ jaléng' dsea' i néé' ni' guá'~ quiá'~ dsea' Israel, jo cajmingí'r~ dsea' do jo cajíñ'~:

—Tifa' i guiá' dsíí', ¿e' 'né' nijmee' e laco' nilí' i e niliseen~ cøøng' cóo'~ Fidiéé' car' ngongíi' jmíi'?

¹⁹ Joba' cañí' Jesús quiá'~ i dseañu' do jo casí'~reiñ':

—¿Jialí' fí' jnea~ e guiá' dsii'? Co' jii' Fidiéeb' dsea' guíng~ ñifí'~bing' i líng' lajo. ²⁰ Jo niñíb' 'nu' jalé' júu^ quiu' ta' quiá'~ Fidiéé' e fé' lala: “Ja' 'lee' e güñ' cóo'~ dseamí' osi dseañu' i o' quí'~; ja' jngán' dsea' rún'; ja' jmée'~ ii'; ja' cá' júu^ e o' já'~; jogui jmi'goo' tiquí'~ cóo'~ niquí'~.”

²¹ Jo dsifí' ladob cañí' i dseañu' do quiá'~ Jesús jo casí'r~ dsea' do:

—Lajaléb' e jo nicajmé' e náu'~u latí' jii' mí' simim'~baa.

²² Jo mí' canúu' Jesús e cajíng'~ i dseañu' do lado, jo dsifí' ladob cañí'~tur quiá'ñ'~ do jo casí'~reiñ':

—Coo'gui 'né' e nijmití'~: guøng' fí' quí'~ jo güiñi'~ lajalé' e sea' quí'~, jo e nilí' quiá'~ e jo güijmee' guiéé' jee' jaléng' dsea' tiñíng~, jo

joguiba' nilisea` juguiá- quíi'- mi~ nití- fí jmigüí cōō. Jo mi~ calí- e nijmé'^ lajo, joguiba' niñi' jo dsé^ee' cōō'~ jnea~ jóng.

²³ Dsu' mi~ canúu- i dseañu' do e cajíng'- Jesús lado, dsíng'- calí- jiuung~ dsír', cō' dsíng'- sea` cuu- quiá'r-. ²⁴ Jo mi~ cangá- Jesús e calí- jiuung~ dsí' i dseañu' do dsu' canúur- lado, jōba' dsifí ladob casí'r- jaléng' i dsea` i teáng- do jo cajíñ'-:

—iDsíng'- huíng' lí' quiá'- jaléng' dsea` sea` cuu- e nijáng' yaaiñ~ fí jaguó' Fidiée' e laco' dsea` do nicá' nifí quiá'r-! ²⁵ Jo eáang' gui ja' huíng' e jaang' jó' camello ningíng'-ne' fí dsí' too' jmini~ mocuu- e laco'gui jaang' dsea` sea` cuu- nijáng' 'ñia'r' fí jaguó' Fidiée' e laco' dsea` do nicá' nifí quiá'r-.

²⁶ Jo mi~ canúu- jaléng' i dsea` i teáng- do e cajíng'- Jesús lado, dsifí ladob cajmingi'r' dsea` do jo cajíñ'-:

—Jo ¿i~ jaléng' i nitíng'~ fí quini~ Fidiée' jóng song lajobi nilí'?

²⁷ Jōba' cañí' Jesús quiá'- jaléng' i dsea` do jo casí'-reiñ':

—Jalé' e ja' quíi~ dsea` jmgüí jmi~ nijmér-, lajib' cuóong' lí' jmé- Fidiée' dsea` guíng~ ñifí-.

²⁸ Jo mi~ canúu- i Tú^ Simón do e cajíng'- Jesús lado, jo dsifí ladob casí'r- dsea` do jo cajíñ'-:

—Fí'i, jnea'^, dsea` ngí'naa' contøøng- cōō'~ 'nu, nicatá'baa' lajalé' e sea` quí'naa', cō' i'naa' e ngí'naa' cōō'~ 'nu' latab~.

²⁹ Jōba' cañí' Jesús quiá'- i Tú^ Simón do jo casí'-reiñ':

—E já' e fí-i 'nú', doñi' i' 'nú' catá'na' 'nú'na', osi ca'naang'na' quiá'- tiquí'na' osi niquí'na' osi jaléng' rúng'na' osi dseam' quí'na' osi jaléng'

jóo'na' é dsu' uí' e nicajáng' yaang'na' fí jaguó' Fidié' e laco' quier' nifí' quí'na', jo ii' dsea' i nijmé' lajo, ³⁰ íbing' i niñing' jalé' e 'nér' fí jmiǵüí' la; jo mi' nití' fí jmiǵüí' coo', niñiñ' e niliseiñ' cøng' cóo' dsea' do lata'.

Mi' cajmée tu Jesús júu' e nijngáng' dsea' ír'
(Mt. 20:17-19; Mr. 10:32-34)

³¹ Jo mi' cangí' jo, lajee' iuung' Jesús fí e ngóor' fí Jerusalén cóo' jaléng' dsea' i ngolíng' cóo'r', jo lajee' jo co' catø' bre i dsea' guitúung' quíar' do jo casí' reiñ':

—Lana ningóo' fí Jerusalén fí li' niliti' jalé' júu' e cajíng' uii' quíe' e jaléng' i dsea' i café' cuaiñ' quíar' Fidié' malí'gui eáng', jnea' dsea' gáa'a fí ñiff' e lín'n jaang' dsea' jmiǵüí'. ³² Jo fí job li' nijáng' jaléng' dsea' góo'naa' jnea' fí jaguó' jaléng' dsea' i ja' cúing' Fidié'. Jo jaléng' i dsea' í niløøiñ' jnea' jogui nijmineaiñ' jnea' jogui ni'ñiñ' jnea' ³³ jo nijmiñiñ' jnea' la tí' e já' dsiir' cartí' nijgáiñ' jnea'; jo dsu' mi' nití' 'ni' jmiñ' lajo e nijngáng' dsea' do jnea', joba' nijíb' túu' calé' catú'.

³⁴ Jo mi' canúu' i dsea' guitúung' do e cajíng' Jesús lado, jíi' camí' júu' ja' cangáiñ' o'gui ñir' e' uuing' quíar' e café' dsea' do lado.

Mi' cajmi'leáng' Jesús jaang' dsea' tiuung' fí Jericó

(Mt. 20:29-34; Mr. 10:46-52)

³⁵ Jo mi' cangí' e casíng' Jesús cóo' i dsea' guitúung' do, catam' tur' fí teáaiñ' jo caguiliñ' quíar' coo' fiñ' li' sii' Jericó. Jo 'ni' fí niguiing' jaang' dsea' tiuung' e mir' jalé' e 'nér' cóo' jaléng'

dsea` i ngúng' e fi' lí~ guiiñ~ do. ³⁶ Jo mi~ canúu~ i dsea` tiuung~ do e dsíng' fíng' dsea` guijalíng' fi' lí~ guiiñ~, jo cajmingí'r~ i dsea` i ngúng' quiá'~ do e~gui' calí~ e jalíng' fíng' dsea`. ³⁷ Joba' cajme' dsea` júu^ i dsea` tiuung~ do e Jesús dsea` seeng' fi' Nazaret gui'ná'^ ngúñ' fi' do cóo'~ dsea` quiá'r~. ³⁸ Jo mi~ canúu~ i dsea` tiuung~ do lado, jo canaiñ` aíñ' Jesús jo casí'r~ dsea` do:

—Jesús, sijú~ dseata~ Daví'^, fíi~ güilín' jnea~!

³⁹ Jo dsu' mi~ canúu~ i dsea` ngolíng' nifí' do e canaang' i dsea` tiuung~ do e aíñ' Jesús, joba' canaiñ` 'gaam`bre quiáiñ'~ do e lacó' jo` nifé'guiiñ' lajo. Jo dsu' i dsea` tiuung~ do lí'^ lí' teá'gui canaiñ` ám'bre dsea` do jo fé'tur lala:

—Jesús, sijú~ dseata~ Daví'^, fíi~ güilín' jnea~!

⁴⁰ Jo dsifí' mi~ canúu~ Jesús e tó' i dsea` tiuung~ do, dsifí' ladob cajer', jo caquiæ'r' ta~ e cangotée` dsea` i dsea` tiuung~ do jo cangojéeng`neiñ' tí' quiá'~ lí' sing' Jesús. Jo mi~ caguiéiñ'~ do quiá'~, jo cajmingí'r' rein':

⁴¹ —¿E~ iin'~ e nijmee~e quí'~?

Joba' cañí' i dsea` tiuung~ do jo casí'r~ Jesús:

—Fí'i, iin~n e nijmée'^ e nilijné'baa.

⁴² Joba' cañí' Jesús casí'r~ i dsea` tiuung~ do:

—iGüilijné' jo! Jo nica'láam~ba', có'jáb'~ nicalín'~ júu^ quié~e.

⁴³ Jo dsifí' lajob calijné' i dsea` tiuung~ do, jo canaiñ` jmiféiñ' Fidié~ lajee~ e ngóor' cóo'~ Jesús. Jo jaléng' dsea` i cangá~ e cajmée` Jesús ie~ jo, cajmifém'bre Fidié~ cajo.

19

Jesús cóo' jaang` nodsicuu` i sii` Zaqueo

¹ Jo mi~ cangí jo, caguiéb` Jesús fí Jericó. Jo mi~ cangíiñ` jee~ fí, dsíng'` fíng' dsea` caseáiñ'`. ² Jo e fí jo niseeng` jaang` fi~ jaléng'` nodsicuu` i sii` Zaqueo i sea` cuu` eáang', ³ jogui eáam' iñ~ do nijmicuíñ` Jesús, dsu' ja` lí'r` niníiñ` dsea` do có' dsíng'` fíng' dsea` caseáiñ'` ie~ jo, jogui Zaqueo líiñ` jaang` dseañu` i ja` 'ga' lí féng'`. ⁴ Jo mi~ calilí'r` e ja` tíiñ` fa' niníiñ` Jesús, jo cangojéem`bre quía'` jaléng'` i dsea` do, jo cajgóor` fí cóo' yá'` 'ma` e sii` sicómoro, có' calilí'r` e fí job cuóøng` niníiñ` dsea` do. ⁵ Jo jo` huóø` líi~ cangíng` Jesús uii~ e 'ma` lí` dsíng` Zaqueo do, jo cajóøng` neiñ' do lí` dsíiñ` jo casí'` reiñ'`:

—Jminá` güíng` lí` dsíiñ` na, Zaqueo, có' lana 'né` nijaa` fí` quí'`.

⁶ Jo mi~ canúu` Zaqueo lajo, guiúb` jmóor`, jo dsifí` ladob cajgáiñ` e cango'íiñ` Jesús, jo colíim` cangáiñ` cóo'` dsea` do fí` quía'r`. ⁷ Jo mi~ cangá` jaléng'` dsea` e cangó` Jesús fí` quía'` i nodsicuu` i sii` Zaqueo do, dsifí` lajo canaaiñ` éeiñ` Jesús, jo fé'r` e dsea` do cangojer` fí` quía'` jaang` dsea` i røøng` dsee` eáang'. ⁸ Jo mi~ nineáaiñ` fí` quía'` Zaqueo, lalab cajíiñ` do casí'r` Fí`naa' Jesús:

—Janú'`, Fí'i, lana nicuóø` jaléng'` dsea` tiñíng` condseá'` jalé'` e sea` quíe`-e, jo quía'` lajaang` lajaang` dsea` i nicajmé`-e ñ` quía'`, lana nijáa` are quíu` 'lé'`gui laco'` jíi~ e nicacá` a quía'r` do.

⁹ Jo mi~ canúu` Jesús lajo, lalab casí'r` dsea` do:

—Jmii~ na niseeng` dsea` e fí` dsíi` sinúu` la i nicaláang` jee~ jalé'` dsee` quía'`, có' i dseañu`

na nicajmilir~ e lím'bre siju~ 'lii~ yúu~ Abraham cajo. ¹⁰ Co' jnea~, dsea` i jáa' fí ñifi~ e lín'n jaang` dsea` jmigüí, cagá~a e lí^ laco' caga'nén'n jogui e cagaleaan^ jaléng` dsea` i røøng` dsee~ fí quini~ Fidié~.

Mi~ ca'e' Jesús e ta~ e cajmée` dsea` cóo~ cuu~ quía~ dseata~

¹¹ Jo mi~ cangí jo, lajee~ iuung~ Jesús fí e ngóor` cóo~ dsea` quía'r~ fí Jerusalén, jo ca'e'r' jaléng` dsea` do cóo` júu^ já~ e lafa' júu^ cuento, dsuco' nijaquíem' e niguilíiñ~ fí Jerusalén, jo fí job í dsíí jaléng` dsea` e Jesús niquiá'r~ ta~ jee~ jaléng` dsea` góor` dsea` Israel lí^ laco'gui la jmóo` jaang` dseata~ dsea` féng' i seeng` fí jmigüí la. ¹² Jo lalab casí'r~ jaléng` i dsea` do:

—Coo` née~ caliséng` jaang` dsea` 'goo~, jo cali'iiñ~ e nilíiñ~ dseata~ dsea` féng' fí cóo` fií lí huíí. Jo mi~ ca'íiñ' e ta~ do, 'né~ niquim~tur fí góor~, co' fí job lí nilíiñ~ dseata~ dsea` féng'. ¹³ Dsu' nú~gui e nigüí'íir' lí nidsi'íiñ~ e ta~ do, catø'r~ guíng~ dsea` 'léeng' quía'r~, jo cacuø'reiñ' do jmá~ có~ cuu~ e 'mo^ eáang` lajaang` lajaaíñ` jo cajíiñ~ casí~reiñ': "Jmee~na' ta~ cóo~ e cuu~ la lajee~ ninii~i jo cartí nigüéang`túu." ¹⁴ Jo dsu' jaléng` dsea` góo` i dseata~ dsea` féng' do ja` iiñ~ e nilíiñ~ do e ta~ jo, co' dsíng' 'ní' níng~neiñ', joba' casíiñ' do nifi'gui tú~ 'ní' máng~ dsea` i caguijmée~ júu^ i dsea` nija~ ta~ do e ja' jí'r~ i dsea` góor` do fa' e i do nilíng~ dseata~ dsea` féng' quía'r~.

¹⁵ 'Jo dsu' ja' lí cacøng', co' calím~ i dsea` do dseata~ dsea` féng' lajíi~ laco' ta~ cahuí'. Jo mi~ cangoyúung' jo, cangám~tur fí góor~. Jo mi~

caguiéiñ' fí' quiá'r-, jō caquiá'r' ta~ e calité' i dseá' guíng- i cacuø'r' cuu- do lamí~ ná' gui e nigüi'ñr' nidsér-, cō' cali'iiñ~ e calidseáang' dsíir' jial tí' cuu- nicalíiñ'- do lajaang` lajaaíñ. 16 Jō mi~ caguié- i la'uii~ do, jōba' cajíñ'- casí'r- i dseata~ dseá' féng' do: “Fí'i, cajmé~baa ta~ cóo'~ e cuu- e casee'~ cóo'~ jnea~ do, jō nicalí'~baa guí- 'lé'gui e laco' jii'~ e casee'~ do.” 17 Jōba' cajíng'- i dseata~ dseá' féng' do casí'r- i dseá' 'léeng'~ quiá'r- do: “Eáam' guiú- lajō, 'nub` jaang` dseá' 'léeng'~ i guiúng-, cō' tñm`ba' jmé'^ ta~ cóo'~ capí'^ cuu-, jō lana nicuøø`ø 'nua e nilíin'- jaang` dseata~ quiá'- guí- fií.” 18 Jō mi~ cangí jō, caguié- jaang`gui i dseá' 'léeng'~ do, jō casí'r- i dseata~ dseá' féng' do jō cajíñ': “Fí'i, cajmé~baa ta~ cóo'~ e cuu- e casee'~ cóo'~ jnea~ do, jō lana nicalí'~i 'ñiá' 'lé'gui lajō.” 19 Jōba' cañi' i dseata~ dseá' féng' do quiá'- i dseá' 'léeng'~ quiá'r- do jō casí'-reiñ': “Nicuøø`baa 'nua e nilíin'- dseata~ quiá'- 'ñiá' fií cajo.” 20 Jō mi~ cangí jō, caguié- jaang`gui i dseá' 'léeng'~ do, jō casí'r- i dseata~ dseá' féng' do jō cajíñ': “Fí'i, lab quiē~e cuu- quií'- e casee'~ cóo'~ jnea~ do. Ca'meá'baa laco' mi~ ca'íin'~n do, 21 cō' 'góm'~baa 'nua, cō' lí'^ tí' o' e sitíng'~ jalé' ta~ jmóo` dseá' jiém'.” 22 Jōba' cañi' i dseata~ dseá' féng' do quiá'- i dseá' 'léeng'~ quiá'r- do jō casí'-reiñ': “'Nub` jaang` dseá' 'léeng'~ i fi' i soo` dsíí, jō lana nijmiti~baa lajii'~ e nicalíe'~ na. 23 Song niñi'~bi' e sitíin'~n cuu- quiá'- jalé' ta~ jmóo` jaléng' dseá' jiéng', jōba' çjialí' ja` caguite' e cuu- quié~e do fí' banco e laco' sea`ba' e dsí' mi~ cagüean'~n?” 24 Jōba' caquiá' i dseata~ dseá' féng' do ta~ quiá'- jaléng' i dseá' i teáang- do jō

casí'~reiñ': "Gui~na' cuu~ e quier' na, jò cuøø'~na' i dsea` i quie' jmigui'gui na." ²⁵ Jò mi~ canúu~ jaléng' i dsea` do e cajíng'~ i dseata~ dsea` féng' do lado, jò cañíir` lajaléiñ' do jò cajíñ'~: "Fí'naa', jiali' e i na niñiñ`, cò' guí~gui cuu~ niquier'." ²⁶ Joba' cañíi' i dseata~ dsea` féng' do quiá'~ i dsea` do jò casí'~reiñ': "Niñib` 'nú' e jaléng' dsea` i sea` quiá'~, jmigui'gui nilisea` quiá'r~; dsu' jaléng' dsea` i ja` sea` quiá'~, conguiab` ni'íng~ e capí'^ e sea` quiá'r~. ²⁷ Jò lana niñijéng`du' jaléng' dsea` i ja` cali'íng~ e nilíin~n dseata~ dsea` féng', jò nijngáng`na'r fí' quini~ la lana."

Mi~ ca'í~ Jesús fí' jee~ fi~ Jerusalén

(Mt. 21:1-11; Mr. 11:1-11; Jn. 12 :12-19)

²⁸ Jò mi~ cangî e ca'e' Jesús jaléng' i dsea` do e júu^ na, joba' ca'íb~tur fí' iuuiñ` e ngóor' fí' Jerusalén. ²⁹ Jò mi~ nijaquíéng' e niguiéer' fí' quiá'~ còò' fi~ e siì Betania cóò'~ còò'gui fi~ e siì Betfagé, fi~ e née' tíi~ mó' e siì Olivos quiá'~ fi~ Jerusalén, jò fí' job casíiñ` gáng~ i dsea` guitúung` quiá'r~ do ³⁰ jò cajíñ'~ casí'~reiñ':

—Güilíng~du' e fi~ e née' quiá'~gui na, jò mi~ niguilíng~na' fí' jò, jò nimáang~na' jaang` bú'^ i sing' 'ñúung~ i ja` iì' mí' caguá' jii'~ jaang`. Jò síng'~na're' jò ñijéng`na're' fí' la. ³¹ Jò song iì' jmíngí'~ 'nú' jiali' síng'~na're', joba' nifí'^na'r: "E Fí'baa' 'neáng~tear i bú'^ la lana."

³² Jò mi~ cangoyúung'~ e canúu~ i dsea` gáng~ do lado, jò cangolíim~bre jóng. Jò mi~ caguilíiñ` e fi~ do, job caliti' jii'~ laco' cajíng'~ Jesús lami~ jéeng'gui do. ³³ Jò lajee' e taaiñ` e si'r' lí' 'ñúú' quiá'~ i bú'^ do,

dob caguilíng⁻ dsea` fií̃ ì jój` do, jò casí`r⁻ ì dsea` gáng⁻ do jò cajíñ⁻:

—¿Jialí` sǎng⁻na' bú[^] quí⁻naa'?

³⁴ Jòba' cañí⁻ ì dsea` gáng⁻ do quíá⁻ ì dsea` fií̃ bú[^] do jò casí⁻reiñ⁻:

—Cò' lana 'neáng⁻tea Fí⁻naa' ì bú[^] la, jòba' sǎng⁻na're'.

³⁵ Jò catób⁻ ì dsea` gáng⁻ do ì jój` do, jò casí`r⁻ tú⁻ 'ní sǎ`r[^] fí` mocóoiñ⁻ do. Jò mi⁻ caguilíñ⁻ fí` lí` táang` Jesús, mifíng` caguiéem`bre dsea` do. ³⁶ Jò laco' iuung⁻ Jesús fí` e ngóor` fí` Jerusalén, lajaléng⁻ dsea` ì ngolíng⁻ cóo`r⁻ do canaaiñ` ni`r` jalé⁻ sǎ`r[^] guiá[^] fí` fí` lí` níngíng⁻ dsea` do. ³⁷ Jò mi⁻ canaang` jgáang` lajaléng⁻ ì dsea` do fí` dse⁻ mó⁻ Olivos, canaaiñ` tí`áiñ⁻ Fidiéé` e íaang` dsíir` jogui`jmiféiñ⁻ dsea` do quíá⁻ jalé⁻ e quí⁻ jmi⁻ e nicajméé` dsea` do e dsigá`dsíí` dsea`. ³⁸ Jò jalém⁻ ì dsea` do canaaiñ` fé`r` jò cajíñ⁻:

—¿Majmiféng⁻naa' ì dseata` dsea` féng⁻ ì güeang[^] ì jáa` cuaiñ` quíá⁻ Fidiéé`! ¿Jò lana juguiá`jiu` quíá⁻ dsea` fí` ñíff⁻, jò güi`jmi`goo`baa' Fidiéé` dsea` guíng⁻ fí` jò!

³⁹ Jò mi⁻ canúu⁻ jaléng⁻ dsea` Israel ì líng⁻ dsea` fariseo ì ngolíng⁻ do e fé⁻ jaléng⁻ ì dsea` do lado, jòba' casí`r⁻ Jesús lala jò cajíñ⁻:

—Tífa', jíng⁻ jaléng⁻ dsea` quí⁻ laco' jò güi`jmiféng⁻lí`r` 'nu`.

⁴⁰ Dsu` Jesús cañíir` quíá⁻ ì dsea` Israel ì líng⁻ dsea` fariseo do jò casí⁻reiñ⁻ jò cajíñ⁻:

—Lí[^] jíí⁻ laba' lí⁻, cò' fíng` song` jò` jmiféng⁻ jaléng⁻ ì dsea` la jnea⁻, jòba' jalé⁻ cuub⁻ níróo⁻ jóng` jò nífé⁻ e jmiféng⁻ jnea⁻.

41 Jo malih̄~guijiu lajo, mi~ caguiliñ~ quiá~ Jerusalén fí lí~ nijnéeng~ e fī jo, jo canaang~ Jesús qui~bre uii~ quiá~ jaléng~ dsea` i neáang' fí jo 42 jo cajíñ~:

—iFa'jiu e já~ líng` 'nú', dsea` neáang'na' fí na, jalé' júu^ quié~e, joba' latí lanab jóng niliseeng'na' juguiá~ júu^ røø` cóo~ Fidiéé! Jo dsu' lana ja` quí~ jmih̄~ ningáng'na' jalé' júu^ quié~e, có' ja` iing~na' núu^na'. 43 Jo dsu' niguiéeb' jmih̄~ mi~ nidsing'ng~na' iihuá' mi~ tí lí~ nirí~ jaléng' dsea` i 'ní' níng~ 'nú' lacúng' lajíng' e fī la, jo nijmér~ má'~ cóo~ 'nú', 44 jo nijngáíñ~ jaléng' 'nú'. Jo lí~ jo, niquí'r` jalé' 'nú'na' catí tī~ fī, jo jíi~ cóo` cuu~ jo` nisér~ fa' e sífing~gui e quié'gui eáang' 'nú'na', dsuco' ja` calicuíng'na' jnea~ e lán'n Dsea` Jmáang~ mi~ cataan~n jee~ 'nú' fí jmi güi` la.

Mi~ ca'uóøng` Jesús jaléng' dsea` i jmóo` ta~ 'nú' fí dsí' guá'

(Mt. 21:12-17; Mr. 11:15-19; Jn. 2 :13-22)

45 Jo mi~ cangí jo, mi~ caguié~ Jesús fí Jerusalén, dsifí ladob ca'ír~ fí dsí' sinúu^ guá~ quiá~ dsea` góor` dsea` Israel. Jo mi~ cangáíñ~ jaléng' dsea` i teáang~ ta~ jmóo` 'móo~ cóo~ jalé' e 'nú', jo dsifí ladob ca'óøng`neiñ! 46 jo cajíñ~ casí~reiñ:

—Lalab fé' fí ni~ jì quiá~ Fidiéé: “E fí dsí' sinúu^ guá~ quié~e la líng^ ta~ e jmiféng' dsea` jneab~”; jo dsu' 'nú' nicajmee~na' lí~ cúng' seáng' jaléng' ñi cóo~ jalé' e jmoo`na' lana.

47 Jo mi~ cangí jo, lacoo` jmiib~ dsée' Jesús e dsí'ée'r~ jaléng' dsea` jalé' júu^ quiá~ Fidiéé~ e fí guá~ do. Jo lajee~ jo jaléng' fii~ jmidsea` cóo~ gui jaléng' tifa' quiá~ júu^ quiu' ta~ quiá~ dsea` Israel

cóo'~gui jaléng' dseata~ i seeng' fí Jerusalén jmóor' quiíj'~ quiá'- jial nijngáin'~ dsea` do, ⁴⁸ jo dsu' ja líng'~ niguié'r' jial nijmér'~ lajo, co' jalém' i dsea` teáng'~ núu` do tib' dsír' e núur` jalé' júu^ e e' dsea` do.

20

*I~ quiu' ta~ quiá'- Jesús e jmóor` jalé' e jmóor`
(Mt. 21:23-27; Mr. 11:27-33)*

¹ Jo cōo` jmii~ mi~ cangî e jo, lajee` e táang` Jesús fí guá'- e er' jogui guiar' júu^ quiá'- Fidiée` jee` jaléng' dsea` quiá'- jial nileáng` dsea` jee` jalé' dsee` quiá'r~, jo lajee` job caguilíng` jaléng' fii` jmidsea` cóo'~gui jaléng' tifa' quiá'- júu^ quiu' ta~ quiá'- dsea` góor` dsea` Israel cóo'~gui jaléng' yáuu` dsea` cōong'~ quiá'- e guá'- do, ² jo casí'r` Jesús lala jo cajíin'~:

—Jmee` júu^ i~ quiu' ta~ quií'- e jmoo` jalé' e jmoo` na. Jo ¿i~ cacuø'` 'nu' e ta~ na?

³ Joba' cañíi` Jesús quiá'- jaléng' i dsea` do jo casí'-reiñ':

—Sea`bi cōo` e 'né` nijmingíi'~ jnea~ 'nú' cajo. Ñii`na' quié` e lana. ⁴ ¿i~ i caquiú' ta~ quiá'- i Juan e caseáaiñ' dsea` jmii? ¿Su Fidiée` ofa' dsea` jmigülb` é?

⁵ Jo mi~ canúu` jaléng' i dsea` do e cajíng'~ Jesús lado, jo lajee` yaam`bre canaaíñ' sáin' jo sí' rúin':

—¿Jial nisíi'~naa'r, faa`aa'? Song casíi'~naa'r e Fidiéeb` casíing` dsea` do, joba' nijíin'~ nisí'r` jneaa`aa' jóng: “¿Jialí' ja` já'- calíng`-na' jalé' júu^ quiá'r~?” ⁶ Jo song nisíi'~naa'r e dsea` jmigülb` caquiú' ta~ quiá'- i Juan do, joba' jaléng' i dsea` la fø' nijngám'~bre jneaa`aa' jóng cóo'~ jmang'~ cuu~,

co' ñi'bre guiá⁻ e cajá⁻ i Juan do e fé'r` cuaiñ~ quiá'⁻ Fidié⁵.

⁷ Jo júi~ jaang` i dsea` do ja` cateá⁻ dsír' fa' ee cañír` quiá'⁻ Jesús cuaiñ~ quiá'⁻ i Juan do, jo lí⁻ casí'r⁻ dsea` do e ja` ñi'bre. ⁸ Joba' cañíi' Jesús quiá'⁻ i dsea` do jo casí'⁻ reiñ':

—O'gui jnea~ nijmée'~ 'nú' júu^ cajo i~ i quiu' ta~ quié⁻ e e jmóo`o jalé'⁻ e jmóo`o la lana.

Júu^ quiá'⁻ dsea` 'léeng'~ i soo` dsí'
(Mt. 21:33-44; Mr. 12:1-11)

⁹ Jo dsifí' mi~ cangí' jo, jo canaang` Jesús e e'r jaléng' i dsea` do coo` júu^ já'⁻ e lafa' júu^ cuento, jo casí'⁻ reiñ' do lala jo cajíñ'⁻:

—Coo` née'~ nicaliséng` jaang` dseañu' jo nicajnír` jmang' huiñg` jò'⁻ latøong⁻ fí' ni~ uó⁻ quiá'r⁻. Jo mi~ cató' e caguiar' guiá⁻ lajalé'⁻ e do, jo catáñ'⁻ dsea` 'léeng'~ i cane'⁻ ni~ latøong⁻ e uó⁻ do i nijmé⁻ ta~ jmá'⁻ jiu. Jo mi~ calí' jo, jo cagüi'⁻ bre jo cangór⁻ fí' lí' huií⁻. ¹⁰ Jo mi~ catí' í'⁻ e caroo` e mí'⁻ huiñg` jò'⁻ do, jo caguiéiñ' jaang` dsea` quiá'r⁻ e tí' lí' táaiñ` do i cangomí~ lajii'~ guiéé⁻ quiá'r⁻ e catíiñ⁻ quiá'⁻ e ta~ jmá'⁻ jiu e jmóo` i dsea` do fí' ni~ guóo'⁻ uó⁻ quiá'r⁻. Jo dsu' mi~ caguiéng'⁻ i dsea` quiá'r⁻ do e lí' taang~ i dsea` jmóo` ta~ e uó⁻ do, caquié'⁻ biñ' do quiá'r⁻ e lafa' e nicuó'⁻ reiñ' do lajii'~ guiéé⁻ quiá'⁻ i dsea` fii~ uó⁻ do, jo caguiém'⁻ breiñ' do calé'⁻ catú⁻ fí' lí' cajar⁻, jo ja' ee` cacuø'⁻ reiñ' do júi~ coo`. ¹¹ Jo mi~ caliñí' i dsea` fii~ uó⁻ do e calí' lado, dsifí' ladob caguiéiñ' jaang' gui dsea` quiá'r⁻ i cangomí~ guiéé⁻ quiá'r⁻ quiá'⁻ lajii'~ ta~ jmóo` uó⁻ quiá'r⁻. Jo dsu' mi~ caguiéng'⁻ i dsea` quiá'r⁻ do fí' lí' taang~ i dsea` jmóo` ta~ do, cacóøm'⁻ bre cajo lí' laco'gui

cangongíng̃ i dseá la'uiĩ do, jo jíĩ coõ ja` ee cacuø'reiñ̃ do cajo. ¹² Jo mĩ caliñĩ tũ i dseá fiĩ do e calĩ lado, jo caguiém̃ bre jaang̃ gui dseá quiá'r̃. Jo dsũ gab̃ cajméẽ i dseá jmóõ tã do cóõ i dseá do cajo, cõ caquiém̃ breiñ̃ jogui cacuing̃ neiñ̃, jo ja` ee cacuø'reiñ̃ do jíĩ coõ cajo, jo ca'øøm̃ breiñ̃ do.

¹³ 'Jo mĩ cangí jo, jo ca'í dsí i dseá fiĩ uó̃ do: “¿Ẽ nijmeẽ e náng? Jo seem̃ camíng̃ joõ i 'neáañ eáang̃, jo íb̃ niguiéeñ n lana, jo jangám̃ íguĩb̃ i nijmĩgór̃.” ¹⁴ Jo dsũ mĩ caguiéng̃ i siming̃ do lí taang̃ i dseá jmóõ tã do, jo dsifí ladob canaiñ̃ do síiñ̃ lajeẽ yaaiñ̃: “Jíĩ i nabing̃ i seeng̃ i nilíng̃ fiĩ e uó̃ la mĩ nijúung̃ tiquiá'r̃. Joba' majngáang̃ naa'r lana, ná la cagüeiñ̃ fí la, jo jnea' dseá nilí-iĩ fiĩ latøøng̃ e uó̃ la.” ¹⁵ Jo mĩ cangoyúung̃ e casíng̃ i dseá do røø̃ lado, jo caguíim̃ bre i siming̃ do jeẽ e uó̃ e lí sijneã e huíĩ huiing̃ jó' do jo fí job cajngang̃ neiñ̃.

Jo mĩ cató' e jmóõ Jesús e júu^ na, jo cajmingi'r̃ lajaléng̃ i dseá i teáang̃ do jo casí-reiñ̃ lala jo cajíñ̃:

—¿Ẽ líng̃-na' e nijmé̃ i dseá fiĩ e uó̃ do mĩ niliñir̃ e nicajngam̃ jaléng̃ i dseá 'léeng̃ do jóor̃? ¹⁶ Cõ nidsém̃ bre, jo mĩ niguieñ̃ nijngám̃ bre lajaléng̃ i dseá 'léeng̃ do, jo i jiém̃ nitáiñ̃ i nijmé̃ tã e uó̃ quiá'r̃ do.

Jo mĩ canúũ jaléng̃ i dseá i teáang̃ do e cajíng̃ Jesús lado, lajalém̃ bre cañir̃ jo cajíñ̃:

—Ja` güili'iing̃ dsí Fidiéẽ e nilí lajo.

17 Jo mi~ canúu~ Jesús e cajíng'~ jaléng'~ i dsea` do lado, jo lí^ cajøøm~ breiñ' do, jo lí~ jo casí'-reiñ' do lala jo cajíñ'~:

—¿E~ e líng~na' e guøng' e tóo` fí' ni~ ji` quiá'- Fidié~ lí' fé' lala?:

E cuu~ e ja` calijíi'~ i dsea` i jmo' 'núu',

lana nilíí' cõo` cuu~ e niing~gui quiá'- tí~ fií'.

18 Jo doñí' ií' i catitaang~ e fí' ni~ e cuu~ do, joba' cuib'^ nilíiñ~ jóng. Jogui fíng song e cuu~ do cató' jo cajíng~ jaang` dsea`, joba' congúia' túub'~ nilíiñ~ jóng.

Mi~ cajmingí'- dsea` Jesús cuaiñ~ quiá'- e catíng~ dseata~

(Mt. 21:45-46, 22:15-22; Mr. 12:13-17)

19 Jo mi~ canúu~ jaléng'~ fií' jmidsea` cõo'~ jaléng'~ tífa' quiá'- júu^ quiá' ta~ quiá'- dsea` Israel e cajíng'~ Jesús lado, joba' lajmináb~ lamí~ iíñ~ nisaiñ' dsea` do, cõ' calilí'r^ e uii~ quiá'-bre café' dsea` do. Jo dsu' jii'~ cõo` ja` ee` cateá~ dsíir' fa' ee` cajmeáiñ' dsea` do, cõ' 'gøm'bre jaléng'~ dsea` fií' i tí' dsíí' núu' jalé' júu^ quiá'- Jesús.

20 Jo mi~ cangí' jo, jaléng'~ i tífa' do cõo'~gui jaléng'~ jmidsea` casíiñ~ lajee' la'ó' yaaiñ~ e casíiñ` cõo` tú~ míng'~ dsea` i nijmé~ lafa' dsea` guiá~ dsíí' cõo'~ Jesús, jo cajméer` lajo quiá'- e nijméiñ'~ do quiji' jial nífé' dsea` do júu^ guíí~, cõ' í' dsíir' e fa' lajo nilí'r e nitising'~ dsea` do fí' quini' dseata~.

21 Joba' mi~ caguilíiñ'~ do fí' lí~ táang` Jesús, jo cajmingí'r' dsea` do lala jo cajíñ'~:

—Tífa', nineb~ jnea'^ røø` e jmang'~ júu^ jáb'~ jalé' e e' 'nu', jogui ja` jøø~ 'nu` cajo jial líng' dsea` lí^ caluu~, joguí'nu' e' jnea'^ jial dseáng'~ lacõ' iing~

Fidiéé e see⁻naa'. 22 J_oba' cajajmíngí^hnaa' 'nu: ¿Su 'né[^] níquí[^]naa' cuu⁻ e catíng⁻ dseata[~] dsea[^] féng' i guíng[~] fí Roma osi ja 'né[^] quí[^]naa' é?

23 J_o dsu^h dsifí ladob calilí[^] Jesús e iing[~] i dsea[^] do nijmígøøng[^]neiñ', j_oba' cajíñ⁻ casí⁻reiñ':

24 —Ée⁻na' jnea[~] cøø[^] cuu⁻. J_oba' ne[~]duu' jial líí', j_o ¿i[~] dsea[^] i táang[^] fí ni[~] la jøgui jial siir'?

J_oba' cañíⁱ i dsea[^] do casí⁻r⁻ Jesús j_o cajíñ⁻:

—Dseata[~] dsea[^] féng' i guíng[~] fí Romab táang[^] fí na.

25 J_oba' cañíⁱ tu Jesús j_o casí⁻r⁻ i dsea[^] do:

—Lajíí[~] e catíng⁻ dseata[~] dsea[^] féng', cuøø⁻na' dseata[~] dsea[^] féng'; jøgui lajíí[~] e catíng⁻ Fidiéé[^], cuøø⁻na' Fidiéé[^] cajo.

26 J_o dsíng⁻ cangogá[^] dsíⁱ i dsea[^] i téng[^] Jesús do mi[~] cañíⁱ dsea[^] do lado fí quini[~] jaléng[^] i dsea[^] i teáng⁻ do, cø[^] lí[^] lí cango[^]gø[^]guí dsíⁱbre lajíí[~] e cañíⁱ dsea[^] do, j_o tiib⁻ cajer[^] lajiiñ[^] do.

Mi[~] cajmíngí^h dsea[^] jial líí mi[~] nijí⁻tu dsea[^] calé[^] catú⁻

(Mt. 22:23-33; Mr. 12:18-27)

27 J_o mi[~] cangí j_o, caguilíng⁻ cøø[^] tú⁻ máng[^] dsea[^] Israel i líng[^] dsea[^] saduceo fí lí táang[^] Jesús. J_o jaléng[^] i dsea[^] saduceo do ja[^] já⁻ líiñ[^] e nijí⁻tu jaléng[^] líí. J_oba' cangojmíngí^hr⁻ dsea[^] do j_o cajíñ⁻:

28 —Tifa', Moi[~] cajme⁻r⁻ fí ni[~] jì quiá⁻r⁻ e song cajúng⁻ jaang[^] dseañu[^] j_o ja[^] jøor[^] caliséng[^] cøø[^] dseamí quiá⁻r⁻, j_oba' 'né⁻ nicúng[^] guó[^] i dseamí 'ní⁻ do cøø[^] rúng[^] dsea[^] ngáang[^] cøø[^] i líí do. J_o i yuu[^] la'uii[~] i niliseeng[^] quiá⁻r⁻ cøø[^] i dseañu[^] do, 'né⁻ nijmér⁻ e lafa[^] jøob[^] i dseañu[^] quiá⁻r⁻ lamí⁻

uii~ do, co' lanab fé' fí' ni~ ji` quiá'- Moi~. ²⁹ Joba' síi'~na' 'na' e júu^ la: Coo` ya' caliséng` guiáng- dseañu' la'ó' rúíñ', jo i dsea` nifí' do cacúm' guóor', jo ja' e huóø- cateáaiñ` fí' jmiçüi^ la co' cajúm-bre, jo jíi'~ jaang` jóor' ja' ii` caliséng`. ³⁰ Jo mi~ cangî e cajúng- i dseañu' do, jo cacúm' guoo` i dseamî 'nîi- do cóo'~ rúng' i 'lii~ dseañu' quiá'r- i catî gáng- do. Jo dsu' lajob cangongíiñ- cajo, co' cajúm-bre, jo jíi'~ jaang` jóor' ja' ii` caliséng`. ³¹ Jo mi~ cangî jo, cacúm'tu guoo` i dseamî do cóo'~ i rúng' i 'lii~ dseañu' quiá'r- i catî gaang` do, jo ja' huóø- cangó- jo cajúm-bre cajo, jo jíi'~ jaang` jóor' ja' ii` caliséng`. Jo lajob cangongíiñ- lajaléiñ' do. Jo coob` mi~ cató' júuiñ- laji` guiáíñ- do, jo jíi'~ jaang` jóor' ja' ii` caliséng`. ³² Jo dsu' jo` huóø- ngó- mi~ cangî jo, jo cajúm- i dseamî do cajo. ³³ Joba' jmingíi'~naa' 'na' lana jial líi' mi~ nití' fíi' coo'. ¿I` dseáng'- dseamî quiá'- nilíng- i dseamî do lajee` laji` guiáng- i dseañu' do? Co' laji` guiám-bre cacúng'- guór` cóo'~ i dseamî do fí' jmiçüi^ la.

³⁴ Joba' cañíi` Jesús quiá'- i dsea` saduceo do jo cajíñ'- casí'- reiñ':

—Cum' guoo` jaléng' dseañu' dseamî fí' jmiçüi^ la. ³⁵ Jo dsu' jaléng' dsea` i niñíng` e nijí'tur calé' catú- jee~ jaléng' 'lii~ fí' jmiçüi^ coo` jo` nicúng'- gui guoor` fí' jo, ³⁶ jogui ja' quí'- jmi~ fa' e nijúung- guir, co' lajob líng' jaléng' ángeles quiá'- Fidiée' fí' ñífi-, ja' cúng' guóor` o'gui júuiñ-; jogui jóo' Fidiée' nilíng- jaléng' i dsea` do uíi~ e nicají'tur calé' catú-. ³⁷ Jo jiguí Moi~ cajme'r' fí' ni~ ji` quiá'- Fidiée' e nijí'b'tu 'lii~, co' ie~ lami~ cangár- e gui coo` 'matóo' e gui~ ji, jo jee~ e ji` do café' Fíi'~naa' jo

cajméer` júu` e íbre líiñ` Fidiéé` quiá`- Abraham cóo`~gui Isáa` jogui Jacóo`. ³⁸ Ds_{HC}O' Fidiéé` líiñ` Fidiéé` quiá`- jaléng` dsea` jí`, jò ja` líiñ` Fidiéé` quiá`- jaléng` 'líi~, có' jmang` dsea` jí`bing` i seeng` cøøng` cóo`~ Fidiéé`.

³⁹ Jò mi~ canúu` i líng` tifa'` quiá`- júu` quiu` ta` quiá`- dsea` Israel do e cajíng`- Jesús lado, jòba` dsifí` ladob cañíir` quiá`- Jesús jò casí`r` dsea` do lala jò cajíñ`-:

—Eáam` guiú` laco'` caféé`~ na, Tifa'`.

⁴⁰ Jò mi~ cangí` jò, jíi`~ jaaiñ` do jò` ee` cateá`~gui dsíir` fa' ee` cajmingí`~guir` Jesús.

¿I` dsea` siju` líng` Dsea` Jmáang`?

(Mt. 22:41-46; Mr. 12:35-37)

⁴¹ Jò mi~ cangí` jò, jò cajmingí`~ Jesús jaléng` i dsea` do jò cajíñ`- casí`-reíñ`:

—¿Jiali'` fé` dsea` e siju` dseata`~ Davíb` líng` Dsea` Jmáang`? ⁴² Có' lalab cajíng`- dseata` Daví`^ fí` ní` jì` quiá`- Fidiéé`:

Lalab cajíng`- Fidiéé` casí`r` Fíi`:

“Ní` lí`- lí` dséé` laco'` guin`~n

⁴³ cartí` mi~ nijmee`~ e jaléng` dsea` i` ní` níng`- 'nua` nisí`r` uó`- jnir` fí` quiní`^ e laco'` nijmi`gór`- 'nua`.”

⁴⁴ Jòba` jmingíi`- jnea` e song` ñia`'bi` dseata`~ Daví`^ sí`r` Dsea` Jmáang`- Fíi`, jòba` ¿jial` cuøøng` e Dsea` Jmáang`- líiñ` dsea` siju` dseata`~ Daví`^ jóng`?

Jalé` e ga` e jmóo` jaléng` tifa'` quiá`- júu` quiu` ta` quiá`- dsea` Israel

(Mt. 23:1-36; Mr. 12:38-40; Lc. 11:37-54)

⁴⁵ Jò lajee` jò, fíim` dsea` teáaiñ`~ e núur` jalé` júu` quiá`- Jesús, jò cajíng`- dsea` do casí`r`- jaléng` dsea` i` ngí` cóo`r` do lala:

46 —Ñiing~ óo'na' cóo'~ jaléng' tifa' quiá'- júu^ quiu' ta~ quiá'- dsea` góo'naa' dsea` Israel, có' jaléng' î tí' dsír' e ngír' quiér' jalé' sí'^ dsea` 'goo', jogui dsíng'- iin~ e nijmiféng' dsea` ír' mi~ jié' jín' dsea` lacaang` fí' jee~ 'núú', jo mir' 'masii~ e niing~gui mi~ dsilíin~ fí' sínúú^ guá'-, jogui mi~ tí' jmí~ e ngíin~ e gø'r', mir' lali~ lí' jlo'^gui e nigüear~, jo lajoba' e jlo'^gui jnéiin~ fí' quini~ jaléng' dsea` rúin'. 47 Jogui uø'r' jalé' e sea` quiá'- jaléng' dseamî ì 'nî-, jogui jmicaaiñ~ e fé'r' fa' e cuee` eáang' fí' quini~ dsea`. Jo có' dseáng'- lajob líin~, joba' í'bing' ì eáang'gui ni'íng' iihuí' mi~ nití- í' lajo.

21

Mi~ cacuø' jaang` dseamî ì 'nî- cuu- quiá'r- fí' guá'-

(Mr. 12:41-44)

¹ Jo mi~ cangî jo, lajee` táang` Jesús fí' sínúú^ guá'-, jo cangár- e dsitea' dsea` sea` cuu- jmiguiú cuu- quiá'r- fí' dsí' guóó' quiá'- guá'- . ² Jo dsu' lajee` job mi~ cangáin~ jaang` dseamî ì 'nî- ì tíñíng- eáang' ì catá'- dsí' e guóó' do tú- cuu- e jiáang` eáang' e quíng' cóo` ñinée-. ³ Jo mi~ cangá- Jesús e calí- lado, jo casí'r- jaléng' ì dsea` ì teáang- do jo cajín'-:

—Dseáng'- e já'- e fí-i 'nú' e ì dseamî 'nî- nabíng' ì nicacuø' jmiguiúgui cuu- lajee` lajaléng' ì dsea` sea` cuu- ì níngíng' na. ⁴ Có' jaléng' ì dsea` sea` cuu- na nicacuø' jalé' e niseáng- quiá'- bre, jo dsu' ì dseamî 'nî- na nicacuø' jalé' e sea` quiá'r- jo cóo'~ e naba' sí'í' nilár- capí'^ e ni'í' nidø'r-.

Mi~ cajíng'⁻ Jesús e ni'tim⁻ guá'⁻ fé'⁻ e si'⁻ fí'⁻ Jerusalén

(Mt. 24:1-2; Mr. 13:1-2)

⁵ Jo mi~ cangî jo, fîm'⁻ dsea` i la'ó'⁻ ngí'⁻ cóo'⁻ Jesús teáaiñ⁻ sîiñ⁻ cuaiñ⁻ quiá'⁻ e guá'⁻ fé'⁻ e si'⁻ fí'⁻ Jerusalén jogui dsigá` dsír'⁻ e dsíng'⁻ jlo'⁻ e guá'⁻ do, co'⁻ dsíng'⁻ niguo'⁻ jalé'⁻ cuu~ cóo'⁻ e si'ieeng` e guá'⁻ do, jogui sîm`bir cajõ quiá'⁻ jalé'⁻ e jlo'⁻ e nicacuø` dsea` quiá'⁻ e silí'⁻ e guá'⁻ do. Jo mi~ canúu⁻ Jesús e síng` jaléng'⁻ i dsea` do lado, joba'⁻ cajíñ'⁻ casí'⁻ reiñ'⁻:

⁶ —Niguiéeb'⁻ jmî~ mi~ niquí'⁻ jalé'⁻ e móo⁻ 'nú'⁻ e tee⁻ na, jo jîi~ coo` cuu~ jo` nijé⁻ fa' e sífíng`gui rúng'⁻ lí'⁻ lacõ'⁻ jlo'⁻ jnéng⁻ e na lana.

Jial nilí'⁻ mi~ nijaquíéeng'⁻ e tí'⁻ lí'⁻ ni'íng⁻ jmigüí'

(Mt. 24:3-28; Mr. 13:3-23)

⁷ Jo mi~ canúu⁻ jaléng'⁻ i dsea` do e cajíng'⁻ Jesús lado, jo cajmingi'r'⁻ dsea` do jo cajíñ'⁻:

—Tifa', ¿lí'⁻ nilí'⁻ jalé'⁻ e fó'⁻ na? ¿jial nilili~ mi~ nijaquíéeng'⁻ e nidsijéé'⁻ jalé'⁻ e jo?

⁸ Joba'⁻ cañí'⁻ Jesús quiá'⁻ i dsea` do jo cajíñ'⁻ casí'⁻ reiñ'⁻:

—Dsíng'⁻ 'né'⁻ ñiing~ óo'⁻ 'nú'⁻ jo ja` güiligøng`na', co'⁻ fîm'⁻ dsea` nijalíng⁻ jo nijíñ'⁻: “Jneab~ Dsea` Jmáang⁻”, jogui nijíng'⁻ guir: “Lanab nicaguié⁻ oor~ e ni'íng⁻ jmigüí'.” Jo dsu'⁻ ja` jmijíng`na'r jîi~ coo`, jo jie~ mí'⁻ ligøng`na'. ⁹ Jogui mi~ ninúu`na' e nijáa'⁻ mí'⁻ jo ninéé'⁻ ta` tíng', ja` fóøng'⁻ na' jîi~ coo`, co'⁻ jalé'⁻ e jo 'né⁻ nilitib~ lajee⁻ ná'⁻ gui e ni'íng⁻ jmigüí'.

¹⁰ Jogui cajíng'⁻ gui Jesús casí'⁻ r⁻ jaléng'⁻ i dsea` do:

—Jaléngⁿ dsea` i neáang' coo` fii` nitíñ` cóo^o` coo`gui fii, jogui coo` 'lé' dsea` nitíñ` cóo^o` coo`gui 'lé' dsea` cajo. ¹¹ Jogui eáang' teá` nijó^o` uó^o` fí' la fí' na, jogui nijáá' oo^o, jogui nilisea` jmiguiá' íing^l` jmohuí' la'úng^o` fí' jmigüí, jogui jmiguiá' íim^l` jaléⁿ e nijnéng' fí' yá^o` jmigüí, jo dsíng^l` niféng^l` jaléng^l` dsea` mi` ninír' jaléⁿ e jo.

¹² 'Jo dsu^l` ná^l`-gui e nidsijée' jaléⁿ e nifá^l`-a na, fíing' dsea` nili'ní^l` níñ^o` 'nú^l', dsea` cúing^o'na' jnea^o, jo dsíng^l` ga` nijmeáíñ^o` 'nú^l` uí^l` jnea^o. Jo nidsijéeíñ^o` 'nú^l` fí' sinúú^o` guá^l` e laco^l` ni'níñ^o` 'nú^l` fí' quini` jaléng^l` dsea, jogui nitáíñ^o` 'nú^l` fí' dsí^l` 'núñí^l', jo lí^o` jo nidsijéeíñ^o` 'nú^l` fí' quini` jaléng^l` dseata^o` dsea` cóøng^l` uí^l` e líng^o'na' dsea` quié^o-e. ¹³ Jo mi` nidsingúng^o`-na' jaléⁿ e na, job mi` nilí^l'na' nifóng^l'na' jaléng^l` i dsea` do jial ca'uúing^o`-na' dsea` quié^o-e. ¹⁴ Jo ja` jmee^o`-na' fí'í^l` fa' e ja` ñí^l'na' jial ningüí^o`-na' quiá^l` jaléng^l` i dsea` do mi` nijmingí^l'r^o` 'nú^l` quiá^l`- jaléⁿ dsee^o` e niñíing^o'na'. ¹⁵ Co^l` jneab^o` nijmee^o` e e niliñí^l'na' jial ningüí^o`-na' quiá^l'r^o, jogui nijmee^o` e e tíng^o'na' eáang', jo jú^l' jaang^o` i dsea` i 'ní^l` níng^o` 'nú^l` do ja` níquí^l'r^o` jmü^o` fa' e niñír^o` quí^l'na'. ¹⁶ Jo dsíng^l' niliseeng^o` i 'ní^l` níng^o` 'nú^l', co^l` jì^l'gui jaléng^l` tiquí^l'na' jogui níquí^l'na' jogui jaléng^l` rúng^l'na' jogui jaléng^l` i cúing^o` 'nú^l` nijmér^o` lajo cóo^o` 'nú^l` jo jì^l'gui cartí' nijngáíñ^o` i líng^o` 'nú^l'. ¹⁷ Jo lajalém^o` dsea` jmigüí nili'ní^l` níñ^o` 'nú^l` uí^l` e líng^o'na' dsea` quié^o-e. ¹⁸ Jo dsu^l` jú^l' camí^l' jñuguí^l'na' ja` nidsi'íing'. ¹⁹ Jo jie^o` mi' litúng^o` áa^l'na' e fí' niteáang^o`-na' cóo^o` jnea^o, co^l` lajoba' e cuóøng^o` e nitíng^o'na' fí' quini` Fidiée^o` mi' nití^l` í^l' lajo.

²⁰ 'Jo mi' nimó^l'na' e nijalíng^o` jaléng^l` 'lée^o` e

nirír⁻ latøøng⁻ fii⁻ Jerusalén, joba' güiliñí⁻na' jóng e jo⁻ huøø⁻ róò⁻ e fii⁻ jo, co' tí⁻ lí⁻ ni'ím⁻. ²¹ Jo co' lajob nilí, joba' dsifí lajob 'né⁻ uøng⁻ jaléng⁻ dsea⁻ i neáang⁻ jee⁻ fii⁻ Jerusalén e nicuír⁻ fí⁻ jee⁻ mó⁻ ná⁻gui e nirí⁻ jaléng⁻ 'léé⁻ lacúng⁻ lajिंग⁻ e fii⁻ jo. Jo jaléng⁻ dsea⁻ i taang⁻ jmóo⁻ ta⁻ fí⁻ caluu⁻ fii⁻ jo⁻ güi'í⁻ dsír⁻ fa' e niqing⁻ guir⁻ fí⁻ jee⁻ fii⁻, co' lí⁻ güicuú⁻bre cajo. Jogui jaléng⁻ dsea⁻ i neáang⁻ latøøng⁻ lí⁻ se⁻ Judea 'né⁻ nicuú⁻bre cajo e laco⁻ cuøøng⁻ nijmi'øng⁻ yaaiñ⁻. ²² Co' ie⁻ job mi⁻ ni'ing⁻ dsea⁻ iihuí⁻, jo lajoguib e niliti⁻ jí⁻ laco⁻ fé⁻ fí⁻ ni⁻ jí⁻ quiá⁻ Fidiée⁻. ²³ Jo dsu⁻ dsíng⁻ fii⁻ jaléng⁻ dseamí⁻ i ngí⁻ quiéng⁻ yuu⁻ osi i ngí⁻ jéng⁻ yuu⁻ cu⁻ tú⁻ ie⁻ jo! Co' dsíng⁻ nicá⁻ dsea⁻ iihuí⁻ la'úng⁻ fí⁻ jmigüí⁻, jo dsu⁻ eáang⁻ guib nicá⁻ i dsea⁻ i seeng⁻ fí⁻ Jerusalén la iihuí⁻ lajee⁻ lajaléng⁻ dsea⁻ jmigüí⁻. ²⁴ Jo fím⁻ dsea⁻ nijúuiñ⁻ fí⁻ jee⁻ mii⁻, jogui fím⁻ dsea⁻ niteiñ⁻ jo nidsiliñ⁻ 'nuñí⁻ fí⁻ fii⁻ lí⁻ jíé⁻; jo jaléng⁻ dsea⁻ i jalíng⁻ fí⁻ lí⁻ huí⁻ i ja⁻ cúing⁻ Fidiée⁻ nijaso'øøm⁻bre fii⁻ Jerusalén cartí⁻ mi⁻ nidsíng⁻ e í⁻ e nisi'í⁻ quiá⁻.

Jial mi⁻ nijáa'tu Dsea⁻ Jmáang⁻

(Mt. 24:29-35, 42-44; Mr. 13:24-37)

²⁵ Jo dsíng⁻ nilisíng⁻ jial jnéeng⁻ iee⁻ cóo⁻gui sí⁻ cóo⁻gui jaléng⁻ náu⁻. Jogui dsíng⁻ nidsigá⁻ dsíí⁻ dsea⁻ jogui niféiñ⁻ cajo uí⁻ e ga⁻ niróo⁻ jmiñí⁻ jogui ga⁻ nitá⁻ mii⁻. ²⁶ Jo dsíng⁻ niféng⁻ dsea⁻ jo fím⁻ dsea⁻ ni'íng⁻ dsír⁻ cóo⁻ jalé⁻ e fø⁻ do mi⁻ ni'í⁻ dsír⁻ jalé⁻ e nilí⁻ ie⁻ jo, co' jí⁻gui jalé⁻ e sea⁻ fí⁻ yá⁻ jmigüí⁻ nijø⁻ lafa⁻ mi⁻ jø⁻ uø⁻. ²⁷ Jo joguiba⁻ mi⁻ nimáang⁻na' jnea⁻, dsea⁻ lín⁻n jaang⁻ dsea⁻ jmigüí⁻ i jaa⁻ fí⁻ ñifí⁻, e nigáa'a niquíñ⁻n jee⁻ cabøø⁻ jníí⁻ cóo⁻ e niing⁻ jí⁻ e 'gøng⁻ quiá⁻ Fidiée⁻. ²⁸ Jo mi⁻

nináng` e nidsijée' jalé` e nıcafá'-a na, joba' cuóø' bı́ yaang~na' jóng, jogui jóø-na' yejı́ fı́ yá'^ jmigüı́, co' nıjaquíém'ba' e nıleáng'na' congıua' jee~ jalé' dsee- quı́-na'.

29 Jo lí- jo cası́'- Jesús jaléng` ı́ dsea` do coo`gui júu^ jo cajı́nı́'- cası́'-reıń':

—Quié'na' cuente jial lí' jalé' 'ma` güıńı́'^ osı lí'^ dońı́ ee` 'ma` é. 30 Jo mı~ móo- 'nú' e nınaang` iée` jalé' má'^ e sı' quıá'-, 'nú' nıńı́'na' e jıı́ jmı́b' nıjaquíéeng' jóng. 31 Jo mı~ canaang` lıtı́~ jalé' e nıcafá'-a na, joba' güılıńı́'na' guıá- e nıjaquíém'ba' e nıcá' Fıdıée~ nıfı́ quıá'- lajaang` lajaang` dsea` jmigüı́.

32 'Jo e já- e fıı-ı́ 'nú' e jalé' e na 'né- nılıtıb~ nú'-gui e nıjúung- jaléng` dsea` ı́ seeng` jmıı~ na. 33 Jo nı'ım- la'úng- jmigüı́ la coo`gui la'úng- yá'^ jmigüı́, jo dsu' jalé' júu^ quıé-e ja` tóo` jmıı' fa' e ja` nılıtı~ lajalé' e jo.

34-35 'Jo co' lajob nılı́, joba' fıı-ı́ 'nú' e dsıng'- 'né- nııng~ óo'na' jo ja` cuó'^ fı́ yaang~na' jııı~ capı́'^ e nıróng'na' dsee- coo` jalé' e 'lı'^ e sea' fı́ jmigüı́. Jo ja` jmoo'na' ta~ ı́' mée' o'gui ngı́'na' e eáang'gui guııng~ óo'na' jial nılıseeng'na' fı́ jmigüı́ la, jo lajoba' ja` nıdsıngı́ng-na' la dsıngı́ng- jaang' nóo' ı́ guıée' lı́ róo` coo` leá'. Co' jaléb' e jo nılı́ mı~ nıguıée' e jmıı~ jo jee~ jaléng` dsea` ı́ seeng` fı́ la'úng- fı́ jmigüı́. 36 Joba' lıúun'~n 'nú' e dseáng'- la guım'ba' 'né- e neáang'na' e neé' guıá- quı́-na' contøøng-, jo contøøng- 'né- mıı'~na' jmı'lee~ Fıdıée~ uıı' quı́'na' e laco' ja' güıtıng'na' jalé' e nılı́ ie~ jo jogui e laco' cuóøng` nıgüıquíéeng'na' fı́ quıııı-, jnea~ dsea` lıń'n jaang` dsea` jmigüı́ ı́ jáa' fı́ nıfı́-.

Jō jalé' e júu^ na ca'e' Jesús ca'e'r' jaléng' i dsea` do ie~ jmi~ jō.

³⁷ Jō mi~ cangî jō, lacoq` jmi~ dsil'ée' Jesús jaléng' dsea` jalé' júu^ quiá'- Fidiée' fí' guá'- fé' e si' fí' Jerusalén. Jō lacoq` 'lloo- dséer' dsijer~ fí' coq` yú'^ cuq` e sii` Olivos e fí' 'ni' fii' Jerusalén do. ³⁸ Jō lajalém' dsea` dsilíiñ- e fí' guá'- do laca'ee' e dsinúur- jalé' júu^ e guia' Jesús.

22

Mi~ casîng- jaléng' dsea` jial e nisáiñ' Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

¹ Jō ie~ jō nijaquiéeng' coq` jmi~ e sii` Pascua quiá'- jaléng' dsea` Israel, jō ie~ jmi~ jō gø'r' iní'^ e ja` quie'^ quiéeng'. ² Jō lajee' jō canaang` jaléng' fii~ jmidsea` cóq`~gui jaléng' tifa' quiá'- júu^ quiu' ta~ quiá'- dsea` Israel e síiñ` jial niguiér' e nijngáiñ'- Jesús, jō dsu' ja` teá' dsír' e nijmér- jalé' e 'li' e í' dsír' do, co' dsíng'- 'góiñ' jaléng' dsea` i seáng' fí' Jerusalén lajee' e jmi~ jō.

³ Jō lajee' jō ca'í- fi~ i 'ling'^ i sii` Satanás fí' dsí' Judas Iscariote, jaang` lajee' dsea` guitúung` quiá'- Jesús. ⁴ Jō dsifí' lajob` cangór- cangosiiñ` cóq`~ jaléng' fii~ jmidsea` cóq`~gui jaléng' dseata~ quiá'- guá'- quiá'- dsea` Israel quiá'- jial nilí'r` nisáiñ' Jesús e laco' nijáiñ' dsea` do fí' quini~ i dsea` í. ⁵ Jō dsíng'- cali'iaang` dsí' jaléng' i dsea` do mi~ canúur- e júu^ jō, jogui cacuør' júu^ quiá'r- e nicuør'- Judas Iscariote cuu- e 'léeiñ' do e quiá'- e nijáiñ' Jesús. ⁶ Jō ca'íb- dsír' quiá'- rúiñ' e nijmér-

lajo, jo mifung` canaang` Judas e 'nó'r' jial e nijáin' Jesús fí' jaguó` jaléng' i dsea` do.

Mi~ cagó' Jesús í' canuu` cóo'~ dsea` guitúung` quiá'r-

(Mt. 26:17-29; Mr. 14:12-25; Jn. 13 :21-30; 1 Co. 11 :23-26)

⁷ Jo mi~ cangf jo, 'ñia' ie~ jmii~ e gø' jaléng' dsea` Israel iní'^ e ja` quiéeng` quie'^, jogui ie~ job cajo 'né' e nijngáin' jaang` jo'se' jiuung` lacoó` sinuu` quiá'r- e nijmér- e jmii~ Pascua do, ⁸ jo 'ñia' ie~ jmii~ jo caquiú' Jesús ta~ quiá'- Tú` Simón cóo'~ gui Juan jo cajin' casí'- reiñ':

—Güilíng` na' jo güigua~ na' guiá- li~ nijmó`naa' jmii~ Pascua, jo fí' job niquiee~naa' colíing` canuu` na.

⁹ Joba' cajmingí'- i dsea` gáng- do Jesús jo casí'r- dsea` do:

—¿Jie~ fí' li~ iing` 'nu` e nidsiguiá`naa' guiá- jalé' e jo?

¹⁰ Joba' cañí' Jesús quiá'- i dsea` do jo casí'- reiñ':

—Mi~ nigütáang'~na' jee~ fii` Jerusalén, job nimáang`na' jaang` dseañu` i ngang' quié` cóo` dsuu- e a~ jmii, jo nigüilím`ba' laco' ngaiñ', jo e 'núu' li~ ni'ír' do, job nigütáang'~na' cajo. ¹¹ Jo nifí'na' i dsea` fii~ e 'núu' do: “Lalab jíng'- tifa' quí-ii': ¿Jie~ sinuu` li~ nijmee~ e jmii~ Pascua cóo'~ jaléng' dsea` guitúung` quie`e?” ¹² Jo ni'é'r- 'nú' cóo'`núu' yá'^ li~ nisilíng` guiá-, jo fí' job niguiá`na' guiá- quiá'- e niquiee~naa' do.

¹³ Jo cangolíng` i dsea` gáng- do mi~ cangoyúung' e cajíng'- Jesús lajo, jo cadsém'bre i dsea` do, jo calitib~ laco' cajíng'- Jesús jéeng`gui do. Jo fí' job caguiar' guiá- e nidó'r- ie~ canuu` jo.

14 Jo mi~ nijaquíéeng' oor~ e nidó'r-, jo cangolím- Jesús cóo' i dsea` guitúung` do fí lí~ ninée' guiá- e nidó'r-. Jo mi~ caguiliñ- jo caguábre mes~ lajaléiñ' do, 15 jo canaang` Jesús s'f'reiñ' do lala:

—iDsíng'- cali'iin~n e nijmee~ e e jmí~ Pascua la cóo' 'ná' ná'-gui e nijúun~n! 16 Co' jo' nijmee~ e e jmí~ jo cóo' 'ná' cartí' mi~ nití- í' e nijí'tu rú'naa' fí ñiff- quié-e.

17 Jo lí- jo catíiñ- cóo` cóo^ e a~ jmí'^ mí'^ huíng` jó'^ jo cacuø'r' gui'máang' Fidiée', jo lí- jo casí'r- jaléng' i dsea` quiá'r- do jo cajíñ'-:

—Jó'-o e cóo^ la, jo jmee~na' jmá'-jiu e a~ dsí' lajee~ lajaléng'na' na. 18 Dsucó' jo' nidúu~u e jmí'^ mí'^ huíng` jó'^ la cartí' nijí'tu rú'naa' fí ñiff- quié-e.

19 Jo mi~ cangí' jo, jo casá'r- cóo` iñí'^ jo cacuø'r' gui'máang' Fidiée'. Jo mi~ cangoyúung' jo, jo cajméer` jmá'-jiu e iñí'^ do lajee~ lajaléng' i dsea` guitúung` do. Jo lí- jo casí'-reiñ' jo cajíñ'-:

—Quié'na' e iñí'^ la, co' e la lí' e ngúu' tán~n la, dsea` nijúun~n uii~ quiá'- jaléng' dsea` jmígüî. Jo jalé' e la 'né- nijmee~na' e lacó' niguiéng' ó'na' jnea~.

20 Jo mi~ cangoyúung' e cagø'r' e iñí'^ do, jo catíng-tur e cóo^ e lí~ a~ jmí'^ mí'^ huíng` jó'^ do jo cajíñ'-:

—E a~ dsí' e cóo^ la lí' cóo` júu^ 'mí- e jmíró' Fidiée' cóo' dsea` jmígüî. Jo e júu^ jo niliti~ mi~ nitá' jmí'øøn- uí' dsee- quiá'- jaléng' dsea` jmígüî. 21 Jo dsu' lana, lab guíng~ i dsea` i ni'níng- jnea~ fí quini' jaléng' dsea` i 'ní' ní- quié-e.

22 Dsucó' lana jnea~, dsea` lín'n jaang` dsea` jmígüî

ἰ jáá fí ñiff̄, 'né̄ nidsinḡn̄ n lí^ laco' la fé' fí nĩ
jì quiá'- Fidiéē. j̄o dsu' e ngĩ f̄h̄ ἰ dsea' ἰ ni'nínḡ-
jnea~ fí quini~ jaléng' ἰ dsea' í!

23 J̄o mi~ canúu~ ἰ dsea' guitúung` do e cajíng'-
Jesús lado, j̄o canaaiñ` jmingi' rúíñ`:

—¿I~ jaang` jneaa~aa', faa~aa', dsea' née'ee' la ἰ
ni'nínḡ~naa' Fí'naa' Jesús?

I~ ἰ niinḡ-gui

24 J̄o mi~ cangoyúung' e cagó'r, j̄o canaang` ἰ
dsea' guitúung` do jmiquíum'- dsíir' quiá'- uíi~ e
síiñ' quiá'- ἰ ἰ niinḡ-gui lajee~ la'ó' ír.

25 J̄oba' cañí' Jesús quiáíñ'- do j̄o casí'- reiñ':

—Jaléng' dseata~ ἰ quiu' ta~ quiá'- jaléng' dsea'
ἰ ja' cúing` Fidiée~ jmóor' laguidseaang^ e miti~
dsea' jalé' ta~ e quiu'r'. J̄o jalém' ἰ dsea' do 'né̄
fé'r' e eáam' guiú- jogui e eáam' jlo'^ laco' ta~ quiu'
dseata~ quiá'r'. 26 J̄o dsu' 'nú', dsea' líng'na' dsea'
quíe-e, ja' cuøøng` fa' e líng'na' laj̄o. Co' iì 'nú'
ἰ iing~ ἰ niliniinḡ-gui, 'né̄ nijmee~na' laco' jmóo'
jaang` dsea' ἰ ja' niinḡ-; jogui iì 'nú' iing~ ἰ niquiá'-
ta~, 'né̄ nijmee~na' laj̄i' ta~ e iing~ dsea' rúm'ba'.

27 Co' e já'- e í dsí' dsea' e eáanḡgui niinḡ ἰ dsea'
ἰ guíing~ gø' laco'gui ἰ dsea' ἰ caguié' e jmiñi~ do.
Dsu' jnea~ sín'n la jee~ 'nú' lí^ laco' jaang` dsea' ἰ
jmóo' laj̄i' e iing~ dsea' rúng'.

28 J̄o co' nicangí'ba' cóo'~ jnea~ contøøng- la-
jee~ nicangonḡn̄ n jalé' iihuí' fí jmigü' la, 29 j̄o
uíi~ e laj̄o nicajmee~na', j̄oba' nicuøø'ø' 'nú'
e niquiá'^na' ta~ colíng~ cóo'~ jnea~ fí ñiff̄ lí^
laco'gui la nicangíng` jnea~ quiá'- Tiquié' e Fidiée~
dsea' guíing~ ñiff̄ e niquiá'^u ta~ cajo. 30 J̄o colíim~
ni'né'^ niquíee~naa' cóo'~ jnea~ fí j̄o, jogui røøb`

niquidsi'naa' í' cajo quiá'- laji` guitu' 'lé' dsea` Israel.

Mi~ cajmée` Jesús júu^ e nijíng'- Tú^ Simón e ja` cuiñ` dsea` do

(Mt. 26:31-35; Mr. 14:27-31; Jn. 13 :36-38)

³¹ Jo mi~ calí- jo, cajíng'-gui Jesús casí'r- Tú^ Simón:

—Simón, Simón, lana nicamíng` Satanás 'nú' e niguia` ji'r' 'nú' lafa' mi~ ji' dsea` qui' cui'iee`. ³² Jo dsu' jnea~ nicamí~i Tiquié^ e dsea` guing~ ñifi~ uii~ quií'- e laco' ja` güilín'^ e nilitúng- a' júu^ quié- e. Jo 'nu, mi~ nifo'^tu' calé' catú- e lin' dsea` quié- e, joba' jmicóo' y jóng jaléng' dsea` rún' e laco' teá' gui nisíñ'- cóo'~ júu^ quié- e.

³³ Joba' cañí' Tú^ Simón jo casí'r- Jesús jo cajíñ'-:

—Fí'i, teáb` dsi` jnea~ e ninii'i cóo'~ 'nu' fi' 'nuñí^ fíng song casáng' dsea` 'nu, jogui colim~ nijúu- naa' fíng cali'né- lajo.

³⁴ Joba' cañí` Jesús quiá'- Tú^ Simón jo casí'-reiñ':

—Tú^ Simón, e laba' fí~i 'nu, e dsa'ó` góo' na, nú'-gui e niquí'- tuidséé^, 'nu' nifo'^ 'ni' née'~ e ja` cuiñ' jnea~.

Mi~ nijaquíeng' oor~ e nidsingüng- Jesús jalé' iihuá'

³⁵ Jo lí- jo, cajmíngí'- Jesús jaléng' i dsea` quiá'r- do jo cajíñ'- casí'-reiñ':

—Mi~ casín- n 'nú' e ja` quié^na' nosúu' quií- na' o'gui cuu-, jogui jíí'~ lomí~na' e ó'ba', joba' jíí'~ coo' ja` ee` cali'né- gui, ¿já^ leáa'~?

Joba' cañí' i dsea` do jo casí'r- Jesús:

—Dseáng'- lajob lí', Fí'i'i'.

36 J_oba' cajíng' tu Jesús casí'r- jaléng' i dsea` do:

—J_o dsu' lana fíi' i 'nú', jaléng' 'nú' i sea` nosúu' quiá' cóo' gui lí téé' cuu- quí-na', j_oba' quie`na' jalé' e j_o; jogui i' 'nú' i ja` sea` ñisú' quiá', j_oba' 'ñi~na' coo' 'mi'guiéé- quí-na' j_o leáa'na' coo' e ñí' j_o. 37 D_{suc}o' lana tí niliti~ jalé' e fé' fí' ni~ jì' quiá'- Fidiéé' lí fé' lala uii~ quie`e: “J_o jee~ jaléng' dsea` i soo` dsí' cali'íiñ~”. D_{suc}o' lajalé' e fé' fí' ni~ jì' quiá'- Fidiéé' uii~ quie`e, dseáng'- 'né' nilitib~ e j_o.

38 J_oba' cañíi' i dsea` do quiá'- Jesús j_o cajíñ'-:

—Fíi', lab sea` tú- ñisú'.

J_oba' cañíi' tu Jesús j_o cajíñ'-:

—Nitéb' jii' lana.

*Mi~ casíng- Jesús cóo' Fidiéé' fí' mó' Olivos
(Mt. 26:36-46; Mr. 14:32-42)*

39 J_o mi~ cangí e cajíng' Jesús e júu^ j_o, dsifí' ladob cagüi'íir' j_o cangó-tur fí' mó' Olivos lí' laco'gui jii' e quí' tiiñ` e jmóor`. J_o cangolím- jaléng' i dsea` quiá'r- do cajo tí'leáaiñ' laco' cangó- dsea` do. 40 J_o mi~ caguilíiñ` e fí' mó' j_o, j_ob cajíng' Jesús casí'r- i dsea` quiá'r- do:

—Féeng'na' Fidiéé', j_o laj_oba' ja` dseáng' e ni-jiúng'na' fí' ni~ dsee`.

41 J_o lí j_o, dob catiúung-tear i dsea` quiá'r- do, j_o 'ñia'bre cangór- tí' doguijiu lí' laco' í' e tí' coo` cuu~ e bí dsea` cóo' guóor`. J_o casí'r- uó- jnir~ j_o canaaíñ' féiñ' Fidiéé' j_o cajíñ'-:

42 —Teaa~, song iin' j_oba' cuóom' lí' laan' jnea~ jee~ jalé' iihuí' e tí' lí' nidsingín-n; j_o dsu' ja` güilí' laco' iing~ jnea~, co' güilitib~ jial dseáng'- jii' iing~ 'nù' e niliti`.

43 Jo mi~ cajíng'~ Jesús lajo, jo dsifí' lajob cajnéng~ jaang` ángel i casíng` Fidiée~, jo cacuø'r` dsea` do bí e quiá'~ e nité'r` cóo'~ jalé' iihuú' e tí lí~ nids-ingúíiñ~. 44 Jo lajee~ jo eáang'gui canaang` Jesús jmiféiñ' Tiquiá'r^, jo canaang` sojiúíñ' jmiguiee' e lí' la lí' jmi'øøiñ~ cartí' ni~ uó^.

45 Jo mi~ calí~ e féiñ' Tiquiá'r^, jo cangám'~ tur fí lí~ caseáaiñ` i dsea` quiá'r~ do, jo cadséng'neiñ' do e güim'biñ' do lajaléiñ', co' dsíng'~ nicalijiuung~ dsíir'. 46 Joba' cató'~ Jesús i dsea` do jo casí'~ reiñ' lala jo cajíñ'~:

—¿Jialí' güiing` 'ná'? Jminá~ ráang~na' jo féeng'~na' Fidiée~ dsea` guuing~ ñiff~ uii~ quí'na' yaang~na', jo lajoba' ja` dseáang'~ e nijiúng'na' fí ni~ dsee~.

Mi~ casang'~ dsea` Jesús

(Mt. 26:47-56; Mr. 14:43-50; Jn. 18 :2-11)

47 Jo laco' gui'nang'~ e fé'bi Jesús e júu^ na, mi~ canaang` guilíng~ fíing` dsea`. Jo jaang` lajee~ lajaléng' i dsea` guitúung` do i sii` Judas Iscariote, í'bing' i quie' nifí' quiá'~ i dsea` do. Jo cangoquíeéiñ' fí lí~ sing' Jesús jo cachu'r` ni~ dsea` do. 48 Jo dsu' lalab cañí' Jesús quiáiñ'~ do:

—Judas, ¿su cóo'~ e chu'^ ni~baa e nijáan'~ jnea~ fí jaguó' jaléng' i ní' níng~ jnea~, dsea` i jáa' fí ñiff~ i líng' jaang` dsea` jmigüí'?

49 Jo mi~ cangá~ dsea` guitúung` quiá'~ Jesús e calí~ lado, jo cajmingi'r` Jesús jo cajíñ'~:

—Fí'naa', ¿su nitíi~naa' cóo'~ ñisu'?

50 Jo jaang` i dsea` guitúung` do caguir' ní^ quiá'r~, jo caqui'r` logua~ dsée' quiá'~ jaang` dsea` i jmóo`

ta~ quiá'- i jmidsea` i laniing- do. ⁵¹ Jo dsifi' lajob cajing'- Jesús casí'r- i dsea` quiá'r- do:

—Jo` e cang'na'r jii'~ coo` ; nilíb` jii'~ lana.

Jo dsifi' lajob cagüi' Jesús e lí~ 'ná' quiá'- i dsea` sicu'ng' do, jo ladsifi' lanab ca'lóo- loguaiñ'~ do. ⁵² Jo lí- jo, casí'- Jesús jaléng' fii~ jmidsea` cóo'~ jaléng' i néé' ni~ guá'- cóo'~ gui jaléng' dsea` cóong'~ quiá'- guá'- quiá'- dsea` góor` dsea` Israel, co' la-jalém' i dsea` í caguiliñ- e nitøor` Jesús, jo cajín'- casí'r- i dsea` do:

—Lana cagüilíng- 'nú' e quié'na' jalé' ñisü' cóo'~ gui jalé' 'ma' e nijmang'^na' jnea~ lafa' jaang` ñ. ⁵³ Jo lacoo` jmii~ lacoo` jmii~ ca'ée- e 'nú' júu` quiá'- Fidiéé' fí' guá'- quí'naa', jo dsü' ja' cateá- óóna' fa' e caséng'na' jnea~ lajee` jo; jo dsü' lanaguí cagüéá- oor~ e güijé^ 'nú', co' Fidiéeb` dsea` nicacuør' fí' lajo e i 'lim'~ niquiá'r- ta~ e uøø lana.

Mi~ cajíng'- Tú^ Simón e ja' cuiñ` Jesús

(Mt. 26:57-58, 69-75; Mr. 14:53-54, 66-72; Jn. 18 :12-18, 25-27)

⁵⁴ Jo dsifi' lajob casaiñ'- Jesús, jo catør- dsea` do fí' quiá'- i jmidsea` laniing- quiá'- dsea` Israel. Jo huíim- ngang' Tú^ Simón e ti'leáaiñ' laco' ngolíng` i dsea` do e téer` Jesús. ⁵⁵ Jo mi~ caguiliñ` fí' jo, jo canaang` i dsea` i casó'- quiá'- Jesús do e jir' jì fí' guiá'^ jóo` siguí, jo caguár` lacúng' lajíng` e jì do mi~ cacóo-. Jo dob caguá' Tú^ Simón cajo jee~ jaléng' i dsea` do. ⁵⁶ Jo mi~ cangá- jaang` dseamí i jmóo' ta~ quiá'- i jmidsea` do e dob guing~ Tú^ Simón jee~ jaléng' i dsea` i neáang` do, jo canaiñ` jmicuíng` neiñ' jo casí'- reiñ':

—Jaa~, cangib' i dseañu' la cóo'~ Jesús cajo.

57 Jo mi~ canúu- Tú^ Simón lado, jo dsifí laj**o** cajíñ'- casí'r- i dseamî do:

—Ja` cúing`jneaiñ' do, dseamî.

58 Jo mi'míng-gu*i*ia laj**o**, jiéng'gui calicuí' quiá'r- jo cajíñ'-:

—Dsea` quiá'- Jesús líng'gui 'nu` cajo.

Jo mi~ canúu-tu Tú^ Simón lado, jo dsifí ladob cañí'tur jo cajíñ'-:

—Ja` jee~ i do quíng'~ jnea~, dseañu'.

59 Jo mi~ cangî coo` oor~ laj**o**, jiéng'gui jaang` dsea` cajíñ'-:

—E já'-ba' líng' i dseañu' la dsea` quiá'- Jesús, co' i seeng` fí Galileab la cajo.

60 Joba' cañí'tu Tú^ Simón jo casí'r- i dsea` do jo cajíñ'-:

—Ja` ñii- ee` e fó' na, dseañu'.

Jo ja` mí cató'bi e fé' i Tú^ Simón do laj**o** mi~ tí lí caqui' jaang` tuidsée^. 61 Jo j**o**b mi~ caji' Jesús nir~ jo cajóøiñ- Tú^ Simón tí lí siñ', jo dsifí laj**o** cadseng'- dsí' i Tú^ Simón do e cajíng'- Jesús lami~ neáaiñ' gø'r do: “Dsa'ó` góo` na, ná'-gui e niquí' tuidsée^, 'nu` nifo'^ 'ní` née' e ja` cuín' jnea~.”

62 Jo mi~ cadseng'- dsí' i Tú^ Simón do e cajíng'- Jesús laj**o**, jo dsíng'- calijiuung~ dsíir', jo dsifí laj**o** cagü'íir' jo dsíng'- canaañ` qui'r' jóng.

Mi~ cajmeáng' dsea` Jesús

(Mt. 26:67-68; Mr. 14:65)

63 Jo mi~ cangî jo, jaléng' i dsea` i jée' quiá'- Jesús canaañ` lóøiñ- dsea` do jogui bøøng-neiñ',

64 jo cajníir' jmini~ dsea` do jo cabár` moniñ'~ jo cajmingi'reiñ' lala jo cajíñ'-:

—¿I' i cabøøng- 'nu'? jmee- júu^, ne`ee'!

65 Jo jmgui^ubi jalé' e fé'r e jmineaiñ' dsea` do lajee` jo.

Mi~ cangojéiñ` Jesús fí lí~ siseáng' jaléng' dsea` cóøng' quiá'~ guá'~

(Mt. 26:59-66; Mr. 14:55-64; Jn. 18 :19-24)

66 Jo mi~ cajneá~ e jmii~ jo, jo caseáng' jaléng' dsea` cóøng'~ quiá'~ dsea` Israel cóo'~ jaléng' fii~ jmidsea` cóo'~gui jaléng' tifa' quiá'r~, jo cató'r~ Jesús fí lí~ nisiseáiñ' do, jo cajmingi'r' dsea` do lala jo cajíñ'~:

67 —Jmee~ júu^, ne`ee', ¿su 'nub` Dsea` Jmáang~?

Joba' cañíi` Jesús quiá'~ jaléng' i dsea` do jo cajíñ'~:

—Song nijmee~ jnea~ júu^ røø', ja` já'~ nilíng` 'nú' júu^ quié~ e jóng. 68 Jogui song ee` nijmingi'~i 'nú', ja` e ñí'na' ningi'~na' quié~ e cajo. 69 Jo dsu' latí' lana jnea~, dsea` cagá~ a fí' ñifí~ e lín'n jaang` dsea` jmgüí, niní'i lí' lí' dsée' laco' guing~ Fidiéé` dsea` guing~ ñiff~, dsea` i 'gøng' eáang' la'úng~ fí' jmgüí.

70 Jo mi~ canúu~ jaléng' i dsea` do e cajíng'~ Jesús lado, jo lajalém"bre cajmingi'r' dsea` do jo cajíñ'~:

—Jo ¿su 'nub` Jóo' Fidiéé` dsea` guing~ ñiff~ liya?

Joba' cañíi'tu Jesús quiá'~ jaléng' i dsea` do jo cajíñ'~:

—Dseáng'~ lajob lí' lí' laco' la nicaféé'~na' na.

71 Jo mi~ canúu~ jaléng' i dsea` do e cajíng'~ Jesús lajo, jo casíiñ~ lajee` lajaléiñ' do jo cajíñ'~:

—¿E`gui ta~ e 'neáng~guí' jaléng' dsea` i tí' ni~? Co' yee~baa' nicanú`uu' náng jial laco' lí' júu` quiá'r~.

23

Mi~ cagüéng'- Jesús fí' quini` dseata~ dsea` féng' i sii` Pilato

(Mt. 27:1-2, 11-14; Mr. 15:1-5; Jn. 18 :28-38)

¹ Jo mi~ cangi` jo, lajalém' i dsea` do cangojéiñ` Jesús fí' quini` jaang` dseata~ dsea` féng' i sii` Pilato.

² Jo mi~ caguiliñ'- do fí' do, jo canaañ` jmóor` dsee` quiá'- dsea` do jo cajíñ'-:

—I dseañu` la ngir' lacaang` jee` 'núu' ta` jmiguíng` jaléng` dsea` i seeng` fí' lí` quiá' 'nu` ta`. Jo guí ngir' fé'r' e ja` 'né` niquí`naa' cuu` quiá' i dseata~ dsea` féng' i guing` fí' Roma, jo guí fé'bir cajo e íbre líiñ` Dsea` Jmaang` i nisíng` Fidié` i nicá` nifí' quiá' jaléng` dsea` góo`naa' dsea` Israel.

³ Jo mi~ canúu` i dseata~ Pilato do lado, jo cajmingi'r' Jesús jo cajíñ'-:

—¿Su 'nub` dsea` i quie' nifí' quiá' dsea` Israel?

Joba' cañí` Jesús jo cajíñ'-:

—Dseáng'- lajob lí' lí' laco' la nicafé'` 'nu` na.

⁴ Jo mi~ canúu` Pilato e cajíng'- Jesús lajo, jo casí'r` jaléng` i fii` jmidsea` do cóo`gui jaléng` i dsea` i teáng` do jo cajíñ'-:

—Ja` niguié'` jnea` jíi` coo` dsee` e sea` quiá' i dseañu` la.

⁵ Jo mi~ canúu` jaléng` i dsea` do lado, jo eáang`gui canaañ` jmóor` dsee` quiá' Jesús jo cajíñ'-:

—I dseañu` na eáang` ngir' ta` jmiguíng` dsea` cóo` jalé' e er'. Jo canaañ` jmóor` lajo catí' lí' se' Galilea cartí' cagüéiñ` fí' la, fí' lí' se' Judea, e jmóor` lajo.

Mi~ cangojéiñ` Jesús fí` quini` jaang` dseata~ i sii` Herodes

⁶ Jo mi~ canúu~ Pilato e café` dseá` lajo, jo cajmingíir` su fí` lí` se` Galileab seeng` Jesús. ⁷ Jo mi~ cajíng` dseá` e fí` job seeiñ`, joba` casiñ` dseá` do cóo` jaang` dseata~ i sii` Herodes i líng` dseata~ dseá` féng` quiá` Galilea, co' ie~ jo dob nitáang` i dseata~ do fí` Jerusalén. ⁸ Jo mi~ cangá~ Herodes e cangáiñ` Jesús, dsíng` cali'iaang` dsíir, co' lib~ nicajá~ e iñ~ e niníiñ` dseá` do, co' fím` dseá` dsicóor` júu^ quiá` jalé` e guiá~ e nicajmée` dseá` do, jogui güijer` fa' ee` nijmé~ dseá` do e lí~. ⁹ Jo jmiguiab` jalé` e cajmingi'r` dseá` do, dsu' jii~ camí^ júu^ ja` ee` cañi` Jesús quiáiñ` do. ¹⁰ Jo lajee` jo, dob teáang` jaléng` fi~ jmidsea` quiá` dseá` Israel cóo` jaléng` tifa' quiá'r~, jo dseáng` eáam` teáaiñ` do jmóor` dsee~ quiá` Jesús. ¹¹ Jo mi~ cangá~ Herodes e ja` ee` ngí` Jesús, joba` cajmicóo` rúíñ` cóo` jaléng` 'léé~ quiá'r~ e canaaíñ` lóoiñ` dseá` do, jo caquiñ` dseá` do caneáang` si^ dseata~ dseá` féng`. Jo lí~ jo, i dseata~ do caguiéng` tur Jesús fí` lí` guing~ dseata~ Pilato calé` catú~. ¹² Jo ie~ jmí~ jo røøb` casíng` tu dseata~ Herodes cóo` dseata~ Pilato, co' lamí~ jéeng` gui` núb` nicangáng~ rúíñ`.

Mi~ cahui` ta~ e nijúung` Jesús

(Mt. 27:15-26; Mr. 15:6-15; Jn. 18 :39-19 :16)

¹³ Jo mi~ caguiéng` tu Jesús fí` lí` guing~ dseata~ Pilato, jo caquiñ` do ta~ e caseáng` jaléng` fi~ jmidsea` cóo` gui jaléng` dseata~ jogui cóo` jaléng` dseá` fi~. ¹⁴ Jo mi~ caseáng` jaléng` i dseá` í, jo lalab cajíñ` casí` reiñ`:

—'Nú' cañijéeng`na' i dseañu' la fí' la e jmoo`na' dsee` quiá'r` e ngir' jmiguiñ` jaléng' dsea` fií; jo jnea` nicajmingú'r` jalé' e júu^ jo fí' quini^ 'nú' lajaléng`na' na, jo dsu' jíí' coo` dsee` ja` mí' cadsé'e e røøiñ` lí' laco' jíí' e 'nñing`na're. ¹⁵ Jogui nicasím`bír fí' lí' guing` dseata` Herodes, dsu' o'gui i dseata` î líng` ee` dsee` cadsér' quiá' dsea` la, joba' fí' lab nicaguiéng`tureiñ'. Jo niñí'ba' e jíí' coo` ja` ee` mí' cajméer` fa' cuøøng` e ni-jngáang`naa'r, ¹⁶ jo dsu' nicuøø`baar iihuí', jo lí' jo nilaam`tur calé' catú`.

¹⁷ Jo lajee` e jmíi` jo tíng` dseata` Pilato e jmi'iaaiñ` dsí' jaléng' dsea` fií jo láaiñ` camñing` dsea` i iuung` fí' dsí' 'nuñí'. ¹⁸ Jo dsu' jaléng' i dsea` fií do canaaiñ` oor` teá' jo fé'r` e éeiñ` Jesús:

—¡Ja` laan' i dseañu' ná! ¡Leaang` Barrabás!

¹⁹ Jo i Barrabás do nica'ír` 'nuñí' dsu' uí' e 'ní' níiñ` jaléng' dseata` jogui e nicajngaiñ' dsea` cajo. ²⁰ Jo dsu' dseata` Pilato eáang`gui iñ` e nileáiñ` Jesús laco'gui i Barrabás do, joba' casí' tur dsea` fií calé' catú`. ²¹ Jo dsu' jéeng`gui i dsea` fií do canaaiñ` fé'r` coo' júu^ teá'gui jo cajíñ' e éeiñ` Jesús:

—¡Fí' dse' crúu^ teáaiñ' na! ¡Fí' dse' crúu^ teáaiñ' na!

²² Jo lí' jo, catí' 'ní' néé' cajíng`tu dseata` Pilato casí'r` jaléng' dsea` fií:

—Jo ¿e`gui dseáng' e ga` nicajméer'? Ja`gui ee` dsee` niguié' jnea` e røøiñ` fa' e cuøøng` e nijúuiñ`. Dsu' lí'fa' nicuøø`baar iihuí', jo lí' jo, nilaam`tur calé' catú`.

²³ Jo dsu' jaléng' dsea` fií coo'gui jaléng' fií jmidsea` eáang`gui canaaiñ` ta'r` mí' e mí'tur e

nitáng- Jesús fí dse^l crúu[^], jò lajòb cajméer[^] cartí calí^r lajii[~] e mir[^] do. ²⁴ Jò lajòb cajmée[^] dseata[~] Pilato lí[^] laco^l jii[~] e mí[^] i dsea[^] i teáng⁻ do, ²⁵ jò caleám[^] bre i Barrabás do, dsea[^] i ní^l níng⁻ jaléng^l dseata[~] jogui nicajngaiñ^l dsea[^], co^l uing[~] quiá^l- e joba^l e iuuiñ⁻ 'nuñí[^], jò cajám^l bre Jesús fí jaguó[^] jaléng^l dsea[^] i ní^l níng⁻ dsea[^] do; jò cajméer[^] lajò cóo[~] jaléng^l dsea[^] fií, co^l lajòb cali^l iñ[~] do.

Mi[~] catáng- Jesús fí dse^l crúu[^]

(Mt. 27:32-44; Mr. 15:21-32; Jn. 19:17-27)

²⁶ Jò mi[~] cangí[^] jò, jò cangojéem[^] bre Jesús fí lí[~] nitáin⁻ fí dse^l crúu[^]. Jò lajee[^] teáiñ^l do fí e ngolíñ⁻, cajín^l jaang[^] dseañ^u i laco^l nijang^l jee[~] ta[~] quiá^l- i sii[^] Simón i seeng[^] fí cóo[^] fií e sii[^] Cirene, jò caqui^u r ta[~] e cajéeng[^] i dseañ^u do crúu[^] quiá^l- Jesús laguidseaang[^]; jò cangór⁻ caluu[^] laco^l ngóo[^] dsea[^] do.

²⁷ Jò fiim[^] dsea[^] i ngolíng⁻ laco^l ngóo[^] Jesús, jogui dsíng^l- fíng[^] dseam[^] i ngolíng⁻ qui^l jò tí[^] óor[^] e lijiuung[~] dsír[^] uii[~] quiá^l- Jesús. ²⁸ Dsu^l Jesús cají^l nir[~] cajóñ⁻ jaléng^l i dseam[^] do jò cajín^l- casi^l- reiñ^l:

—Dseam[^] i seeng[^] fí Jerusalén, ja[^] qui^l na^l uí^l- jnea[~], dsu^l qui^l na^l uii[~] qui^l na^l yaang[~] na^l jogui uii[~] quiá^l- jóo^{na}!. ²⁹ Co^l niguiéeb[^] jmí[~] mi[~] nifé^l jaléng^l dsea[^]: “Juguiá⁻ jia[^] quiá^l- jaléng^l dseam[^] i ja[^] cuóong[^] nidsiquieeng[~] yuu[^], jò ja[^] ii[^] caliséng[^] quiá^l- r i cacuó^l- r tá^l.” ³⁰ Jò ie[~] jòb mi[~] nináng[^] jaléng^l dsea[^] e nimí^l- r jalé^l mó^l jò nijín^l:- “Lüng[~] güjia^l sñ^l lí[~] née^{naa}”; jogui nisí^l- r jalé^l mó^l:- “Meeng⁻ jnea^l lajminá⁻.” ³¹ Co^l song lanab cuó^{na} jnea[~] iihu^í,

dsea` ja` dsee- røøn-, joba' jial tí'gui nidsing`ng-
'ná', dsea` røøng`na' dsee-.

³² Jo jaléng` i dsea` i ngolíng- do jéeiñ` gáng-
i i nidsijngáaiñ` colíng` cóo`~ Jesús. ³³ Jo mi~
caguiliñ` cóo` cuo` li~ si` Cuo` Mogui~ 'Li~, jo fi'
job cateáaiñ` Jesús fi' dse` crúu^ cóo`~ laji` gáng- i
i do, jmá'- jáng` crúu^ lajaañ` do: jo jmá'- jáng`
i i do catáañ` lacataang` cáang` Jesús, jaang` lí'- lí'
dsée' jogui jaang` lí'- lí' tuung~. ³⁴ Jo lajee` gui'ná'
e táang` Jesús fi' dse` crúu^ cajíñ'-:

—Tea~, íng` dsee- uii~ quiá'- jaléng` i dsea` na,
co' e ja' lí'^biñ' na jalé' e jmóor`.

Jo mi~ calí- e cateáaiñ` dsea` do fi' dse` crúu^,
jaléng` i 'lé- do canaañ` cóor` quiá'- i~ nilí' lajee`
lajaléiñ` do i nicóo` sí'^ Jesús fi' quiá'r-. ³⁵ Jo
lajalém' dsea` teáañ` e jøør- jalé' e calí-, jo jaléng`
i dseata~ do canaañ` løøiñ` Jesús jo sí'r` dsea` do
lala jo fé'r`:

—Caleáam`bre jaléng` dsea` jiéng`, joba'
güileáang` 'ñia'r' náng, song dseáng'- já'- e íbre
líiñ` Dsea` Jmáang-, dsea` i casíng` Fidiée` fi' jmígüi`
la.

³⁶ Jo jaléng` i 'lé- do løøm- bre dsea` do cajo, jo
dsiquiéeiñ` quiá'- lí~ táang` dsea` do fi' dse` crúu^, jo
cuø'r` dsea` do jmí'^ mí'^ huñg` jø'^ e tí'. ³⁷ Jogui
sí'r` dsea` do lala jo fé'r`:

—Leaang- uø' náng song dseáng'- já'- e 'na` lin'
i dsea` i quie` nifí' quiá'- dsea` Israel.

³⁸ Jogui cóo` cóo` 'majmá` yú'^ gui~ crúu^ lí~ táaiñ`
lí~ silí` cóo`~ jalé' jmí' griego cóo`~gui jmí' latín
jogui cóo`~ jmí' hebreo, jo lalab guøng': “I lab i
dsea` i quie` nifí' quiá'- dsea` Israel.”

39 J_o jaang` i ii i taang` fi` dse` crúu` do gab` fé`r` uii` quiá`- Jesús cajo, j_o sí`r` dsea` do lala:

—Song dseáng`- já`- e `nu` lin` Dsea` Jmáang`-, j_oba` leaang`- uó` jóng j_ogui leaang`- jnea`^.

40 J_o dsu` i ii i jaang`gui do ca`gaam`bre quiá`- i ii rúii` do j_o cajíñ`- casí`-reiñ`:

—¿Su ja` jáa` qui`- fa` e `góng` Fidié` dsea` gui-ing` ñifi`-, `nu` dsea` tán` fi` dse` crúu` la cajo? 41 E liing` uii`ba` e taang`- jnea`^ la, c_o` laguib` qui`naa` quiá`- jalé` e nica`lee`naa`, dsu` i dseañu` la iii` c_oo` ja` ee` mí` ca`léer`.

42 J_oba` cajíñ`- casí`r`- Jesús:

—Jesús, güiguiéng` o` jnea`- mi`- ninaan`- niquiá`^ ta` la`úng`- fi` jmiguí`.

43 J_oba` cañí` Jesús quiá`- i dseañu` ` i j_o cajíñ`- casí`-reiñ`:

—E já`- e fi`-i `nu`, dseañu`, e náb`nidsi`ié`ee` c_oo`- jnea` fi` ñifi`- lí` guing`- Tiquié`e.

Mi` cajúng`- Jesús

(Mt. 27:45-56; Mr. 15:33-41; Jn. 19 :28-30)

44 J_o lajee` táang` Jesús fi` dse` crúu` mi` catí` guieñí`- j_oo`, j_ob mi` ca`l`- núu` fi` guóo`- uó`^ j_o, j_o cateá`- cartí` la ii`- `ní` e ca`l_oo`. 45 J_o cajláng`- iee`, j_o lajee` j_o casíng`- tú`- dseá`- j_oo` e `mi` e í` guiá`^ j_oo` guá`- e si` fi` Jerusalén. 46 J_ob mi` ca`oó` Jesús j_o cajíñ`-:

—Tea~, fi` jaguóo`ba` nisé`e jmiguí` quié`-e náng.

J_o dsifi` mi` cajíñ`- laj_o, j_o cajúm`-bre.

47 J_o mi` cangá`- fi` `lée`- quiá`- dsea` romano e calí`- lado, j_oguiba` cajmiféñ` Fidié` j_o cajíñ`-:

—Dseáng' ja'ba' e ja`dsee`nirøøng` i dseañu`na.

⁴⁸ Jo jaléng' i dseá i teáng` do cangá`bre jalé' e calí` do, jo mi`caquiñ' e ngolíñ, joba' canaañ`bár` fi`nidsiir', co' fi'ib`eáang' calíñ`. ⁴⁹ Dsu' jaléng' dseá i cangi`còo` Jesús còo`gui jaléng' dseam` i cajalíng` còo` dseá do catí` li` se' Galilea, huib`cajer`jøø` jalé' e calí` do ie` jo.

Mi`ca'áng` Jesús

(Mt. 27:57-61; Mr. 15:42-47; Jn. 19 :38-42)

⁵⁰ Jo ie` jo seeng` jaang` dseañu` i guiúng` eáang' i si` Sé` i caliséng` fi` còo` fi` li` si` Arimatea fi` li` se' Judea. Jo líiñ' do jaang` dseá` féng' i quiu` ta` quiá' dseá` Israel. ⁵¹ Jo i dseañu` do güije`bre e nicá` Fidié` nifi` quiá' lajaang` lajaang` dseá` jmigüi, jogui ja` caliji'r` cajo dsu' e cahuí' ta` e nijúung` Jesús lí` lacò'gui casíng` i dseata` caguaang` ruiñ' do. ⁵² Joba' mi` cajúng` Jesús, cangó` i Sé` do fi` quini` dseata` Pilato, jo camir' fi' e ni`áaiñ` Jesús, jo cacuø`bi i dseata` í` fi' e nijmé` Sé` lajo. ⁵³ Jo dsifi` lajob cangó`r` fi` li` táang` Jesús fi` dse` crúu`, jo cajgiáaiñ` dseá` do, jo caquiñ' còo` 'mi' té` e niguo`, jo cangojéiñ` dseá` do e ca'áiñ` fi` dsí' còo` too` jiáá', co' lajob qui` táng` jaléng' dseá` Israel e áaiñ` 'li` quiá'r`. Jo e fi' jo jíi` jaang` 'li` ja` mi` ca'áang` lamí` jéeng'gui. ⁵⁴ Jo ie` jmí` jo nilí` e guati'ló` jmí` e jmi'íng' jaléng' dseá` Israel.

⁵⁵ Jo jaléng' i dseam` i cajalíng` còo` Jesús catí` li` se' Galilea cangolíim`bre cajo, joba' cangá`bre jie` li` ca'áng` Jesús jogui jial caquie` dseá` do dsí' e too` do. ⁵⁶ Jo mi` calita` dsí' i dseam` do

jie~ li~ ca'áng- Jesús, j_oba' cangolíim`bre j_ong fi' li' neáaiñ' fi' Jerusalén, j_og cangoguiar~ guiá- jalé' j_mh̄ jmeafih̄ cóo'~gui jalé' noo~ jmeafih̄ e nidsisuiiñ~ dsea` do mi~ ningf̄ j_mh̄ e jmi'íng' jaléng' dsea` Israel, co' laj_og qui'~ t_íng` jaléng' dsea` ie~ j_og cóo'~ jaléng' 'lih̄ quiá'r-. J_og cajmi'ím' i dseamf̄ do mi~ catf̄ í' laj_og lí'^ lac_ogui ta~ quiu' fi' ni' jì quiá'- Fidiéẽ.

24

Mi~ cají'tu Jesús

(Mt. 28:1-10; Mr. 16:1-8; Jn. 20:1-10)

¹ J_og mi~ cangf̄ e j_mh̄ e jmi'íng' jaléng' dsea` Israel, j_og j_mh̄ la'uii~ quiá'- seamaan~ la'eẽ eáng jaléng' i dseamf̄ i cajalíng- cóo'~ Jesús catí Galilea do caleáb` catú- cangoliñ- fi' li~ si'aang` Jesús, j_og quiér jalé' j_mh̄ jmeafih̄ cóo'~gui jalé' noo~ jmeafih̄ e nicaguiar' guiá- lamí~ jééng'gui do quiá'- e si'í nisúuiñ- dsea` do. ² J_og mi~ caguiliñ- e too` j_íaa lí' ca'áng- Jesús, j_og cangár- e nisinab' e oo- ée` do, j_og cab' nir_oo` e cuu~ e cajní- mi~ ca'áng- dsea` do. ³ J_og cangotáam`bre fi' dsíí e ée` do, dsu' j_og cadséiñ' Jesús fi' dsíí j_og. ⁴ J_og mi~ cangá- i dseamf̄ do laj_og, j_og dsíng'- caf_oiñ' j_úí~ j_og ñir' e~ nijmér-. J_og lajee' j_og coo` cangá-bre e cajnéng- gáng- dseañu' quiá'- lac_og teáaiñ-, j_og i dseañu' do qui'r' 'mi' té' e j_i' jlo'^. ⁵ J_og dsíng'- caf_ong' i dseamf̄ do mi~ tí li~ cangáiñ- i dseañu' do, j_og catúuiñ' cartí ni~ uo^ dsu' e caf_oiñ' dsea` do. J_og uiba' café' i dseañu' do e caféiñ' i dseamf̄ do j_og cajíñ'-:

—¿Jiali' ngi'na' 'náng'na' jee~ jaléng' 'lih̄ i dsea` i j_i' lana? ⁶ Co' nicajíb'tur calé' catú-, j_oba'

jo` i seeng` fi` la. Téé` óo`na` jial cajíñ`- lamí` cateaaiñ` cóo`- 'nú` fi` Galilea, ⁷ mi` cajíñ`- e ír, dsea` cagüéiñ`- fi` jmi`güi` e jáar` fi` ñifi`- e líiñ` jaang` dsea` jmi`güi`, dseáng`- 'néb`- e nijáng`- dsea` ír` fi` jaguó` jaléng`- dsea` dsee`- dsea` qui` carti` nijnga`- dsea` do quiá`r`- fi` dse`- crúu`, jo` dsu` mi` nidsíng`- 'ni` jmi` lajo, nijib`- tur calé`- catú`-.

⁸ Jo` mi` canúu`- i` dseam` do e júu` na, joguiba` cadseng`- dsíir` jalé`- júu` quiá`- Jesús. ⁹ Jo` dsifi` lajob caquing`- tur, jo` cangojmée`r` júu` i` dsea` guijáng`- quiá`- Jesús cóo`- gui jaléng`- i` dsea` caguiaang`- gui do. ¹⁰ Jo` jaléng`- i` dseam` i` caguicóo`- júu` do siir` Yá` i` seeng` fi` Magdala, jaang`gui i` sii` Sihuoo`, jaang`gui i` sii` Yá` ni`quiá`- Tiáa~, jogui` quíim`- bi dseam` i` caguiaang`- gui cajo. ¹¹ Jo` mi` canúu`- i` dsea` guijáng`- do lado, ca`f` dsíir` e ngaam` i` dseam` do, jo` ja` ee` já`- calíiñ`- lajúi`- júu` e quíeeiñ`- do.

¹² Jo` dsu` T`u` Simón dsifib`- cangór`- güi`lí` e cangojóør` e fi` too` ée` do. Jo` mi` caguiér`- fi` jo, jo` catúuiñ` cajóør`- jo` cangár`- e jíi`- e 'mi` e caquing`- dsea` doba`- néé`gui. Jo` dsifi` ladob cangáng`- tur, jo` dsíng`- cangogá`- dsíir`- quiá`- jalé`- e cangár`- do.

*Mi` cangolíng`- gáng`- dsea` quiá`- Jesús fi` Emaús
(Mr. 16:12-13)*

¹³ Jo` e jmi` jo, gáng`- lajee`- la'ó`- i` dsea` i` cangi` cóo`- Jesús do cataiñ`- fi` e cangolíiñ`- fi` coo`- fi` lí` sii` Emaús e néé` guicó`- kilómetro lí`- lí` caluu`- fi` Jerusalén. ¹⁴ Jo` lajee`- teáng`- i` dsea` do fi`, jo` ngolíiñ`- síiñ`- quiá`- jalé`- e nicalí`- fi` Jerusalén lajee`- e jmi` jo. ¹⁵ Jo` lajee`- ngolíiñ`, cangoquíéng`- Jesús, jo` canaaíñ`- ngir`- colíng`- cóoiñ`- do. ¹⁶ Jo`

jóøm̄ i dsea` gánḡ do Jesús, dsu' ja` cangíiñ` fa' e calicuíñ` dsea` do ladsifí' lado. ¹⁷ Jo cajmingí' Jesús i dsea` gánḡ do jo casí' reiñ' jo cajíñ'⁻:

—¿Ē jalé' e siinḡ 'ná' lajee` teánḡ' na' fí? ¿Jiali' líng'na' fí'?

¹⁸ Jo jaanḡ i dseañu' do i nisii Cleofas cañir` quiá' Jesús, jo casí'r̄ dsea` do jo cajíñ'⁻:

—Lajim̄ dsea` niñir' jalé' e nicalí' fí Jerusalén lajee` e jmī e cangíng' na. Jo ¿su jíi' 'nub` dsea` guiin' fí Jerusalén e ja` ñí' jalé' e nicalí' fí jo?

¹⁹ Joba' cajmingí'tu Jesús quiá' i dsea` do jo cajíñ'⁻ casí' reiñ':

—¿Ē jalé' e nicalí' fí jo?

Joba' cañí' i dsea` gánḡ do jo cajíñ'⁻:

—Mó' jáa'naa' si~naa' jalé' e calínḡ Jesús i seenḡ fí Nazaret, jaanḡ dsea` 'gøng' i café' cuaiñ` quiá' Fidié', jo cajméer' jalé' e quí'r̄ jmī e dsigá dsí' dsea', jogui eáng' 'gøng' jalé' júu^ e café'r̄ cajo; ²⁰ jogui si~naa' jial cajmée' jaléng' fii~ jmidsea` cóo' gui jaléng' dseata` quí'ii' mi~ cajáñ' dsea` do fí jaguó' jaléng' dsea` fī e laco' niteáiñ` dsea` do fí dse' crúu^ cartí' nijngáng' neiñ'. ²¹ Jo jnea' nisita` dsí'naa' e íbre dsea` i nileánḡ jnea', dsea` lí'naa' dsea` góor' dsea` Israel. Jo dsu' lana ningóo' 'ní jmī e cangojée' jalé' e jo. ²² Jo cóo' tú' m̄ng' dseam̄ i quíng' jee~ jnea' nicaligulíñ' 'ma'ee' e fóiñ' jnea', co' nicangolíñ' e ja' mí jnea` røø' fí lí' ca'ánḡ dsea` do, ²³ jo dsu' jo` seenḡ i 'lī do e too' lí' ca'ír̄ do mi~ caguilíñ'. Joba' mi~ caquing'⁻ tur, quiéer' júu^ e cangáñ' ángeles quiá' Fidié' i cajíng'⁻ e nicajíb'tu Jesús calé' catú'. ²⁴ Jo lí' jo, cangolínḡ fí jo cóo' tú' m̄ng' dsea` i la'ó'

ngí cōo^l~naa' e fi' do, jō cangá⁻bre cajo dseáng^l-
jūi^l~ laco^l jūu[^] e quié^e i dseam^l do, jō dsu^l ja
cangáñ⁻ Jesús.

²⁵ Jōba' cajíng^l- Jesús casí^r- i dsea` gáng⁻ do:

—¡Sóng⁻ ja` iing[~] 'nú^l e ningáng^l'na' jalé^l ee^l
lí^l, jogui dsíng^l- jmí^hing^{na}' e já^l- nilíng^{na}' jalé^l
jūu[^] e caguaí^l jaléng^l dsea` i café^l cuaiñ[~] quiá^l-
Fidié[~] mali^l'gui eáang^l! ²⁶ Cō^l dseáng^l- 'né⁻ba' e
cangongíng⁻ Dsea` Jmáang⁻ jalé^l e jō ná⁻gui e
nidséng^l-tur calé^l catú⁻ fí ñifí⁻ quiá^r-.

²⁷ Jō dsifí^l ladob canaang^l Jesús e sí^r i dsea` gáng⁻
do jalé^l jūu[^] e fé^l uii[~] quiá^r- fí ni[~] jì quiá^l- Fidié[~],
jō canaaiñ[~] catí^l jūu[^] quiá^l- Moi[~] cōo^l~gui jalé^l jūu[^]
caguiee⁻gui e cajme^l i dsea` i café^l cuaiñ[~] quiá^l-
Fidié[~].

²⁸ Jō mali^h~gui lajō, mi[~] caguilíng⁻ i dsea` gáng⁻
do e fi^h lí[~] ngolíñ⁻ do, jō cajmée^l Jesús e lafa^l
e ngóo^lbir tí lí[~] huí^lgui, ²⁹ dsu^l i dsea` gáng⁻ do
cajmée^r e cajeb^l Jesús e fi^h do jō casí^l-reiñ^l do:

—La je[~] cōo^l~ jnea^l, cō^l nica^llóob⁻ eáang^l jō tí lí[~]
ni^l núub[^].

Jō mi[~] cajíng^l- i dsea` do lado, jō cajeb^l Jesús fí
lí[~] cajé^l i dsea` gáng⁻ do. ³⁰ Jō mi[~] tí lí[~] caguár^l e
nidó^r-ir[~] e canuu^l, jō catíng⁻ Jesús cōo^l iní^l jō
cacuø^r gui'máang^l Fidié[~], jō lí[~] jō caffíñ^l e iní^l do
jō cacuø^r i dsea` gáng⁻ do. ³¹ Jō mi[~] cajmée^l Jesús
lado, jōb mi[~] calí^l i dsea` gáng⁻ do e ni[~] dseáng^l-
Jesús i dsea` do. Jō dsu^l dsifí^l ladob cango^líng^l
dsea` do e laco^l gui'ná^l jøøm⁻bir. ³² Jō dsifí^l ladob
canaang^l i dsea` gáng⁻ do sí^l rúíñ^l:

—Lado 'mí⁻, lajee[~] tée^l'naa' fí, dsíng^l- cali^líáang^l
dsi^l'naa' mi[~] cajmea^r jneaa[~]aa' jūu[^] jalé^l e fé^l fí

ni~ jì quiá'- Fidiée~ uii~ quiá'r-, dsea` líiñ' Dsea` Jmáang-, ¿já^ já'-?

³³ Jo jo` cajmi`ñing~ yaang~ i dsea` gáng- do, co' dsifi' ladob caquing'-tur cangolíñ' fi' Jerusalén fi' lí~ caseáng'-tur cóo'~ jaléng' i dsea` guijáng` do cóo'~ gui dsea` caguiaang- i ngí cóo'r~ do. ³⁴ Jo dsifi' mi~ cangáng- rúñ', jo lalab cajíng'- i dsea` fíng' do jo casí'-reiñ':

—E já'-ba' e nicají'tu Fí'naa', co' Tú^ Simón nicangá- quiá'r-.

³⁵ Jo joguiba' cajmée` i dsea` gáng- do júu^ jalé' e calíñ- guiá' fi', jo jial calicuíñ' Jesús mi~ tí lí cafíng` dsea` do iñí' e nidø'r-.

*Mi~ cajmijnéng- 'ñia' Jesús fi' quini` dsea` quiá'r-
(Mt. 28:16-20; Mr. 16:14-18; Jn. 20 :19-23)*

³⁶ Jo lajee~ gui'ná'^ sím'bi i dsea` do jalé' e júu^ na, coo` cajném- Jesús jo casíng' 'ñia'r' jee~ jaléng' i dsea` do jo casí'-reiñ' do lala:

—Güiliseem` 'ná' juguíá- júu^ røø`.

³⁷ Jo mi~ cangáng- i dsea` do Jesús, dsíng'- caføiñ' jo canaaíñ' í dsír' e jøøiñ- jaang` dsea` guí`.

³⁸ Jøba' cajíng'- Jesús casí'r- jaléng' i dsea` do:

—¿Jialí' 'gó'na'? Jo ¿jialí' jmoo'na' e ja` já'- líng`na' e jnea~? ³⁹ Fíng na jøø-du' guóo` cóo'~ gui tíi, co' dseáng'- jneab~ la. Güing'na' jnea~ jogui jøøng`na' jnea~, co' jaang` dsea` guí ja` teáaiñ'- móo` o'gui sea` loo` táaiñ` laco' móo- 'ná' e sea` quié-e lana.

⁴⁰ Jo mi~ cajíng'- Jesús lado, jo ca'e'r' jaléng' i dsea` do lajì tú- guóor` cóo'~ gui tíir-. ⁴¹ Jo dsu' i dsea` do ja` já'- calím- bir uí' e dsíng'- dsigá` dsír'

jogui e íaang` dsíir' cajo. J_oba' cajíng'~ Jesús casí'r-
jaléng` i dsea` do:

—¿Su ja` ee` sea` cuó`jiu' d_ó_ø`ø lana?

⁴² J_oba' i dsea` do cacu_ø'r' Jesús ca'náang'~ 'ñu`
i cuíng` c_ó_ø`gui ca'ná`^ mi' e a` ta'. ⁴³ J_ø ca'ím`
Jesús e do, j_ø cag_ø`bre do fí' quini` jaléng` i dsea`
do. ⁴⁴ J_ø mi` cangoyúung'~ e cag_ø'r', j_ø casí'r-
jaléng` i dsea` do j_ø cajíñ`-:

—Lajalé` e nicalín`-n, e j_øb e cafíi`-i 'nú` lami`
cangí`naa' colíng` e dseáng'~ 'né` e nilitib` jalé` e
fé` uii` quíe` e fí' ni` jì` quía`- Fidiée` e cajme' Moi`
jogui fí' ni` jì` e cajme' dsea` i café` cuaiñ` quía`-
Fidiée` jogui e fé` fí' ni` jì` e sii` salmos.

⁴⁵ J_ø lí` j_ø, cajmée` Jesús e cangáng` jaléng` i dsea`
do jalé` e fé` fí' ni` jì` j_ø uii` quía`r-. J_ø lí` j_ø
casí`-reiñ` lala j_ø cajíñ`-:

⁴⁶ —Laj_øb too` fí' ni` jì` quía`- Fidiée` e dseáng`-
nisi'í`ba' e cajún`-n, jnea` dsea` lín`n Dsea` Jmáang`
i casíng` Fidiée` fí' jmíguí` la, j_ø mi` catí` 'ní` jmíi`
laj_ø, cajíb`'túu` calé` catú`-; ⁴⁷ jogui 'né` e nini`-
dsea` júu` quíe` e lac_ø` fíi` fí' la'úng` fí' jmíguí`, j_ø
'né` nináng` e j_ø catí` Jerusalén e lac_ø' niquí`- jíng`
yaang` dsea` fí' quini` Fidiée`, j_ø laj_øguíba' quí`-
jmíi` e ni'íng` dsee` quía`r-. ⁴⁸ J_ø 'núb` nicañí`-na'
jalé` e nicalín`-n. ⁴⁹ J_ø jnea` nicu_ø_ø` 'nú` e
cajíng'~ Tiquíe` e lami` jéeng`gui e nicu_ø'r` 'nú`,
dsu' fí' Jerusalén labi` 'né` já`na' cartí` ni'íng`-na' e
Jmíguí` 'g_øng` quía`- Fidiée` e jáa' fí' ñifí`, j_ø e j_øb e
nijmic_ó_ø` 'nú` lata`.

*Mi` cangáng`- Jesús fí' ñifí`
(Mr. 16:19-20)*

50 Jo mi~ cangî jo, cajéeng` Jesús i dsea` quiá'r-
do fí caluu` fii` Jerusalén, jo cangolíiñ` fí coo` lí`
sii` Betania. Jo mi~ caguiliñ` fí jo, jo casée` Jesús
guóor` fí yú` jo lajob cataiñ` güea` i dsea` quiá'r-
do. 51 Jo lajee` gui'ná`bî táíñ` güea` i dsea` quiá'r-
do, mi~ canaaiñ` soor` fí yú` e cangáiñ` fí ñiff`.
52 Jo dsu` lajaléng` i dsea` guijáng` do caquim`-tur fí
Jerusalén mi~ cangoyúung` e cajmiféiñ` dsea` do,
jo dsing`-iáang` dsíir` cangolíiñ`. 53 Jo mi~ cangî
jo, sojiéb` niteáaiñ` fí dsíi` sinúu` guá` e jmiféiñ`
Fidiée`.

Jo lajob nilí.

Jo lanab jíi` lí` júu` e cajme` Lucas.

Júu 'má e cacuo fidiée
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022

30c6f873-0dee-5863-8883-ba3c5eaa988c